

শব্দচন্দ্র

শ্রীকানাইলাল ঘোষ

দি প্রকাশনী

৮২, গোপীমোহন দত্ত লেন, কলিকাতা—৩

প্রকাশক—

শ্রীনিরঞ্জন কাক্সিলাল, এম. এ.

৮২, গোপীমোহন দত্ত লেন.

কলিকাতা—৩।

তৃতীয় পরিমার্জিত সংস্করণ

১৬ই পৌষ ১৩৬১।

প্রাপ্তিস্থান :

শ্রীশ্রুৎ লাইব্রেরী

২০৪, কৰ্ণওয়ালিশ ষ্ট্রীট,

কলিকাতা-৬

মুদ্রাকর :

শ্রীঅনাদিনাথ কুমার

উমাশঙ্কর প্রেস

১২, গৌরমোহন মুখার্জী ষ্ট্রীট,

কলিকাতা-৬।

তৃতীয় সংস্করণ

বইখানি কয়েক মাসের মধ্যে নিঃশেষিত হওয়ায় তৃতীয় সংস্করণ প্রকাশ করার প্রয়োজন দেখা দিল। এ সংস্করণে নূতন কিছু তথ্য সংযোজিত হল এবং পূর্ববর্তী সংস্করণের কিছু কিছু অংশ পরিমার্জিত করা হ'ল। বাংলা সাহিত্যের রসজ্ঞ পাঠক পাঠিকার নিকট নিবেদন যে, আমার পুস্তকের সমস্ত তথ্যই শরৎচন্দ্রের জীবনের সঙ্গে যারা ঘনিষ্ঠ ছিলেন, তাঁদের নিকট থেকেই সংগৃহীত। আমি কেবল সেই সমস্ত বিক্ষিপ্ত ঘটনাগুলিকে একত্রিত করে অতুল প্রতিভাধর শরৎচন্দ্র কি ভাবে পারিপার্শ্বিক আবেষ্টনীর বিরুদ্ধতা সবেও তাঁর প্রতিভার উজ্জল আলোকে বাংলার সাহিত্যাকাশ আলোকিত ক'রেছিলেন, তারই একটি চিত্র এর মধ্যে আঁকতে চেষ্টা করেছি। তবুও যদি কিছু ত্রুটি বিদ্যুতি দেখা দেয়, তাহলে মাতুষ শরৎচন্দ্রকে সত্যভাবে প্রকাশ করবার জন্য, সহৃদয় দেশবাসী যদি পত্র দ্বারা আমার ভুল সংশোধনে সাহায্য করেন, তাহ'লে আন্তরিক ভাবে তাঁদের সকলের কাছে কৃতজ্ঞ থাকবো।

খেপুত—পোঃ+গ্রাম, }
১৫ই পৌষ, ১৩৬১। }

বিনীত—

প্রম্বকার

নিবেদন

অমর বা অপরাঙ্কেয় কথাশিল্পী স্বর্গীয় শরৎচন্দ্র চট্টোপাধ্যায় মহাশয়ের পরিপূর্ণ জীবনী সংগ্রহ করা সত্যই দূরূহ ব্যাপার। যতটুকু সংগ্রহ ক'রতে পেরেছি, ততটুকুই এই ক্ষুদ্র রচনায় প্রকাশ করার আশ্রয় চেষ্টা ক'রেছি। সেটুকু যে সকলকে সন্তুষ্ট ক'রতে সমর্থ হ'বে সে কথা জোর দিয়ে বলার সামর্থ্য সত্যই আমার নেই। তবে এই প্রচেষ্টা যে সামান্যতম, এ বিষয়ে কোন সন্দেহই আমার রইলো না।

শরৎচন্দ্রের প্রিয় শিষ্য ও সঙ্গী সুসাহিত্যিক শ্রদ্ধেয় শ্রীমতী রেনুনাথ গঙ্গোপাধ্যায়, ভক্তবিপ্লবী শ্রীনীলরতন মুখোপাধ্যায়, বন্ধু ও একান্ত অমুগত শ্রীঅনুরূপনারায়ণ চট্টোপাধ্যায় প্রমুখ বিশিষ্ট ব্যক্তিগণের সহায়তায় ও আন্তরিকতায় তাঁর জীবনের বহু গোপন তথ্য সংগ্রহ করা সম্ভবপর হ'য়েছে।

শুধু এইটুকু ব'ললে — তাঁদের ব্যক্তিগত সাহায্যদানকে কৃপা করা হ'বে। তাঁরা কাহিনী দিয়েছেন এবং পাণ্ডুলিপিখানি আন্তরিকতার সঙ্গে প'ড়েও দেখেছেন।

অধ্যাপক শ্রদ্ধেয় শ্রীবুদ্ধদেব ভট্টাচার্য্য ম'শায়ও স্বয়ং শরৎচন্দ্র কথিত ১৬ কাহিনী দিয়ে এই রচনার শ্রীবৃদ্ধি-সাধনে সহায়তা ক'রেছেন। (ইনি ছিলেন তাঁর একান্ত অমুগত ও উৎসাহী একজন বিশিষ্ট বন্ধু)

শ্রদ্ধেয়া শ্রীমতী অনুরূপা দেবীও সেদিনের সেই অজ্ঞাত শরৎচন্দ্রের সঙ্গ-ফরপুর বসবাসের কাহিনী দিয়ে যথেষ্ট সাহায্য ক'রেছেন। তাঁর দেওয়া ছ'খানি গানও এই রচনায় সংযোগ করা হ'য়েছে।

শ্রীযুত নারায়ণদাস মুখোপাধ্যায় ছিলেন রেঙ্গুন সহরের একজন গ্যাতনামা উকিল। প্রথম জীবনে ইনি একই মেসে (বা হোঃটেলে) শরৎচন্দ্রের সঙ্গে বসবাস ক'রতেন। পর-জীবনেও শরৎচন্দ্রের সঙ্গে ছিল তাঁর বিশেষ বনিষ্ঠতার সম্বন্ধ। জাপানী আক্রমণের পর ইনি রেঙ্গুন ছেড়ে

ক'লকাতায় চ'লে আসতে বাধ্য হ'য়েছেন। স্বর্গীয় মণি মিত্র ম'শায় ও গত যুদ্ধের সময় ক'লকাতায় ফিরে আসেন। এঁরই সহায়তায় ও আন্তরিক স্নেহে, তিনি একাউন্টেট জেনারেল অফিসে চাকরী পেয়েছিলেন। এঁরা উভয়েই ব্রহ্মদেশে অবস্থানকালে শরৎচন্দ্রের জীবনের বহু তথ্য-সংগ্রহে সাহায্য ক'রেছেন।

ব্রহ্মদেশে অবস্থানকালে, শরৎচন্দ্র ব্যক্তিগত জীবনে যে ভিত্তি অভিজ্ঞতা সঞ্চয় ক'রেছিলেন,—তাঁর রচিত প্রতিটি ঘটনার মধ্যে সেই চিত্রই পরিস্ফুট হ'য়ে উঠেছে, আমরা দেখতে পেয়েছি।

স্বর্গীয় অদ্বৈত গিরীন্দ্র সরকার ম'শায় রচিত “ব্রহ্মদেশে শরৎচন্দ্র” নামক গ্রন্থে, তিনি যে সব কাহিনী বর্ণনা ক'রে গেছেন,—তাঁর সকল বিষয়বস্তুর সঙ্গে অনেকেই একমত হ'তে পারেননি। তাই যে কাহিনীর সঙ্গে সামঞ্জস্য দেখা গিয়েছে, সেগুলি শ্রদ্ধার সঙ্গে এই রচনায় সংগৃহীত হ'য়েছে, বিশেষ ক'রে তাঁর (গিরীন্দ্রবাবুর) রচনায় প্রকাশিত কয়েকটি গান। সেগুলি যে সত্য—তা প্রমাণ করা শুধু হুঁসাধা নয়, আমাদের শক্তির অভ্যুত বস্তুও বটে।

ব্যক্তিগত আপত্তি থাকায়, শরৎচন্দ্রের প্রথম জীবনের প্রণয়িনীর নাম ও তাঁর পরিচয়, আমরা তাঁরই রচিত উপন্যাসের নায়িকার নাম গ্রহণে বাধ্য হ'য়েছি। জানি না এ-প্রচেষ্টা আমার সহৃদয় দেশবাসীকে কতটুকু আনন্দ-দানে সমর্থ হবে।—বর্দি সত্যি তাঁরা ভূখি পান, আমরা এই ক্ষুদ্র প্রচেষ্টা ও শ্রম সার্থক ব'লে মনে ক'রবো।

এই রচনায় ত্রুটি থাকা কিন্তু অস্বাভাবিক বস্তু নয়! যদি সমুদয় পাঠক-পাঠিকা ও আমার স্বদেশবাসী এই শ্রদ্ধেয় মহাপুরুষের অজ্ঞাত জীবনের কোন অজানা তথ্য বা বিচিত্র কাহিনী সংগ্রহে সাহায্য ক'রেন এবং পরিপূর্ণ-জীবনী রচনায় সহায়তা করেন,—তাঁদের সেই দান সাদরে সংগৃহীত হ'বে। আশা করি, দেশবাসীর সে সহায়ত্বৃতি থেকে বিচ্যুত হ'বো না।

অদ্বৈত স্বপ্রসিদ্ধ নেতা স্বর্গীয় শরৎচন্দ্র বসু ম'শায়, শরৎচন্দ্রের রাজনৈতিক জীবনী রচনায় সাহায্য করার প্রতিশ্রুতি দিয়েছিলেন কিন্তু সে-আশা আমার ব্যর্থ হ'য়েছে। পরম-পুরুষ বিধাতার নির্দেশে, সে কাজ অপূর্ণ রেখেই তিনি অমরধামে যাত্রা ক'রেছেন। সেই অসমাপ্ত কাজ একা আমাকেই সম্পন্ন ক'রতে হ'য়েছে। অবশ্য এই কাজে আন্তরিক সাহায্য ক'রেছেন, সেদিনের বিপ্লব-পন্থী দলের নির্ভীক সৈনিক শ্রীযুত নীলরতন মুখোপাধ্যায় ম'শায়।

যোগাযোগ রক্ষায় আমায় আন্তরিক সাহায্য ক'রেছেন অদ্বৈত শ্রীযুত সুরেন্দ্রনাথ গঙ্গোপাধ্যায় ম'শায়ের সুযোগ্য্য কন্যা, অদ্বৈতা শ্রীমতী তিলোত্তমা দেবী, শ্রীকান্তচন্দ্র বসু ও সুর-শিল্পী শ্রীমনোজ মুখোপাধ্যায়।

অসাবধানতাবশতঃ ছাপায় দু' একটি ভুল ও ত্রুটি র'য়ে গেছে। অদ্বৈত পাঠক-পাঠিকা আমার সেগুলি নিম্নলিখিত সংশোধিত-রূপ পাঠে বাধিত ক'রবেন।

- (১) সৌরীন্দ্রনাথ—“সৌরীন্দ্রমোহন”
- (২) কারমাইকেল মেডিকেল কলেজ—“আর. জি. বসু মেডিকেল স্কুল”
- (৩) অপারেশন ক'রোছিলেন—“ললিতবাবু (ব্যানার্জী)”

খেপুত—পোঃ ও গ্রাম
জেলা—মেদিনীপুর
নেতাজী জন্মদিবস
২০শে জানুয়ারী, ১৯৫১

}

বিনীত—
প্রসূকার

দ্বিতীয় সংস্করণ

আমি খুবই দরিদ্র। বইখানির উপযুক্ত প্রচার আমার দ্বারা সম্ভবপর হয়নি। তবুও সর্বদিয়ে এটুকু প্রকাশ আজ না ক'রে পারি না যে, দেশবাসীর কতদূর শ্রদ্ধা ও প্রীতির পাত্র ছিলেন “অপরাজেয় কথানিল্লা” তার প্রমাণ পাওয়া গেল প্রথম সংস্করণটি নিঃশেষিত হওয়ায়। প্রথম সংস্করণে অনেকের মনে অনেক সন্দেহের দানা বেঁধেছিল—এ ঘটনাস্থলো কি সত্য? তাই, আজ পর্য্যন্ত যে যে প্রকাশিত পুস্তকের সঙ্গে ঘটনা ও বর্ণনার মিল আছে, সেগুলি শ্রদ্ধার সঙ্গে উদ্ধৃত ক'রে দিলাম প্রতিটি পাতায়। পাঠক সত্যাসত্য বিচার ক'রে নেবেন—এর বেশী বলার আমার কিছু নেই।

বর্ষা জীবন সম্বন্ধে কুতূহল বিদূরণের উদ্দেশ্যে, “বাতায়ন”-এ (২রা মাঘ সংখ্যা), ১৩৪৮, Justice Mr. A. N. Sen-এর বক্তৃতার সারাংশ (বঙ্গানুবাদ) উদ্ধৃত ক'রে দিলাম :

“শরৎচন্দ্র বর্ষায় আসেন ১৯০৩ সালে। অঘোরবাবুর মৃত্যু পর্য্যন্ত তাঁর কাছেই বসবাস করেন।...বর্ষা রেলের হিসাব পরীক্ষক মিঃ কে. বসুকে ধ'রে অঘোরবাবু ঐ অফিসেই শরৎচন্দ্রের একটি অস্থায়ী চাকরী জুটিয়ে দিয়েছিলেন। রেজুন গভর্নমেন্ট হাউসের ওভারসিয়ার শ্রীমানক প্রসাদ ভট্টাচার্য্যের গৃহেও কিছুদিন বসবাস করেন। রেল-অডিট অফিসে দেড় বৎসর কাজ করার পর কোন কারণে তিনি ইস্তফা দিতে বাধ্য হ'ন। এরপর আইনজ্ঞ হ'বার চেষ্টা ক'রেছিলেন কিন্তু বর্ষি ভাষার পরীক্ষায় উত্তীর্ণ হ'তে না পারায় উকীল হওয়ার সাধ অর্পূর্ণই থেকে যায়। রেল অফিস ছাড়ার পর নায়ায়ুনগেবিনের চালের ব্যবসাদার মিঃ পি. কে. মিত্রের অধানে একটা কাজ জোগাড় ক'রে নেন এবং ঐ স্থানেই রেল স্টেশনের ধারে শ্রীকৃষ্ণনার মুখোপাধ্যায়ের বাড়িতে দে-

সময়ে বাস ক'রতে থাকেন।...অল্পদিন পরে তিনি পাত্তাড়ি গুটিয়ে
সে-স্থান ত্যাগ করেন। তারপর বছর দেড়েক অধুনা পেগুর এড্‌ভোকেট
মিঃ এন. কে. মিত্রের বাড়ীতে থাকেন। এইখানে তিনি তাঁর মজলিস
খোসগল্লে লোককে অভিজ্ঞত ক'রে তোলার ক্ষমতার পরিচয় দেন।...
বর্ষার পাবলিক ওয়ার্কস্ একাউন্ট অফিসের সহকারী পরীক্ষক মিঃ এন্.
কে. মিত্রের সম্পর্কীয় ভাই ছিলেন মিঃ এম্. কে. মিত্র।...টম্পশন স্ট্রাটে
মিঃ মিত্রের বাড়ীতে এসে ওঠেন এবং মিঃ এন্. মিত্রের অফিসে, তিরিশ
টাকা মাসিক বেতনে তাঁরই অফিসে ১৯০৫ সালের জুলাই মাসে একটি
অস্থায়ী চাকরীর বন্দোবস্ত ক'রে দেন।...অতঃপর পাবলিক একাউন্টস্
অফিসের পরীক্ষকের সহায়তায় পেগুর এক্সিকিউটিভ ইঞ্জিনিয়ারের
অফিসে মাসিক ৫০/- টাকা বেতনে আগষ্ট মাসে একটি কাজ যোগাড়
ক'রতে সমর্থ হন। আড়াই মাস কাজ করার পর এ-চাকরী তাঁর টিকলো
না। ১৯০৬ সালের মার্চ মাস পর্যন্ত তাঁকে সম্পূর্ণ বেকার হ'য়ে বসে
থাকতে হ'য়েছিল। এপ্রিল মাসে পুনরায় তিনি ৫০/- টাকা মাহিনায়
পাব্লিক ওয়ার্কস্ একাউন্টস্ অফিসে নিযুক্ত হন। কাজে সন্তুষ্ট হ'য়ে
কর্তৃপক্ষ জুলাই মাসে মাইনে বাড়িয়ে দিলেন ৬৫/- টাকায়। একবছর পরে
মাইনে পুনরায় বেড়ে দাঁড়ালো ৮০/- টাকায়। ১৯০৯ সালের জুলাই
মাস থেকে বেতন ৯০/- টাকায় স্থায়ীভাবে বন্দোবস্ত হ'য়ে যায়। এই
বেতন ১৯১৬ সাল পর্যন্ত পেয়ে এসেছিলেন।...১৯১০ সালে স্থায়ীভাবে
কাজে গৃহীত হওয়ার জন্ত আবেদন ক'রেছিলেন কিন্তু বয়স তিরিশের
কোঠা পেরিয়ে যাওয়ায় সে আবেদন গ্রাহ্য হয়নি। আর তাঁর নিজেরও
এ-বিষয়ে কোন বিশেষ ঝোঁক ছিল না। ১৯১১-১২ সালের বর্ষা
পাবলিক ওয়ার্কস্ একাউন্টস্ অফিস একাউন্টেন্ট জেনারেল অফিসের
সঙ্গে যুক্ত হ'য়ে যাওয়ায় ১৯১২ সালের ফেব্রুয়ারী মাসে রেজুনের
একাউন্টেন্ট জেনারেল অফিসে চলে আসেন।...নায়ায়ুগ্গেবিনে থাকা-

কালে তিনি অসুস্থ হয়ে পড়েন। ১৯০৭ সালের নভেম্বরে অস্ত্রোপচারের জন্য তিন মাসের ছুটিতে কলকাতায় এসেছিলেন এবং ফেব্রুয়ারীতে ফিরে গিয়েছিলেন। ১৯১২ সালের অক্টোবরে ডাক্তারী সার্টিফিকেট নিয়ে কলকাতা এসেছিলেন—ফিরেছিলেন নভেম্বরে। ১৯১৪ সালের জুন মাসে পুনরায় ছুটি নিয়ে কলকাতায় এসেছিলেন এবং ঐ সালেই কাজে যোগ দিয়েছিলেন। ১৯১৬ সালের এপ্রিলে কাজে ইস্তফা দিয়ে কলকাতায় পাড়ি দিয়েছিলেন।”

হিরণ্ময়ী দেবীর বিবাহ সম্বন্ধে অনেকেই অনেক রকম সন্দেহ প্রকাশ করেন। শুধু এটুকু ব’লেই আমি আমার নিবেদন শেষ ক’রতে চাই যে, হিরণ্ময়ী দেবীকে তিনি আত্মষ্ঠানিক বিবাহ-বন্ধনে বদ্ধ ক’রতে পারেননি—তার প্রধান কারণ, তিনি (হিরণ্ময়ী দেবী) প্রথম জীবনে ছিলেন বালবিধবা। তাঁর সংস্কার ছিল, পুনঃ আত্মষ্ঠানিক বিবাহে হয়ত তাঁর (শরৎচন্দ্রের) কোন জীবন-সংশয়ের কারণ হ’তে পারে। তিনি ব’লতেন—অমুক জজের মেয়ে দ্বিতীয়বার বিয়ে ক’রে পুনরায় বিধবা হ’য়েছেন সুতরাং আমি প্রথমে কালিঘাটে মায়ের পূজা না দিবে কিছুতেই সিঁদুর প’সবো না! বন্দী থেকে ফিরে সে কাজ তিনি প্রথমে ক’রেছিলেন, এবং শিবপুরে একটা আত্মষ্ঠানিক বিবাহের আয়োজন করা হ’য়েছিল। সে আত্মষ্ঠানের পুরোহিত ছিলেন হাওড়া-নিবাসী শ্রীঅঙ্কুর নারায়ণ চট্টোপাধ্যায়। তিনি এতদন্ত জীপিত। ইচ্ছা ক’রলে এবিষয়ে দেশবাসী তাঁদের কুতূহল বিদূরিত ক’রতে পারেন। এ-ছাড়া শরৎচন্দ্র তাঁর উইলে, নিজেই হিরণ্ময়ী দেবীকে “স্ত্রী” ব’লে স্বীকার ক’রে গেছেন, সুতরাং এ-প্রশ্নের যবনিকা পতন এখানে হওয়াই বাস্তবীয়।

এই সংস্করণে যীরা আমার সাহায্য ক’রেছেন ও যে পুস্তকগুলি থেকে সাহায্য গ্রহণ ক’রেছি, সেই সব পুস্তকের গ্রন্থকর্তাদের নাম শ্রদ্ধার সঙ্গে উল্লেখ ক’রে দিলাম।

অধ্যাপক শ্রীযুত পঞ্চানন চক্রবর্তী, অধ্যাপক শ্রীযুত মণীন্দ্রনাথ ব্যানার্জী, অধ্যাপক শ্রীযুত মুকুন্দবিহারী মিত্র, অধ্যাপক শ্রীযুত রথীন্দ্রনাথ রায়, কথালিনী ও অধ্যাপক শ্রীনারায়ণ গঙ্গোপাধ্যায়, স্মৃতিচিহ্নিত্যক শ্রীরঞ্জন কুমার সেন, ব্রহ্ম-প্রবাসী ইঞ্জিনিয়ার শ্রীযুত সি. কে. সরকার, কলিকাতা কম্পোজিশনের কলেজের শ্রীযুত সতীশচন্দ্র চক্রবর্তী (অধুনা অবসর-প্রাপ্ত ও কিরণশঙ্কর রায়ের ঘনিষ্ঠ বন্ধু) ও ব্রহ্ম-প্রবাসী শ্রীযুত জ্যোতিষচন্দ্র চট্টোপাধ্যায় মহাশয় (১৯১১-১৪) ও সিটি কলেজ লাইব্রেরীর সমুদয় ভারপ্রাপ্ত কর্মচারীবৃন্দ । এঁদের প্রত্যেকের কাছে আমি আজীবন রুতজ্ঞতাশাশে বদ্ধ রইলাম । এখানে প্রকাশ পাকা উচিত, শরৎচন্দ্রের রাজনৈতিক জীবনী সম্বন্ধে যেটুকু আলোচনা প্রথম সংস্করণে ক'রেছিলাম, তার মধ্যে যেটুকু ফাঁক থেকে গিয়েছিল, শচীনন্দনবাবুর বইখানি সেই ফাঁক বিদূরণে সাহায্য ক'রেছে । ব্যক্তিগতভাবে আমি শচীনন্দনবাবুর কাছে চিরকৃতজ্ঞ ।

কলিকাতা বিশ্ববিদ্যালয়ের থয়রা অধ্যাপক, বাংলা সাহিত্যের শ্রেষ্ঠ সমালোচক ও ইতিহাসকার ডক্টর শ্রীমুকুন্দ সেন, এম. এ., পি. আর. এস., পি. এইচ. ডি. মহাশয়ের এই গ্রন্থখানি সম্পর্কে অভিমত, বহুমান্ত শিরোভূষণরূপে প্রথমেই মুদ্রিত ক'রলাম । তাঁর মত গুণী ব্যক্তির কাছ থেকে যে অভিমত পেলাম, সেটা আমার শ্রেষ্ঠ পুঙ্খার । ব্যক্তিগতভাবে তাঁর কাছেও আমি চিরবাকী রইলাম ।

অন্ধ্রের শ্রীযুত উপেন্দ্রনাথ গঙ্গোপাধ্যায় মহাশয় লিখিত চিঠিখানি দ্বারা বিশেষ উপকৃত হ'য়েছি ও যথাসাধ্য তাঁর নির্দেশ মেনে চলতে চেষ্টা ক'রেছি । তাঁর কাছেও কৃতজ্ঞ রইলাম ।

পোঃ ও গ্রাম—খেপুত }
৩১ শে ভাদ্র, ১৩৬১ }

বিনোত—
গ্রন্থকার

Council of Post-Graduate
Teaching in Arts.
Asutosh Building
Calcutta.

২১. ৯. ৫৯.

“কাব্য পড়ে যেমন ভাব, কবি তেমন নয় গো”—একথা লেখক-বিশেষে যেমন ভাবেই খাটুক শরৎচন্দ্রের বিষয়ে তেমন খাটে না। শরৎচন্দ্র নিজের তাঁর গল্প-উপন্যাসের চেয়ে কম ইণ্টারেস্টিং ছিলেন না। কিন্তু শেষের কয় বছর ছাড়া তাঁর জীবন সম্বন্ধে খাঁটি খবর তাঁর অনুরাগী পাঠকেরা সাধারণত বিশেষ কিছুই জানেন না। ছেলেবেলা থেকে শরৎচন্দ্র আত্মগোপনকারী ছিলেন, তার কারণ মনে হয় নিজেদের সংসারের অস্বচ্ছলতা ও অভিভাবক-শাসনের কঠোরতা। লেখক-রূপে শরৎচন্দ্র যখন সত্য-আবির্ভূত তখন তাঁর সম্বন্ধে কারো কিছুই জানা ছিল না। এর একটা ফল ভাল হ’য়েছিল বলে মনে করি। একেবারে অজানা লেখক ব’লে তাঁর রচনার সম্বন্ধে বিরুদ্ধ মতামত প্রথম থেকেই ঘোঁটি পাকাবার সুযোগ পায়নি। অনেককাল ধ’রে শরৎচন্দ্র স্বচ্ছন্দে লেখবার অবকাশ পেয়েছিলেন।

নিজের প্রথমজীবন সম্বন্ধে শরৎচন্দ্র এখানে ওখানে একটু আধটু কথা ব’লেছেন। তাঁর আত্মায়ও কেউ কেউ তাঁর প্রথমজীবন সম্বন্ধে সাধারণ পাঠকের কোতূহল মেটাতে চেষ্টা ক’রেছেন। বর্ষায় তাঁর জীবন ও আচরণ সম্বন্ধেও অল্পসল্প তথ্য জানা গেছে তাঁর পত্রাবলী ও অন্যান্য উপাদান থেকে। অনেকে তাঁর প্রথমদিককার গল্প-উপন্যাস থেকেও তাঁর জীবনকাহিনী নিষ্কষিত ক’রে থাকেন। এই সব নিয়ে এবং আরো বেশ কিছু মাল-মশলা জোগাড় ক’রে শ্রীযুক্ত কানাইলাল ঘোষ এই “শরৎচন্দ্র”

বইখানি লিখেছেন। কানাইবাবুর ব্যাবহৃত উপাদান সম্বন্ধে সংশয় যদি কেউ না তোলেন, তবে বইখানিকে বাংলায় একটি উৎকৃষ্ট জীবনী ব'লতেই হবে।

কানাইবাবু যথেষ্ট খেটেছেন বইখানির জন্তে। কিন্তু সেইটাই একমাত্র কথা বা বড় কথা নয়। ইনি যা বলতে চেয়েছেন তা বলেছেন সোজাসৃজি, স্পষ্ট করে। এঁর ভাষা সরল, বর্ণনা উপভাসের ধাঁচে— প্রায় সিনেমার মিতভাষী টেকনিকে। সবুজ বইখানি বেশ সুখপাঠ্য হয়েছে। অতএব এই পরিবর্তিত ও পুনর্লিখিত দ্বিতীয় সংস্করণটিও প্রথম সংস্করণের জনপ্রিয়তা লাভ ক'রবে এমন আশা রাখি। শরৎচন্দ্র সম্বন্ধে যার কিছুও কৌতূহল আছে, তিনি কানাইবাবুর বইটি উপেক্ষা করতে পারবেন না।

শ্রীস্বকুমার সেন

ভূমিকা

শরৎচন্দ্রের জীবনী সম্বন্ধে ভূমিকা রচনা শুধু ধৃষ্টতা নয়, বাতুলতাও বলা যেতে পারে নিঃসন্দেহে। তবে যতটুকু প্রকাশ থাকা উচিত সেটুকু যথাস্থানে উদ্ধৃত না থাকলে যে অঙ্গহানি হ'য়ে যায়—সে-বিষয়ে কোন দ্বিমত থাকাও উচিত নয়।

তাই তাঁরই ভাষার ছন্দ নিয়ে উদ্ধৃত ক'রে কর্তব্য শেষ ক'রলাম :

“আমার শৈশব ও যৌবন ঘোর দারিদ্র্যের মধ্য দিয়ে অতিবাহিত হ'য়েছে। অর্থের অভাবেই আমার শিক্ষালাভের সৌভাগ্য ঘটেনি। পিতার নিকট হ'তে অস্থির স্বভাব ও গভীর সাহিত্যানুরাগ ব্যতীত আমি উত্তরাধিকারস্থত্রে আর কিছুই পাইনি। পিতৃদত্ত প্রথম গুণটি আমাকে বরছাড়া ক'রেছিল। অল্প বয়সেই সারা ভারত ঘুরে এলাম। আর পিতার দ্বিতীয় গুণের ফলে জীবন ভ'রে আমি কেবল স্বপ্ন দেখেই গেলাম। পিতার আমার পাণ্ডিত্য ছিল অগাধ। ছোট গল্প, উপন্যাস, নাটক, কবিতা—এক কথায় সাহিত্যের সকল বিভাগেই তিনি হাত দিয়েছিলেন, কিন্তু কোনটাই তিনি শেষ ক'রতে পারেননি। তাঁর লেখাগুলি আজ আমার কাছে নেই—কবে কেমন ক'রে হারিয়ে গেছে, সে-কথা আজ মনে পড়ে না। কিন্তু এখনও স্পষ্ট মনে আছে, ছোট-বেলায় কতবার তাঁর অসমাপ্ত লেখাগুলি নিয়ে ঘণ্টার পর ঘণ্টা কটিয়ে দিয়েছি। কেন তিনি এগুলি শেষ ক'রে যাননি এই ব'লে কত দুঃখই না ক'রেছি। অসমাপ্ত অংশগুলি কি হ'তে পারে ভাবতে ভাবতে আমার অনেক বিনিদ্র রজনী কেটে গেছে। এই কারণেই বোধ হয় সতের বৎসর বয়সের সময় গল্প লিখতে শুরু করি। কিন্তু কিছুদিন বাদে গল্প-রচনা অকেজোর কাজ মনে ক'রে আমি অভ্যাস ছেড়ে

দিলাম। তারপর অনেক বৎসর চ'লে গেল। আমি যে কোনকালে একটি লাইনও লিখেছি, সেকথাও ভুলে গেলাম।

আঠার বৎসর পরে একদিন লিখতে আরম্ভ ক'রলাম। কারণটা দৈব-দুর্ঘটনারই মত। আমার গুটিকয়েক পুরাতন বন্ধু একটি ছোট মাসিকপত্র বের ক'রতে উদ্যোগী হ'লেন। কিন্তু প্রতিষ্ঠাবান্ লেখকদের কেউ-ই এই সামান্য পত্রিকায় লেখা দিতে রাজি হ'লেন না। নিরুপায় হ'য়ে তাঁদের কেউ-কেউ আমাকে স্বরণ ক'রলেন। বিস্তর চেষ্টায় তাঁরা আমার কাছ থেকে লেখা পাঠাবার কথা আদায় ক'রে নিলেন। এটা ১৯১৩ সনের কথা। আমি নিমরাজি হ'য়েছিলাম। কোন রকমে তাঁদের হাত থেকে রেহাই পাবার জন্তেই আমি লেখা দিতেও স্বীকার ক'রেছিলাম। উদ্দেশ্য, কোন রকমে একবার রেঙ্গুন পৌছতে পারলেই হয়। কিন্তু চিঠির পর চিঠি আর টেলিগ্রামের তাড়া আমাকে অবশেষে সত্যসত্যই আবার কলম ধ'রতে প্ররোচিত ক'রলো। আমি তাঁদের নব-প্রকাশিত 'ঘনুনা'র জন্য একটি ছোট গল্প পাঠালাম। এই গল্পটি প্রকাশ হ'তে না হ'তেই বাংলার পাঠক-সমাজে সমাদর লাভ ক'রলো। আমিও একদিনেই নাম ক'রে ব'সলাম। তারপর আমি অত্যাধিক নিয়মিতভাবে লিখে আসছি। বাদশাহাদেশে বোধ হয় আমিই একমাত্র সৌভাগ্যবান্ লেখক—যাকে কোনদিন বাধার দুর্ভোগ ভোগ ক'রতে হয়নি।" ["শ্রীকান্তে"র ইংরাজী অনূবাদের ভূমিকা]

"...সংসারে যারা শুধু দিলে, পেলে না কিছুই, যারা বঞ্চিত, যারা দুর্বল, উৎপীড়িত, মানুষ্য হ'য়েও মানুষ্যে যাদের চোখের জলের কখনও হিসাব নিলে না, নিরুপায় দুঃখময় জীবনে যারা কোনদিন ভেবেই পেলে না সমস্ত থেকেও কেন তাদের কিছুতেই অধিকার নেই, এদের কাছেও কি ঋণ আমার কম? এদের বেদনাই দিলে আমার মুখ খুলে, এরাই পাঠালে আমাকে মানুষের কাছে মানুষের নালিশ জানাতে। 'তাদের'

প্রতি কত দেখেছি অবিচার, কত দেখেছি কুবিচার, কত দেখেছি
নির্বিচারের দুঃসহ সুবিচার। তাই আমার কারবার শুধু এদেরই নিয়ে।
সংসারে সৌন্দর্যে-সম্পদে-ভরা বসন্ত আসে জানি; আনে সঙ্গে তার
কোকিলের গান, আনে প্রসুতিত মল্লিকা-মালতী-জাতী-মুখি, আনে
গন্ধ-বাকুল দক্ষিণা-পবন; কিন্তু যে আবেষ্টনে, দৃষ্টি আমার আবদ্ধ
রয়ে গেল তার ভিতরে ওরা দেখা দিলে না। ওদের সঙ্গে ঘনিষ্ঠ
পরিচয়ের সুযোগ আমার ঘটলো না। সে দারিদ্র্য আমার লেখার
মধ্যে চাইলেই চোখে পড়ে। কিন্তু অন্তরে যাকে পাইনি, শ্রুতি-মধুর
শব্দরাশির অর্থহীন মালা গাঁথে তাকেই পেয়েছি ব'লে প্রকাশ ক'রবার
মুঠতাও আমি করিনি। এমনি আরও অনেক কিছুই—এ-জীবনে যাদের
তত্ত্ব খুঁজে মেলিনি, স্পর্ধিত অবিনশ্বে মর্যাদা তাঁদের ক্ষুণ্ণ করার অপরাধও
আমার নেই। তাই সাহিত্য-সাধনার বিষয়-বস্তু ও বক্তব্য আমার বিস্তৃত
ও ব্যাপক নয়, তারা সঙ্কীর্ণ, স্বল্প-পরিসরবদ্ধ। তবুও এটুকু দাবী করি,
অসত্যে অমুদ্রিত ক'রে তাদের আজও আমি সত্যপ্রতি করিনি।”
[৫৭তম জন্মদিন উপলক্ষে টাউন-হলে স্বদেশবাসীর অভিনন্দনের
প্রতিভাষণ]

পরিচিতি

২৪-পরগণার “মামুদপুরে” ছিল তাঁর পৈত্রিক-বাসভূমি। মতিলাল-
বাবু হুগলী জেলার “দেবানন্দপুরে” (মামার বাড়ীতে) বসবাস ক'রতেন।
বৈকুণ্ঠবাবুর (মতিলালবাবুর বাবা) অকাল-মৃত্যুর পর হালিসহর নিবাসী
রামধন গাঙ্গুলীর কাছে মতিবাবুর মা ছেলেকে সঁপে দিয়ে এসেছিলেন।
তিনি (রামধনবাবু) তাঁর বড় ছেলে কেদারনাথ গাঙ্গুলীর মেজ মেয়ে
ভুবনমোহিনী দেবীর সঙ্গে বিয়ে দিয়ে ভাগলপুরে বসবাসের ব্যবস্থা
ক'রে দেন। ভুবনমোহিনী দেবী যতদিন জীবিত ছিলেন ততদিন তিনি

(মতিবাবু) ঘর-জামাইরূপেই বসবাস ক'রেছিলেন। তাঁর মৃত্যুর পর খঞ্জরপুরে তিনি একটি বাসা ভাড়া নিয়ে বসবাস করেন। সেখানেই তাঁর মৃত্যু হয়। ভাগলপুরে প্রথমে একটি মেয়ে জন্মায়। তিনিই শরৎচন্দ্রের দ্বিদি অনিলাদেবী। পরের সন্তানটি ভূমিষ্ঠ হ'য়েই মারা যায়। তাই সংস্কারবশে, সন্তানলাভ ও তার দীর্ঘ-আয়ু কামনায় ভুবন-মোহিনীকে কয়েকমাস দেবানন্দপুরে পাঠানো হয়। সেখানেই শরৎচন্দ্রের জন্ম হয় (১৫ই সেপ্টেম্বর, ১৮৭৬; বাংলা ৩১শে ভাদ্র, ১২৮০)।

সংক্ষিপ্ত ঘটনাপঞ্জী

১৮৭৬—১৫ই সেপ্টেম্বর, ৩১শে ভাদ্র, ১২৮০—জন্ম। ১৮৭৭-৮৬—ভাগলপুর ও দেবানন্দপুরে বাল্য ও কৈশোর যাপন। ১৮৮৭—ভাগলপুরে ছাত্রবৃত্তি পরীক্ষায় পাশ ও টি. এন. জুবিলী কলেজিয়েট স্কুলে প্রবেশ। ১৮৯৩—হুগলী ব্রাঞ্চ স্কুলে ২য় শ্রেণীর ছাত্র। সাহিত্য সাধনার সূত্রপাত। ১৮৯৪—ব্রাঞ্চ স্কুলে ১ম শ্রেণীতে পাঠকালে ভাগলপুরে পুনঃগমন ও টি. এন. জুবিলী স্কুলে পুনঃপ্রবেশ। ২য় বিভাগে এন্ট্রান্স পাশ (ডিসেম্বর)। সাহিত্য-সভার সৃষ্টি ও নেতৃত্ব। প্রথমে “শিশু” পরে “ছায়া” নামে হাতে-লেখা মাসিক পত্রিকা পরিচালনা। ১৮৯৫-৯৬—টি. এন. জুবিলী কলেজে এফ. এ, ক্লাসে যোগদান। মাতার মৃত্যু (নভেম্বর)। পড়াশুনায় ইন্তফ। ১৮৯৬-৯৯—খেলাধুলা, সাহিত্য-চর্চা, আদমপুর ক্লাবে অভিনয় ও বনেনী-এষ্টেটে চাকুরী। ১৯০০-১৯০২—সন্ন্যাসী বেশে দেশ-ভ্রমণ, মজঃফরপুরে অবস্থিতি। প্রমথনাথ ভট্টাচার্যের সঙ্গে বন্ধুত্ব। পিতার মৃত্যু, আত্মাদি শেষ ও কলকাতায় আগমন। ১৯০৩—বর্ষা যাত্রা (জাহ্নবারী); কুস্তলীন পুরস্কার লাভ। ১৯০৫—সোসাম'শায় অধোরনাথের মৃত্যু (৩০শে জাহ্নবারী), মৌলমিন পেগুতে, ও পরে

রেনুনে চাকুরী। ১৯০৭—ভারতী পত্রিকায় “বড়দিদির” আত্মপ্রকাশ ও ক’ল্কাতায় আগমন (নভেম্বর)।

১৯১২—ক’ল্কাতায় আগমন (অক্টোবর-ডিসেম্বর)। বমুনায় “বোঝার” স্তভাগমন। ১৯১৩—বমুনায় নিয়মিত রচনাদানের স্বীকৃতি। “রামের স্মৃতি”, “পথ-নির্দেশ” ও “বিন্দুর ছেলে” প্রকাশ। পুস্তকাকারে “বড়াদিদি”, ভারতবর্ষে—“বিরাজ বোঁ”। ১৯১৪—বমুনায় সম্পাদক (জুন), ক’ল্কাতায় আগমন। ১৯১৫—বমুনায় সম্পর্ক ত্যাগ, ভারতবর্ষে যোগদান। ১৯১৬—স্বাস্থ্য-হানি ও কর্মত্যাগ। ক’ল্কাতায় আগমন ও বাজেশিবপুরে অবস্থিতি। ১৯১৭—বহুমতী কর্তৃক গ্রন্থাবলী প্রকাশের সূচনা। ১৯২১—কংগ্রেসে যোগদান। ১৯২২—শ্রীকান্তের ১ম পর্ব ইংরেজী অনুবাদ প্রকাশ (অক্সফোর্ড ইউনিভারসিটি প্রেস)। ১৯২৩—“জগন্নারীণী” পদক লাভ। ১৯২৪—“রূপ ও রস” নির্মলচন্দ্র চন্দ্র সহযোগে সম্পাদনা (৪ঠা অক্টোবর)। ১৯২৫—ঢাকা, মুন্সীগঞ্জে বঙ্গীয় সাহিত্য সম্মিলনে সাহিত্য শাখার সভাপতিত্ব (১০-১১ এপ্রিল)—পাণিগ্রাসে গৃহ নির্মাণ। ১৯২৭—ইটালীয় অনুবাদ পাঠে (শ্রীকান্ত ১ম পর্ব) রম্যা রলী কর্তৃক পৃথিবীর “প্রথম শ্রেণীর” উপন্যাসিকের সম্মান দান। ১৯২৮—৫৩তম জন্মদিন উপলক্ষ্যে ইউনিভারসিটি ইনষ্টিটিউটে দেশবাসীর সন্মিলন (সেপ্টেম্বর)। ১৯২৯—মালিকান্দা অভয় আশ্রমে বিক্রমপুর যুবক ও ছাত্র সম্মিলনের সভাপতিত্ব (১৫ই ফেব্রুয়ারী), রংপুরে বঙ্গীয় যুব-সম্মিলনের সভাপতিত্ব (৩০শে মার্চ)। ১৯৩১—রবীন্দ্র-জয়ন্তী উপলক্ষ্যে সাহিত্য-সম্মিলনে সভাপতিত্ব (ডিসেম্বর)। ১৯৩২—টাউন-হলে নাগরিক ও সাহিত্যিকগণের পক্ষ থেকে অভিনন্দন (১৮ই সেপ্টেম্বর)। ১৯৩৪—ফরিদপুর সাহিত্য-সম্মিলনের মূল সভাপতি (২৭শে জানুয়ারী), বঙ্গীয় সাহিত্য-পরিষদের “বিশিষ্ট সদস্য” (জুলাই)। অশ্বিনী দত্ত রোডে গৃহ নির্মাণ ও প্রবেশ। ১৯৩৬—

সাম্প্রদায়িক বাঁটোয়ারার প্রতিবাদ-কল্পে টাউন-হলে উদ্বোধন-বক্তৃতা (৩১ই জুলাই) ও আলবার্ট-হলে সভাপতিত্ব । ঢাকা বিশ্ববিদ্যালয় কর্তৃক “ডি.-লিট” উপাধি দান । ঢাকা মুসলিম সাহিত্য সমাজে সভাপতিত্ব (৩১ জুলাই) ; ৬১তম জন্মদিন উপলক্ষ্যে রবীন্দ্রনাথ কর্তৃক অভিনন্দিত (২৫ আশ্বিন) । ১৯৩৮—পার্ক নার্সিংহোমে, ৬২ বৎসর বয়সে মৃত্যু (১৬ই জানুয়ারী, ১৩৯৮, ২রা মাঘ, ১৩৪৪) ।

২২নং মানিক সরকার ঘাট রোড

ভাগলপুর

তাং—১৫ই কান্তিক, ১৩৫৬

শরৎচন্দ্রের সংগে আমার যে পারিবারিক সম্পর্ক আছে অর্থাৎ আমি “দূর-সম্পর্কে”র মামা আর তিনি আমার বয়োজ্যেষ্ঠ ভায়ে—এই বিচারে ধারা কিছু বলেন, কি লেখেন তাঁরা আমাদের দু’জনের ওপরেই কিছুটা হয়তো তাঁদের অজ্ঞাতেই অবিচার করেন ।

আমাদের দু’জনের মধ্যে একটা নিবিড় ঘনিষ্ঠতা ছিল । শৈশবে তাঁর চেলা এবং সাক্ষরদ ছিলাম । পরিণত বয়সে আমাদের মধ্যে একটা গাঢ়-বন্ধুত্ব জন্মায় ।

শরৎচন্দ্রের মা ভুবনমোহিনী দেবীকে আমরা মেজদিদি বোলতাম । তিনি আমাদের জ্যেষ্ঠাম’শায়ের দ্বিতীয়া কন্যা ছিলেন । সেকালে একান্নবর্তী পরিবারের এই রকম ব্যবস্থাই ছিল । ফলে, পার্থক্য বোধটাকে স্তিমিত করাই হোত !

আমার জন্মের অল্পদিন পরে, আমার মাতাঠাকুরাণীর সন্তান-সন্তাননা হওয়াতে এবং মেজদিদির শরতের জন্মের পর একটি সন্তান মারা যাওয়াতে মেজদিদির শুশ্রূষা-পানের সুযোগ এবং সৌভাগ্য ঘটেছিল

আমার। আমার শৈশব কেটেছিল শরৎচন্দ্রের ঘরে, লালনে পালনে। মেজদিদি চিরকালই আমাকে তাঁর দেওয়া “ফুটি” নামেই ডাকতেন।

এই স্ত্রে আমাদের মধ্যে সম্পর্ক ছাড়িয়ে ভ্রাতৃত্বভাও হয়তো গোড়ে উঠেছিল। নৈলে, তাঁর অনেক মামা কোলকাতায় থাকলেও—অসুস্থ হোয়ে আমাকে সেবার জন্তে ভাগলপুর থেকে ডেকে পাঠিয়েছিলেন কেন প্রকাশচন্দ্রের মারফৎ তা তিনিই বোলতে পারেন!

শরৎচন্দ্রের জীবনের অবসান হয় আমার কোলে। তাঁর সংগে বহুতরভাবে মেলামেশার জন্ত তাঁর জীবনের কাহিনী এবং রহস্য-জানার অবসর এবং সৌভাগ্য ঘোটেছিল আমার। তিনি কোন কথাই প্রায় গোপন কোরতেন না আমার কাছে।

শরৎচন্দ্রের জীবনী বিবৃতির সময় এইকথা মনে রেখেই কাজ ক’রেছি। স্বকপোল কল্পনার স্থান হয়নি বোলেই আমার দৃঢ় বিশ্বাস।

ইতি—

শ্রীসুরেন্দ্রনাথ গঙ্গোপাধ্যায়

ধু' ধু' ক'রছে মাঠ, এক মুঠো চাল নেই ঘরে, গ্রামবাসী যখন সহজ জীবন যাপনের পাথেয় সন্ধানে ব্যাকুল, জমিদারসাহেবের নায়েবম'শায় ঠিক সেই সময়েই—পাইক ও দরোয়ান সঙ্গে নিয়ে হানা দিলেন প্রতিটি ঘরে।

গ্রামবাসীরা নিরুপায়—অসহায়। মিনতি জানালো—থেতে পাইনি হ'জুর—খাজনা দেবো কিসে ?

নায়েবম'শায় ক্রোধে কেটে প'ড়লেন। ব'ললেন—জমি যখন দখল ক'রে বসে আছ, খাজনা তখন দিতেই হবে। না পারো, ঘটিবাটি যা কিছু সঞ্চাল আছে, বিক্রী করো—

তাদের মধ্য থেকে একটি বলিষ্ঠ যুবক সাম্নে এগিয়ে এসে দাঁড়ালো। শাস্ত্র কণ্ঠে জিজ্ঞাসা ক'রলো—তারপর ?

নায়েবম'শায় সদন্তে বাকীটুকু শেষ ক'রলেন—দিয়েগুয়ে বাঁচে, বেঁচো, নইলে—শনের দড়ি কিংবা পুকুরের জলের ত অভাব নেই !

পাশের দরোয়ান ও পাইকদের দিকে মুখ ফিরিয়ে পরযুদ্ধভর্তে কি বেন একটা ইঙ্গিত ক'রলেন। তারা হুকুমের দাস। চকিতে লাফিয়ে প'ড়লো সাম্নের নিরপরাধী একজন লোকের 'পরে।

নায়েবম'শায় গলাটা পরিষ্কার. ক'রে নিয়ে উৎসাহিত কণ্ঠ ব'ললেন—আচ্ছা ক'রে পাকাড় লেও।

যুবক ধৈর্য ধ'রে আর স্থির হ'য়ে দাঁড়িয়ে থাকতে পারলো না। দলবল নিয়ে একেবারে মুখোমুখী হ'য়ে দাঁড়ালো। সংঘত ও সবিনয়ে নিবেদন ক'রলো—এ ত কখনও হ'তে পারে না নায়েবম'শায় ! না থেতে পেয়ে, পলেপলে শুকিয়ে ম'রছে লোক, তাদের উপর এ জুলুমটা, কি না

ক'বুলেই নয় ? আপনাকে অতুরোধ ক'বুছি নায়েবম'শায়, ওদের ছেড়ে দিন !

নায়েবম'শায় কর্কশ কণ্ঠে উত্তর দিলেন—তা হয় না, এটা জমিদারের আদেশ। বিস্ময়ে যুবক ফেটে প'ড়লো। জিজ্ঞাসা ক'বুলো—কেন ?

নায়েবম'শায় উত্তর দিলেন না, বীরদর্পে এগিয়ে চ'ললেন। যুবক তাঁর পথ রোধ ক'রে দাঁড়ালো। ব'ললো—মালুম না খেতে পেয়ে ম'বুবে তবুও খাজনা দিতে হবে ? কেন ? আপনি কিংবা আমাদের জমিদার, কেউ কি আপনারা মালুম নন ?

নায়েবম'শায় গর্জে উঠলেন—পথ ছাড়ো।

যুবক সহজ কণ্ঠে উত্তর দিল—ওদের কয়েকজনকে সঙ্গে বেঁধে নিলে চ'লবে না নায়েবম'শায়, আমাদের সকলকেই সঙ্গে নিতে হবে !

আশপাশের দিকে তাকিয়ে নায়েবম'শায় সহসা থমকে দাঁড়ালেন। আবার সেই ইঙ্গিত। দরওয়ান বাঁধন খুলে দিল। কিন্তু তিনি ক্রোধে ফুলতে ফুলতে ব'ললেন—দেখা যাবে !

নায়েবম'শায় চলে গেলেন। গ্রামবাসীরা মুক্তির আনন্দে সহসা সাড়া দিতে পারলো না। শুধু তাদের বুক ভেদ ক'রে নেমে এলো অকারণ চাপা একটা দীর্ঘশ্বাস !...এটা মুক্তির আনন্দ না অব্যক্ত বেদনার গভীর অবসাদ—কে জানে ?

*

*

*

রাত গভীর হ'ল, বৈকুণ্ঠ চাটুঘ্যে কিন্তু বাড়ী ফি'বলেন না। স্ত্রী ব্যাকুল হ'য়ে উঠলেন। পাড়াপড়শীদের বাড়ী গিয়ে অতুসন্ধান শুরু ক'বলেন—তোমরা ওঁর কোন খবর জানো ? এত রাত হ'ল—এখনও কেন ফি'বছেন না ?

কারণটা তাদেরও অজ্ঞাত। সবাই বেরিয়ে প'ড়লো তাঁর সন্ধানে। কিন্তু কোন্ খোঁজ পাওয়া গেল না।

পরদিন সকালে পুকুরপাড়ে লোকে লোকারণ্য। কারা যেন বৈকুণ্ঠের মাথাটা ঘাটের উপর রেখে গেছে, দেহের বাকীটা অংশ প'ড়ে আছে জলের ভেতরে।

*

*

*

মৃতদেহ সৎকার ক'রে পড়শীরা ফিরে এলেন। কারণটা তাঁদের কাছে স্পষ্টতর হ'য়ে উঠেছে, কিন্তু খাটিয়ে কোন লাভ নেই। যখন তাঁরা শক্তিহীন, তখন তাঁদের সহিতেই হ'বে। বয়োবৃদ্ধের দল ব'ললেন—দেখ বোমা, ব্যাপারটা আমরা ভাল বুঝিনি। বরং বলি, কাজটা চুকে গেলে, ছেলেটাকে কোথাও সরিয়ে দাও। বলা ত' বায় না—শত্রুর দল কখন কি ক'রে বসবে কে জানে?

কথাটা তাঁরও মনে লেগে গেল। স্বামীর শেষকৃত্য সমাধা হ'লে পর—প্রয়োজনীয় কাজগুলো শুছিয়ে নিলেন একে একে। জমিদারের খাজনা কড়ায়-গণ্ডায় মিটিয়ে দিয়ে এলেন নিজের হাতে। তারপর একদিন রাতারাতি দশ-বারো বছরের ছেলে মতিলালকে নিয়ে গঙ্গা পার হ'য়ে অন্ধকার পথে হালিসহরের রামধন গাঙুলীর বাড়ীতে গিয়ে হাজির হ'লেন।

ভেতর থেকে দরজা বন্ধ। কড়াটা বারকয়েক নাড়াতেই গৃহিনী গোবিন্দমনি (রামধনবাবুর স্ত্রী) ভেতর থেকে উত্তর দিলেন, কে?

রামা-কণ্ঠের কাতরতা ফুটে উঠলো—আমরা অসহায় ছ'টি প্রাণী, দিদি!

গাঙুলী-গিন্নী দরজা খুলেই চমকে উঠলেন—কে, দিদি? এত রাতে—
কথা তাঁর শেষ হ'তে দিলেন না। ব'ললেন—বড় বিপদে প'ড়ে রাতারাতি পালিয়ে এসেছি—ছেলেটাকে তোমাদের হাতে তুলে দিতে!

গাঙুলী-গিন্নী বাধা দিয়ে ব'ললেন, এখানে দাঁড়িয়ে কেন, ভেতরে চলো।

উত্তরে বৈকুণ্ঠবাবুর স্ত্রী ব'ললেন—সময় ত' বেশী নেই ভাই! অন্ধকারের

মধ্যে আমাকে কিরে যেতে হবে। দাদা কোথায়? কথা দাও ভাই, মজিকে তোমরা গ্রহণ ক'রলে!

অন্ধকারে স্পষ্ট দেখা না গেলেও শেষের কথাগুলো ভারী হ'য়ে উঠলো। গোবিন্দমনি ব'ললেন—সব কথাই আমাদের কানে এসেছে দিদি—ভেতরে এসো—

ঠিক সেই সময়েই খড়ম্ পায়ে খট্ খট্ ক'রতে ক'রতে রামধনবাবু পাশে এসে দাঁড়ালেন। গোবিন্দমনি মতিলালকে কোলের কাছে টেনে নিয়ে ব'ললেন, তোমায় কথা দিলাম দিদি, ওকে আমরা গ্রহণ ক'রলাম।

কয়েক সেকেণ্ড সকলেই চুপচাপ দাঁড়িয়ে রইলেন। পরমুহূর্তে দরজাটা সশব্দে বন্ধ হ'য়ে গেল।

রামধনবাবু দরজাটা তাড়াতাড়ি খুলে ডাকলেন, এত রাতে কোথা যাবে বোন!

উত্তর পাওয়া গেল না! অন্ধকারের মধ্যে তিনি ততক্ষণ এগিয়ে গেছেন অনেকখানি পথ। রামধনবাবুর সে ডাক তাঁর কানে গিয়ে পৌছালো কিনা ঠিক বোঝা গেল না।

*

*

*

মতিলাল চালাক-চতুর বুদ্ধিমান ছেলে। লেখাপড়ায় আগ্রহও যথেষ্ট। মিথুকে। কয়েক দিনের মধ্যে বাড়ীর ছেলে-মেয়েদের সঙ্গে শুধু আলাপ জমিয়ে তুললেন না—পরস্পরের ব্যবধানটা মুছে দিয়ে তাঁদের মধ্যেই নিজের একটা স্থান ক'রে নিলেন অকপটে।

রামধনবাবু খুশী হ'য়ে উঠলেন। বড় ছেলে কেদারনাথকে ডেকে একদিন ব'ললেন,—দেখ কেদার, ছেলোটিকে যখন আমি গ্রহণ ক'রেছি, তখন আমার ইচ্ছে, ও আমার বাড়ীর একজন হ'য়ে উঠুক। বংশও ভাষ। তাই ব'লছিলাম, ভুবনের সঙ্গে বিয়ে ওর দিই!

কেদারবাবু পিতার ইচ্ছার বিরোধিতা ক'রলেন না। ব'ললেন—
যখন আপনার ইচ্ছা, তাই হোক !

* * * *

পাঁজিপুঁথি দেখে দিন স্থির হ'য়ে গেল। মতিলাল সাত বছরের
মেয়ে ভুবনমোহিনীর গলায় মালা পরিয়ে দিলেন। উলুধ্বনি ও
শঙ্খধ্বনিতে গাঙুলীবাড়ী মুখর হ'য়ে উঠলো।

* * * *

পিতার অকালমৃত্যু মতিলালকে হতভম্ব ক'রলেও কিছুদিনের মধ্যেই
নিজেকে খাড়া ক'রে তুললেন। ভাগলপুরের বাড়ীতে নিজেকে সম্পূর্ণ
খাপ খাইয়ে পড়াশোনায় দিলেন মন।

অল্পদিনের মধ্যে মতিলাল বাড়ীর ছেলেমেয়েদের আকর্ষণের বস্তু
হ'য়ে উঠলেন। চলতি ভাষায় যাকে বলে—যুবকসমাজের পাণ্ডা।
ভুবনমোহিনী তখনও শিশু। তাঁর বিধবা দিদির উপর মতিলালের
দেখাশুনার ভার প'ড়লো।

মতিলাল কাব্যচর্চায় দিলেন মন ! তাঁর কবিতা ও গল্পের তত্ত্ব
হ'য়ে উঠলো যুবকসমাজ—বিশেষ ক'রে ভুবনমোহিনীর দিদি। গাঙুলী-
বাড়ীতে সহজেই প্রমাণিত হ'ল, মতিলাল একজন অসামান্য প্রতিভাশালী।
তাঁর আদর, বত্ত ও খ্যাতি বাড়লো বই কমলো না।

একদিন বর্ষার শেষরাতে হঠাৎ একটা বিবাক্ত সাপ ভুবনমোহিনীর
দিদিকে কামড়ে দিল ! কেদারনাথ নিজের হাতে ক্ষত স্থানটা বেঁধে
দিলেন। কেটে খানিকটা রক্তও বার ক'রে দিলেন। ছেলের দল
ডাক্তারসাহেবের কাছে ছুটলো। কিন্তু নিরাশ হ'য়ে কিম্বতে হ'ল—
সকরে গেছেন তিনি—সন্ধ্যার আগে কিছুতেই কিম্বেন না !

রোজা এলো। ঝাড়-ছুক স্ক্রু হ'ল। কিছুতেই কিছু হয় না।

এমনি ক'রে সারাদিন কেটে গেল, - সন্ধ্যা ঘনিয়ে এলো। যন্ত্রণায় ছটফট ক'রছেন বড়দি।

বাড়ীর সকলের মুখে গভীর একটা বিমর্ষের ছায়া। একটু দূরে অপলক দৃষ্টিতে ব'সে আছেন মতিলাল।

অবশেষে, গাড়ীর শব্দ শোনা গেল। ছুটলেন কেদারনাথ। আর ভয় নেই—ডাক্তারসাহেব এসে গেছেন। ছেলের দলও কেদারনাথের পিছু পিছু ছুটলো। একা ব'সে রইলেন শুধু মতিলাল।

বড়দি কাতরকণ্ঠে ব'ললেন—আর সহ্য ক'রতে পারছি না মতি! বাঁধনগুলো কেটে দাও। একটু স্বস্তি পাই!

মতিলাল বড়দির অত্যন্ত প্রিয়পাত্র ছিলেন। মতিলালও ছিলেন তাঁর একান্ত অঙ্গুত। কোন বিচার-বিবেচনা না ক'রেই বাঁধনগুলো কেটে দিলেন—একের পর এক। রোগী একটু সুস্থ বোধ ক'রলেও কয়েক মিনিটের মধ্যে তিনি অজ্ঞান হ'য়ে প'ড়লেন।

ডাক্তার এলেন। বাঁধন কাটা—মাথাটা এলিয়ে প'ড়েছে কাঁধের ওপর। ডাক্তারসাহেব তবুও একবার চেষ্টা ক'রলেন—কিন্তু তখন তিনি ইহজগতের মায়া কাটিয়ে যাত্রা ক'রেছেন পরপারে!

[শরৎ-পরিচয়, স্ম. না. গ., পৃ: ২৪ ও ২৭]

*

*

*

*

বয়স যত বাড়ে পিতার শোচনীয় মৃত্যুর ভয়াবহ দৃশ্য বার বার প্রতি-শোধ গ্রহণের স্পৃহা জাগায়। কিন্তু পারিপার্শ্বিক অবস্থার চাপে তাঁর সেই ইচ্ছাটা স্থবিরতা প্রাপ্ত হ'ল। মতিলাল ডুবে রইলেন বইএর মধ্যে। তবুও কি ভুলতে পারলেন নিজেকে? শেষে লুকিয়ে লুকিয়ে খেতে শিখলেন মদ।

সংসার তাঁর ভাল লাগে না, অথচ স্নেহীলা সেবাপরায়ণা ভুবন-

মোহিনীকেও তিনি অবহেলা ক'রতে পারেন না। এই অস্তর্ভূতের মাঝে জন্মালো একটি কন্যা—নাম তাঁর অনিলা। দ্বিতীয় সন্তান মারা গেল ভাগলপুরে। তাই স্থির হ'য়ে গেল, এবার সন্তানসম্ভবা ভুবনমোহিনীকে দেবানন্দপুরে নিয়ে যাওয়া হবে।

* * * *

মাটির কাঁচা ঘরের বাইরের উঠানটায় ব্যাকুলভাবে মতিলাল পদচারণা ক'রছেন। ভেতরে মেয়েরা ভুবনমোহিনীকে নিয়ে বাস্তু। সহসা শব্দ ও উল্খনিতে সেই জীর্ণ কুটির মুখরিত হ'য়ে উঠলো। মেয়েদের উচ্ছ্বাসমাথা সুর ভেসে এলো...মেয়ে...মেয়ে...মেয়ে...

মতিলালবাবুর আশা ভঙ্গ হ'ল। আবার মেয়ে! ঠিক সেই সময়েই মতিলালের মা ছুটে এলেন বাইরে। ব'ল্লেন—মতি, কাগজে টুকে রাখ—১২৮৩, ৩১শে ভাদ্র, শুক্রবার—

মতিলালবাবু ক্ষুণ্ণমনেই টুকুরো একটা কাগজে টুকতে লাগলেন, বাংলা ১২৮৩ সাল, ৩১শে ভাদ্র, শুক্রবার, ইং ১৫ই সেপ্টেম্বর, ১৮৭৬...

ছেলের গম্ভীর মুখের দিকে তাকিয়ে মতিলালবাবুর মা মহান্তে ব'ল্লেন—ভয় নেই রে মতি, ছেলে—ছেলে হ'য়েছে!...

* * * *

সংসারের চাপ বাড়ে। ভুবনমোহিনী তাগিদ দেন—একটা কিছু কাজের চেষ্টা দেখো, নইলে সংসার চ'লবে কেমন ক'রে?

মতিলাল বিরক্তিভরে বইখানা নামিয়ে রাখলেন। এ সবের চিন্তা তাঁর ভাল লাগে না। অবশ্য মনে মনে ভুবনমোহিনীকেও তাঁর ভয় কম ছিল না। যে মাহুষ প্রতিবাদ ক'রে, তাকে বোঝান সহজ, কিন্তু যে কোন-দিন কোন অজুযোগ মুখফুটে করেনি—সে শুধু দুর্কোথা নয়—ভয়ের বস্তুও বটে! তাই স্থানীয় জেলে—তিরিশ টাকা মাইনের একটা চাকরী নিয়ে, সমস্ত কিছু দায়িত্বের হাত থেকে মুক্তি পেতে ব্যস্ত হ'য়ে উঠলেন।

নিয়মিত মাসের প্রথম তারিখে তিরিশটি টাকা এনে দেন—
ভুবনমোহিনীও খুশী হন। স্বামীর উপার্জনের টাকা—এটাই ত তাঁর স্বর্ণ-
সুখ! কিন্তু বড় সরল, অতি বিশ্বাসী ও আশ্রতোলা ভুবনমোহিনী দেবী!
এ সুযোগ কিন্তু পুরোপুরি গ্রহণ ক'রলেন মতিলাল। তাঁর অজান্তসারে
কিছু টাকা আশ্রসাং ক'রে নেশার আসবাবটি জমিয়ে তুললেন দিনের পর
দিন। এপাশে ভুবনমোহিনী দেবী কায়ক্লেশে সংসার শুছিয়ে তুলতেই
ব্যস্ত। দিন কেটে চ'ললো কোনক্রমে, কিন্তু ছেলেমেয়েদের শিক্ষার
কোন সুব্যবস্থা আর চ'লে উঠলো না। অবশেষে শরৎচন্দ্রের পড়াশুনার
আদিপর্ষি শুরু হ'ল কুশুমকামিনী দেবীর কাছে। বর্ণপরিচয়, দ্বিতীয় ভাগ।
শেষে ধ'রলেন বোধোদয়। এর সঙ্গে যুক্ত হ'ল পলাশীর যুদ্ধ, রৈবতক ও
কুকক্ষেত্র। পড়ানো ও বোঝানো চ'লতে লাগলো একসঙ্গে।

[শরৎ-পরিচয়, অ. না. গ., পৃ: ৪৬]

*

*

*

*

গাঙুলী-পরিবারে সহসা একটা অঘটন ঘ'টে গেল। সংসারটা
চাবপাশে ছিটকে প'ড়লো। কিছুদিনের জন্ত ভুবনমোহিনীকেও দেবানন্দ-
পুরে আশ্রয় নিতে হ'ল।

গ্রামে শিক্ষার কোন সু-ব্যবস্থা ছিল না। খড়ের ছাউনির প্রশস্ত
চণ্ডীমণ্ডপে পন্নরী পণ্ডিতের (বন্দ্যোপাধ্যায়) ছোট একটি পাঠশালা
ব'সতো। সেখানে প'ড়তো পাড়ার যত ছোট ছেলেমেয়ে। পণ্ডিত-
ম'শায়ের পেশা ছিল যজ্ঞমানী। তারই ফাঁকে যেটুকু সময় পেতেন, ছ'বেলা
ছেলে-মেয়েদের একটু দেখাশুনা ক'রতেন—আর ঘন ঘন তামাক
সেবন ক'রতেন। এই তামাকের খরচ যোগাড় হ'তো প্রতি মাসের
পঞ্চমীর দিন—পড়ুয়াদের কাছে গুরুদক্ষিণা হিসাবে। এ-রীতি দে
সময়ে প্রতি গ্রামেই প্রচলিত ছিল। কেউ পরমা দিত, কেউ চাল, কেউ
লাউ, কেউ বেগুন—যার যা সামর্থ্যে কুলোয়।

শরৎচন্দ্রকেও এখানে ভর্তি ক'রে দেওয়া হ'ল। কিন্তু সে-বয়সে তিনি ছিলেন বড় চঞ্চল ও উদ্যম প্রকৃতিব। প্রতিদিন যেকোন তামাক সাজা থাকে, তেমনি একদিন তামাকের পরিবর্তে ইটকুচি দিয়ে তামাক সেজে বাখলেন। পণ্ডিতমশাই যেকোন আরাধে যথারীতি তামাক সেবন করেন, সেইরূপ তামাক সেবনে প্রবৃত্ত হ'লেন। কিন্তু কিছুতেই আর ধূমোদগার হয় না। প্রাণপণে হাঁকোতে টান দিলেন—তবুও যেই কে সেই! ব্যাপার কি? কলকেটি উপুড় ক'রে দেখেন—তামাকের পরিবর্তে টুকবো ইট! এটি যে ছাত্রদের কীর্তি সেটুকু বুঝতে পণ্ডিত-মশায়ের একটি মুহূর্তও বিলম্ব হ'ল না। স্নরু হ'ল নিখাতন।

বিনোদ বাঁড়ুয়ে ছিল ভীক প্রকৃতির ছেলে। ভয়ে শরৎচন্দ্রের নাম দিল বলে। শরৎচন্দ্র দেখলেন বেগতিক। পণ্ডিতমশায় কাছে আসাব পূর্বেই বিনোদকে জোরে একটা ধাক্কা দিয়ে—দিলেন ছুট। ছেলেবাও তাঁর পিছুপিছু ছুটলো। পণ্ডিতমশায়ের কড়া আদেশ—ধমু ওটাকে ধব। বন্ধু হ'লেও ধমুতে এখন হবেই—নইলে মুক্তি নেই কাবও—

কিন্তু তাঁর সঙ্গে পাল্লা দেওয়ার সাধ্য ছিল না কারও। সকলেই বশ্মসিক্ত হ'য়ে ফিরে এলো। ব'ললো—পণ্ডিতমশায়—ঘাটের বাধা ভেলেদেব ডিজি খুলে নিয়ে শরৎ পালিয়েছে!

বলিস্ কি রে? বশ্মযে হতবাক হ'য়ে প'ড়লেন পণ্ডিতমশায়!

আমরা সবাই দেখে এলাম ত তাই! একসঙ্গে উত্তর দিল ছাত্রের দল।

ডুবে যাবে না তো? একটা অজানা আশঙ্কায় বুকটা তাঁর ছক ছক ক'রে কাঁপতে স্নরু ক'রলো—সবই যে এর সৃষ্টিছাড়া কাণ্ড—কি মুশ'কিলেই না পড়া গেল! তাড়াতাড়ি ছুটলেন শরৎচন্দ্রের ঠাকুরমাকে খবর দিতে!

শরৎচন্দ্র সেদিন আর বাড়ীমুখে হ'লেন না। পণ্ডিতম'শায়ের যা রাগ—ধরা প'ড়লে কি আর রক্ষা আছে? সরস্বতী নদীর স্রোতে সোজা ডিঙি ভাসিয়ে দিয়ে চূপ্‌চাপ্‌ বসে রইলেন। ডিঙি কৃষ্ণপুরের রঘুনাথ গোস্বামীর আখড়ার কাছে গিয়ে ঠেকলো। সেখানেই নিশ্চিন্তে রাতটুকু দিলেন কাটিয়ে।

এ-পাশে সমস্ত গ্রাম তন্ন তন্ন ক'রে খোঁজা হ'ল—পাশের গ্রামেও লোক ছুটলো। কোথাও কোন পাত্রা পাওয়া গেল না। রাতটা আশঙ্কা ভরে কাটলো। পরদিন সকালে আবার লোক খুঁজতে বেরলো—অবশেষে দেখা গেল, পরম নিশ্চিন্তে আখড়ায় ব'সে রাধা-কৃষ্ণের কীর্তন গলধঃকরণ ক'রুছেন শিশু শরৎচন্দ্র।...

প্রকৃতির সহজ সুরগকে আমরা চন্ডি কথায় বলি 'দস্তিপনা'—দেখিও সেই দৃষ্টিভঙ্গী নিয়ে। ফলে শাসনের বেড়াজালে। তাদের সেই সহজ সুরগের কর্তরোধ ক'রে—আমরা খুশী হই। ঘোষণা করি 'গুড বয়'—সমাজের আদর্শ ছেলে। শাসনের ভয়ে তাদের প্রকৃতিটা কতকটা সংযত হ'লেও মনেপ্রাণে তারা তাদের সহচর খুঁজে বেড়ায়। তাই যখনই কারও মধ্যে দেখে সেই চঞ্চলতা—তখনই তাদের তারা আপন ক'রে নিতে ব্যস্ত হ'য়ে ওঠে।

শরৎচন্দ্রেরও সঙ্গীর অভাব হ'ল না। পণ্ডিতম'শায়ের ছেলে "কালীনাথ", আর এক যাজক ব্রাহ্মণের ভাগ্নী "কালিদাসী" ওরফে রাজলক্ষ্মী তাঁর একান্ত অমুগত হ'য়ে প'ড়লো। সকল কাজের সাথী হ'ল তারাই। যত ঝগড়া, তত ভাব—কেউ কাউকেও একটু মুহূর্ত ছেড়ে থাকতে পারে না।

['বাতায়ন', শরৎ-স্মৃতি সংখ্যা, পৌষ, ১৩৪৫]

*

*

*

*

পণ্ডিতমশায়ের আর একটি গুণ ছিল। প্রায়ই আফিং সেবন করতেন ব'লে নেশায় মাঝে মাঝে ঝিমিয়ে পড়তেন। শরৎচন্দ্র সেই অবকাশে তাঁর প্রিয় সঙ্গিনী কালিদাসীকে নিয়ে সরে প'ড়লেন নিঃশব্দে। অন্য ছেলেরা তাঁকে বথেষ্ট ভয় ক'রতো, মিথ্যে ঘাটিয়ে লাভ কি? কখন ঝোপের আড়াল থেকে ইটের টুকরো দিয়ে মাথাটা ফাটিয়ে দেবে কে জানে?

কালিদাসী বয়সে শরৎচন্দ্রের চেয়ে কিছু ছোট ছিল। রোগা—পেটমোটা, গায়ের রংটা কিন্তু বাক্বাকে উজ্জল শ্রামবর্ণ, চুলগুলো ছোট ছোট, —শরৎচন্দ্রের একান্ত অহুগত! খেলা ত ছাই, বন থেকে ভোগাড় ক'রে আনতে হ'ত বঁইচি ফল।

এই বঁইচি ফলের প্রতি শিশু শরৎচন্দ্রের লোভ ছিল অসাধারণ। এই অমৃত সংগ্রহে ক্রটি-বিচ্যুতি ঘটলে কালিদাসীর নির্ধ্যাতনের সীমা থাকতো না। মাথার চুলগুলো প্রায় শেষ হওয়ার বোগাড় হ'তো, পিঠে ছ'টার বা যে প'ড়তো না এমন কথা নয়, কিন্তু মেয়েটির ছিল সহ্য করার অসম্ভব ক্ষমতা। কোনদিন কিন্তু মুখকুটে এর কোন প্রতিবাদ সে করেনি, বরং অধিকতর আগ্রহের সঙ্গে গভীর জঙ্গল থেকে সংগ্রহ ক'রে আনতো এই অমূল্য সম্পদ।

শরৎচন্দ্রের রাগ প'ড়ে যেতো সঙ্গে সঙ্গে। সন্নেহে তা'র হাতখানি ধ'রে কোলের কাছে টেনে নিয়ে চিবুকখানি ভুলে আদরমিশ্রিত কণ্ঠে জিজ্ঞাসা ক'রলেন—খুব লেগেছে নারে কালিদাসী?

কালিদাসীর চোখের পাতাগুলো ঝাপসা হ'য়ে উঠলো। শরৎচন্দ্র নিজের হাতে তার চোখের পাতাগুলো মুছে দিলেন ধীরে ধীরে। অন্ততঃ কণ্ঠে ব'ললেন—এই কথা দিচ্ছি, আর কোনদিন ভোর গায়ে হাত তুলবো না—বুঝ্‌লি!

বঁইচি ফলের মালাটা এগিয়ে দিয়ে ব'ললেন—খা'।

কালিদাসী জিত্ বার ক'রে দু'হাত পিছিয়ে গেল। ব'ললো, একবার দিয়ে আর কি ফিরিয়ে নিতে আছে? না—না—ভূমি খাও।...

* * * *

দুঃস্থপনায় অতিষ্ঠ হ'য়ে শরৎচন্দ্রকে বাঙলা ছাত্রবৃত্তি স্কুলে ভর্তি ক'রে দেওয়া হ'ল। বোধোদয় ও পদ্মপাঠ পড়া শুরু হ'ল কিন্তু প্রকৃতির সহজ বিকাশ তাঁর কোনমতেই রুদ্ধ করা গেল না। স্কুল থেকে পালিয়ে এর বাগান ওর বাগান থেকে আম, কাঁটাল, আনারস সংগ্রহ, ও তার সন্ধ্যাবহার চ'লতে লাগলো পুরোদমে।

* * * *

সরকারি চাকরী থেকে অবসর নিলেন কেদারনাথ। তারপরেই দীননাথ গেলেন মারা। এপাশে অমরনাথ (ন-কাকা) অস্থস্থ হ'য়ে প'ড়লেন। অবস্থা ক্রমশঃই খারাপের দিকে এগিয়ে চ'ললো। ডাক্তাররা হাল ছেড়ে দিলেন। এমন সময় অমরনাথ ব'ললেন, একবার ভুবনকে যে আমি দেখবো!

সংসারের চাপে কেদারনাথ ঋণজালে জড়িয়ে প'ড়েছিলেন। তবুও মেয়েকে আনতে ছুটলেন দেবানন্দপুর।

মেয়েকে ফিরিয়ে নিয়ে আসতে গিয়ে কেদারনাথ স্বচক্ষে দেখলেন ভুবনমোহিনীর দুরবস্থা। চোখে তাঁর জল বাধা মানে না। অথচ মতিলালবাবু সেইরূপই নির্বিকার। তিনি শিশুদের সঙ্গে মিশে, শিশুর গত খেলা করেন। অবসর সময়ে বই নিয়ে বসেন—কখনও বা কাগজকলম নিয়ে গল্প বা কবিতা লিখতে বসেন কিন্তু শেষ করার ধৈর্য্য তাঁর থাকে না। সকল লেখাগুলোই অসমাপ্ত রয়ে যায়!

আর ভুবনমোহিনী এপাড়া ওপাড়া থেকে শাকসজি সংগ্রহ ক'রে কোন রকমে স্বামীর মুখ-স্বাচ্ছন্দ্যের ব্যবস্থা করেন। বাকী সময়টুকু ছেলে-

মেয়েদের নিয়েই তাঁর কেটে যায়। সন্ধ্যায় কাটেন, পইতের স্মৃতি,
কখনও বা বুনেন আসন—

ভুবনমোহিনীকে ফিরিয়ে নিয়ে এলেন। তাঁর কিছুদিন পরেই
অমরনাথ গেলেন মারা। কেদারনাথ কিংকর্তব্যবিমূঢ়। ঠিক সেই সময়
ডিহিরিতে মতিলাল একটি চাকরী পেয়ে গেলেন। সপরিবারে তিনি
যাত্রা ক’ল্লেন ডিহিরিতে। কিন্তু সে-চাকরী তাঁর বেশীদিন স্থায়ী
হ’ল না। পুনরায় ফিরে এলেন ভাগলপুরে।

[শরৎ-পরিচয়, অ. না. গ., পৃ: ৪১, ৪২ ও ৪৩]

*

*

*

ভাগলপুরে যখন ফিরে এলেন তখন শরৎচন্দ্রের বয়স হবে প্রায়
সাত। বাড়ীর ছোটবড় ছেলেমেয়েদের পাঙা হ’য়ে ব’সলেন দু’দিনের
মধ্যে। ছেলেরাও যেন তাঁকে খুশী ক’রতে পারলেই আনন্দ পায় সকলের
চেয়ে বেশী।

বাড়ীর কর্তাদের নিষেধ, ছেলেমেয়েদের বাইরে কোথাও যাওয়া
চ’লবে না। শরৎচন্দ্র কিন্তু সেই নিষেধের গভী মেনে নিতে পারলেন
না। সান্নিপাত্তদের ব’ললেন—চল, নদীর বাটে একটু ঘুরে আসা যাক।

ছেলেমেয়ের দল অসোয়াস্তি বোধ করে।

শরৎচন্দ্র তাদের উৎসাহিত করার উদ্দেশ্যে বলেন,—যেমন তোরা
বোকা! আরে, “মানা” মানেই খুশীমত যাওয়া, শুধু কি তাই, বারে
বারে যাওয়া। চল—

পাণ্ডার আদেশে ছেলের দল অমাত্ত ক’রতে সাতসী হয় না। হয়ত
শরৎ রাগ ক’রে ব’সবে। নিঃশব্দে সবাই খিড়কী-পথে বেরিয়ে প’ড়লো
একে একে।

কেদারবাবু বিস্ময় হ’লেন। এমন একগুঁয়ে ছেলেও তিনি দেখেননি

তঁার জ্ঞানে। ভুবনমোহিনীকে কাছে ডেকে ব'ললেন—এমন অষ্টিছাড়া ছেলেও ভূ-ভারতে আমি দেখিনি ভুবন! ওকে একটু শাসন করো—নইলে আর বাগ মানানো যাবে না।

ভুবনমোহিনী নিরুত্তরে দাঁড়িয়ে রইলেন। এ ছাড়াই বা তঁার জবাব দেওয়ার আছে কি?

কেদারবাবু বাইরের ঘরে চলে গেলেন। ভুবনমোহিনী সেইখানে দাঁড়িয়ে আঁচলের খুঁটটা নাড়াচাড়া ক'রতে ক'রতে ভাবলেন—বে ছষ্টু-ডিঙুর ছেলে ও, সহজে কি ওকে পোষ মানানো যাবে?

*

*

*

রোগাটে পাকাটে ময়লাটে শরৎচন্দ্র শাস্তিশিষ্ট ছেলের মত অন্তরমহলে চুপি চুপি প্রবেশ ক'রলেন।

ভুবনমোহিনী দেবী এতক্ষণ তঁারই অপেক্ষায় দাঁড়িয়েছিলেন। কানটা চেপে ধ'রে ধমক দিলেন—কোথায় ছিলি হতচ্ছাড়া ছেলে?

শরৎচন্দ্র অভিমানে ফুলে পড়লেন। চোখের পাতাগুলো সিক্ত হ'য়ে উঠলো পরমুহুর্তে। নিরুত্তরে কাঠ হ'য়ে দাঁড়িয়ে রইলেন।

মা'র মনের দৃঢ়তা চকিতে মুছে গেল। হিড়্ হিড়্ ক'রে টেনে ঘরের ভেতর নিয়ে এলেন। আঁচল দিয়ে চোখের পাতাগুলো মুছে কোলের কাছে টেনে নিয়ে স্নেহে ব'ললেন—কেন কথা শুনিস্নে বলতো?

শরৎচন্দ্র বিস্ময়ে ফেটে প'ড়লেন। ব'ললেন, কেন? তোমার সব কথাই ত শুনি!

ভুবনমোহিনী ব'ললেন, বাবার কথা তুই একটিও কানে তুলিস্নে কেন? যা বলেন ঠিক তার বিপরীত ক'রিস্নে—এসব কি ধরণের ছষ্টুপনা বলতো?

শরৎচন্দ্র মা'র কোলে ঝাঁপিয়ে প'ড়ে, মুখখানা লুকিয়ে, চুপি চুপি ব'ললেন—ওঁরা বাধা দেন কেন ?

*

*

*

অন্দরমহলে যাওয়ার গলিপথে, গোয়াল ঘরের পূর্ব-দক্ষিণ কোণে একটা পেয়ারা গাছ ছিল। তার শাখা-প্রশাখা খাপরির চালের ওপর হেলে প'ড়েছিল। গাছটায় বারো মাস পেয়ারা ফলতো। ছেলেমেয়েদের সবারই ছিল গাছটার উপর লোভ—বিশেষ ক'রে শরৎচন্দ্রের।

কেদারনাথবাবু ও চাকর, মুশাই পেয়ারাগুলি সংরক্ষণের আশায় প্রতিটি স্তবকে ছেঁড়া কাপড়ের টুকরো জড়িয়ে বেঁধে, প্রত্যেকটি গুণে রাখতেন।

কিছুদিন পরে মুশাই খবর দিল—বাবু শরত সবে থা লিয়া।

অনুসন্ধানে জানতে পারলেন—তাঁর অকোহিনীকে পাহারায় রেখে, শরৎচন্দ্র সবগুলি নিঃশেষ করেছেন অসকোচে, অবশ্য প্রসাদ থেকে সান্ধোপাস্কের দল বঞ্চিত হয়নি—সে আশাও নিরর্থক। তবে ছ'চাকর জনের বা মাথা ফেটেছে আতিশয্যের প্রাচুর্যে, তার চিকিৎসার ব্যবস্থাও হ'য়েছে তেমনি! পেয়ারা-বাঁধা কাপড় পুড়িয়ে ক্ষত স্থানটি বেঁধে দেওয়া হ'য়েছে কখনও—আর সামান্য আঘাত পেয়েছে ধারা, তাদের ব্যবস্থা হ'য়েছে চিবানো দুর্কা ঘাস—তার বেশী কিছু নয়।

কেদারবাবু আপন মনে হাসেন। বলেন—ওটা ছেলে নয়—একটা ডাকাত !

*

*

*

মুশাই ঘুমিয়ে প'ড়লেই চাবি চুরি ক'রে ভাঁড়ার ঘরের দরজা খুলে ভেতরের বেড়াল, ইঁহর ও বেঁজীর স্বাধীন স্বরূপ দেখার বৈজ্ঞানিক পরীক্ষা শুরু হ'য়ে যায়।

পাশে একটা ছেলে হয়ত একটু আওয়াজ ক'রে বসলো। শরৎচন্দ্র
কটুমটিয়ে তার দিকে তাকিয়ে নীরব থাকার নির্দেশ দিলেন—চুপ!

[শরৎ-পরিচয়, স্ম. না. গ., পৃ: ৫৭]

*

*

*

সরকারদের বাড়ীর রাজু (রাজেন্দ্রনাথ) ঘুড়ি ওড়াতে ছিল ওস্তাদ।
তার সঙ্গে পাল্লা দেয়—সে তল্লাটে ছিল না এমন কেউ। শরৎচন্দ্র ঠিক
ক'রলেন—রাজুর ঘুড়ি কাটতে হবে।

সারাদিন চ'ললো স্তোত্র মাঞ্জা দেওয়া। তারপর স্ক্র হ'ল ঘুড়ি
ওড়ানো।

শরৎচন্দ্র দিলেন রাজুর ঘুড়ি কেটে। রাজু সক্রোধে ছুটে এলো—কে
কাটলো তার ঘুড়ি ?

মনিষামা ও সুরেন্দ্রনাথ তাকে ধ'রে নিয়ে এলো শরৎচন্দ্রের কাছে।
পাড়া-প্রতিবেশী হিসাবে উভয়ের মধ্যে মুখচেনাচিনি ছিল। কিন্তু শক্তির
পরিচয় নিয়ে দেখা হ'ল এই প্রথম। অথচ এই পরিচয়েই বন্ধুত্ব হ'ল
দৃঢ়। চকিতে রাজুর রাগ জল হ'য়ে গেল, উভয়ে উভয়ের কাঁধ
ধরাধরি ক'রে বেরিয়ে প'ড়লো গঙ্গাতীরে।

মারপথে সহসা রাজু থম্কে দাঁড়ালেন। পরমুহূর্তে জলে ফেলে
দিলেন তার লাটাইখানা।

সবিস্ময়ে শরৎচন্দ্র জিজ্ঞাসা ক'রলেন—একি ক'রলে রাজু ?

রাজেন্দ্রনাথ ব'ললেন—কাজ ওর শেষ হ'য়ে গেছে ভাই ! তাই ওকে
ভাসিয়ে দিলাম মা গঙ্গার বুকে—

তারপর আর কোনদিন রাজুকে ঘুড়ি ওড়াতে দেখা যায়নি।

[শরৎ-পরিচয়, স্ম. না. গ. পৃ: ৮২]

*

*

*

ফড়িং, বেড়াল, বঁজি, লাল-নীল মাছের চাষ সুরু হ'ল। আড়াই ফুট লম্বা শিশুকাঠের বাস্তের মধ্যে রাখা হ'ল রাম ফড়িং, গঙ্গা ফড়িং, গাধা ফড়িং, কেরাগী ফড়িং। এদের তত্ত্বাবধানের ভার প'ড়লো ছোট-গিন্নীর বড় মেয়ে 'ছুনী'র ওপরে। সাকোপাকোদের আদেশ দিলেন—নিয়ে এসো আকন্দপাতা—ঘাস—দাও জল।

আর নিজে পরীক্ষা চালাতে লাগলেন—তাদের আহার ও আয়ুর মেয়াদ।

সারা বাড়ীতে হৈ-চৈ, যেন রাজসুয় যজ্ঞের আয়োজন চলেছে।

[শরৎ-পরিচয়, সূ. না. গ., পৃ: ৫৮]

*

*

*

বাড়ীর বউদের মধ্যে ছোটগিন্নীই (কুসুমকামিনী) ছিলেন শিক্ষিতা। ঈশ্বরচন্দ্র বিজ্ঞানসাগর তাঁকে নিজের হাতে পুরস্কার দিয়েছিলেন। সেট গর্ভবোধটা তাঁর সব সময়েই ছিল জাগ্রত। প্রতিদিন সন্ধ্যায় তিনি বক্সিমচন্দ্রের 'মৃগালিনী' ও 'বঙ্গদর্শন' নিয়ে বসতেন। বাড়ীর ছোটবড় ছেলে-মেয়ের দল তাঁর পাশে ব'সে সেই পাঠ শুনতো একমনে। তাদের মধ্যে শরৎচন্দ্রই ছিলেন প্রধান শ্রোতা। আর বইগুলি সংগ্রহ ক'রে এনে দিতেন মতিলালবাবু। তিনিও এই মহিলাটিকে একটু বিশেষ শ্রদ্ধার চোখে দেখতেন।

[শরৎ-পরিচয়, সূ. না. গ., পৃ: ১০-১১]

*

*

*

পোষা বড়ো কোকিলটার মুখে রা' ফোটে না। কত শীত-বসন্ত এলো গেল, তবুও সে নির্বিকার।

শরৎচন্দ্র স্বরন্তস্তনের মুষ্টিযোগ ব্যবস্থা ক'রলেন—নিয়ে এসো কচি আমের পাতা !

অকৌতুহলী ছুটলো। চোখের পলকে কচি আমার পাতায় উঠানুটা গেল ভরে। সাজিয়ে রাখা হ'ল তার মুখের কাছে, কিন্তু শয়তান পাখীটা দিনে রাতে একটিবারও ঠোকর মারলো না।

শরৎচন্দ্র তখন ব্যবস্থা দিলেন, মরিচের গুঁড়ো আর কচি আমপাতার রস ওর গলায় ঢালতে হ'বে !

সান্দোপাঙ্কের দল আশ্চর্য্য হ'য়ে ডাগর ডাগর চোখ মেলে তাঁর মুখের দিকে তাকালো। সহজ কণ্ঠে তিনি উত্তর দিলেন—দেখিস্নি সেদিন চন্দ্রবাবুর বাড়ীতে ?

কি ? কি শরৎ—একসঙ্গে প্রশ্ন ভেসে উঠলো।

সঙ্গে সঙ্গে মুত্তরিবাই ব'ললো—আদার রসে মরিচের গুঁড়ো—

শরৎচন্দ্রও যোগ দিলেন—আমের কচি পাতার রস, কোকিলের আদার কাজ করে কিনা !—মরিচ গুঁড়িয়ে দিলে এমন ডাক্বে মনে হবে যেন যমুনাপুলিনের কুঞ্জবন।

কথা ও কাজ সঙ্গে সঙ্গে সারা হ'ল। সবাই মিলে বুড়োকে চেপে ধমন্তির রসায়ন খাইয়ে দেওয়া হ'ল। বিপুল আশা নিয়ে রাত্রি যাপন ক'রতে ফিরে গেল ছেলের দল। কেউ কেউ সারা রাত কোকিলের কুহতানও শুনলো।

সকাল হ'তেই সব একে একে ছুটে এলেন খাঁচার পাশে। দেখলেন বুড়ো কোকিল ঠ্যাং উল্টে যাত্রা ক'রেছে পরপারে !

সে দৃশ্য দেখে শরৎচন্দ্রের চোখের জল আর থামে না।

[শরৎ-পরিচয়, স্মৃ. না. গ., পৃ: ৫৯]

*

*

*

*

গঙ্গার ধারে বিরাট একটা অখণ্ড গাছ। তা'র একটি ডালের ওপর ছোট একটি ঘর। সেখানে ব'সে রাজু সাধন-ভজন ক'রতো। প্রবেশের

অধিকার বড় একটা কারও ছিল না। সে ঘরে যাওয়া ও আসার জন্তে সৰু একটা বাঁশ লাগানো থাকতো। যে অনায়াসে সেই বাঁশ বেয়ে সেখানে যেতে পারতো, রাজুর বিচারে সেই হ'তো পুণ্যাশ্রা—আর যারা প'ড়ে যেতো, তাদের সেখানে যাওয়ায় অধিকার ছিল না কোনদিন।

সেই হিসাবের খাতায় শরৎচন্দ্রও ছিলেন একটি পুণ্যাশ্রা। কারণ, উভয়েরই ছিল গভীর মনের মিলন। উভয়েই ক'রুতেন সাধন-ভজন।

তারই ঠিক নীচে বাঁধা থাকতো রাজুর নিজস্ব একটা ছোট ডিঙ্গি। সময় অসময় নেই, খেয়াল হ'লেই তাতে উভয়ে চড়ে পাড়ি দিতেন গঙ্গার অপর পারের দিকে।

*

*

*

*

নেপাল থেকে ছোটকর্তা একটা বিরাট-বপু কুকুর নিয়ে এলেন। নাম তার “টমি”। ছোট ছেলেমেয়েদের সে একটি বিশ্বয়ের বস্তু।

শরৎচন্দ্র সান্দ্রোপান্দ্রো নিয়ে একটু দূরে ব'সে ব'সে তা'র আচার-ব্যবহার ভাল ক'রে লক্ষ্য ক'রছিলেন। সহসা মুখর হ'য়ে উঠলেন, ঠিক এই জাতের কুকুর নিয়ে বরফের ওপর নোকোর মত গাড়ী চ'ড়ে বেড়াতে কতই না মজা!

ছেলের দল ত অবাক্। জিজ্ঞাসা ক'রলেন—বরোফ্! যা আমরা খাই?

শরৎচন্দ্র উত্তর দিলেন, হ্যাঁ—হ্যাঁ! ও দেশটা বরফের দেশ কিনা! প্রায়ই বরফ প'ড়ে। যখন সেগুলো জ'মে শক্ত হ'য়ে যায়, ও দেশের লোকগুলো তখন ওই গাড়ীগুলো নিয়ে হাওয়া খে'তে বেরিয়ে পড়ে।

ছেলের দল দীর্ঘশ্বাস ফেললো। ব'ললো, যদি এখানেও পড়তো!

শরৎচন্দ্র হেসে উঠলেন। ব'ললেন, তোদের দুঃখু যে সেই গরীব

মামুষটার মত হ'ল রে ! রাস্তায় লাগাম কুড়িয়ে পেয়ে ঘোড়ার শোকে
কঁদে কঁদে শেষ পর্যন্ত সে মারাই গেল ।

ওঃ, বানানো গল্প বুঝি ! ছেলেমেয়ের দল হেসে লুটোপুটি খেতে
খেতে এ ওর গায়ে গড়িয়ে প'ড়লো ।

[শরৎ-পরিচয়, সূ. না. গ., পৃঃ ৬০-৬১]

*

*

*

মতিলালবাবুর মনটা ছিল শিশুর মত সরল । ছেলেদের নিয়েই ছিল
তার কাম্বোজ । বাড়ীর কঁঠোয় যখন ছেলেদের ক'ম্বলেন শাসন,
মতিলালবাবু সকলের চোখে ধুলি দিয়ে তাদের লাঞ্ছনার বোঝাটা হালকা
করার চেষ্টা ক'ম্বলেন । সন্ধ্যায় সন্ধ্যামণি ফুলের মালা গাঁথে, সামনে যে
প'ড়তো তারই গলায় পরিয়ে দিতেন । কখনও বা গোপনে তাদের
আহার ষোঁগাতেন । আবার ভোরে উঠে তাদের জান্নার ধারে দাঁড়িয়ে
হুকা হুকা রবে বারকয়েক শেয়ালের ডাক ডেকে নিঃশব্দে প'ড়তেন সরে ।
আর ছেলের দল ভয়ে পরস্পর পরস্পরকে জাপটে ধ'রে চোখ বুজিয়ে
প'ড়ে থাকতো কাঁঠ হ'য়ে সব শুয়ে ।

শরৎচন্দ্র বহু চেষ্টা ক'ম্বলেন কিন্তু শেয়াল মহাপ্রভুর সন্ধান ক'ম্বলে
পায়লেন না কোনদিন ।

*

*

*

“সংসার কোষ” থেকে শরৎচন্দ্র আবিষ্কার ক'ম্বলেন, বেলের শেকড়
ফণা-ধরা গোখরো সাপের মুখের কাছে ধ'ম্বলেই সে হীনবল হ'য়ে পড়ে—
মাথাটা নীচু ক'রে নেয় ।

মমিমামা আবিষ্কার ক'ম্বলেন, “ঐ ইং হ্যাং হ্রিং হ্রিং হ্রিং রক্ষ রক্ষ
স্বাস্থ্য” জপ ক'ম্বলে নাকি সকল বিপদ থেকে উদ্ধার পাওয়া যায় ।

ছেলের দল জপ ক'রতে শুরু ক'রলো।

শরৎচন্দ্র একটা হাঁড়ি আর মরা ঘোগাড় ক'রে আদাড়ে পাদাড়ে বুকে বেড়াতে লাগলেন—সাপের সন্ধানে।

অনেক চেষ্টার পর একটা গোথ্রো সাপের বাচ্চা ধরা হ'ল। বেলের শেকড় নিয়ে পরীক্ষা শুরু হ'ল। সাপ ফণা তুলে ছলতে লাগলো। শরৎচন্দ্র তার মুখের সামনে ধ'রলেন বেলের শেকড়। সাপটা মাথা ত নীচ ক'রলোই না বরং তিনবার শেকড়টার ওপর পর পর ছোবল দিয়ে—অন্ত কিছুতে ছোবল মারবার চেষ্টা ক'রতে লাগলো।

মনিমামা বিপদের আশঙ্কা বুঝে মোটা লাঠি দিয়ে একেবারে তার পঞ্চদ্বপ্রাপ্তের ব্যবস্থা ক'রে দিলেন।

শরৎচন্দ্র মরা সাপটার দুঃখে সহানুভূতি জানানেন, আহা, বেচারী!

[শরৎ-পরিচয়, স্ম. না. গ., পৃ: ৬০]

বাড়ীর পশ্চিম সীমানায় একটা বিরাট মাঠকোঠা ছিল। ওপরে ওঠার জন্তে ইট আর মাটি দিয়ে ৮।১০ ফুট উঁচু সিঁড়ি গাঁথা ছিল। সেখানে দাঁড়িয়ে, লাফানোর আগে কেমন ক'রে পায়ে প্রিং দিতে হয় তাঁর ডিমনেষ্ট্রেশন্ দেখাতেন শরৎচন্দ্র, প্রথমে একটা বেড়াল বাচ্চা ফেলে দিয়ে। কখনও বা নিজেই লাফিয়ে প'ড়তেন।

সঙ্গীরাও সেই নীতি অনুকরণে ব্যস্ত হ'য়ে উঠতো।

[শরৎ-পরিচয় স্ম. না. গ., পৃ: ৬৫]

* * * *

শনিবার ছুটির পর অমরনাথের নিমন্ত্রণায় বসন্তো বাজার। ভাঙ্গা খোলামকুচি ঘসে টাকা, আধুলি, সিকি, তৈরী ক'রে—তেঁতুলবিচি, রীটের বিচি, শুকনো তুঁত, ডুমুর, বিচিত্র পাতার ডাঁটা, চ'লতো কেনাবেচা।

শরৎচন্দ্র ছিলেন প্রধান ও উৎসাহী ক্রেতা । এর কাছে গিয়ে ,
জিজ্ঞাসা করেন, মাছের দাম কত ?

উত্তর এলো—আট আনা ।

মুখখানা বিকৃত ক'রে শরৎচন্দ্র জবাব দেন, বল কি ? গিন্নীর আবার
মাছ নইলে ভাত রুচে না—দাও পোয়াটাক্ ।

কুনো তেঁতুলবিচি ঠোঙায় তুলে নিয়ে পাশের একজনকে জিজ্ঞাসা
করেন, পুঁইশাক কত ক'রে ?

উত্তর এলো—হ'গাছা !

বলিস্ কি রে ? না—তোরা পাকা বাড়ী তৈরী না ক'রে ছাড়্দি
না দেখ্ছি ! চারগাছা হবে না ?

সে মাথা নাড়লো । শরৎচন্দ্র বললেন, দে দে, তিনগাছা দে !

সে খুশীভরে খেঁটুপাতাগুলো তুলে দিল ।

[শরৎ-পরিচয়, স্থ. না. গ., পৃ: ৬৫]

*

*

*

*

রান্নাঘরের পিছন দিয়ে গঙ্গাঝানে বাওয়ার যে রাস্তা প'ড়তো তার
মাঝে একটা পড়ো বাগান ছিল । সেটি সেদিনে আমবাবুর বাগান নামে
পরিচিত ছিল ।

এই বাগানটি ছিল শরৎচন্দ্র ও তাঁর সাজোপাছোদের লীলাক্ষেত্র ।
এখানে বাড়ীর ছোটকর্তা অব্যাহতবাবুর সফরের জিনিষপত্ৰ-
বাহক একটি ঘোটকী ও তার বাচ্চা সকল সময়েই বিচরণ ক'রতো ।
তার রক্ষক ছিল এক-চোখো ভাতুয়া । বয়সে ছিল শরৎচন্দ্রের
সমবয়সী । তারই সহযোগিতায় এই ঘোটকীর পিঠে চ'ড়ে শরৎচন্দ্র তার
গতির সঙ্গে সমতা রেখে ব্যালেন্সের নানাক্রম কসরৎ দেখাতে শুরু
ক'রলেন ।

সঙ্গীদের উৎসাহ বেড়ে গেল। সংগ্রহও সুরু হ'য়ে গেল। রাজুদের বাদরীটাকে আনা হ'ল। যদিও একটু-আধটু কামড়ায়, তবুও সে নইলে সব মজাই মাটি!

বাড়ীর কুকুর টমি! প্রকাণ্ড ও গিদখোড় তার চেহারা। তাকে আঙনের রিং টপ্কাতে শেখানো হ'ল।

গোরাচাঁদ রায়ের বাগানে—প্যারালাল বার, হোরাইজেন্টাল বার ও ট্রাপিজের কসরৎ শেখার রীতিমত রিহাস'ল আরম্ভ হ'য়ে গেল।

শেখা ত শেষ হ'ল। কিন্তু তার বহিঃপ্রকাশ ত চাই! স্নযোগের অপেক্ষায় রইলো সবাই। দীর্ঘ প্রতীক্ষার পর সরস্বতীপূজা এলো। ঘোষেদের পোড়ো বাড়ীতে খেলা দেখাবার ব্যবস্থা হ'ল। কেদারনাথ বাড়ী নেই,—অঘোরনাথ সফরে গেছেন—বাড়ীতে আছেন মতিলাল! তিনি ত শিশুরাজ! ছেলোদের নিয়ে হৈ-ঠে করা, তাদের স্নেপে-ছুখে অংশ গ্রহণ করাই ছিল তাঁর বৈচিত্র্যহীন জীবনের চরম সামান্য!

মেয়েরা মত দিয়েছেন—সবই প্রায় ঠিক—শুধু একটা ভয়, যদি অঘোরনাথ ফিবে আসেন! তাই মনে মনে জপ সুরু হ'য়ে গেছে—ঐ হং হুং হ্রিং হ্রিং হ্রিং রক্ষ রক্ষ স্বাগ! আজ নয় হে মা কালী—কাল যেন আসে, হে মা দুর্গা!

সাজগোজ শেষ। খেলা সুরু হ'বে। পাকা রান্ধায় ঘোড়ার খুরের শব্দ শোনা গেল। হায়, হায়—সর্বনাশ হ'য়ে গেল—স্বয়ং অঘোরনাথ যে উপস্থিত!

ছেলের দল মুষ্ড়ে প'ড়লো। মেয়েদের ক্ষোভের সীমা রইলো না। এত আয়োজন, এত উৎসাহ সবই ব্যর্থ হ'য়ে গেল!

মেয়েরা আশাবাদী। এত সহজে হাল ছাড়লেন না। অঘোরনাথকে ভোজনে পরিভূক্ত ক'রে কেদারনাথের স্ত্রী বিজ্ঞাবাসিনী কথাটা পাড়লেন

—ছোট ঠাকুরপো—আজকের দিনে ছেলেরা একটু খেলাধুলো ক'রতে চাইছে—বদি তুমি মত দাও—

বিক্রাবাসিনীকে অবোরনাথ বখেঁট প্রজ্ঞা ও ভক্তি ক'রতেন। কিন্তু তাঁর এই মহা অপরাধী ভাব দেখে—অবোরনাথ জিজ্ঞাসা ক'রলেন—
ব্যাপার কি ?

ছেলেরা, মানে মনি-শরৎ—একটু খেলা দেখাবে ব'লে ঠিক ক'রেছে—
একটু জড়তাভরা কণ্ঠে উত্তর দিলেন বিক্রাবাসিনী।

খেলা ? জিম্‌নাস্টিক ? কোথায় রাস্কেলরা ?

ছেলেরা ভয়ে যে যেদিকে পারে ছুটলো। বিক্রাবাসিনী ব্যর্থ-
মনোরথ হ'য়ে ফিরে এলেন। কিন্তু আশা ছাড়লেন না !

ক্লান্ত অবোরনাথ শয্যা নেওয়ার সঙ্গে সঙ্গেই গভীর নিদ্রামগ্ন
হ'য়ে প'ড়লেন !—ঘন নাসিকা-গর্জ্জন শুরু হ'য়ে গেল—ঘোঘোর
ধো—.....

মেয়েরা ভাবলেন আর ভয় কি ? কর্তা যখন নিদ্রিত, তখন ছেলেরা
একটু খেলুক—একটু হৈ-চৈ করুক, সেই সঙ্গে তাঁরাও একটু নির্মল আনন্দ
উপভোগ করুন !

শুরু হ'ল খেলা। প্রাণখোলা আনন্দে খেলা দেখাতে শুরু ক'রলেন
মনিলাল ও শরৎচন্দ্র। তাঁরা আজ বেপরোয়া ! বহুদিন পরে স্বাধীনতা
পেয়েছেন—তাঁদের উৎসাহ দেখে কে ?

শিশু সুরেন্দ্রনাথ অহরোধ জানালেন—আমিও একটু ছলবো শরৎ !

শরৎচন্দ্র তখন কল্পভর। ব'ললেন—বেশ, দোল্।

লোহার মোটা রডের উপর পা দুটো তুলে সুরেন্দ্রনাথ জিজ্ঞাসা
ক'রলেন—এবার ঘুরি ?

ঘোষ ?

ছ'বারের পরেই চিং হ'য়ে নীচে প'ড়ে গেলেন সুরেন্দ্রনাথ ! কোন

সাদা নেই—শব্দ নেই। ভয়ে সবাই দিশেহারা! এখন কি হবে?
কি করা যাবে?

মনি ব'ললেন—চল, ডাক্তারের কাছে যাই—

শরৎচন্দ্রের মনে তখন ভয়ের চেয়ে অশুশোচনাই বেশী! কি ক'রবেন
স্তির ক'রতে না পেরে—সুরেন্দ্রনাথকে জোর ক'রে খাড়া ক'রে দাঁড়
করিয়ে পিঠে দুমদাম দুটো কিল বসিয়ে দিলেন।

সঙ্গে সঙ্গে আটকা দম—কোঁকাতে কোঁকাতে কান্নার সঙ্গে বেরিয়ে
এলো! পরমুহূর্তেই উঠলো আশ্বস্ত হাসির রোল!

শরৎচন্দ্র বিজ্ঞের মত জিজ্ঞাসা ক'রলেন—কিরে, তোর জ্ঞান ছিল?

সুরেন্দ্রনাথ ব'ললেন—ছিল।

কি মনে হ'চ্ছিল?

মরে যাচ্ছি।

তখন কি ক'রলি?

ঐ হং হ্রীং.....বলার চেষ্টা ক'রলুম।

আশ্বস্ত হ'য়ে শরৎচন্দ্র ব'ললেন—তাই এ যাত্রা বেঁচে গেলি!

[শরৎ-পরিচয়, সুর. না. গ., পৃ: ১৫-১৬]

*

*

*

ছেলে মহলের সর্দার। সুররাং মেজাজটা ঠিক সর্দারের মত হওয়াই
উচিত। সাক্ষোপাঙ্গোদের সকল সময় হাতের মুঠোর মধ্যে না রাখলে
কর্তৃত্ব পরিচালন কি সম্ভব কোনদিন?

অবসর সময়ে খেলাধুলার অহুমতি ছিল গাঙুলীবাড়ীর সীমানার
মধ্যে। সে সীমানা অতিক্রমের ইচ্ছা হয়ত ছিল সকলেরই, কিন্তু সে
হুঃসাহস ছিল না কারও। তাই তারা নিঃশব্দে উঠানের মধ্যে “গাকু”
খুঁড়ে মার্বেল খেলার ব্যবস্থা ক'রে নিয়েছিল। কিন্তু সর্দার শরৎচন্দ্রের

গণ্ডীর সীমা অতিক্রম করাই ছিল জন্মগত অধিকার। নিঃশব্দে ভীকু কাপুরুষের মত সকল কিছুর বাধা মেনে নেওয়ার মত দুর্বল প্রকৃতি ছিল না তাঁর। তাই বাড়ীর কর্তাদের দৃঢ় গণ্ডীকে তিনি অতিক্রম ক'রতেন খিড়কির দিকের দাঁতরাঙা গাছ বেয়ে। বাড়ীতে ঢুকতেনও সেই পথে। তবে মেজাজটা তখন থাকতো একান্ত উদার। বাইরে “জিৎগুলি” খেলে বহু জেতা-গুলি দান ক'রে দিতেন সাজোপাজোদের। কেবলমাত্র দান ক'রতেন না তাঁর প্রিয় ধপ্পে সাদা বড় গুলি “টল” আর ছোটগুলি “আনটা”। কারণ ছোটটিকে ক'ড়ে আঙুলে আটকে ধ'রে বড়টি পরিচালন করাই ছিল তাঁর চিরদিনের রীতি। সহজ ভাষায়—বিজয় অভিযানের মোক্ষম অস্ত্র।

তাঁর গতিবিধির সঙ্গে ছেলেদের ছিল বনিষ্ঠ পরিচয়। গাছটা নড়লেই সকলে বুঝতে পারতেন ফিরে এসেছে শরৎ। কালমুহূর্ত্ত বিলম্ব না ক'রে সবাই ছুটতো সেই গাছের দিকে। সর্দারও গাছের একটা ডালে ব'সে—নির্লিপ্ত কণ্ঠে বিলিয়ে দিতেন সেদিনের সব জেতা-গুলিগুলো—নে, তোরা নে!

খুশীতে মুখের হ'য়ে উঠতো ছায়া-ঢাকা সেই স্থানটা। কিন্তু সচেতন ছিলেন সবাই। কর্তাদের আগমনে বিপদের সম্ভাবনা—শাস্তিও ছিল তদোদ্যম কণ্ঠের। তাই কয়েক সেকেন্ডের ব্যবধানে শূন্য হ'য়ে প'ড়তো সে স্থানটি। [শরৎ-পরিচয়, স্ম. না. গ, পৃ: ৬৮]

সহর থেকে গঙ্গাটা সরে গেছে মাইলখানেক পথ। মাঝখানে শুকনো একটা খাত। নাম যমুনীয়া। তাতে চানন নদীর ঘোলাটে গেক্ষা জলের ঢল নেমেছে। ও পাশের চড়ায়—ভুট্টাগাছ গজিয়েছে এক মাস্তকেরও ওপর। দূর থেকে হেলে হলে কে যেন হাতছানি দিয়ে ডাকে—ওরে, আয়—আয়...

শিশু-মন হলে ওঠে। স্থির কি থাকা যায়?

শনিবারের বিকেল। ছুটি পাওয়া গেছে সকাল সকাল। হাতে কিছু কাজ নেই অথচ একটা কিছু না ক'রুলেও নয়! মনিলাল ও শরৎচন্দ্র আর নিশ্চেষ্ট থাকতে পারলেন না। মালকৌঁচা মেরে ঝাঁপিয়ে পড়লেন যমুনোয়ার সেই লাল জলে।

ক্ষতে বসে গাছগুলোর সঙ্গে মিতালী পাতিয়ে, কতককে স্নেহালিঙ্গনে আবদ্ধ ক'রে, কাউকে বা জ্ঞাতে-অজ্ঞাতে ক্ষত-বিক্ষত ক'রে, তাদের স্নেহ-পরশটুকু উপভোগ ক'রুলেন পরম নিশ্চিন্তে। সন্ধ্যার পূর্বেই ফিরতে হবে—নইলে জানাজানি হ'য়ে বাওয়ার সম্ভাবনা। স্মৃতরাং ফিরলেন বেলো তখন পাঁচটা!

কিন্তু ভয় যেখানে বিপদের, উৎপত্তি ত সেখানেই! সে বীরত্ব কাহিনীটি ইতিমধ্যে ছড়িয়ে পড়েছে সহরময়। বাড়ী ফেরার পথে কথটা অধোরনাতের কানে গিয়েও উঠলো। ক্রোধে সর্পশরীর তাঁর রি-বি ক'রতে লাগলো! এতবড় বেয়াদপ ছেলে? রোগের ভয় দূরে থাক, ডুবে মরার সম্ভাবনাই যে সকলের চেয়ে বেশী! তিনি খড়ম-হাতে তৈরী হ'য়ে রইলেন—ছোড়া দুটো একটিবার বাড়ী ফিরলে হয়! এমন শিক্ষা দেবেন—যা' সারা জীবনেও ভুলতে পারবে না কোনদিন!

চুপিচুপি মামা-ভাগ্নে দাঁতরাঙা গাছের ডাল ধ'রে যেই ভেতরের বাড়ীতে পা দিয়েছেন—অমনি অবোরনাথ লাফিয়ে পড়লেন মনির ওপর। ছুটে এলেন বিস্ফাবাসিনী। মনিকে বাঁচাতে গিয়ে নিজের হুঁচার ঘা নিঃশব্দে পিঠে তুলে নিলেন—কিন্তু শরৎচন্দ্র?

যঃ পলায়িত সঃ জীবতি! শরৎচন্দ্র একটি মুহূর্তও অপব্যয় ক'রুলেন না—সটান চম্পট।

রবিবারেও শরৎচন্দ্রের কোন পাতা পাওয়া গেল না।

সোমবার সকালে অবোরনাথ বেরিয়ে গেলে দেখা গেল শরৎচন্দ্র গোয়ালার চালে বসে পেয়ারা খাচ্ছেন!

সবিস্ময়ে ছেলেমেয়ের দল জিজ্ঞাসা ক'রলো—কোথায় ছিলি রে ?

নির্লিপ্ত কর্তের উত্তর ভেসে এলো—গোয়াল-ঘরে ।

খেতিস্ কি ?

তোরা যা খাস্ !

বলিস্ কি রে ? কে দিলে ?

ছোটদের প্রতি কৌচড়্ থেকে দু'চারটি পেয়ারা ছুঁড়ে দিয়ে গভীর
স্বরে উত্তর দিলেন—ছোড়্দি থাকতে আবার ভয় কি ?

[শরৎ-পরিচয়, স্ম. না. গ, পৃ: ৬৯-৭০]

* * * *

ভঙ্গ-বরের ছেলে। তায় আবার গোঁড়া গাঙুলী-বাড়ীর দৌহিত্র।
লেখাপড়া না শিখলে লোকে গায়ে থুথু দিতে সুরু ক'রবে। দেবানন্দপুরে
খাকাকালীন সময়টা শুধু বনে-জঙ্গলে ঘুরে বেড়িয়েছে, পাড়া-প্রতিবেশীর
যত বদ ছেলেদের সঙ্গে মিশে হৈ-চৈ ক'রেছে—লেখাপড়া সেই যে-কে
সেই। 'বোধদয়' থেকে 'চারুপাঠে'র মধ্যে সীমাবদ্ধ। তারপর ডিহিরি
গমন। সেখানেও সেই অবস্থা—এপাশে বয়সও ত নেহাৎ কম হ'ল না !
সমবয়সী মামারা ছাত্রবৃত্তি পরীক্ষা দিতে চ'লেছে। অতএব যে-কোন
প্রকারেই হোক পরীক্ষা ওকে দেওয়াতেই হবে।

আয়োজন চ'ললো সেইমত। দুর্গাচরণ বালক বিদ্যালয়ে ভর্তি ক'রে
দেওয়া হ'ল। অক্ষয় পণ্ডিতমশাইকে নিযুক্ত করা হ'ল মনিলাল ও
শরৎচন্দ্রকে পড়ানোর জন্তে।

যথারীতি স্কুল যাওয়া—তার উপর গৃহশিক্ষকের কাছে পড়াগুনা—
খেলাধুলার সময়ের একান্ত অভাব দেখা দিল। সুতরাং শরৎচন্দ্র ছেলেদের
দলে টেনে নিলেন দু'চার দিনের মধ্যে। বুঝিয়ে দিলেন—যারা বোকা-
ছেলে তারাই বইয়ের পোকা হ'য়ে মরে। আর যারা বুদ্ধিমান, তারা যেমন

কাঁকি দেয়, তেমনি খেলাধুলা ক'রে কাটায় সময় ! মানে, শরীরের জন্তে চাই খেলাধুলা—গড়ার জন্তে চাই মন ! আর সেই মনের জন্ম হ'ল ওই খেলাধুলায় আবর্তে ।

ছেলেরা খুশী হ'ল ! তারাও ত তাই চায় ! কিন্তু বাড়ীতে মা-বাবা বা দাদা-কাকার যে লোহাবেষ্টনী ! মুক্তি তাদের আস্বে কেমন করে ! উৎসুক-ভরা কণ্ঠে স্খালো—খেলাধুলার সময় পাবো কেমন করে ?

শরৎচন্দ্র গম্ভীরভাবে কয়েক সেকেণ্ড চুপ্ ক'রে থেকে ব'ল্লেন,—তোমরা অমনি বাঁক ভাবতে শুরু ক'রেছো—খেলাধুলা মানে স্কুল-কামাই ?

তা ছাড়া আর কি ! কণ্ঠে তাদের বিশ্বয়ের সুর ।

যেমন তোমরা বোকা !—অবজ্ঞার একটু হাসি হেসে ব'ল্লেন—আরে ঘড়িটা একটু ফাষ্ট ক'রে দিলেই ত পাট চুকে যায় !

সে কেমন ক'রে সম্ভব ? অধিকতর বিশ্বয়ে ফেটে প'ড়লো তারা ।

বুদ্ধি একটু খরচ করো ! চোখে-মুখে দুষ্টুমাথা হাসি ।

হতবাক হ'য়ে মাথা চুলকোতে লাগলো সবাই ।

শরৎচন্দ্র একটু ভারীকৈ কণ্ঠে ব'ল্লেন—আরে পণ্ডিতমশাইরা যখন তামাক খেতে যাবেন—সেই কাঁকে ঘড়ির কাঁটা একটু এগিয়ে দিলেই পাট চুকে যায়—

ধরা প'ড়বে না ? তাছাড়া মই পাবে কোথায় ?

মই কি হবে ? একজনের পিঠে একজন চাপলেই ঘড়িতে হাত পৌছে যাবে—তারপর মাত্র কয়েক সেকেণ্ড—

খুশীতে সবাই মুখর হ'য়ে উঠলো । ঠিক বলেছিল শরৎ !...

কাজ শুরু হ'য়ে গেল । ছেলেদের আনন্দের সীমা নেই ! কিন্তু বিপদে প'ড়লেন পণ্ডিতমশাইয়ের দল । বাড়ী পৌছে দেখেন তখনও চাষটে বাজতে অনেক দেয়ী !

সেক্রেটারী, হেড পণ্ডিতমশায়ের কাছে কৈফিয়ৎ তলব ক'রলেন। শিক্ষকেরদল গালে হাত দিয়ে ভারত স্কুল ক'রলেন—কিন্তু সঠিক কোন কারণ ত খুঁজে পাওয়া যাচ্ছে না! ঠিক সময়ে স্কুল বসে—ঘড়িও তখন ঠিক থাকে, অথচ মাঝের এই সময়টুকুর মধ্যে ঘড়িই বা এত কাঁট হ'য়ে যায় কেমন ক'রে?

একদিন নয়, দু'দিন নয়—এ ঘটনা চ'ললো মাস দুইতিন। শিক্ষকরাও বিভ্রান্ত হ'য়ে প'ড়লেন। অবশেষে, কারণ নির্ণয়ের ভার প'ড়লো অক্ষয়-পণ্ডিতের ওপর।

পণ্ডিতমশাই গোপনে জানলার পিছু চুপ ক'রে বসে থাকেন আর মাঝে মাঝে তামাক খেতে ছুটেন—কারণও ধরা পড়ে না, লাঞ্ছনারও শেষ থাকে না—রীতিমত ভৌতিক ব্যাপার ঘটছে বলা চলে!

একদিন ক্লাস থেকে বেরিয়ে সোজা তামাক খেতে না গিয়ে জানলার ধারে দাঁড়াবামাত্র পণ্ডিতমশাই দেখতে পেলেন—যোগীনের কাঁধে বসে মোহন ঘড়ির বড় কাঁটাটা এগিয়ে দিচ্ছে।

সঙ্গে সঙ্গে পণ্ডিতমশাই গর্জ্জে উঠলেন—তবে রে ছুঁচো পাঞ্জির দল—ছেলেরাও এক নিমিষে বই-খাতা নিয়ে নিরাপদ আশ্রয় লাভের আশায় দিল ছুঁচু—

পরক্ষণে হস্তদস্ত হ'য়ে পণ্ডিতমশাই বেত হাতে ক্লাসে ঢুকলেন। ক্লাস ফাঁকা—কেবলমাত্র ব'সে আছেন শরৎচন্দ্র। পাঠ্য-পুস্তকের মধ্যে ডুবে গেছেন একেবারে।

পণ্ডিতমশাই বেতটা শূন্যে বার দুই ঘুরিয়ে তর্জ্জন গর্জ্জন স্কুল ক'রলেন—পাজি ছুঁচো কোথাকার—

শরৎচন্দ্র অভিনয়ে কোতাহরন্ত। হঠাৎ চমকে ওঠার ভাণে ব'ললেন—কি হ'য়েছে পণ্ডিতমশাই?

আনো না ? ঘড়ি কাষ্ট ক'মছিল কে ? কোথেকে কাঁপছেন পণ্ডিত-মশাই ।

কিছু ত জানি না ! একান্ত বিনয়ী নম্র ছেলের অভিনয় ! আমি অন্ধ ক'মছিলুম—আপনার পা ছুঁয়ে ব'লছি—কিছু জানিনে !

মুখের সেই ভঙ্গি দেখে অবিশ্বাস করে কার সাধ্য ! পণ্ডিতমশাই ভেবে নিলেন সত্যি নিরপরাধী এই বালকটি ! হেড়পণ্ডিত অধিকাচরণও ছুটে এসেছিলেন । ছেলেটির মুখের গোবেচারী ভাব দেখে, ক্লাসের মধ্যে তাঁকেই সেরা ছেলে হির ক'রে নিলেন । শুধু তাই নয়, গুড্ কন্ডাক্ট প্রাইজ দেওয়ার ব্যবস্থাও হ'ল সেই সঙ্গে ।.....

[শরৎ-পরিচয়, সূ. না. গ., পৃ: ৭৩-৭৪]

*

*

*

ছুটির দিন সকালে রোয়াকের ওপর মাহুর পেতে ছেলের দল সুর ক'রে দুলে দুলে প'ড়ছে প্যারিচরণ সরকারে 'কাষ্ট' বুক' । বি এল্ এ—ব্রে ; কেউ বা পি এস্ এ এল্ এম্—“পাস্লাম” প'ড়ছে ।

স্বভাব-গম্ভীর মেজদা' ; বইয়ের পাতা উল্টে দেখলেন না, বা পুনরায় বানান শোনার প্রয়োজন বোধ ক'রলেন না । ভেবে নিলেন “পাস্লাম” কথাটার চেয়ে 'পিস্লাম' কথাটাই শ্রুতিমধুর, স্ততরাং পিস্লাম বলাই বাঞ্ছনীয় । পাশের ছোট ছেলেটির কানমূলে দিয়ে ব'ললেন পাস্লাম কিরে ? বল, পিস্লাম ! পরীক্ষার সময় ছাড়া গৃহশিক্ষক থাকে না—বড়োরাই কাজ চালিয়ে দেন,—সেটাই এ বাড়ীর নিয়ম । স্ততরাং ছেলেটিও চীৎকার সুরু ক'রলো—পি এস্ এ এল্ এম্—পিস্লাম—পিস্লাম—

চণ্ডীমণ্ডপের সামনে বসে আছেন কেদারনাথ । সামনে হাতবাক্স, ও হিসাবের খাতা । পাশে ভট্টাচার্য্যমশাই তামাক খাচ্ছেন । স্নানের

পথে বৈকুণ্ঠমামা তেল মাখ্ছেন আর গল্প ক'রছেন—হঠাৎ কেদারনাথের কানে গিয়ে ভাসলো—পিসলুম।

তিনি সচকিত হ'য়ে জিজ্ঞাসা ক'রলেন, পিসলুম কিরে? বল, “সাম”!

ভুল ধরা প'ড়লো, হাসির রোলও উঠলো—কিন্তু মেজদা' ধমক দিলেন হাসিহিস্ যে বড়ো? পড়েহিস্ পুরোণো পড়াগুলো?

চকিতে হাসি মিলিয়ে গেল। ভয়ে শ্রাণ দুই দুই ক'রতে লাগলো। কেউ-বা জপ আরম্ভ ক'রে দিল—ঐ ইং হিং হিং.....

[শরৎ-পরিচয়, স্ম. না. গ., পৃ: ৭৫-৭৬]

* * * *

চণ্ডীমণ্ডপের মধ্যে বিছানায় ধপ্পে সাদা চাদর পাতা। সপ্তাহ-খানেকের শতছিন্ন ও দীর্ণ ‘বঙ্গবাসী’ পত্রিকা। পিলহুজের উপর ঢল ঢল ক'রছে এক প্রদীপ তেল। দুটো সলতে জলছে একসঙ্গে। ছেলেরা প'ড়ছে দলে দলে।

বারান্দায় নেয়ারের খাটে শুয়ে উৎকর্ণ হ'য়ে র'য়েছেন কেদারনাথ। পুরোনো পড়া ছেলেরা প'ড়তেই জিজ্ঞাসা ক'রলেন—তোদের বুঝি নোতুন পড়া দেয়নি?

ছেলের দল উত্তর দিল—না।

কেন?

পণ্ডিতমশাই স্কুলে আসেননি! জর হ'য়েছে—

পণ্ডিতমশায়ের জর? কথাটা পুনরাবৃত্তি ক'রে খাড়া হ'য়ে উঠে বসলেন কেদারনাথ। মুশাইকে ডেকে বাতি জ্বালালেন। তারপর বেরিয়ে প'ড়লেন—কারণ, তিনি যে তখন বাঙালী সমাজের সমাজপতি, স্কুলের সেক্রেটারী, বর্তব্যাবোধও ত একটা থাকা উচিত!

কেদারনাথ বেরিয়ে গেলেন—ছেলেদের আনন্দ দেখে কে ? বড় দা
বাড়ীতে নেই—মেজ্জা অল্প কাজে বাস্তব—এখন বাড়ীর কর্তা ত তারাই !

শরৎচন্দ্র ইংরিজি কপ চাতে শুরু ক'রলেন—

ক্যাট ইজ আউট

লেট মাইস্ প্রে.....

মুক্তির আনন্দ তখন দু'কূল উপছে উঠেছে । দুঃসাহসের পরশ্রোত—
দিগ্বিদিক শূন্য হ'য়ে ছুটে চ'লেছে—সম্মুখের সমস্ত বাধা ও নিবেদনের
গণ্ডী তলিয়ে গেছে অতল তলে :

ছেলের দল শুরু ক'রে দিল—

ডান্স লিটল বেবি, ডান্স আপ হাই—

নেভার মাইণ্ড, বেবি—মান্নার ইজ নাই ।

ক্রো এণ্ড কেগার—কেগার এণ্ড ক্রো

দেয়ার লিটল বেবি, দেয়ার ইউ গো—

আপ টু দি মিলিং,—ডাউন্ টু দি গ্যাউণ্ড

ব্যাকওয়ার্ডস্ এণ্ড ফরওয়ার্ডস্

রাউণ্ড এণ্ড রাউণ্ড ।

ডান্স লিটল বেবি, এণ্ড মান্নার উইল সিং,

মোরলি মোরলি ডিং ডিং ডিং..... ।

শরৎচন্দ্র হিন্দি অনুবাদ শুরু করে দিলেন—

খুশীসে খুশীসে—তাক্ ধিন্ ধিন্.....

[শরৎ-পরিচয়, স্ম. না. গ., পৃ: ৭৭-৭৮]

* * * *

শেষ বর্ষার সন্ধ্যা । বৃষ্টি কখনও নবযৌবনা নারীর মত মুখের ত'য়ে
উঠছে বম্ বম্—আবার কখনও গুরুগভীর থমথমে ভাব—কদ্ধ গুংগো
আবহাওয়া ! ছেলের দল পাঠ অভ্যাস ক'রে চ'লেছে নিয়া

কেদারনাথ তাঁর নির্দিষ্ট খাতে ক্লান্ত শরীরে একটু তজ্জামগ্ন হ'য়ে প'ড়েছেন—গোরা সিং তার সাধের দড়ির খাটিয়া পেতে ছোট একটি প্রদীপের কণি আলোতে স্তর ক'রে তুলসীদাস প'ড়ে চ'লেছে।

হঠাৎ একটা চামচিকে এসে ছেলেদের মাথার ওপর উড়ুতে সুরু ক'রুলো। জয়গত সংস্কার—“চাম্চিকে যার গায়ে ব'সবে—সে চাম্চিকের মত রুগ্ন হ'য়ে যাবে,”—সুতরাং একপাশে ভয়—অন্যপাশে অস্বস্তি। মনিলাল ও শরৎচন্দ্র কৰ্ম্মমুখর হ'য়ে উঠলেন।

দেবিন সামনে বই খুলে—লম্বা হ'য়ে শুয়ে—গালের উপর হাত রেখে—মনোযোগ সহকারে পড়ার অভিনয়ে সম্পূর্ণ নিমগ্নিত।

এপাশে দু'জনে দুটো সুন্দর ক'রে ছোলা বাখারি নিয়ে ঘোরাতে সুরু ক'রুলেন। চাম্চিকেটা জানুয়া দিয়ে পালালো—কিন্তু পায়ে লেগে প্রদীপটা গেল উল্টে! আলো নিভলো—ফরসা চান্দরখানা রেড়ির তেলে ভিজ়ে গেল—অপরোধটা অমার্জ্জনীয়।

অবস্থা বুঝে ব্যবস্থা। দু'জনে ভেতর ঘরে আত্মগোপন ক'রুলেন—বেচারি দেবিন ঘুমোতে লাগলেন তেমনিভাবে।

কেদারনাথের তজ্জার আমেজ টুটে গেল কয়েক মিনিট পরে। দেখলেন, ঘর অন্ধকার—ছেলেরা কেউ পড়ার ঘরে নেই। ডাক দিলেন, মুশাই—

জী—

বাতি কেঁঙ বুৎ গিয়া?

মুশাই ঘরে ঢুকে দেশলাই জাল্লো। দেখলো : অবস্থা যেক্রপ ভয়াবহ তেমনি করুন। মনি-শরৎ নেই—দেবিন ঘুমে কাতর। ব'ল্লো, মনি-শরৎ খানে গিয়া—দেবিন বাতি গিরায় দিয়া—

বো-কেদারনাথ সঙ্গে সঙ্গে উঠে এলেন। দেবিনের কান ধ'রে জাগিয়ে স্থলেন। আদেশ দিলেন, লে যাও আন্তাবল মে।

শরৎ-মনি তখন আহারে ব'সেছেন—আর বেচারী দেবিন আস্তাবলের
অন্ধকারে ব'সে ঘোড়ার চিঁ-হিঁহিঁ রব, পা চৌকার ঠক্ঠক্-থট্‌থট্‌ শব্দ
শোনেন—আর চোখের জলে ভাসেন !...

[শরৎ-পরিচয়, স্ম. না. গ., পৃ: ১৮-১৯]

* * * *

পাণ্ডারা সকল সময়েই সরে পড়ে, ধরা প'ড়ে যায় গোবেচারী !
বনের মধ্যে দেবিনই পড়েন ধরা—ভাগ্যে শান্তিও জুটে সেইরূপে ।
সেদিন গঙ্গাতে স্নান ক'রতে গিয়ে বাড়ীর ব্রিগেডমাস্টার-জেনারেল
ঠাকুরদাসের কাছে উত্তম-মধ্যম ত খেলেনই, উপরন্তু পাণ্ডা জুটলো
অন্ধকারাচ্ছন্ন কুঠরী ঘরের মধ্যে তালাবদ্ধ অবস্থায় সারাদিন অনাহার
ও বন্দী-জীবন যাপন ।

দেবিনের অবস্থা দেখে ছেলের দল একটু মন-মরা হ'য়ে প'ড়লো ।
কেবল শিশুরাজ মতিলাল টোকা মেয়ে জান্‌না খুলে একছড়া কলা দিয়ে
ব'ললেন, “খেয়ে, খোসাগুলো এখানেই রাখ্—আমি ফেলে দেবো ।”

সারাদিনের পর দেবিন মুক্তি পেলেন । দেবিনকে ঘিরে ছোটদের
বৈঠক ব'সলো কিন্তু বড়দা ঠাকুরদাস, আর মেজদা বিপ্লবদাসের বিরুদ্ধে
কোন কিছু করা সম্ভবপর হ'ল না । কারণ তাঁরা এখন অনেক বড়,—
শুধু কি তাই তাঁরাই তো ভবিষ্যতের অভিভাবক !...

রাত্রে যথারীতি পড়াশুনা শেষ হ'ল,—তবে একটু আগেই ছুটি
দেওয়ার ব্যবস্থা হ'ল । কারণ ছোটছোলে, সারাদিন না খেয়ে আছে,
গাড়ীর কর্তারাও একটু লজ্জিত হ'য়ে প'ড়েছিলেন ।

খাওয়া শেষ হ'লে পর কুম্ভকামিনী দেবীর ঘরে ছোটদের আসর
ব'সলো ! তখন তিনি বস্কিমচন্দ্রের ‘বঙ্গদর্শন’ পাঠে ব্যস্ত । ছোটরা ধ'রলো
আমাদের একটা গল্প ব'লতে হবে !

এই ত প'ড়ছি—শোন না ! সম্মুখে উত্তর দিলেন কুসুমকামিনী দেবী ।

না ! ছেলেরা জিদ ধ'রলো ।

তবে ?

একজন ব'ল্লো, ভূতের গল্প ! অপরে বাধা দিয়ে ব'ল্লো—না—
পক্ষীরাজের গল্প ! আর একজন ব'ল্লো, যক্ষের গল্প !

কুসুমকামিনী দেবী ব'ল্লেন—তোরা যখন সকলে একমত হ'তে
পারিলি না—তখন সকাল সকাল সব ঘুমিয়ে পড়'গে যা !

শরৎচন্দ্র এতক্ষণ নীরব ছিলেন । ব'ল্লেন, ছোড়নি একটি সত্যি
ঘটনা বলো না !—যা আমরা কোনদিন শুনিনি !

ঠিক সেই সময়েই বিপ্রদাসের কণ্ঠস্বর শোনা গেল । তিনি সচকিত
হ'য়ে আপন মনে মূহু হাসলেন । ব'ল্লেন—তবে শোন :

শ্রাবণের সন্ধ্যা । সারাদিনই ঝিঝিঝি ক'রে বৃষ্টি প'ড়ছে । শেষ
আর নেই । সকাল সকাল খেয়ে বৈঠকখানার ঢালা বিছানার উপর
রেড়ির তেলের সেজ জালিয়ে ছেলের দল পড়াশুনা ক'রছে ।

বাড়ার বড়কর্তা ক্যান্সিসের খাটের ওপর শুয়ে তন্দ্রার আগেজটুকু
উপভোগ ক'রছেন । পেয়াদা গোরী সিং ভূমসীন্দাসের রামায়ণ স্মরণ
ক'রে প'ড়ছে ! তেতরে মেজদার (বিপ্রদাসস্বামী) কড়া শাসনের মধ্যে
পড়াশুনা চ'লছে, তখন তোরা অনেকেই খুব ছোট । হঠাৎ ঘরের পিছন
থেকে একটা “ফৌস” শব্দ ভেসে এলো । সঙ্গে সঙ্গে মেজদার গগনভেদী
চীৎকার—বাবারে—মা'রে—খেয়ে ফেল'লারে ।

পায়ে লেগে সেজটা উল্টে বাতিটা নিভে গেল । বাড়ীপুরু লোক
সম্মুখ হ'য়ে উঠলো । ব্যাপার কি ?

অসুস্থকান সুর হ'ল । দেখা গেল—ঘরের পিছনে কা'দের একটা
বাঁড় শুয়ে আছে । বোধ হয় খুব বেশী খেয়েছিল—বার বার ফৌস

কোস্ ক'রে দীর্ঘশ্বাস ছাড়ছে! মেজ্জা সাপ ভেবে জ্বাংকে উঠেছেন।...

এই গোপন খবর পেয়ে ছেলেদলের খুশীর অন্ত নেই। হাসি তাদের আর থামতে চায় না। কুসুমকামিনী কাজ উপলক্ষ্যে ঘর থেকে বেরিয়ে গেলেন পরমহুর্তে।

শরৎচন্দ্র গায়ে চাদরটা ভাল ক'রে মুড়ি দিয়ে, ফিস্ ফিস্ ক'রে ব'ল্লেন, দেখলি ত সাহসের বহর। উনিই আবার আমাদের শাসন করেন!

পাশ থেকে একজন ব'লে উঠলো—বারে বারে ফেল ক'রে, তবুও কি লজ্জা আছে? যত ঝাল্ ঝাড়বে আমাদের ওপরে—

মনে পড়ে গেল সেদিন দেবিনের সন্ধ্যাবেলার কথা! তার সঙ্গে প্রায় হুবহু মিল—হাসির ফোয়ারা ছুটলো:—গ-হা-হা—হি-হি-হি-হি...

[শরৎ-পরিচয়, সূ. না গ., পৃ: ৩৬-৫৭]

* * * *

সকাল বেলা মেঘের গর্জন—দুপুরে দু'পশলা বৃষ্টি—সন্ধ্যায় পরিষ্কার-পরিচ্ছন্ন আবহাওয়া—গুরু তাই নয়, আকাশে মায়াবী চাঁদের জ্যোৎস্না। মাঝে মাঝে টুকরো কালো মেঘের পরশ। ভারী স্বন্দর দেখাচ্ছিল সেদিন সন্ধ্যায় সেই মোহিনীমোহন রূপ।

বর্ষার কূলে ভরা গঙ্গা,—মাণিক সরকারের শিবের মন্দিরে সন্ধ্যারতি। দূরে রাজুর আমবাগানে (রামবাবুর বাগান নামে পরিচিত) রাজুর ঝাঁপির করুন ধ্বনি—মনটা সকলেরই উতলা—

এমন সময় খার এলো—শরৎচন্দ্রকে সাপে কামড়েছে! ছেলেদের চোখে জল, বয়স্কদের মুখে গভীর কালোছায়া—কি হবে কে জানে? বাইরে লোকে লোকারণ্য—

উঠানে বসে শরৎচন্দ্র, পাশে কেশবনাথ—তঁারই পাশে বিষণ্ণ-বদনে
দাঁড়িয়ে মতিলাল। ভুবনমোহিনী মেয়েদের পাশে ব'সে কাঁদছেন—
ওগো বাবা গো...কি হবে গো...কালে যে কামড়ালো ছেলেটাকে...
মা মনসা—দোহাই মা আমার—এহ খুদ-কুঁড়োকে ফিরিয়ে দাও মা!
তোমার ষোড়শোপচারে পূজো দেবো মা—

মেয়েরা সাধুনা দেওয়ার চেষ্টা ক'রছেন—একটু চুপ ক'রো না—
তোমার কান্না দেখলে যে ছেলেটাও মুণ্ডে প'ড়বে!

তঁারই পাশে কাঁচুমাচু হ'য়ে দাঁড়িয়ে মনিলাল—তিনিই এ কাল-দৃশ্যের
একমাত্র সাক্ষী!

কেশবনাথ হরিণের শিংএর বাঁটের চকচকে ছুরিখানা দিয়ে
ক্ষতস্থানটা ভাল ক'রে চিঁরে দিলেন। রক্ত খানিকটা বেরিয়ে গেল।
বাঁধন দেওয়া হ'য়েছে, পায়ের গুঁছি থেকে উরু পর্যন্ত।

একজন সহসা জিজ্ঞাসা ক'রলেন—সাপ দেখেছিলি?

শরৎচন্দ্র উত্তর দিলেন—হঁ!

কোথায় ছিল?

খাপ্রার তলায়—না জেনে পা দিতেই চক্কোর তুলে ছুবলে দিলে।

তারপর কি ক'রলি?

মনিমামা পৈতে বঁধে দিলে।

কেশবনাথ শরৎচন্দ্রের হাতে একটু হুন তুলে দিয়ে ব'ললেন—
দেখতো থেয়ে!

শরৎচন্দ্র মুখ বিকৃত ক'রলেন—চিনি!

আবার দেখতো—

এবার আর মুখ বিকৃত নয়—ব'ললেন, হুন!

ঠিক সেই সময়েই রাজু এসে উপস্থিত। হাতে শ্রিয় সেই বাঁশী।
জিজ্ঞাসা ক'রলো—কি হ'য়েছে? শরৎ কোথায়? দাঁড়াবার সময়

নেই—কারও কথায় কান দেওয়ার অবসর তার নেই। যেমন ঝড়ের মত এসেছিল তেমনি ঝড়ের মত প্রলম্ব তুললো—মায়াগঞ্জে খুব ভাল রোজা আছে— নিয়ে আসবো ডেকে?—

মতিলাল এতক্ষণে যেন কূল খুঁজে পেলেন। ব'ল্লেন—যাও তো লক্ষ্মীটি! কিন্তু কিসে যাবে?

আমার ডিঙি আছে—যাবার সময়শ্রোত পাবো—আসার সময় পাল—
রাজু দাঁড়ালো না—বেরিয়ে গেল ঝোড়ো হাওয়ার মত!

[শরৎ-পরিচয়, সূ. না. গ., পৃ: ৮৮-৮৯]

* * * *

রবিবার ছুটির দিন। পড়াশুনার চেয়ে খেলাধুলাই চলে বেশী।
বাড়ীর কর্তারাও থাকেন একটু উদাসীন। নিয়মের কঠোর বাঁধনে নান্নে
কিঞ্চিৎ শিথিলতার ছায়া। এটুকুই আনন্দ—এটুকুই মুক্তির আশ্বাস।
এরই সাধনায় কাটে সারাটি সপ্তাহ!

এ হেন ছুটির দিনে শরৎচন্দ্র সকাল থেকে কোথায় যে উধাও হন,
তার সঠিক সন্ধান ক'রতে পারেন না অল্পচরবৃন্দ!

অত্ননয়-বিনয় চ'ললো প্রথমে, তারপর এলো অন্তরোধের পালা। তবুও
হলের নেতা অচল অটল। বাধ্য হ'য়েই চেলাচামুণ্ডার দলকে নিরস্ত
হ'তে হ'ল।

সেদিনটা বোধ হয় মেজাজটা একটু সবিফ ছিল। সহসা সুরেন্দ্রনাথকে
ব'ল্লেন— তোকে একটা জিনিষ দেখাবো চল! কয়েক পা এগিয়েই
থম্কে দাঁড়ালেন। ব'ল্লেন—নাঃ, তুমি ফাঁস ক'রে দেবে, দরকার নেই
দেখিয়ে।

সুরেন্দ্রনাথ আশ্বাস দেওয়ার চেষ্টা ক'রলেন—না, কখনও না!
মাইরী কালীর দিব্যি ব'লছি—

ঠিক ত ?

আচ্ছা সূর্য্যামা—গঙ্গা আর হিমালয় সাক্ষী—তোমাকে ছুঁয়ে ব'ল্ছি!

তা হ'লে চল—

কিছুদূর এগিয়ে ঘোষেদের পোড়ো বাড়ীর সামনে এসে দাঁড়ালেন। উত্তরদিকে গঙ্গার ঠিক পাড়ের উপরেই নিম্ন আর দাঁতরাঙা গাছের ঘন জঙ্গল। সেখানে মানুষ কেন গরু-ছাগলও ঢুকতে সাহসী হয় না। গুলফের ল', কাঁটালতার বন ছ'হাতে সরিয়ে ধীর পদক্ষেপে এগিয়ে চ'ললেন শরৎচন্দ্র। পিছু পিছু চ'লেছেন সুরেন্দ্রনাথ। মনে তাঁর গভীর শঙ্কা—যদি সাপে তাড়া করে ?

শেষে এক কল্ললোকে এসে পৌঁছলেন হুজনে। কচি সবুজ পাতা। শিথিল মলয় পদন। সূর্য্যের মৃদু পূর্ণিমার পরশ—গঙ্গার কুলুকুলুধ্বনি—মনকে অশ্রুপূর্ণিতে টেনে নিয়ে যায়—চোখের পাতা অপনক হ'য়ে ওঠে। অন্তরটা নিজের অজ্ঞাতে ফুকারে ওঠে—আহা, কি সুন্দর!—সামনে ধু ধু ক'রছে চর—ওপারের সবুজের কোলে হিমালয়ের অস্পষ্ট চূড়া—

নাথো বড় একটি ঝামা—শরৎচন্দ্র সেখানে লাফিয়ে উঠে বসার আসন ক'বে নিয়ে ব'ললেন—এটি আমার তপোবন! এখানে আমি সাধনা করি!

সুরেন্দ্রনাথ জিজ্ঞাসা ক'রলেন—এখানে বসে বুঝি ঠাকুরের নাম জপ করো ?

দূর পাগলা! এখানে ব'সে আমি প্রকৃতির দৃশ্য দেখি! দেখছি না—কেমন ঝামাটাকে কেন্দ্র ক'রে খরশ্রোত ব'য়ে চ'লেছে! ও-পাশে চর, হিমালয় আর তার চূড়া—পিছনে লতার কুঞ্জ, আব'ছা রোদের ছায়া—আর গঙ্গার কলনিবাদ—মনটা খেই হারিলে ফেলে, আর আমি শুধু চেয়ে চেয়ে দেখি—আর দেখি, তবুও পুরানো হয় না—

পুনরায় লাফিয়ে ঝোপের পাশে ফিরে এলেন। ব'ললেন—ভারি

সুন্দর, না ?

সুরেন্দ্রনাথ ব'ল্লেন—হ্যাঁ !

শরৎচন্দ্র সাবধান ক'রে দিলেন—কিন্তু খুব সাবধান !

কেন ? ভূত আছে বুঝি ?

না বড় বড় সাপ আছে !

তোমার ভয় করে না ?

অবজ্ঞার সুরে ব'ল্লেন শরৎচন্দ্র—ওরা আমার পোষ মেনে গেছে ।

[শরৎ-পরিচয়, স্ত. না. গ.: পৃ: ২৪]

*

*

*

ছাত্রবৃত্তি পরীক্ষায় পাশ ক'রে শরৎচন্দ্র সর্ব-বিজ্ঞাবিশারদ হ'য়ে উঠলেন । ইংরিজী স্কুলের তুচ্ছ “রয়েন-রিডার” হ'নম্বর ছাড়া তাঁর পাঠ্য-পুস্তক ব'লে আর কিছু রইলো না । তখন সেদিনের সেই বেকার অবস্থায় “হরিদাসের গুপ্তকথা” ও “ভবানীপাঠক” এই দু'টি হ'ল সঞ্চল ! [এগুলি মতিনালেরই সংগ্রহ । তিনি নিজে প'ড়তেন এবং কুসুমকামিনী দেবীকে প'ড়তে দিতেন ।] অবশ্য চুরি ক'রেই গণধঃকরণ ক'রতেন নীরবে এবং একান্ত গোপনে ।

ফল এর অবশ্য ভালই হ'য়েছিল । বছরের শেষে ফাষ্ট হ'য়ে ডব্লু প্রমোশন পেলেন । চেলা-চামুণ্ডের দল উৎসাহিত হ'ল । বন্ধুরা সম্মুখে চ'লতে স্নক ক'রলেন—বড়োরাও ভবিষ্যৎ সঞ্চকে আশাবিষ্ট হ'য়ে উঠলেন ।...

[শরৎ-পরিচয়, স্ত. না. গ.: পৃ: ২০]

*

*

*

খ্যাতি ও প্রতিপত্তির মধ্যেই পড়াশুনা যখন অগ্রসর হ'চ্ছিল, ঠিক তখনই গাও লী-বাড়ীতে একটা অঘটন ঘটে গেল । হালিদহর থেকে

ভাগলপুরে ফেরার পথে বাঙালীটোলার মোড়ে, মেয়ে-বোঝাই ঘোড়ার গাড়ীটা উল্টে নাগার মধ্যে পড়ে গেল। আঘাত সকলেই কিছু না কিছু পেলেন, কিন্তু সকলের চেয়ে বেশী আঘাত পেলেন বিদ্যাবাসিনী। বহু চিকিৎসার পরও কিছুতেই যখন তিনি আরোগ্য লাভ ক'রতে পারলেন না, তখন ডাক্তাররা পরামর্শ দিলেন—ক'লকাতায় চিকিৎসার ব্যবস্থা করা ছাড়া গতান্তর দেখা যাচ্ছে না! বিরাট একটা খরচা চাপলো কেদারনাথের ওপর। ও-পাশে অমরনাথের মেয়ে সুরবালায় বিয়ের ব্যবস্থা না ক'রলেও নয়! অবস্থাগতিকে ব্যবস্থা ক'রতে হ'ল কেদারনাথকে। নিজে কিছুদিনের জন্ত হালিসহরে রওনা হ'লেন বসবাসের উদ্দেশ্যে। আর মতিলালকে সপরিবারে কিছুদিন দেবানন্দপুরে বসবাসের আদেশ দেওয়া হ'ল।

[শরৎ-পরিচয়, সূ. না. গ., পৃ: ৯৫-৯৬]

*

*

*

দেবানন্দপুরে ফিরেই শরৎচন্দ্র ছগলী স্কুলের চতুর্থ শ্রেণীতে ভর্তি হ'লেন বটে, কিন্তু সংসারের অবস্থা তখন সম্পূর্ণ অচল। ভুবনমোহিনী মেবীর অলঙ্কার বিক্রী ক'রে দিন চলে কোনরূপে। ছ'বেলা ছ'মুঠো খাওয়ার সময় ছাড়া মতিলাল সকল সময়ে ঘরছাড়া—কাজের সন্ধানে ব্যস্ত।

নিয়মিত স্কুলের মাইনে যোগানো প্রায় অসম্ভব। লজ্জায় শরৎচন্দ্র স্কুল-পলাতক। সহপাঠীও সে-সময়ে জুটলো সেইমত।

বায়ুনের ঘরের ছেলে—নিয়মত রক্ষা ক'রতেই হবে! স্ততরাং অনাড়ম্বরে পৈতে হ'য়ে গেল। সেই স্রবতে প্রাপ্তিযোগ্য ঘটলো লাল একটি ছাতা। স্কুল যাওয়ার পথে ট্রেন আসতে দেখলেই সেই লাল ছাতা দেখিয়ে গাড়ী থামানোর প্রচেষ্টা চ'লতে লাগলো।

কোন গাড়ী থামে, কেউ বা ভ্রক্ষেপও করে না। গড়্গড়িয়ে চলে যায় গন্তব্য স্থলে। যাত্রীরা হাসে—ছেলের দলও বস্ত্র আনন্দ উপভোগ করে, আর যে গাড়ী থামে, তার খালাসীরা বেয়াকুব ব'নে যায়। ক্রোধে ফুলতে থাকে। ঘন ঘন কয়লা ছুঁড়ে প্রতিশোধ গ্রহণের চেষ্টা করে। তখন সান্দ্রোপাদ্রো নিয়ে শরৎচন্দ্র পাশের জঙ্গলে আশ্রয় নিয়ে আত্মরক্ষা করেন। এ-খেলা চ'ললো কিছুদিন।

[শরৎ-পরিচয়, অ. না. গ., পৃঃ ৯৮]

*

*

*

এপাশে সংসারের অবস্থা অধিকতর সঙ্গীন হ'য়ে উঠলো। ভুবন-মোহিনীর সমস্ত অলঙ্কার একের পর এক উত্তমর্গের ঘবে আশ্রয় লাভ ক'রলো। এমন কি বাস্তব ভিটেটুকুও বন্ধক প'ড়লো শেষ পর্যন্ত।

শরৎচন্দ্রের পড়াশুনাও একরূপ বন্ধ হ'য়ে গেল। পাড়ার ছেলেদের সঙ্গে ঘুরে, হৈ-চৈ ক'রে দিন কাটাতে লাগলেন। মূল্যবানদের তেজিয়া পুকুরের পাড়ে একটি কুঁড়ের তৈরী ক'রে অবসর বিনোদনের ব্যবস্থা ক'রলেন। সেখানে গ্রামের বাগান থেকে ভাল ভাল আম, কাঁঠাল লিচু, আনারস ও কলা সংগ্রহ ক'রে ভুরিভোজন চালাতে লাগলেন। কখনও-বা গরীব প্রতিবেশীদের ঘরে বিতরণও ক'রে এলেন। তামাক খেয়ে কিমানো মেজাজটাকে শানিয়ে নেওয়ার ব্যবস্থা ক'রলেন সেই সঙ্গে। সে বিলাস কেন্দ্রের সঙ্গী হ'লেন কাশীনাথ বন্দ্যোপাধ্যায়, সত্যীশ ভট্টাচার্য্য, বিনোদ বন্দ্যোপাধ্যায় ও উপেন ঘোষ। এঁরা যেমন হুঃসাহী, তেমনই বেপরোয়া। প্রয়োজন বোধে, পূর্বে জ্ঞানিয়ে প্রতিপক্ষের ফসল লুণ্ঠন ক'রতে এতটুকুও দ্বিধা বোধ ক'রতেন না বরং মনে-প্রাণে গর্ব অহভব ক'রতেন।

তখন শরৎচন্দ্রের মাথার ঝাঁকড়া চুল, সঙ্গে একখানা দোখারি ছুরি।
দলে পরিচালক হ'লেন তিনি নিজেই !

[বাতায়ন, শরৎ স্মৃতিসংখ্যা—পৌষ ১৩৪৫]

* * * *

শরৎচন্দ্র এ বয়সে দাবা খেলতে শিখেছিলেন। সঙ্গী ছিল মুন্সীবাড়ীর
ছেলে সদানন্দ। সদানন্দ শরৎচন্দ্রের সঙ্গে মেলামেশা করুক, অতিভাবক-
গণ এটি মোটেই পছন্দ ক'রতেন না। ফলে, দিনের-বেলা তাঁদের
মেলামেশা প্রায় বন্ধ হ'য়ে গেল। অথচ একদিন না খেললে উভয়েরই
মেজাজ বায় বিগড়ে, কাজে ব'সে না মন—ভুল হয় প্রতি পদে। সুতরাং
স্থির হ'ল সন্ধার পর যখন কর্তারা আশোদ-প্রমোদে ও গল্প-গুজবে
উঠ'বেন মেতে, সেই সময়ে দু'জনে দু-দান খেলে নেবেন পরম নিশ্চিন্তে।
কিন্তু সংবাদরাজা নিয়ে রাস্তা চলা যে প্রায় বন্ধ ! তাই'লে এখন উপায় ?

শরৎচন্দ্র ব'ললেন—কুচ্পরোয়া নেই ! তোদের বাড়ীর পিছন দিকে
যে গাছটা হেলে ছাদে গিয়ে ঠেকেছে, আমি সেই গাছ বেয়ে উপরে
উঠে যাবো। তুই মইটা ঠিক ক'রে লাগিয়ে রাখিস্ !

সদানন্দ সভয়ে ব'ললেন—অন্ধকারে গাছ বেয়ে আসবি—যদি
প'ড়ে বাস্ ?

শরৎচন্দ্র অভয়-হাসি হাসলেন। ব'ললেন—জানি একটু এপাশ
ওপাশ হ'লেই মূ্হা, কিন্তু ওটা ত জীবনে একটিগারই আসে !

সতীশ বাণী ও বেহালা বাজাতে পারতেন। বেকার শরৎচন্দ্রের
হাতেওড়ি প'ড়লো তাঁর হাতে। কিন্তু কিছুদিনের মধ্যে তিনিই ব'ন্ধে
উঠলেন দলের মধ্যে সেরা গাইয়ে ও বাজিয়ে। এর পরেই তাঁর দৃষ্টি আকৃষ্ট
হ'ল যাত্রাদলের প্রতি।

কাজটা লোভনীয়, কিন্তু অভিভাবকের মত সহজে পাওয়া সম্ভবপর নয়। তাই লুকিয়ে তিনি হ'লেন গ্রামছাড়া। ভিড়লেন যাত্রার দলে। কিছুদিন সাকরেদিও ক'রলেন, কিন্তু বেশীদিন অভিভাবকের চোখে ধূলি দেওয়া সম্ভবপর হ'ল না। তাঁরা ধ'রে নিয়ে এলেন গ্রামে। আরম্ভ হ'ল পড়াশুনা। এবার সাথী হ'ল কালিদাসী ওরফে রাজলক্ষ্মী।

রাজলক্ষ্মী এখন একটু বড় হ'য়েছে, কিন্তু সেই রোগা ছিপ্‌ছিপে গড়নে তার এতটুকুও পরিবর্তন দেখা দেয়নি। সে আজও মার খায়—আবার সুযোগমত শাসনও করে।

বোকাপড়া তার মুখে নয় চোখের ভাষায়। এমন চোখে সে চায়—সেখান থেকে অগ্নয়ুগি হয়—পুরুষের অন্তরাখ্যা শুকিয়ে কাঠ হ'য়ে একটা অজানা আশঙ্কায় দুক দুক ক'রে কাঁপতে শুরু করে। শুধু কি তাই—সে বুঝে পড়ে নিছেরই অজ্ঞাতে। শরৎচন্দ্রও নতি স্বীকার ক'রে এগিয়ে আসেন। হাত দু'টো তুলে নিয়ে মূহ চাপ দেন। আঙুলগুলো নিজের হাতে তুলে নিয়ে খেলা করেন। কখনও বা বাতাসে উড়ে আসা মাথার চুলগুলো ঠিকভাবে বিতস্ত ক'রতে ক'রতে জিজ্ঞাসা করেন, রাগ ক'রলি কালিদাসী?

কালিদাসী তবুও নিরুত্তর। অভিমানে ফুলছে সে নীরবে।

হাতখানায় টান দিয়ে শরৎচন্দ্র বল্লেন—চল—

না!

মিছে রাগ করিস্ না কালিদাসী! তুই সঙ্গে না থাকলে কোন কাজেই আমার দিজিলাভ হয় না!

মিছে কথা!

বিশ্বাস কর! তোকে কারণে-অকারণে মারি মতি, কিন্তু তুই বুকিনা কেন—ভালবাসি বলেই ত মারি! শুধু যা উদ্ভ্রাস একটু

বেশী ! তাই ব'লে তুই আমার উপর রাগ ক'রবি ? হাতখানা একটু জোরে টেনে ধ'রে ব'ল্লেন—চল—

কোথায় ?

আজ ছিপ ফেল'বি না ?

শীকারী উভয়েই, কিন্তু পারদর্শিতায় অধিকতর পটু ছিল কালিদাসী । বিশেষ ক'রে কোথায় মাছ চরে, প্রতি টোপে কোথায় মাছ ধরা যায়—তার নিশানা দিতে পারতেন সে একাই !

রাগ প'ড়ে গেল কালিদাসীর । ছুটলো সে ছিপ আনতে ।

বিধবা মা কিংবা বড় বোন সুরলক্ষ্মী হয়ত সামনে প'ড়ে গেল । জিজ্ঞাসা ক'রলেন—এই ভ'র রোদে কোথায় আবার চ'ল্লি কালিদাসী ? মাছ ধ'রতে !

প্রতিদিন এই ছপু'রে মাছ ধ'রতে যাবি ! কেন ? নবাবের মেয়ের বৃদ্ধি মাছ ন'হ'লে মুখে ভাত রুচে না ?

এ-সব কথা গায়ে মাথার মেয়ে নয় কালিদাসী । কোনরকমে এদের চোখে ধূলি দিয়ে ছিপ ছুটো নিয়ে সরে একবার প'ড়তে পারলেই বেঁচে যায় সে এ-যাত্রা !

ছিপ ফেলতে বসলো দু'জনে । কিন্তু শরৎচন্দ্রের ফায়ফরমাসের অভাব নেই : এই কালিদাসী তামাক সাজ ! চার ফেল—তোর বেশ খাচ্ছে—আমার খাচ্ছে না কেন ? ক'টা ধ'রলি ? বেটাচ্ছেলে মাছগুলো বড় চালাক হ'য়ে গেছে, একবার ঠুকরেই স'রে প'ড়ছে বারে বারে ! যাই বল, তোর হাতবশ আছে ! ক'টা ধ'রলি ? বলিস্ কি ? বারোটা—আমার যে তিনটে ! দে-দে তামাক সেজে দে এক ছিলিম !

চারে মাছ এসেছে । কালিদাসীর মন কিছুতেই উঠতে রাজী নয় । কিন্তু উপায় কি ? শরৎদার হুকুম—মাথায় তাকে পেতে নিতেই হবে !

এক ছিলিম শেষ হ'য়ে গেল—তবুও মাছ ঠোকরায় না ! এপাশে

কালিদাসীর মাছ তিরিশের কোঠা পেরিয়ে গেল। অব্যক্তিবোধ ক'রতে লাগলেন শরৎচন্দ্র। ব'ললেন—কি তামাক খাওয়ালি কালিদাসী—মেজাজটা ঠিক খুললো না! খাওয়ানা আর এক ছিলিম!

মুখখানা ভার ক'রে আদেশ পালন ক'রলো কালিদাসী। আড়গোথে তার মুখের দিকে তাকিয়ে দুষ্ট-হাসি হাসলেন শরৎচন্দ্র। কিন্তু মেজাজটা তখনও ঠিক তাজা হ'য়ে ওঠেনি। তাই আরও কিছুক্ষণ ভুড়ুক ভুড়ুক ক'রে টান দিয়ে নির্দিষ্ট স্থানে লুকিয়ে রেখে এলেন হাঁকো আর কল্কেটা!

এপাশে রোদ গড়িয়ে এসেছে। সন্ধ্যা হ'তে বেশী আর দেরী নেই। হাই তুলে, আলিস্তি ভেঙে ব'ললেন শরৎচন্দ্র—আরও মাছ ধ'রবি?

কেন?

সন্ধ্যা যে হ'য়ে এলো!

এলোই বা!

আম খাবি না?

সঙ্গে সঙ্গে কালিদাসীর মন প্রসূক হ'য়ে উঠলো। ব'ললো—
খাওয়াবে কে?

যে খাওয়ায়—

দাঁড়াও, আরও একটু দেখি!

আমার ভাল লাগছে না!

ক'রবো কি?

ওগুলো ঘরে পৌছে দিয়ে আয়!

গেলে মা বা দিদি সহজে ছাড়বে না!

যেমন তুই বোকা! ছিপ্‌টা এখনে ফেলে যা—বাড়ী গিয়ে বোকার অভিনয় ক'রবি—এই বাঃ, ছিপ্‌টা আনতেই তুলে গেছি! বাই, ছুটে বাই—নইলে কেউ হয়তো নিয়ে পালাবে!

তুমি কটা ধ'রেছো ?

পাঁচটা !

ওগুলো দাও । কালিদাসী ছিপ্ গুটোতে আরম্ভ ক'রলো ।

শরৎচন্দ্র অপেক্ষা ক'রতে লাগলেন । কালিদাসী বাড়ীর পথে পাড়ি দিল । বাওয়ার পথে সে মাসীমাকে (ভুবনমোহনীকে) অর্ধেকের বেশী মাছ দিয়ে খুশী মনেই বাড়ী ফিরলো । শরৎচন্দ্রের শেখানো “বুলি” ক'প'ছে ফিয়ে এলো কিছুক্ষণ পরে ।

শরৎচন্দ্র অধীরভাবে অপেক্ষা ক'রছিলেন । কালিদাসীকে দেখে খুশী হ'লেন । কিন্তু ক্রোধ প্রকাশ ক'রতে বিদ্যুমাত্র কুণ্ঠাবোধ ক'রলেন না । ব'ললেন, এত দেরী ক'রে ফিরলি যে !

একটু দেরী ত'য়ে গেল । হাসিমুখে কালিদাসী পাশে এসে দাঁড়ালো ।

ঐ হাসিটিই শরৎচন্দ্র দেখতে চেয়েছিলেন । এ বেন স্বপ্নের অমৃত-সুধা ! জীবন-মন সব শীতল ক'রে দেয় । ব'ললেন, চল্ জমিদারবাড়ির বাগানে ! ভাল ভাল আম আছে সেখানে !

কিন্তু ওদের দরওয়ানটা বে ডাকাত ! যেমন বিদ্যুকুটে চেপে রাখে, যেজাতিটাও ঠিক তেমনি ! সেদিন আমার চুল ছিঁড়ে নিয়েছিল !

আজ একবার নিক্ না দেখি । ছুরিখানা দেখিয়ে ব'ললেন,—তোমর গায়ে হাত দিলে তাকে খুন ক'রে ফেলবো আমি !

সত্য ? কালিদাসীর চোখে মুখে অপার বিশ্বাস ।

আমি থাকতে কে গায়ে তোমর হাত দেবে দেখি ? এমন সাধা আছে কার ?

কালিদাসী তা জানে । নিজে মারেন সত্যি -- কিন্তু ওটা যে অতৃপ্ত উচ্ছ্বাসের প্রতিচ্ছবি—মুখের দিকে তাকালেই বোঝা যায় অকপটে ! কিন্তু তার জন্তে শরৎচন্দ্র অনায়াসে খুন ক'রতে পারে— । কথাটা ভেবে

দেহ-মন কালিদাসীর আনন্দে আগ্রত হ'য়ে উঠলো। এ ছনিয়ায় তবে তার গতিরোধ করে কে ?

চ'ললেন ছদ্মনে। চুপি চুপি পিছনের পাঁচিল বেয়ে বাগানের ভেতর ঢুকেই শরৎচন্দ্র কালিদাসীকে ভেতরে টেনে তুলে নিলেন। ব'ললেন, এটা ঝাকড়া আমের গাছ। তুই এই ঝোপটার পাশে দাঁড়া, আমি ফেলবো, তুই কোঁছড়ে কুড়িয়ে রাখ'বি—বুঝ'লি !

সরসর ক'রে গাছে উঠে গেলেন শরৎচন্দ্র। আমি পাড়ার ঝুপ্ ঝুপ্ শব্দে আকৃষ্ট হ'য়ে বাগানের গোঁফো মালি ছুটে এলো এক নিমেষে। কালিদাসীকে অস্পষ্ট আলোকে চিন্তে পেরে গজ্জ উঠলো, কোন্‌ হা—

শরৎচন্দ্র সতর্ক হ'য়ে গাছের ডালে আয়তগোপন ক'রলেন। কালিদাসীও চতুর মেয়ে। ঝট্ ক'রে কোঁছড় থেকে আম ক'টা ঝোপের মধ্যে ছুঁড়ে ফেলে দিয়ে, শরৎচন্দ্রের সেই প্রিয় ছুরিখানা তুলে নিয়ে একটা গাছের গোড়া খুঁড়তে ব'সে গেল।

মালি এগিয়ে এসে জিজ্ঞাসা ক'রলো, কেয়া ক'রতে হা ?

দাবাই চুঁড়তা—দাবাই—

দাবাই ? হি'য়া'পর দাবাই ?

জৌ, ইয়া ! মেরি মাতাজি বাতমে ভুস্তা হা—এই শিকড় লেকে ধারণ ক'রনেসে আচ্ছা হো যায়গি।

মালি কালিদাসীর কথা শুনে হাসলো। গুদীও হ'ল। ব'ললো—
হি'য়া'পর বহু বড় বড় সাপ হা—জলদি কোরো—

কালিদাসী শরৎচন্দ্রের শিষ্টা। ছুরি ও এক টুকরো শিকড় হাতে নিয়ে খোঁড়াতে খোঁড়াতে এগিয়ে চ'ললো।

শরৎচন্দ্র সেই অবসরে গাছ থেকে নেমে আঁগ চারটি কুড়িয়ে নিয়ে, প্রাচীর উপক্—সামনের পথে এসে দাঁড়ালেন।

কালিদাসী গোট থেকে বেরিয়েই শরৎচন্দ্রকে সামনে দেখে সবিস্ময়ে ব'ল্লো, তুমি ?

হ্যাঁ। সহাস্ত্রে উত্তর দিলেন শরৎচন্দ্র। পথ চ'লতে চ'লতে আম চারটি তার হাতে তুলে দিয়ে ছুরিটি ফিরিয়ে নিলেন। ব'ল্লেন, তুই খাবি কালিদাসী !

আর তুমি ?

অনেক খেয়েছি !

মিছে কথা ! তুমি দুটো খাও—

আরে না—

তা হ'লে নেবো না। ঠোট ফুলিয়ে ঝুখে দাঁড়ালো কালিদাসী। শরৎচন্দ্র আর দ্বিধাক্কা ক'রলেন না। তার হাত থেকে দুটো আম ফিরিয়ে নিয়ে ব'ল্লেন—তোর যখন ইচ্ছে—তাই হোক।

হোক না এখুনি খেয়ে ফেলো। রাস্তার উপর ব'সে প'ড়ে কালিদাসী ছুরিখানা নিজের হাতে টেনে নিয়ে আম ফালি ক'রে ব'ল্লো—নাও খেয়ে নাও !...

* * * *

পাশের বাড়ীর বৌ সুরবালা ভুবনমোহিনীর কাছে প্রায়ই আসতেন। সুখ-দুঃখের কথা কইতেন, গল্প ক'রতেন। ডাক্তেন “খুড়ীমা” বলে ! স্বামী তাঁর বিদেশে চাকরী করেন। বাড়ীতে থাকেন এক সরকার আর কালা স্বাণ্ডী।

বয়স আঠারো-উনিশ। দেখতে শুনতে সুরূপা বলা চলে ! আচার-ব্যবহারে রুচিমার্জিতা। বিশেষ ক'রে অন্তরটি ছিল তাঁর মধুমাখা। মাহুঘের দুঃখ তিনি দেখতে পারেন না। তাই এটা-ওটা উপলক্ষ্য ক'রে এঁদের প্রতিদিনই কিছু না কিছু সাহায্য ক'রে যেতেন।

শরৎচন্দ্র তাঁকে বৌদি ব'লে ডাকতেন। তিনিও শরৎচন্দ্রকে অত্যন্ত

স্নেহের চক্ষে দেখতেন। শুধু তাই নয়, তাঁর যতকিছু আবদার তিনি হাসিমুখে জুগিয়ে যেতেন।

একদিন বন-ভোজনের ব্যবস্থা হ'ল। ছেলের দল দূরে একটা বাগানে সমস্ত ঘোঁড়া-বস্ত্র ক'স্বতে ব্যস্ত রইলো! শরৎচন্দ্র এলেন বৌদির কাছে কিছু চাঁদা ও পান সংগ্রহের উদ্দেশ্যে।

স্বরবালা তাঁদের উৎসবে চাঁদা দিলেন, পাঁচ টাকা। সাজা হ'তে লাগলো পান! গল্পও চ'লতে লাগলো দু'জনের মধ্যে।

শরৎচন্দ্রের মনটা তখন পড়েছিল বন্ধু বান্ধবের কাছে। তাঁর দেৱী সহ্য হ'চ্ছিল না। বারে বারে তাগিদ দিতে লাগলেন, কই তোমার চ'ল বৌদি!

স্বরবালা উত্তর দিলেন, একটু দাঁড়াও, খিলিগুলো মুড়ে নিই!

শরৎচন্দ্র কৃত্রিম ক্রোধ প্রকাশ ক'স্বগেন, না তুমি ইচ্ছে ক'রেই দেৱী ক'রে দিচ্ছে!

স্বরবালা মুখ তুলে হাসলেন। ব'ললেন—তাই ত' দিচ্ছি! এমন জরুরি কাজ সেখানে তোমার কত আছে বলতো?

শরৎচন্দ্র ব'ললেন—সে তুমি বুঝবে না।

অবশেষে হাসিমুখে স্বরবালা সাম্নে এসে দাঁড়ালেন। হাতের ওপর একটি একটি ক'রে পানের খিলি সাজিয়ে দিলেন। আদর ক'রে কোলের কাছে টেনে এনে একটু চুম্ব খেলেন শরৎচন্দ্রের কপালে।

বয়স তখন তাঁর পনের কি ষোল। সেই আকর্ষণের সন্নিধানে অস্থায়ী যৌবন তাঁর সহসা আত্মপ্রকাশ ক'রে বসলো। তিনি অধীর আবেগ ও এক অপূর্ণ অহুত্বের তড়িৎ প্রাবনে বন্ধুগণের কাছে আর ফিরে যেতে পারলেন না। দূরে একটা পড়ো বস্তির নির্জন টিবিটার উপর ব'সে চোখের জলে ভাসতে লাগলেন।

*

*

*

*

একটা অজ্ঞাত লজ্জায় শরৎচন্দ্র কয়েকদিন সুরবালার সম্মুখীন হ'তে পারলেন না। কিন্তু সুরবালা এই ঘটনাটাকে কোন প্রাধান্যই দিলেন না। গোপনে তিনি এই দরিদ্র পরিবারকে বৈরূপ সাহায্য ক'রে যাচ্ছিলেন উপহারের লৌকিক আচরণে,—তেমনি সেদিনও তিনি এসেছিলেন। শরৎচন্দ্র তখন বাড়ীতেই ছিলেন। সুরবালাকে দেখে ঘরের মধ্যে গিয়ে ঢুকলেন। সুরবালা নানা কথার মধ্যে সহসা জিজ্ঞাসা ক'রে ব'ললেন, আচ্ছা খুড়ীমা শরৎঠাকুরপো হঠাৎ পড়াশুনা ছেড়ে দিলেন কেন? শুনি ত' লেখাপড়ায় উনি খুব ভাল—

ভুবনমোহিনীর শেষ পর্য্যন্ত শোনার ধৈর্য্য রইলো না। তিনি চোখের জলে ভাসতে লাগলেন। ব'ললেন—সংসারের অবস্থা ত সবই দেখতে পাচ্ছো, মা! এতগুলো ছেলেমেয়ের মুখে দিয়ে, কি করেই বা ওর পড়াশোনার ব্যবস্থা করি! তোনার খুড়োম'শায় ত এ জগতেরই মাহুষ নন!—নিজের মনে বসে বসে কি বে ভাবেন, কি বে করেন, একা তিনিই জানেন! দেখোনা একবার ওঘরে গিয়ে—কেমন নির্বিকার চিত্তে বই নিয়ে বসে আছেন ভোলানাথের মত!

সুরবালা সমস্তই লক্ষ্য ক'রে আসছিলেন—এতদিনে মুখ খুললেন, যদি আপনাদের আপত্তি না থাকে ত ঠাকুরপো আমার কাছে থেকেই পড়াশোনা ক'রতে পারেন।

ভুবনমোহিনী ছেলের ভবিষ্যতের কথা চিন্তা ক'রে ব'ললেন, ওঁকে একবার জিজ্ঞাসা ক'রে তোমায় ব'লবো'খন মা।

সুরবালা ফিরে গেলেন: শরৎচন্দ্র সুরসাধনায় মত্ত হ'য়ে উঠলেন। কর্তৃস্বরটি ছিল তাঁর মধুমাখা।

*

*

*

মতিলালবাবু রাজি হ'লেন সহজেই। ব'ললেন, যদি একটা হিল্লো হয় ভালই ত!

ভুবনমোহিনী ব'ললেন, শেষে ছেলেটাকে বিকিয়ে দিতে হবে ?

মতিলালবাবু হাসলেন । ব'ললেন, একটু ভুল ক'রলে ভুবন—সুৰো'মা আমাদের শরৎকে কিনতে চাইছেন না, ঘুরিয়ে কিরিয়ে ছেলেটিকে মালুস ক'রে তুলতে চান ! তুমি দ্বিমত ক'রো না—সুযোগ জীবনে মালুসের খুব কমই এসে থাকে ।

ভুবনমোহিনীও রাজি হ'লেন অবশেষে । শরৎচন্দ্র সুরখালার বাড়ীতে গিয়ে পুনরায় পড়াশুনা আরম্ভ ক'রলেন ।

* * * *

বৌদির আশ্রয়ে আস্তানা লাভের পর, শরৎচন্দ্রের চঞ্চল প্রকৃতি অনেকখানি সংবত হ'য়ে উঠলো । কালিদাসী আছে, তাকে জীবনের ঘারে আজ সে গোণ্য—মুখ্য হ'ল বৌদি ! বৌদির ফায়-ফরমাস খেটে—বৌদির সুখ-দুঃখের অংশ গ্রহণ ক'রেই তৃপ্তি পান সকলের চেয়ে বেশী । তাই নিয়মিত স্কুল যান—পড়াশুনা করেন । আবার অবসব সময়মত গল্প গুজবও করেন । হাসিখুশীর মধ্যে এমনি ক'রে চ'ল্লো কিছুদিন ।

স্কুল থেকে ফেরার পথে সহসা পথের পেলেন কালিদাসীর বিয়ে—বাটের মড়া এক বুড়ো বরের সঙ্গে । ঘটনাটি অবিস্মৃত হ'লেও একটা কুতূহল জেগে রইলো মনের কন্দরে । সকাল সকাল খাওয়া সেয়ে তিনবন্ধু যাত্রা ক'রলেন বিবাহ বাসরে । কিন্তু চোখে বা দেখলেন—মন তা বিশ্বাস ক'রতে রাজী হ'ল না কোনমতে ।

মাত্র বাহাত্তর টাকা পণে বুড়ো রাজী হ'য়েছেন একসঙ্গে দুটি মেয়েকে গ্রহণ ক'রতে !

তরুণমন কেঁদে উঠলো—এও কি সম্ভব ?

বাস্তব পরিচয় দিল—ধূলোবালির জগতে—অসম্ভব ব'লে কোন বস্তু নেই কোনকালে ! যা দেখ তাও সত্য—যা শোন তাও সত্য—পার্থক্য শুধু রুচিবোধের ।

শরৎচন্দ্র ফিরে গেলেন, কিন্তু মনে নিয়ে গেলেন রূঢ় একটা বেদনা !

উপভ্রাস পড়ার বয়স এটা নয়, কিন্তু এরই মধ্যে প'ড়েছেন অনেক ।
যদিও গোপনে—মাঠে, ঘাটে, গোয়ালবরের নিরাপদ আশ্রয়ে—তবুও চিত্ত
তার হাণাকার ক'ণ্ঠে লাগলো—এও কি সম্ভব ?

সমাজ পেয়েছে মুক্তি,—কোলিগ—তাও পেয়েছে মর্যাদা—মা'র
নিরুপায় কাতর হৃদয়—পেয়েছে কি সান্ত্বনার বাণী ?

প্রশ্নের পর প্রশ্ন জাগে, একটা অহেতুক উত্তেজনায় দেহ-মন চঞ্চল
হ'য়ে ওঠে, কিন্তু সমাধানের পথ যে রুদ্ধ চিরতরে !

বাথাই করে সৃষ্টি—বেদনাই হয় তার সান্ত্বনার পাথর—

সহসা ভাবুক শরৎচন্দ্রের কলম মুখর হ'য়ে উঠলো । রবীন্দ্রনাথের
উপভ্রাস প'ড়ে—মনে যে কল্পনা দানা বেঁধেছিল,—পিতা মতিলালের
অসম্পূর্ণ কাহিনী পড়ে মনে যে সৃষ্টির প্রেরণা জেগে ছিল,—বাগিদাদীর
বিবাহবাসর তার দ্বার দিল মুক্ত ক'রে : রচনা ক'রলেন—কাকবাসা—
ব্রহ্মদৈত্য । আরম্ভ হ'ল কোরেল গল্প—.....

সৃষ্টির অবসাদে—চিত্তের উত্তেজনা হ্রাস পেল ধীরে ধীরে । মনটা
চিন্তার স্বর্ণ থেকে নেমে এলো মাটির ধুলিতে । স্নেহ, ভালবাসা ও মমতার
আবর্তে বার বার ঘুরপাক খেয়ে, নিজেকে নোহুন ক'রে চেনার বাসনায়
নিজেই উদ্গ্রীব হ'য়ে উঠলেন দিনের পর দিন ।

*

*

*

এপাশে বৌদির (সুরবালার) স্নেহ-বত্নের শেষ নেই ।

টিকিনের সময় খাবার পাঠিয়ে দেন, সেই খাবার বন্ধুবান্ধবেরা সবাই
মিলে ভাগ করে খান ।—বৌদির প্রসংশায় অস্থখহা'য়াতল মুখর হ'য়ে
ওঠে । বলেন—হ্যাঁ, আর একটা কথা—এই যে আমাদের বন্ধুত্ব ও
ছদ্মতা—কোনদিন জীবনে যেন ম্লান না হয় !

বন্ধুবর্গ সম্মুখে উত্তর দিলেন—নিশ্চয়! আমরা শপথ করছি এই আশংখ্য গাছের তলায় বসে—জীবনে যে যতই বড় হোক না—কাউকে আমরা ভুলবো না কোন সময়ে!...

শরৎচন্দ্র স্কুল থেকে ফিরলে, সুরবালা আদর করে তাঁকে ঘরে নিয়ে বসালেন। বইগুলো নিজেই টেবিলের উপর সাজিয়ে রাখলেন। জিজ্ঞাসা করলেন—টিফিনের খাবার সকলের কুলিয়েছিল?

শরৎচন্দ্র উত্তর দিলেন, খুব ভাল হয়েছিল বোধি! সবাই আমরা পেট ভরে খেয়েছি।

সুরবালা আদরে তাঁর চিবুকখানা দোলা দিয়ে বললেন—এত মিথ্যে কথাও বলতে পারো তুমি! ওইটুকু খাবার—তাও পাঁচজনে—সবার উপর পেট ভরে—বলিহারি তোমার লজ্জা! বাও হাতমুখ ধুয়ে এসো গো।

শরৎচন্দ্র হাতমুখ ধুয়ে ফিরে এলেন। সুরবালা একথালা খাবার নিয়ে সামনে বসিয়ে খাওয়াচ্ছেন। বললেন, ভাল করে পাশ করা চাই—আমি খুড়িমাকে কথা দিয়েছি কিন্তু!

শরৎচন্দ্র সলজ্জ হাসি হাল্ধলেন। বললেন, আচ্ছা তুমিই বলতো বোধি—তোমার কথার অব্যাহতি হয়েছে কি কোনদিন?

* * * *

ইতিমধ্যে সংবাদ এলো কালিদাসীর স্বামী ভীষণ অসুস্থ। বিয়ের ক ছুদিন পরেই সুরলক্ষ্মী ইহ-জগতের মায়া কাটিয়েছিলেন, স্তত্রাং স্বামীর সেবার জন্যে ডাক পড়লো রাজলক্ষ্মীর। বিয়ের পর স্বামীগৃহে তার এই প্রথম যাত্রা। সেদিন স্বামী একাই ফিরে গিয়েছিলেন—আজ ডাক পড়েছে শেষের দিনে সেবাশ্রমের আশায়। যেতে হ'ল রাজলক্ষ্মীকে। কিন্তু দু'মাস পরে ফিরে এলো মাথার সিন্দুর মুছে আর

হাতের শাঁখা ভেঙে দিয়ে। এর পরেই মা'র সঙ্গে ক'ল্লো কালী-
ধামে বাত্রা।

মা একা ফিরে এলেন—ফিরলো না শুধু কালিদাসী। শোনা গেল—
পথে তার বিমূঢ়িকা রোগে অপমৃত্যু ঘটেছে। এ সংবাদে শরৎচন্দ্র
মর্ম্মাহত হ'লেন। এ যেন বিধাতার নির্ম্মম পরিহাস! চিত্তের মর্ম্মবেদনায়
দুটো দিন কোথায় যে কেমন ক'বে কেটে গেল—তিনি বুঝতে
পারলেন না! বোধি কাছে ডেকে সম্মুখে মাথায় হাত বুলায়ে
দিতে দিতে লঘু পরিহাস ক'রলেন, কালিদাসীকে সত্যি তুমি ভাল
বেসেছিলে বটে!

লজ্জায় লাল হ'য়ে উঠলেন শরৎচন্দ্র। ব'ললেন, কি যে তুমি বলো
বোধি!

তবে এমন ক'রে গম্ভীর হ'য়ে বসে আছো কেন দুটো দিন?

এমনি ভাবছি?

বোধি গম্ভীর হ'য়ে উঠলেন। ব'ললেন—উহ—না, অস্তকিছু!

খাঃ! বোধির কোলে মুখ লুকালেন শরৎচন্দ্র।

বোধি এই স্মরণগই খুঁজছিলেন। মাথায় হাত বুলায়ে দিতে দিতে
ব'ললেন—তা হ'লে থাকে চলো!

স্বরবালা তাঁর কথা রাখতে আগ্রাণ চেষ্টা ক'রলেন। নিজে পাশে
বসে খাওয়ান—নিজেই শব্দ্য রচনা ক'রে দেন—অবসর সময়ে ব'সে
আবার গল্প করেন দু'জনে। শরৎচন্দ্র কখনও তাঁকে দেশ-বিদেশের
কথা গল্পের ছলে ব'লে চলেন—বোধিও শোনান কাল্পনিক কত রূপকথার
কাহিনী! দিন কাটছিল বেশ সুখেই। সহসা স্বরবালা অসুস্থ হ'য়ে
প'ড়লেন।

শরৎচন্দ্র তাঁর সেবা ক'রতে লাগলেন। ডাক্তারকে খবর পাঠালেন

কিন্তু ডাক্তারের সেদিকে খেয়ালই নেই। এদিকে রোগী জ্বরের ঘোরে ভুল ব'কছেন। শরৎচন্দ্র নিজে ছুটলেন ডাক্তারের কাছে। জানিয়ে দিয়ে এলেন—যদি তিন দিনের মধ্যে তাঁর বোদি সুস্থ না হ'য়ে ওঠে, তা হ'লে সশরীরে এ গ্রামে আর তাঁর বাস করা সম্ভব হ'বে না!

স্বরবালা পরদিন থেকেই সুস্থ হ'য়ে উঠতে লাগলেন। স্বামী প্রতুলবাবুকে খবর পাঠানো হ'য়েছিল। তিনিও এসে প'ড়লেন। স্বরবালা ব'ললেন—একি তোমার পাগলামো ঠাকুরপো! একটা প্রাণের জন্তে এত লোককে কষ্ট দিলে?

শরৎচন্দ্র উত্তরে মূহু হাসলেন। ব'ললেন, এ ছাড়াও ত উপায় ছিল না বোদি!

*

*

*

স্বরবালা সম্পূর্ণ সুস্থ হ'য়ে উঠেছেন। স্বামী-সেবায় তিনি সকল সময়ে ব্যস্ত। শরৎচন্দ্র প্রথম উপলব্ধি ক'রলেন, স্বামী-স্ত্রীর মধুরতম সম্পর্কটা কি বস্তু। চিন্তা ধারায় সহসা তাঁর একটা বিপ্লব ঘটে গেল! তিনি নিজেকে অশরাদ্ধী সাব্যস্ত ক'রে ফেললেন। কাউকে কিছু না জানিয়ে গভীর রাত্রিতে হাঁটা-পথে পাড়ি দিলেন পুরীর অভিমুখে।

[শরৎ-পরিচয়, অ. না. গ., পৃ: ১৭৭-১৭৮]

*

*

*

প্রথমে হাঁটাপথ...পরে গরুর গাড়ী ও তাদের দ্বারায় 'আচার' সংগ্রহ...তারপর আবার হাঁটাপথ...

পথের ক্লান্তি ও অনাহার তাঁকে দুর্বল ক'রে তুললো। শরীরটা নিজের কাছে বোঝা ব'লে মনে হ'তে লাগলো। শেষে একটা পুকুরপাড়ে বকুল গাছের ছায়ায় বিশ্রাম নেওয়ার উদ্দেশ্যে একটা মাটি চাপা ইটের উপর বসলেন স্থির হ'য়ে।

দ্বিধা ছায়া ও শীতল বাতাসে শরীরটা ক্রমেই এলিয়ে প'ড়তে লাগলো। তিনি আর ব'সে থাকতে পারলেন না। গাছের ঝুঁড়িতে হেলান দিয়ে চোখ বুজিয়ে গ্রামের কথা ভাবতে লাগলেন। মনে পড়ে গেল, সহপাঠীদের কথা—সেই অস্থখ গাছ, টিফিনের সময়ে আসর জমিয়ে ভাগ ক'রে টিফিন খাওয়া, মুরারিপুরের পুলের ধারে মাছ ধরা—বৌদির স্নেহ—বৌদির আদর—বৌদির হাসি—

তল্লাদেবীর আকর্ষণে চিন্তার খেই গেল হারিয়ে।

একটি সুরূপা পূর্ণ-যৌবনা বিধবা, পথের পাশ দিয়ে জল আনতে যাচ্ছিল। সহসা গাছের তলায় একটি যুবককে অকাতরে ঘুমোতে দেখে বিস্মিত হ'লো। সাজ-পোষাক ও চেহারায় সম্ভ্রান্ত ঘরের ছেলে ব'লেই মনে হ'ল।

জল নিয়ে ফেরার পথে যুবতী গাছতলায় এসে থম্কে দাঁড়ালো। নিদ্রিতের দিকে ভাল ক'রে তাকালো। দেখলো, মুখখানি শুকনো—সর্কাক্ষে ফুটেছে ক্লান্তির ছায়া। মনে হ'ল যেন বহুদিন সে অভুক্ত।

যুবতীর প্রাণটা সহসা মনতায় ভ'রে উঠলো। জলের কলসীটা পাশে নামিয়ে রেখে ঠেলা দিল—এখানে ঘুমোচ্ছে কেন? বাড়ী কোথায় গো তোমার?

শরৎচন্দ্রের তল্লাদ আমেজ টুটে গেল। চোখ মেলে তাকালেন। দেখলেন, সামনে দাঁড়িয়ে এক অপূর্ণ সুন্দরী যুবতী। সবিস্ময়ে খাড়া হ'য়ে উঠে বসলেন। আপনি পরিচয় গোপন ক'রে ব'ললেন—জগন্নাথদেবের দর্শনে চ'লেছি—মনের যত কিছু পাপ স'পে দেবো ব'লে।

যুবতী মুচ'কী হাসলো। ব'ললো—তা না হয় হ'ল, কিন্তু এখানে শুয়ে কেন?

শরৎচন্দ্র উঠে দাঁড়ালেন। ভাবলেন—হয় ত কোন অপরাধ হ'য়ে

থাকবে। ব'ল্লেন—আজ ছ'দিন কিছু খাওয়া হয়নি, বিশ্রামও
নিইনি—তাই একটু ঘুমিয়ে—

যুবতী পুনরায় হাসলো। ব'ল্লো—গাছতলায় কি ভাল ঘুম হয় ?
চলো, ব্যবস্থা ক'রে দিইগে !

শরৎচন্দ্র সবিস্ময়ে তার মুখের দিকে তাকালেন। যুবতী পুনরায়
হাসলো। ব'ল্লো—ভয় নেই গো—বয়সে নিশ্চয় ছ'এক বছরের বড়
হবো—চলো ! কচি মুখখানা শুকিয়ে এতটুকু হ'য়ে গেছে যে !

শরৎচন্দ্র আপত্তি ক'রলেন না। কারণ, যে পথকে তিনি একদিন
সহজ মনে ক'রেছিলেন—পথে নেনে দেখলেন—তার মত বন্ধুর আর এ
ছনিয়ায় ছ'টি বস্তু নেই ! নিঃসঙ্গ জীবনের বেদনা যে কত কঠোর—তা
কি মুখের ভাবায় ফোটানো চলে ?

যুবতীর নাম সাবিত্রী। বিধবা। সংসারে এক ভগ্নিপতি ও দুই
সম্পর্কের দেবর ছাড়া আর দ্বিতীয় ব্যক্তি নেই। পঞ্চম 'আদরে তাঁকে
উঠানে আসন পেতে বসালো। কাপড় একখানা কুঁচিয়ে রাখলো।
ব'ল্লো—ভল এনে দিই—কাপড়খানা ছেড়ে ফেল ! ঘরে এখন
যা' আছে—ছ'মুঠো মুখে দিয়ে নাও ! সন্ধ্যায় আহারের ব্যবস্থা ব'ল্লো
ক'রে দেবো'খন্।

শরৎচন্দ্র এতখানির আশা রাখেননি—অথচ এই অখ্যাচত স্নেহকেও
উপেক্ষা ক'রতে পারলেন না। বরং মূল্য যাচাইএর আনন্দে তিনি
অন্তর্যনা হ'য়ে প'ড়লেন।

সাবিত্রী ব'ল্লো—বজ্জা কি ? আমি ত তোমার বোনের মত। নাও
মুখে-হাতে জল দিয়ে নাও।

শরৎচন্দ্র উত্তর দিলেন না। নীরবে নির্দেশ পালন ক'রে গেলেন।

খাওয়া শেষ হ'লে সাবিত্রী নিজেই শয্যাটি পরিষ্কার চাদরে ঢাকা
দিয়ে ব'ল্লো—নাও, শুয়ে পড়ো...

শরৎচন্দ্র অকাতরে ঘুমোচ্ছিলেন। রাত্রি তখন প্রায় ন'টা। সাবিত্রী চৈলী দিয়ে জাগিয়ে ব'ল্লো, আর ঘুমিয়ে কাজ নেই—থাবে চলো।

শরৎচন্দ্র সঙ্কোচভরে মুখ তুলে চাইলেন। সাবিত্রী হেসে উঠলো। ব'ল্লো—ভয় নেই গো—ভয় নেই। জাত যাবে না—আমিও বামুনের মেয়ে—

শরৎচন্দ্র আপত্তি ক'রতে সাহসী হ'লেন না। নীরবে তাকে অনুসরণ ক'রলেন।

[শরৎ-পরিচয়, স্মৃ. না গ., পৃ: ১৭৮]

*

*

*

*

শরৎচন্দ্র অসুস্থ হ'য়ে প'ড়লেন। সাবিত্রী অক্লান্ত সেবায় তাঁকে সুস্থ ক'রে তুললো। শরৎচন্দ্রের বড় ভালো লাগলো এই সাবিত্রীকে। তাকে একটি মুহূর্ত দেখতে না পেলে অন্তরটি তাঁর আকুলি-বিকুলি ক'রে উঠতো।...

রাত্রি তখন হ'বে প্রায় আটটা। সাবিত্রী পাশের ঘরে শুয়ে। ক'দিন তার শরীরটা ভাল যাচ্ছে না। শরৎচন্দ্র শূণ্য আকাশের দিকে তাকিয়ে ভাবছেন—এই সাবিত্রী তাঁর কে? কেনই-বা তাঁর সঙ্গে হ'ল পরিচয়—আর যদিই বা হ'ল—এমন যত্ন ও সেবা ক'রে তাঁকে বাঁচিয়েই বা তুললো কিসের প্রয়োজনে? কত প্রশ্নই না জাগে তাঁর মনে! কিন্তু মুখ কুটে জিজ্ঞাসা করার সাহস তাঁর কুলোয় না। কিসের যেন একটা দুর্বলতা তাঁর কণ্ঠস্বর রুদ্ধ ক'রে দিয়ে যায়।

হঠাৎ পাশের ঘরে, কে যেন জোরে ধাক্কা দিতে লাগলো। ভেতর থেকে কান্নার শব্দ ভেসে আসতে লাগলো। শরৎচন্দ্র তখনও সম্পূর্ণ শক্তিশাল্য করেননি। তবুও বাইরে বেরোনোর চেষ্টা ক'রলেন একবার।

ইতিমধ্যে বাইরে রীতিমত একটা ধস্তাধস্তি শুরু হ'য়ে গেছে। সেই শব্দের সঙ্গে অস্পষ্ট কণ্ঠস্বর ভেসে আসছে—আমার শালী—আমি যাওয়াই পরাই—ও আমার !

কে যেন প্রতিবাদ ক'রে উঠলো - একবার ছাড়না দেখি, বুঝিয়ে দিই ও কার ? আমার না তোর ? আমার দাদার বো—ও আমার

ভেতর থেকে শরৎচন্দ্রের দরজায় ধাক্কা পড়লো ! দরজার সামনে তিনি এগিয়ে এসেছিলেন। দরজা খুলে দিলেন। সাবিত্রী তাঁর পায়ে লুটিয়ে প'ড়লো—আমায় তুমি বাঁচাও ঠাকুর !

শক্তি কেমন করে যে ফিরে পেলেন তা উপলব্ধির অবসর তিনি পেলেন না। দরজা বন্ধ ক'রে সাবিত্রীকে বিছানায় খোয়ালেন। তখন সে তাঁর সংজ্ঞা হারিয়ে ফেলেছে। মুখে জল ও মাথায় তালপাতার পাঁথার বাতাস ক'রতে শুরু ক'রলেন।

সাবিত্রীর জ্ঞান ফিরে এলো। শরৎচন্দ্র তখন লণ্ঠনটা নিয়ে বাইরে ধেরিয়ে গেলেন। দেখলেন, দুটো মূর্তি দ্বারের পাশে প'ড়ে রয়েছে। একজনের মাথা দিয়ে তখনও রক্ত বরষছে, অপরের হাত থেকে রক্ত গাড়িয়ে প'ড়ছে। মুখ দিয়ে তাড়ির গন্ধ ভক্ ভক্ ক'রে বেরুচ্ছে। তখন যে ধস্তাধস্তির শব্দ তিনি শুনেছিলেন—সেটা এদের পরস্পরের মধ্যে বোঝাপড়ার লড়াই। সাবিত্রী সাক্ষরনয়নে ব'ললো—এ লড়াই এদের বার মাসের। আর উভয়ের লক্ষ্যবস্তু ব'লে, আজও সে নিজেই বাঁচিয়ে রাখতে সমর্থ হ'য়েছে। তাই ত সে শরৎচন্দ্রকে নিজের কাছে আটকে রাখতে চায় !

স্বপ্নায় তাঁর মনটা সঙ্কুচিত হ'য়ে উঠলো। কিন্তু তাদের সেবা ক'রতে এতটুকুও কার্পণ্য ক'রলেন না। সাবিত্রী টলতে টলতে কোন

রকমে জলের ঝায়গাটা এগিয়ে দিল, শরৎচন্দ্র ক্ষতস্থানটা ধুয়ে ছেড়া কাপড়ের পাড় দিয়ে ব্যাণ্ডেজ বেঁধে দিলেন।

* * * *

রাত্রি কাটলো নিশ্চিন্তেই। শরৎচন্দ্র তক্তপোষে, সাবিত্রী একটা কয়ল বিছিয়ে গুলো মেঝের ওপর। শরৎচন্দ্র জিজ্ঞাসা করলেন,— তোমার ভয় করছে, না সাবিত্রী ?

সাবিত্রী তেমনি মধুর হাসি হাসলো। বললো—মানুষই পশু—কিন্তু তোমার কাছে আমার কোন ভয় নেই !

শরৎচন্দ্র উত্তরের ভাষা সহসা খুঁজে পেলেন না। নীরবে শুয়ে শুয়ে ভাবতে লাগলেন এরই নাম বিশ্বাস ! হয়ত এর কেউ মূল্য দেয়—কেউ দেয় না—তবুও এর মর্যাদাকে ফেসে উড়িয়ে দেওয়া তো চলে না !

* * * *

ঠাণ্ডা লেগে শরীরটা শরৎচন্দ্রের আরও একটু বেশী খারাপ হ'ল। সাবিত্রী বিব্রত হ'য়ে পড়লো। গায়ের গয়না বাঁধা রেখে পাশের গ্রামে সেই প্রেমিক দেবরকে পাঠালো কিছু টাকা সংগ্রহ করে আনতে। ডাক্তার ডেকে আনারও পরামর্শ দিলো।

দেবরটি আচারে ব্যবহারে ছিল সত্যিই ভদ্র। দোষ শুধু একটু উগ্র ধরনের প্রেমিক। স্থান, কাল, পাত্রভেদের পার্থক্য সে বোঝে না।

ডাক্তার এলো। ওষুধও দিয়ে গেল। তেতো ওষুধের নাম শুনেই শরৎচন্দ্রের মুখখানা একটুকু হ'য়ে গেল। বললেন, অসুখ আমার সেরে গেছে।

সাবিত্রী মূহু হাসলো। ও-সব শুনুছিনে—খেতেই হবে ! বলে একরূপ জোর করেই মুখে ওষুধ ঢেলে দিল।

মুখখানা ভার ক'রে শরৎচন্দ্র শুয়ে রইলেন। সাবিত্রী মুহু হাসি হাসতে হাসতে মাথায় হাত বুলিয়ে দিল! পা টিপে, তামাক সেজে আনলো! শরৎচন্দ্রের মুখে হাসি ফোটাতে সে যে কি ক'রবে ভেবেই স্থির ক'রতে পারে না!

শরৎচন্দ্র মনে মনে খুশী হলেন, কিন্তু তাঁর মুখের গাভীর্য্য এতটুকুও গ্লান হ'ল না। কারণ এইটুকু জীবনে তাঁর এই অভিজ্ঞতা সঞ্চয় হ'য়েছিল—মেয়েদের অবাধ্য না হ'লে, সেবা-যত্ন বেশী ক'রে আদায় করা সম্ভব হয় না!

শরৎচন্দ্র আহার শেষ ক'রে শয্যায় দেহটা এলিয়ে দিয়ে বিশ্রাম নেওয়ার চেষ্টা ক'রলেন। সাবিত্রী হাসিমুখে তামাক সেজে আনলো। শরৎচন্দ্র খুশীমনে টান দিতে শুরু ক'রলেন। পাশের টুলটায় সাবিত্রী হাসিমুখে চেপে ব'সলো।

শরৎচন্দ্র কয়েকটান দিয়ে একগাল ধোঁয়া ছেড়ে ব'ললেন—তোমার সাজানো বইগুলো এতক্ষণ দেখছিলাম। নাম লেখা দেখলাম—নীলম্বর মুখার্জী। ভদ্রলোকটি কে?

সাবিত্রী সহাস্তে উত্তর দিল, স্বামী।

ভদ্রলোকের রুচি ছিল ব'লে মনে হয়। কিছুক্ষণ নীরব থেকে পুনরায় মুখর হ'য়ে উঠলেন, প'ড়েছো?

সাবিত্রী সংক্ষেপে উত্তর দিল, একবার নয় বহুবার! বড় ভাল লাগে।

অকারণে শরৎচন্দ্রের বুক ভেদ ক'রে দীর্ঘশ্বাস নেমে এলো। ব'ললেন, তোমায় অনেক কষ্ট দিলাম। একটু স্নহ বোধ ক'রলেই রওনা হবো ঠিক ক'রেছি!

সাবিত্রী ব্যাকুল হ'য়ে উঠলো। জিজ্ঞাসা ক'রলো, কোথায় ?

নলটি মুখ থেকে নামিয়ে উত্তর দিলেন, পুরী !

সাবিত্রী উৎসাহিত হ'য়ে ব'ললো, আমিও তোমার সঙ্গে যাবো !
জীবনে কোন কিছু পাপ যদি ক'রে থাকি—তোমার মতই তাঁর
শ্রীপাদপদ্মে স'পে দিয়ে আসবো !

শরৎচন্দ্র কৌতুক বোধ ক'রলেন। ব'ললেন, ভয় ক'রবে না ?

সাবিত্রী মাথা হুলিয়ে সহাস্ত্রে উত্তর দিল, ভারী ত পুরুষ,—তাকে
আবার ভয় ! গম্ভীর হ'য়ে উঠে ব'ললো, সত্যি ব'লছি ! ঠাট্টা আমি
ক'রছি নে। নিজের চোখেই তো দেখলে আমার অবস্থা !

শরৎচন্দ্র আনমনে কি যেন একটা ভেবে নিলেন। ব'ললেন, রাস্তাটা
কিন্তু বড় দুর্গম !

সাবিত্রী ব'ললো, তা হোক। সঙ্গে একজন থাকলে পথের কষ্ট লাঘব
হয়, বিশ্বাস কর তো ? মাঝপথে সহসা হেসে উঠে ব'ললো, পা-হাত
ছুটাই সবল, বোঝা যে হবো না সে-কথা অনায়াসে বিশ্বাস ক'রতে
পারো।

শরৎচন্দ্র উত্তরে মৃদু হাসলেন। ব'ললেন, হবে গো হবে'খন।

সাবিত্রীও হাসলো। ব'ললো, না বাবু তোমায় কিছুতেই
আমার বিশ্বাস হয় না। আমাকে ছু'য়ে বলতো, নেবে—নিশ্চয়ই
নেবে ?

শরৎচন্দ্র কৃত্রিম বিরক্তি প্রকাশ ক'রলেন। ব'ললেন, কতবার
ব'লবো !

সাবিত্রী হাসলো। ব'ললো, পুরুষের রাগ দেখো !...

কপাটে থাকার ছুঁ ছুঁ শব্দে শরৎচন্দ্রের সহসা নিদ্রা টুটে গেল। বাইরে চ'লেছে সেই স্বপ্নের পুনরাভিনয়। সাবিত্রী ঘর ছেড়ে শরৎচন্দ্রের পাশে এসে ব'ল্লে। প্রদীপের বাতিটা বাড়িয়ে ব'ল্লে, এখানে আর একটি মুহূর্তও আমার থাকতে ইচ্ছা ক'রছে না। চলো, কালই যাত্রা করা যাক।

যাত্রা শুরু হ'ল। অবিশ্রাম হেঁটে চ'লেছেন দু'টি প্রাণী।

*

*

*

*

সকালে সাবিত্রী ও অতিথির পাক্তা পাওয়া গেল না। দেবর ও ভগ্নিপতির চমক ভাঙলো। বুঝতে পারলো শীকার তাদের হাত ছাড়া হ'য়েছে।

ভগ্নিপতি অধিকাচরণ ব'ল্লে,—এত যত্ন, এত আয়াস—বেইমান শেষে কিনা আমার ঘরের লক্ষ্মীকে নিয়ে ভাগলো!

দেবর অকুলতারণ দমবার পাত্র নয়। ব'ল্লে, যেতে হবে হাঁটা-পথে! বাছাধনেরা বাবে কতদূর? দাও তো কিছু টাকা—পাড়ার অপি, অনাদি, সতীশ, মুরারীকে ঠিক ক'রে আসি, তুমি আমি ত র'য়েইছি।

কথা ও কাজ সঙ্গে সঙ্গেই ঠিক হ'য়ে গেল। নেশার উপকরণও বোগাড় করা হ'লো। শুরু হ'ল অভিযান। দল বেঁধে লাঠিসোটা নিয়ে চ'ললো সকলে হেঁ-হেঁ রৈ-রৈ রবে।

*

*

*

*

দীর্ঘ পথশ্রান্ত ও ক্লান্ত শরৎচন্দ্র ও সাবিত্রী সন্ধ্যায় একটি অস্থল গাছের তলায় আশ্রয় নিলেন। গাছের গুঁড়িতে হেলান দিয়ে শরৎচন্দ্র তামাক টানছেন। একটু দূরে বসে আহারের ব্যবস্থাতে নিযুক্ত সাবিত্রী!

সহসা শরৎচন্দ্র মুখর হ'য়ে উঠলেন,—তোমায় দেখে আমার কি মনে
হ'ছে জানো ?

সাবিত্রী মুখ তুলে চাইলো ।

শরৎচন্দ্র ব'ললেন, পূর্বজন্ম ব'লে যদি কোন বস্তু থাকে তাহ'লে তুমি
হিলে আমার কোন নিকটতম আত্মীয়া !

সাবিত্রী হাসলো ।

সহসা একটু দূরে মিলিত কণ্ঠের হৈ-হৈ রৈ-রৈ শব্দ ভেসে উঠলো ।
গ্যাপারটা তলিয়ে বোঝার পূর্বেই চারপাশ থেকে আক্রমণ শুরু হ'য়ে
গেল । শরৎচন্দ্রকে তারা উত্তম মধ্যম দিয়ে সাবিত্রীর মুখ, হাত, পা বেঁধে,
কাঁধে ক'রে নিঃশব্দে গা ঢাকা দিল অন্ধকারে ।

অসহায় শরৎচন্দ্র জুল্ জুল্ ক'রে চেয়ে দেখলেন—ডাকাতের দল
অপহরণ ক'রে নিয়ে গেল সাবিত্রীকে । নিরুপায়ে তিনি কাৎরাতে
লাগলেন সেই গাছের তলায় প'ড়ে ।

পরদিন সকালে অন্ধ্রের কে . পি. বসু তাঁকে নিয়ে গেলেন
নিজের বাড়ীতে । কয়েকদিন নিজের কাছে রেখে 'স্বস্থ' ক'রে তুললেন ।
কিছুদিন পরে লোক সঙ্গে দিয়ে পাঠিয়ে দিলেন ক'লকাতায় অক্ষয়
গাঙ্গুলিম'শায়ের বাসায় ।

[শরৎ-পরিচয়. সূ. না. গ., পৃঃ ৯৯]

* * * *

বিক্র্যবাসিনী দেহত্যাগ করার পরবছরেই কেদারনাথ গুরুগৃহে
সন্ন্যাস রোগে দেহরক্ষা ক'রলেন (১লা জাহ্নবীরী, ১৮৯২) । এপাশে
দেবানন্দপুরের দারিদ্র্য-হর্দিশা সহ্যের সীমা অতিক্রম ক'রলো । বাড়ি-ঘর
দেনার দায়ে নীলামে উঠলো । ভাগলপুরে না এলেই নয় । ভুবন-

মোহিনী দেবী ছোটকাকা অধোরনাথকে সবিস্তারে একখানা চিঠি লিখলেন। সেই চিঠি পেয়ে অধোরনাথ স্থির থাকতে পারলেন না। তিনি ভুবনমোহিনীকে নিয়ে এলেন ভাগলপুরে !

শরৎচন্দ্রকেও ভর্তি ক'রে দেওয়া হ'ল টি. এন. জুবিলী স্কুলে। এখানে এসে মন দিয়ে পড়াশুনা আরম্ভ ক'রলেন, কিন্তু পুরানো বন্ধু-বান্ধবের সঙ্গে মেলামেশা একেবারে বন্ধ হ'ল না। স্কুল হ'ল অভিযান :

স্কুলের পড়ুয়া ছাত্র। মাহুষের দুঃখে বেদনা বোধ জাগলেও সে ব্যথা উপশমের সামর্থ্য তখনও লাভ করেননি—অথচ একটা কিছু না ক'রলেও গরীব বেচারার মান-ইজ্জৎ সব যায় !

কিছুতেই স্থির থাকতে পারলেন না। দলবল নিয়ে শরৎচন্দ্র ও রাজেন্দ্রনাথ বেরিয়ে প'ড়লেন মাছ চুরি ক'রতে।

দু'টি দলে ভাগ হ'য়ে, অন্ধকারে যাত্রা শুরু হ'ল। রাজেন্দ্রনাথ হ'লেন দলের নেতা।

ডিম্বী ছপ্ ছপ্ শব্দে এগিয়ে চ'লেছে। সহসা রাজেন্দ্রনাথ ব'লে উঠলেন, একটু আশ্তে ! বেটারা ভারী পাঞ্জী !

একটা ডিম্বী সোজা বেয়ে বেরিয়ে গেল। অপরটি সঙ্গে সঙ্গে ঝাঁউবনের পাশ দিয়ে মক্কা ক্ষেতের ভেতরে ঢুকে গেল। ফিস্ ফিস্ ক'রে রাজেন্দ্রনাথ ব'ললেন—শালারা টের পেয়েছে।

শরৎচন্দ্র ব'ললেন, ধরা কি মুখের কথা ?

রাজেন্দ্রনাথ ব'ললেন, না রে না। বেটারদের চারখানা নৌকো আছে, যে কোন মুহূর্তে ঘিরে ফেলতে পারে। ভয় নেই, তোরা লাকিয়ে ডুবো সাঁতার কেটে যে যতখানি পারিস্ সাঁতারে ছড়িয়ে প'ড়'বি—অন্ধকারে শালারা টেরও পাবে না।

শরৎচন্দ্র জিজ্ঞাসা ক'রলেন, নৌকোর কি হবে ?

রাজেন্দ্রনাথ ব'ললেন—হবে আর কি ? কাল সকালে এসে ছাড়িয়ে

নিয়ে যাবো—ব'লবো কে এসেছিল কে জানে ? যদি না দেখ—জালও থাকবে না, মাছ ধরাও আর চ'লবে না ।

সকলেই খুশী হ'য়ে উঠলেন । হ্যাঁ, এইত তাঁদের অন্তরের কথা । আনন্দে ধীরে ধীরে দাঁড়টানা পুনরায় শুরু হ'য়ে গেল ।

জেলেদের নৌকোগুলো সারি সারি খাড়ির মুখে বাঁধা আছে । মিট মিট ক'রে আলো জ্বলছে ।

ছুটো চড়ার মধ্য দিয়ে খালের মত সরু একটা পথ আছে । বুনো ঝাউগাছ জায়গাটাকে আড়াল ক'রে রেখেছে ! সেই পথ ধ'রে খালে গিয়ে পড়া যায় ।

সামনেই দড়ির জাল পাতা । দশবারো সের পর্য্যন্ত মাছ ধরা প'ড়ে সে জালে । নিমেষের মধ্যে জাল থেকে দশপনেরটা মাছ ডিক্কিতে তুলে ফেলা হোলো । মাছগুলো পাটাতনের উপর ঝট্ পট্ ক'রতে লাগলো । তা'র প্রতিধ্বনি দিগন্তের বৃকে ছড়িয়ে প'ড়লো ।

শরৎচন্দ্র ব'ললেন, আর না—পালাই চল !

জাল ছেড়ে সব চুপ-চাপ বসে রইলেন । ডিক্কি শ্রোতের টানে ভেসে চ'ললো । ঠিক সেই সময়ে অপর ডিক্কি থেকে হৈ-তৈ রৈ-রৈ শব্দ ভেসে এলো ।

জেলেদের দু'খানা ডিক্কি সে পাশে ছুটলো—একখানা সামনের দিকে এগিয়ে এলো—একখানা পাহারা দিতে লাগলো খাঁটি ।

রাজেন্দ্রনাথ চোখের নিমেষে এক পাক খাইয়ে ডিক্কির গতিপথ বদলে একটা ঝোপের মধ্যে আশ্রয় নিলেন ।

শরৎচন্দ্র জিজ্ঞাসা ক'রলেন, কি হ'লো রাজু ?

রাজেন্দ্রনাথ ব'ললেন—চুপ্ ! শালারা টের পেয়েছে !

নৌকোটী কাছাকাছি এগিয়ে এসে সহসা থেমে গেল। কোথাও কোন শব্দ না পেয়ে এগিয়ে-যাওয়া হু'থানা ডিক্কিকে অহুসরণ ক'রলো। রাজেন্দ্রনাথ নিশ্চিন্তমনে ডিক্কিথানা শ্রোতের অহুকুলে ভাসিয়ে হালখানা ধ'রে চুপ-চাপ বসে রইলেন।

* * * *

রাত্রি প্রায় দ্বিপ্রহর। ষাটে এসে ডিক্কি বাঁধল। অপর দলও ষাটে এসে পৌছে গেছে পূর্ব ব্যবস্থামত। শরৎচন্দ্র ও রাজেন্দ্রনাথ মাছগুলোর বিনিময়ে যা' কিছু পেলেন তাই নিয়ে ছুটলেন অম্বুনাথের বাড়ী। লোকটা টাকার অভাবে বিনা চিকিৎসায় মরতে চ'লেছে, তার উপর একটা বিবাহযোগ্য মেয়ে। যদি মারা যায় তবে সেই ভাবনাতেই সে মারা যাবে। রাজেন্দ্রনাথ ব'ললেন, তুই ডাক্তারকে খবর দে শরৎ, আমি বরং একটু এগিয়ে দিখি, বেঁচে আছে কি নেই!

* * * *

কলেরার মড়ক লাগলো। লোক ম'রছে কিন্তু পোড়াবার লোকের যথেষ্ট অভাব দেখা দিল।

ব্রজদা হ'লেন সেই দলের পাণ্ডা।

একবার একটা মৃতদেহ নিয়ে ব্রজদা', শরৎচন্দ্র, রাজেন্দ্রনাথ ও একজন গড়্‌দী রওনা হ'লেন অশানবাটে।

শীতের রাত। ঝিম্ ঝিম্ ক'রে বৃষ্টি প'ড়ছে। হু হু ক'রে বাতাস বইছে। শব নিয়ে পৌছলেন কিন্তু কাঠ পাওয়া যাবে কোথায়? এত রাত্রে একাই-বা কে নিয়ে আসবে সে-সব জিনিষপত্র? আর এই অন্ধকার রাতে মৃতদেহের কাছে থাকবেই বা কে বসে?

কাঠ আনতে সবাই চায়—মৃতদেহ আগলে বসে থাকতে কেউ

রাজী নয়। শেষে রাজেন্দ্রনাথ রাজি হ'লেন। কথা হ'ল : যত তাড়াতাড়ি গারেন সবাই ফিরে আসবেন।

রাজেন্দ্রনাথ বসে রইলেন শ্মশানে আর এঁরা তিনজনে ফিরে চ'ল'লেন কাঠ সংগ্রহের উদ্দেশ্যে।

বহুক্ষণ অতীত হ'য়ে গেল,—কায়ও পাত্তা নেই। রাজেন্দ্রনাথ আর একা বসে বসে ভিজতে পারুলেন না, মৃতের দেহ-মোড়া লেপটা সর্বদা জড়িয়ে মড়ার খাটেই একটু জায়গা ক'রে প'ড়লেন শুয়ে।

এদিকে রাত প্রায় শেষ হ'য়ে এলো। ব্রজদা'র নেশা সহসা টুটে গেল। রুষ্টির বেগও একটু ক'মেছে। সন্ধ্যোপাশ্বিনোর নিয়ে যাত্রা শুরু ক'রলেন।

গাঢ় অন্ধকার। কিছুই দেখা যায় না। শিশুগাছটার উপরে ব'সে একটা দুই শকুনছানা কাঁদছে,—উঙা—উঙা—উঙা...

ব্রজদা'রীতিমত ভয় পেয়ে গেলেন। শরৎচন্দ্রের হাতটা চেপে ধ'রে ব'ললেন—কে কাঁদছে না, ঠিক ছোট ছেলের মত ?

শরৎচন্দ্র রাজেন্দ্রনাথের মুখেই শুনেছিলেন—শকুনছানার কান্না ঠিক ছোট ছেলের মত। সেই অতুমানের উপর নির্ভর ক'রে ব'ললেন—কা'র ভূত ধরেছে এই শ্মশানে ব'সে কাঁদতে—নিশ্চয় কোন একটা শকুনছানা মায়ের জন্তে কাঁদছে।

ব্রজদা' সাহস ফিরে পেলেন। কথাটা তিনিও বহুব্যব শুনেছেন, কিন্তু এক্ষণে বাস্তবের সম্মুখীন হ'লি কোনদিন। ব'ললেন—ঠিক ব'লেছি শরৎ—বেটাচ্ছেলে শকুনেরই কান্না বটে!

কয়েক পা এগিয়েই কিন্তু ব্রজদা' থমকে দাঁড়ালেন। অন্ধকারে বস্তুদূর দেখা যায়, ভাল ক'রে দেখে নিয়ে, হাঁকতে শুরু ক'রলেন—
রাঙ্ক—রাঙ্ক—রাজেন্দ্রনাথ—

কোন উত্তর পাওয়া গেল না। ব্রজদা' ব'ললেন—এই রুষ্টির মধ্যে

কেউ কি এতক্ষণ ব'সে থাকতে পারে? নিশ্চয় কোথাও কাছাকাছি একটা আশ্রয় নিয়ে থাকবে!

শরৎচন্দ্র ব'ললেন, তা হ'লেও তাকে খোঁজ করা আমাদের কর্তব্য।

অনমনে তাঁরা প্রায় মৃতদেহটার কাছ পর্য্যন্ত এগিয়ে এসেছেন।
ঠাৎ সেই খাট থেকে কি একটা জিনিষ যেন খাড়া হ'য়ে উঠে
দাঁড়ালো। নাকি সুরে ব'লে উঠলো—এঁতক্ষণ বুঁঝি তাঁদের ফেরার
সময় হ'লো—

ব্রজদা' ও সকলে অহুমান ক'রে নিলেন মড়াটা নিশ্চয় দানা পেয়েছে।
রাজেন্দ্রনাথও স্বেচ্ছা মত সরে পড়েছেন।

মাথার কাঠের বোঝা যে যেখানে পাল্ললেন ফেলে দিয়ে “ওরে
বাপ'রে” ব'লে চীৎকার ক'রেই দিলেন সবাই ছুট।

রাজেন্দ্রনাথ বিপদ বুঝে লেগটা মৃতদেহের উপর ফেলে দিয়ে, চীৎকার
স্বরূপ ক'বললেন—ব্রজদা', শরৎ—আমি—আমি—রাজু! ভয় নেই,
তোমরা সব ফিরে এসো।

যখন সবাই বুঝলেন—এটা রাজেন্দ্রনাথেরই কণ্ঠস্বর তখন আবার
ফিরে এসে মৃতের সদগতির ব্যবস্থা স্বরূপ ক'বললেন।

* * * *

পাড়ার খিয়েটার ক্লাব—অভিনয় ক'বললেন, “জনা”। শরৎচন্দ্র
“জনা”র ভূমিকায় নামলেন। স্নেহময়ী মায়ের মত তিনি প্রবীরকে
সাক্ষিয়ে দিতে ব্যস্ত। সাজানো শেষ হ'লে, এক অপরূপ ভঙ্গিমায় বীর
রমণীর চরিত্র ফুটিয়ে তুলে ব'লে উঠলেন, “যাও পুত্র, সম্মুখ সমরে।
হাসিমুখে দেবে প্রাণ, পরাজয় মানি কভু না বহিবে শিরে।”

দর্শকবৃন্দ করতালি দিল। চীৎকার ওঠলো “এনকোর” “এনকোর”।
পরমহুর্ন্তেই ড্রপ প'ড়ে গেল।

শরৎচন্দ্র ভেতরে গিয়ে একটা তেপায়া চেয়ারে ব'সে রাজকুমারের হাত থেকে কল্কেটা প্রায় ছিনিয়ে নিয়ে কয়েক টান নিশ্চিন্ত মনে টেনে, এগিয়ে দিলেন অপর একজনের হাতে।

* * * *

ঘরখানি ছোট হ'লেও বেশ সুন্দর ক'রে সাজানো। রেড়ির তেলের প্রদীপ জলছে মিট মিট ক'রে। সাম্নে খোলা একটা বই।

সুরেন্দ্রনাথ ভেতরে প্রবেশ ক'রলেন। শরৎচন্দ্র চিন্তামগ্ন! সুরেন্দ্রনাথ জিজ্ঞাসা ক'রলেন, কি ভাবছো শরৎ?

শরৎচন্দ্রের তন্ময়তা ভেঙে গেল। ব'ললেন—এঁয়া? কি ব'লছো?

সুরেন্দ্রনাথের কুতূহল বাড়লো। পুনরায় জিজ্ঞাসা ক'রলেন—এত গভীর ক'রে কি ভাবছো? সাম্নে খোলা ওটা কি বই?

শরৎচন্দ্রের চিন্তাজাল তখনও ছিন্ন হয়নি। অন্তমনা ভাবে উত্তর দিলেন—হ্যাঁ বই....রবীন্দ্রনাথের...খাড়া হ'য়ে বসলেন। ব'ললেন, কত সামান্য ঘটনা। কিন্তু সাজিয়েছেন কতই না সুন্দর ক'রে!

সুরেন্দ্রনাথ ব'ললেন—সাম্নে তোমার পরীক্ষা নয়?

শরৎচন্দ্র চেয়ার ছেড়ে খাটিয়ায় আশ্রয় নিলেন। ব'ললেন—দূর—ওসব আমার আর ভাল লাগে না!

* * * *

শরৎচন্দ্র টেব্রে এলাউ হ'লেন। ভুবনমোহিনী দেবী খুশীমনেই বিপ্রদাসকে আহ্বারে বসিয়ে সংবাদ পরিবেশন ক'রলেন—বিপিন, শোরো পাশ ক'রেছে!

খেতে খেতে জবাব দিলেন বিপ্রদাস—এ পাশ তো কিছুই নয় মেজ'দি, ভাল ক'রে পড়ায় মন দিতে বলা!

ব'লছিল—ফি দিতে হবে ! নাকি অনেক টাকা লাগবে—
কত ?

ওকে জিজ্ঞাসা করো—ডেকে দিচ্ছি !

থাক্ আমিই জেনে নেব'খন ! বাধা দিলেন বিপ্রদাস ।

পরদিন খঞ্জনপুরের ঞ্জলজারিলালের বাড়ী ছুটলেন বিপ্রদাস । ঘরে
টাকা নেই,...যে কোন উপায়ে সংগ্রহ ক'রতেই হবে !

ঞলজারি ভাগলপুরে “সাইলক্” নামে সকলের কাছেই পরিচিত ।
হুদ দিলেই টাকা পাওয়া যায় । একটু ইতস্ততঃ ক'রলেই—মাথা নাড়ে—
—নেহি হোগা সাহেব !

বিপ্রদাসবাবুকে টাকা সংগ্রহে নিরাশ হ'তে হ'ল না । প্রতিমাসে
টাকায় চার পয়সা হুদে ছাণ্ডনোট লিখে টাকা নিয়ে এলেন ।

ফি জমা দেওয়া হ'ল । শরৎচন্দ্রও উঠে-পড়ে লেগে গেলেন ।
পরীক্ষার ফল বেরুলো—পাশ ক'রেছেন—সেকেন্ড ডিভিশনে !...

[শরৎ-পরিচয়, স্ম. না. গ., পৃ: ১১৬-১১৭]

*

*

*

ভর্তি হ'লেন টি. এন. জুবিলী কলেজে এফ. এ. ক্লাসে । আচরণেও
একটু পরিবর্তন দেখা গেল । ক্লাবে য়ার হৈ-চৈ ছিল সৰ্ব্বাপেক্ষা বেশী,
তিনিই প'ড়লেন ঝিমিয়ে । কোথায় যেন তিনি একটা খেই হা'রস্বে
ফেলেছেন । নতুন নাটকের জোর চ'ল্ছে রিহাসাঁল, শরৎচন্দ্রের এসব
আর ভাল লাগে না । চুপি চুপি উঠে এসে সোজা পড়ার ঘরে গিয়ে
বসেন । কখনও-বা আপন মনে কি যেন লিখে চলেন—একান্ত
গোপনে ।

বাড়ীর ছেলে-মেয়েদের কুতূহল জাগে কিন্তু তাঁর সম্মুখীন হ'তে কেউ
সাহসী হয় না ।

সরস্বতী পূজার আয়োজন চলছে জোর। শরৎচন্দ্র, রাজেন্দ্রনাথ ও অন্যান্য সহাধ্যায়ীরা ভোরে উঠে, খালি গায়ে, খালি পায়ে—শীতে কাপ্তে কাপ্তে ফুল তুলে ফিরছেন। ঠিক সেই সময়ে ম্যাজিষ্ট্রেটের ছেলে শ্বিথ সাইকেলে বাসায় ফিরছিল। কাছাকাছি এসেই শ্বিথের মাথায় একটা দুষ্ট বুদ্ধি খেলে গেল। ফুলের সাজির উপর খানিকটা থুথু ফেলে দিয়ে জোরে সাইকেল চালিয়ে দিলে।

রাজেন্দ্রনাথ ও নরু চকিতে লাফিয়ে তাকে ধরে হিড়্ হিড়্ ক'রে টেনে নিয়ে এলেন সকলের কাছে। তারপর সবাই মিলে উত্তম মধ্যম দিয়ে দিলেন ছেড়ে।

শ্বিথ সেই ছিন্ন পোষাকে ও রক্তমাখা দেহে ফিরে গেল বাসার দিকে। খবরটা চকিতে রাষ্ট্র হ'য়ে প'ড়লো সহরে।

একে ম্যাজিষ্ট্রেটের ছেলে—তার উপর প'ড়েছে কীল, লাথি, চড়! ব্যাপারটা যে কত গুরুতর তা অভিভাবক মাত্রেই উপলব্ধি ক'রতে পারলেন। ছুটলেন যে যার ছেলেকে সঙ্গে নিয়ে।

শুধু তাই নয়,—সঙ্গে সঙ্গে স্থির হ'য়ে গেল, উঠান থেকে নাক খত দিয়ে ম্যাজিষ্ট্রেটের সম্মুখীন হ'তে হবে এবং প্রাকাশ সভায় সকলকে কক্ষা চাইতে হবে।

সবাই রাজী হ'ল কিন্তু শরৎচন্দ্র, রাজেন্দ্রনাথ ও নরেন্দ্রনাথকে খুঁজে পাওয়া গেল না। ওরা পূর্বেই খবর পেয়ে নিঃসম্মল অবস্থায় পাড়ি দিলেন যে পাশে দু'চোখ যায়।

সারাদিন হৈ-টৈ, পেটে পড়েনি একটি মাত্রও দানা—মাঝপথে সবাই ক্ষুধার্ত হ'য়ে প'ড়লেন। রাজেন্দ্রনাথের টা'কে ছিল গোটা কয়েক পরস। সামনেও প'ড়লো একটা ভুজাওলার দোকান। তিন বন্ধুতে গেলেন ভাজা ছোলা কিনতে।

তাদের পাশে একটা জমাদার এসে দাঁড়ালো। ভুজাওলা তাকে ছাড়ু

দিতে ব্যস্ত হ'য়ে উঠলো ! রাজেন্দ্রনাথ বাধা দিলেন, প্রথমে এসেছি আমরা, তারপর জমাদারসাহেব । সুতরাং প্রথমেই আমাদের দেওয়া হোক ।

জমাদারের মেজাজটা রীতিমত গরম হ'য়ে উঠলো । তাকে উপেক্ষা—এতবড় স্পর্ধা ? গালাগালি শুরু ক'রুলো—

নরেন্দ্রনাথ বিন্দুমাত্র সময় অপব্যয় ক'রুলেন না ! জমাদারের নাকের উপর সবলে তিন চারুটা ঘুঘি বসিয়ে দিলেন । বেচারী মাটিতে পড়ে গড়াগড়ি দিতে লাগলো—আর তিন বন্ধু অন্ধকারে আত্মগোপন ক'রুলেন ।

ধরা পড়ার ভয় । সাম্নেই পুলিশ ফাঁড়ি । অবশেষে ধানের মরাইয়ের নীচে আশ্রয় নিয়ে গভীর রাত পর্যন্ত অপেক্ষা ক'রুলেন । যখন সবাই গভীর নিদ্রামগ্ন, তখন তিনজনে ধীরে ধীরে গুহার সাধুজীর আশ্রমের দি'কে রওনা হ'লেন । (তখন সুড়ঙ্গ পথে এক সাধু আস্তানা গড়ে তুলেছিলেন ।)

* * * *

অমরবাবু ছিলেন সাব্জজ্জ্ । তাঁর বিনোদ ও বন্ধু নামে দুই ছেলের সঙ্গে হ'ল শরৎচন্দ্রের আলাপ । সেই আলাপই শেষে পরিণত হ'ল বন্ধুত্বে । তাঁদের বাড়ীতেই বস্তুতো দাবা খেলার আসর । এই সময়ে একটি সাহিত্য-সভার সৃষ্টি হয় । এই সভার অধিবেশন ব'স্তুতো মাঠে-ঘাটে—অত্যন্ত গোপনে । কারণ অভিভাবকগণ এ-বস্তুটিকে মোটেই প্রজ্ঞার চোখে দেখতেন না । সে সময়ে ভূপতিই ছিল শরৎচন্দ্রের একান্ত অহুগত ও অন্তরঙ্গ ! এসময়ে একটি হাতে-লেখা পত্রিকাও বা'র করা হ'ল । নাম রাখা হ'ল “ছায়া” ।

অমরবাবুর জীকে শরৎচন্দ্র ‘মাসীমা’ ব'লে ডাকতেন । তিনিও শরৎচন্দ্রকে নিজের ছেলের মত স্নেহ ক'রতেন । যখন অমরবাবু তাঁকে

তৃতীয় পক্ষে বিয়ে ক'রে নিয়ে এলেন, তখন তাঁর সপত্নী পুত্রদের বয়স প্রায় পঁচিশ-ছাব্বিশ। স্বামীর ঘরে পা দিয়েই প্রথমে তিনি সপত্নী পুত্রদের একে একে কোলে তুলে নিয়ে ব'ললেন, তোমাদের বা' যা' চাই কোন কিছু লুকিয়ে না বাবা—তোমরা আমার ছেলে! এমনই স্নেহময়ী ও পরমা প্রকৃতির রমণী ছিলেন তিনি।

তাঁর গর্ভে দুটি সন্তান জন্মেছিল! প্রথমটির নাম ভূপতি, দ্বিতীয়া হ'ল কন্যা—নাম পার্কতী!

* * * *

পার্কতী সাব্জেক্টের মেয়ে। নানা জায়গা ঘুরে বেড়িয়েছে বাবার সঙ্গে। বয়সও হ'য়েছে চোদ্দ কি পনেরো। মোটামুটি দেখতে সুশ্রীই বলা চলে। শরৎচন্দ্র প'ড়লেন তার প্রেমে। আর ভূপতি বাহকের স্থান অধিকার ক'রে আদান-প্রদান ক'রতে লাগলো উভয়ের চিঠিপত্ৰ।

শরৎচন্দ্রের প্রতি পার্কতীর একমাত্র আকর্ষণ ছিল—তাঁর গান-ও তাঁরই লেখা ছোট ছোট গল্প। শরৎচন্দ্রের প্রথম সাহিত্যিক জীবনের সেই ছিল প্রধান দরদী পাঠক ও গৃহপোষক। সে নিজেও লিখতো চমৎকার কবিতা।

এই সময়ে ভুবনমোহিনী ইহজগতের মায়া কাটিয়ে পরলোক গমন ক'রলেন। মতিলালবাবু স্বপ্নরবাড়ী ত্যাগ ক'রে খঞ্জনপুরে একটা দোকানের পিছনের বাড়ী ভাড়া ক'রে উঠে এলেন। সেখান থেকে অমরবাবুর বাসা আরও কাছাকাছি।

পার্কতীর বিয়ের প্রায় ঠিক। পার্কতীর চোখের জল আর খামে না। একদিন রাত্রে সমস্ত লজ্জা ত্যাগ ক'রে ব'ললো, আমার কি হবে শরৎদা?

বড়লোকের মেয়ে বিয়ে করার সখ তাঁর ছিল প্রচুর, কিন্তু সামর্থ্য—

তাদের সম্মুখীন হওয়ার মত অবস্থা তাঁর নেই। নিরুপায়ের তার মুখের দিকে তাকিয়ে ব'ললেন, এদের সমস্ত শক্তির বিরুদ্ধে দাঁড়াবার শক্তি যে নেই, তুমি তো' তা ভাল ক'রেই জান পার!।

পার্কতী উত্তর দিল না। নীরবে চোখের পাতাগুলো মুছে, নিঃশব্দে বেরিয়ে গেল একা।

তারই কয়েক দিন পরে অমরবাবু বদলি হয়ে চ'লে গেলেন চুঁচুড়ায়। সেখানেই পার্কতীর বিয়ে হ'য়ে গেল।

শরৎচন্দ্র ভেঙে প'ড়লেন হতাশায়! জীবন তাঁর শেষ হ'য়ে গেছে ব'লে মনে হ'ল। ডুবে রইলেন মদে।

* * * *

কিছুদিন পরে অমরবাবু পুনরায় ভাগলপুরে ফিরে এলেন। পার্কতীও এলো সঙ্গে,— আশা ক'রেছিল শরৎদা নিশ্চয় তার একবার খোঁজ নিতে আসবে। কিন্তু একদিন নয়, এক সপ্তাহ কেটে গেল কোন খোঁজ নেই, খবরও নেই তার শরৎদার! পার্কতী নিজেই ছুটে এলো শরৎচন্দ্রের বাসায়।

মুখে তাঁর সে লাষণ্য নেই, শরীরটাও গেছে ভেঙ্গে। ঘরের একটা কোণে ভাঙা একটা বাক্সের মধ্যে শুপাকাঁরা করা মদের বোতল। একটা ছেঁড়া চট টাঙিয়ে তার কোলিঙ্গ রক্ষার ব্যর্থ চেষ্টা চ'লেছে। ঘুরছেন ফিঙ্গছেন আর একবার ক'রে চুমুক দিচ্ছেন বোতলে। পরমুহূর্ত্তে ফিরে এসে ব'সছেন সেই প্রিয় তেপায়া চেয়ারটায়। ডুবে যাচ্ছেন গভীর ভাবে খাতা ও কালিকলমের মধ্যে!

ঘরটির খ্রী গেছে মলিন হ'য়ে। উজ্জ্বল ও ধূলোতে ভ'রে গেছে সব। পার্কতী নিজেকে আর ধ'রে রাখতে পারলো না। একেবারে সাম্না-সাম্নি এসে দাঁড়ালো। চোখে তার জল। ব'ললো—তুমি একি ক'রছো শরৎদা?

শরৎচন্দ্র সচকিত হ'য়ে মুখ তুলে তাকালেন। ঠোঁটের কোণে কুটে

উঠলো হাসির স্নান একটি ছায়া। ব'ল্লেন—এ ছাড়াও ত আমার কোন সম্বল নেই পাক !

পার্কীতী আবেগে তাঁর হাতখানা চেপে ধ'রে জিজ্ঞাসা ক'রুলো, কেন ?

শরৎচন্দ্র তেমনি স্নান একটু হাসি হাসলেন। ব'ল্লেন—হয়ত প্রভারণার মধ্যে একটা তীব্র বস্তু আনন্দ আছে, কিন্তু নিজেকে ফাঁকি কেমন ক'রে দেবো বলতো ?

পার্কীতী কান্নায় ফেটে প'ড়লো। ব'ল্লো—তাই ব'লে নিজের সর্বনাশ এমন ক'রে ডেকে আনবে ?

শরৎচন্দ্র পুনরায় হাসলেন। সে হাসি ঝরা-ফুলের মতই সৌরভ ও শ্রীহীন। ব'ল্লেন—মানুষের বেঁচে থাকার গিছনে একটি আশা থাকে লুকিয়ে, কিন্তু যার সে আশাটুকুও গেছেচিরতরে মুছে—তার কাছে এ জগতের ভালমন্দের মূল্য কতটুকু পাক ? বেঁচে থাকাটাই কি তার কাছে বেশী বিড়ম্বনা নয় ?

শরৎচন্দ্রের বাহু ছ'খানার মধ্যে মুখখানা চেপে ধ'রে পার্কীতী ব'ল্লো, তুমিই বল শরৎদা,—আমার অপরাধ কোথায় ?

শরৎচন্দ্র উত্তর খুঁজে পেলেন না।

পার্কীতী ব'ল্লো—বিশ্বাস করো শরৎদা, তুমি দুঃখ পেলে, তোমার এতটুকু কষ্ট দেখলে যে আমার অন্তরটা ফেটে যায় ! বল, তুমিই বল—আমি কি ক'রতে পারি তোমার জন্তে ?

শরৎচন্দ্র নির্বাক। শুধু রইলেন পার্কীতীর মুখের দিকে তাকিয়ে। পার্কীতীও মুখ তুলে তাকালো। ব'ল্লো—আমার মুখ চেয়ে কি তুমি নিজেকে সবল ক'রে তুলতে পারো না ?

বুক ভেদ ক'রে নেমে এলো—আগুনের হুকারম ত জ্বালাময়ী চাপা একটা দীর্ঘশ্বাস। ব'ল্লেন—চেষ্টা ক'রবো পাক।

পার্কতী সহ ক'ব্বতে পারে না তার শরৎদার এই দুঃসহ জীবনযাত্রা-প্রাণালী। ভুলে গেল লোকলজ্জা, ভুলে গেল সামাজিক আচার-ব্যবহার। গোপনে লোকচক্ষুর অন্তরালে,—খিড়কীপথে স্ক্রু ক'ব্বলো যাওয়া-আসা।

নিজের হাতে সাজিয়ে দিল টেবিল। পরিষ্কার ক'ব্বলো ঘরের জঞ্জাল। নিজের হাতের তৈরী খাবার, রাখলো সাজিয়ে।

শরৎচন্দ্র নিজেকে খাপ খাওয়াতে চেষ্টা ক'ব্বলেন কিন্তু শৃঙ্খল-ভাঙ্গা চলার গতি তাঁর রোধ মানলো না! শ্রোতের মুখে চললেন তিনি ভেসে।

*

*

*

কয়েক মাসের মধ্যে পার্কতীর স্বামীর মৃত্যু-খবর এসে পৌছলো। স্বান ক'রে সিঁদুর মুছে থান কাপড় পার্লো পার্কতী।

শরৎচন্দ্র ও ভূপতি বাধা দিলেন—এইটুকু মেয়ে-কি প'ব্ববে থান? না, না ও শাড়ীই পরুক—গয়নাও থাক্ গায়ে!

আড়ালে শরৎচন্দ্রের সঙ্গে পার্কতীর দেখা হ'ল। ব'ল্লো—তুমি কি, বলতো? লোকে কি ভাববে? কি ব'ল্বে?

শরৎচন্দ্র ব'ল্লেন—লোকের কথায় কি আসে-যায় বলতো? তুমি প'ব্ববে—আমার ভাল লাগে—বাস্, তার বেশী কিছু আমি বুঝিনে!

পার্কতী কথাটা মনে-প্রাণে সমর্থন ক'ব্বলেও—আজ্ঞাম্বর সংস্কার থেকে নিজেকে মুক্ত ক'ব্বতে পার্লো না। ব'ল্লো—অজ্ঞায় আদেশ তুমি কারো না—রাখতে আমি পারবো না।

*

*

*

*

পার্কতী স্বামীর আক্ষেপ ব'ল্লো। একটা বোলতা এসে সহসা হাতে হুল্ ফুটিয়ে দিয়ে গেল। বস্ত্রণায় পার্কতী ছটকট করে। পাশের লোকেরা ছুটে এলো। সহায়ভূতি জানালো—আহা!

ভূপতি হাতখানা তুলে নিয়ে ব'ল্লেন, দেখি, হল্টা এখনও ফুটে আছে না কি?

পার্কর্তী হাতখানা জোরে ছিনিয়ে নিয়ে শরৎচন্দ্রের কাছে ছুটে গেল। সময়ে তিনি হলটি বার ক'রে স্পিরিটে তুলো ভিজিয়ে ক্ষতস্থানটি বৈধে দিলেন। পকেট থেকে রুমাল বার ক'রে চোখের পাতাগুলো তার মুছে দিতে দিতে সমবেদনার সুরে জিজ্ঞাসা ক'রলেন—আর জালা ক'রছে? পার্কর্তীর মুখে হাসি ফুটলো। মাথা হুলিয়ে উত্তর দিল—না!

* * * *

যত দিন যায়, বোতলের সংখ্যাও পাল্লা দিয়ে বাড়ে। কলমও চলে ক্ষত। বিরহ-বেদনা-কাতর শরৎচন্দ্র শেষ ক'রলেন—চন্দ্রনাথ, দেবদাস, অল্পপমার প্রেম, অভিমান ইত্যাদি—আরও অনেক বই।...

পার্কর্তী বিধবা হওয়ার পর—শরৎচন্দ্রের মনে নোতুন আশার সঞ্চার হ'ল। মনে মনে স্থির ক'রে ফেললেন—বিধবা বিবাহ ক'রবেন। পার্কর্তী কিন্তু সাব্ব দিল না। ব'ললো—নির্ম্মাণ্য ফুলে কি দেবতার পূজা করা চলে? না হ'য়েছে কোনদিন?

শরৎচন্দ্র কিন্তু তখনও আশা ছাড়তে পারলেন না। ব'ললেন—বাজে—ওসব বাজে।

* * * *

পার্কর্তীর কিন্তু কোন পরিবর্তন দেখা গেল না। সময়মত ঠিক আসে, ঠিক যায়, কোথাও কোন একটু ক্রটি-বিচ্যুতি নেই। যা—যা প্রয়োজন, যা তিনি ভালবাসেন, যা পছন্দ করেন—সবই সাজিয়ে রেখে চ'লে যায় নীরবে।

এক এ. পরীক্ষার দিন এগিয়ে এলো। পড়াগুলো শরৎচন্দ্রের কিছুই তৈরী হয়নি। ঠিক সেই সময় নোটিশ এলো—ছেলেদের “টেস্ট” দিতে হবে। এতদিন এসবের বাঁধাধরা নিয়ম কিছু ছিল না। খুশীমত পরীক্ষা দেওয়াও চ'লতো—শরৎচন্দ্র প'ড়লেন বিপদে।

ছেলেদের নিয়ে দল পাকাতে শুরু ক'রলেন—পরীক্ষা দেবেন না কেউ!

কিন্তু পরীক্ষার দিনে দেখা গেল—একা শরৎচন্দ্র ছাড়া সবাই ম'তৃপিত ভক্তির চরম পরিচয় দিতে চ'লেছেন।

বন্ধুবান্ধব যঁারা কথা দিয়েছিলেন—তঁারা তাঁকে আশ্বাস দিলেন এ ছাড়া তাঁদের গতান্তর ছিল না—পাশ তারাও ক'রতে পারবে না—বুদি না তিনি সাহায্য করেন। পরে অবশ্য তাঁরাই একটা হৈ-চৈ বাধিয়ে—তঁাকেও টেটে “এলাউ” করার ব্যবস্থা ক'রবেন।

শরৎচন্দ্র হোষ্টেলে ব'সে পরীক্ষা-প্রশ্নের উত্তর লিখে দিতে শুরু ক'রলেন। বন্ধুর দল সেইগুলো খাতায় নকল ক'রতে আরম্ভ ক'রলো।

কথাটা যে কোন প্রকারেই হোক অধ্যক্ষের কানে গিয়ে উঠলো। তিনি বরের দরজা ফাঁক ক'রে দেখলেন—শরৎচন্দ্র গড়গড়ায় তামাক টানছেন আর বই দেখে প্রশ্নের উত্তর লিখছেন।

ক্রোধে দিশেহারা হ'য়ে তিনি ভেতরে ঢুকতেই শরৎচন্দ্র ব্যস্ত হ'য়ে উঠলেন। ব'ল্লেন, আপনি এখানে কেন, স্মার ?

অধ্যক্ষ সংক্ষিপ্ত উত্তর দিলেন—“নাউ আই সি!” এবং বেরিয়ে গেলেন সেই মুহূর্তে।

পরীক্ষা বন্ধ হ'য়ে গেল। শরৎচন্দ্র ও মানিমামাকে “রাষ্ট্রিকেট্” করা হ'লো। মানিমামা ক'ল্‌কাতায় এসে পরীক্ষা দেওয়ার ব্যবস্থা ক'রলেন। এপাশে অধ্যক্ষম'শায় শেষ পর্যন্ত সকল ছেলেকেই “সেন্ট আপ্” ক'রলেন। শরৎচন্দ্রকেও পরীক্ষা দেওয়ার সুযোগ দিলেন কিন্তু সময় এতই সংক্ষেপ যে টাকা সংগ্রহ তাঁর পক্ষে আর সম্ভব হ'য়ে উঠলো না।

সংসারের অবস্থা তখন অতীব সঙ্কীর্ণ। শরৎচন্দ্র বাধ্য হ'য়েই বানেলি ষ্টেটে শিবশঙ্কর সাহুর অধীনে মুন্সির কাজ নিলেন। কাজটা ছিল বাইরে বাইরে শিবশঙ্করবাবুর সঙ্গে সঙ্গে ঘোরা। তিনি সে কাজটা হাতছাড়া ক'রলেন না। যদিও তখন তিনি পার্শ্বতীর ধ্যানে মগ্ন; তাকে একদিন চোখে না দেখলে স্থির থাকতে পারেন না।

শরৎচন্দ্র কিন্তু কোন কাজেই পিছ-পা ছিলেন না। কাজের অছিলায় প্রায়ই তিনি শিবশঙ্করবাবুর ঘোড়া ছুটিয়ে ফিরে আসতেন কাছারীতে। অসুস্থতার দোহাই দিয়ে কয়েকদিন বিশ্রাম নিয়ে ফিরে যেতেন কৰ্মস্থলে। অবশ্য তিনি কবে বা কখন আসবেন—তা একমাত্র পার্শ্ববর্তী ছাড়া আর অন্য দ্বিতীয় ব্যক্তি সহসা জানতে পারতো না।

একদিন মিঃ সাহ একটি ফাইল সঙ্গে নিতে ভুলে গেলেন। সে ভুলটা তার নিজের কি শরৎচন্দ্রের ইচ্ছাকৃত সে কথা আলোচনা না করাই যুক্তিসঙ্গত। তবে একপ ভুল মিঃ সাহ নিশ্চয়ই ক'রতেন। শরৎচন্দ্র সেই সুযোগের সদ্ব্যবহার ক'রতেন।

সেখান থেকে সদর কাছারী প্রায় দশ-বারো মাইল দূর অথচ সে ফাইলটা না হ'লেও কাজ শেষ হয় না। ব'ল্লেন, এখন কি উপায় মিঃ চ্যাটার্জী?

শরৎচন্দ্র ত এই সুযোগই খুঁজছিলেন। ব'ল্লেন—ঘোড়াটা দিন, ফাইল এনে হাজির ক'রে দেবো।

মিঃ সাহর ঘোড়া নিয়ে শরৎচন্দ্র সেই শীতের সন্ধ্যায় রওনা হ'লেন সদর কাছারীর দিকে।

অন্ধকার পথ। উত্তুরে হাওয়া একটু বেগে বইতে শুরু ক'রেছে। শরৎচন্দ্র নদীর ধার ধ'রে চ'লেছেন ধীরে ধীরে। ঘোড়া যদি না ছুটে, সহরে পৌছতে রাত প্রায় শেষ হ'য়ে যাবে। শরৎচন্দ্র জোরে চাবুক কষালেন। ফলটা ফলুলো বিপরীত। ঘোড়াটা লাফিয়ে প'ড়লো নদীর জলে।

এতখানির জ্ঞান শরৎচন্দ্র প্রস্তুত ছিলেন না। কয়েক মুহূর্তের মধ্যে জল থেকে উঠে পুনরায় ঘোড়ায় চ'ড়ে বসলেন। এবার ঘোড়াটিও রীতিমত অন্ধ হ'লো। বাইরের কনকনে হাওয়ায় না ছুটেও আর উপায়

নেই। কয়েক ঘণ্টার মধ্যেই তিনি পার্কতীদের বাড়ীর সামনে এসে পৌছলেন।

পার্কতী জানালার ধারে দাঁড়িয়েছিল। শরৎচন্দ্রকে দেখেই খুশী মনে নীচে নেমে এলো। তিনিও ঠক ঠক করে কাঁপতে কাঁপতে ঘোড়ার পিঠ থেকে নেমে দাঁড়ালেন।

সামনে এসেই পার্কতী চমকে উঠলো। ব'ল্লো—একি? এত রাতে চান করে এলে যে?

শরৎচন্দ্র খুশীভরা হাসি হাসলেন। ব'ল্লেন—সবই কপাল পার্কে! নইলে ঘোড়াটা প'ড়লো জলে কাঁপিয়ে?

পার্কতী চঞ্চল হ'য়ে উঠলো। লোক-লজ্জার কথা ভুলে গেল। ব'ল্লো—আর একটি মিনিটও এখানে নয়। চলো ওপরে!

বাড়ীর দাস-দাসী থেকে আরম্ভ করে সকলেই গভীর নিদ্রা-স্থখে মগ্ন। শুধু দু'টি প্রাণী উঠে এলেন নিঃশব্দে। পার্কতী নিজের হাতে পোষাক বদলে দিল। তারপর ধীর পদক্ষেপে উভয়েই নীচের খাবার বরে প্রবেশ করলেন।

মোমের বাতিটা জালিয়ে আসন পেতে দিল পার্কতী। ব'ল্লো—একটু বসো—খাবারগুলো গরম করে দিই।

শরৎচন্দ্র বাধা দিয়ে ব'ল্লেন, আর মোটেই দেবী সহজে না। পেটের নাড়ীভূঁড়িগুলো জলে যাচ্ছে,—কখন খেয়েছি সেই সকালে—দাও কিছু ত' অন্ততঃ পেটে দিই! একটু থেমে ব'ল্লেন, কিন্তু আমি যে আস্বে, তোমায় তা' কে জানিয়ে দিল পার্কে?

পার্কতী হাসলো। ব'ল্লো—আমার মন!

শরৎচন্দ্র আর দ্বিতীয় প্রশ্ন করতে সাহসী হ'লেন না। কারণ ভালবাসার রীতিই ত' এই! নিঃশব্দে আহার শেষ করে উঠে দাঁড়ালেন।

পার্কীতি বাতিটা এগিয়ে দিয়ে ব'ল্লো—সবই সাজিয়ে রেখে এসেছি। এবার শুয়ে পড়'গে যাও। অনেক রাত হ'লো!

শরৎচন্দ্র মুহূ হাসলেন। ব'ল্লেন—জানি পার, তুমি থাকতে কোন অভাবই হ'তে পারে না। সহসা তার মুখের দিকে তাকিয়ে ব'ল্লেন—একি? এত শীতে গায়ে তোমার কোন গরমের কাপড় নেই কেন? ঠাণ্ডা লেগে অস্থখ ক'রবে যে!

পার্কীতি হাসলো। ব'ল্লে—ভয় নেই, মেয়েরা এত শীতগির মরে না!

শরৎচন্দ্রও উত্তরে হাসলেন। ব'ল্লেন—তা বা' বলেছো? মেয়েরাই এ জগতে অমর—মরে কেবল আমাদের মত হতচ্ছাড়া পুরুষগুলো! গায়ের চাদরখানা ভাল ক'রে মুড়ি দিতে গিয়ে সচেতন হ'য়ে উঠ'লেন। মনে পড়ে গেল চাদরখানা ত' তখন সে নিজেই তাঁর গায়ে সবলে মুড়ে দিয়েছিল, লজ্জিত হ'য়ে পড়'লেন সেই মুহূর্তে। ব'ল্লেন—কিছুই ত' বলা হ'লো না—একটু তাড়াতাড়ি যেয়ো কিন্তু কাল সকালে!

পার্কীতি উত্তর দিল না—হাসলো একটু। শরৎচন্দ্র ধীরে ধীরে বেরিয়ে গেলেন। পার্কীতি দরজাটা বন্ধ ক'রে দিল নিঃশব্দে।

*

*

*

পার্কীতি এসেই ঘুম ভাঙ'লো। বেলা তখন ন'টা। চায়ের কাপটি সামনে ধরে ব'ল্লো—আচ্ছা ঘুমোতে পারো কিন্তু!

শরৎচন্দ্র লেপটা পায়ের কাছে ছুঁড়ে দিয়ে উঠে ব'ল্লেন। হাত থেকে কাপটি নিয়ে চুমুক দিয়ে ব'ল্লেন—ঘুম আর হ'ল কই? তোমার স্বপ্নে ত' রাতটা কেটে গেল জলের মত! তা যাক—দাঁড়িয়ে রইলে কেন? চেয়ারটা টেনে বসো!

পার্কীতি চঞ্চল হ'য়ে উঠ'লো। ব'ল্লো—অন্ত সময়ে আসবো বরং।

শরৎচন্দ্র খপ্ করে তার আঁচলখানা চেপে ধ'লেন। ব'ললেন—
যাবো ব'ললেই কি যাওয়া যায় ? যাও ত' এখন দেখি !

পার্বতী কৃত্রিম ক্রোধ প্রকাশ ক'ল্লো, যাও—কি হ'চ্ছে ?

শরৎচন্দ্র নির্বিকার। ব'ললেন—কোন কথা নয়—বসো চূপ ক'রে।

পার্বতী ঠোঁট চেপে, ফিক্ ক'রে হেসেই মুখ ফিরিয়ে নিল। ভাল
মানুষের মত চেয়ারটায় চেপে ব'সলো।

নীরবে কেটে গেল অনেকক্ষণ। পার্বতী চঞ্চল হ'য়ে উঠলো !
ব'ললো—বেলা অনেক হ'ল, মা হয়ত খোঁজাখুঁজি ক'রবেন !

শরৎচন্দ্র ব'ললেন—খোঁজেন ব'লো—আমার কাছে এসেছিলে !

পার্বতী উঠে দাঁড়ালো ! ব'ললো—চান করো ! আমি ততক্ষণ
খাবারের ব্যবস্থা করিগে ! কাল রাতে খাওয়া তোমার মোটেই ভাল
হয়নি !

শরৎচন্দ্র মুহূ হাসলেন। ব'ললেন—শাক দিয়ে আর মাছ ঢেকো না—
তার চেয়ে বরং বলো ভয় ক'রছে !

পার্বতী হেসে ফেললো। ব'ললো—ভারী ত বীরপুরুষ, তাকে
আবার ভয় ! চান ক'রে তৈরী হ'য়ে থাকো, এখনি আসছি আমি
ফিরে—বুঝলে !

পার্বতী দাঁড়ালো না। বেরিয়ে গেল। শরৎচন্দ্র তার গমন পথের
দিকে রইলেন তাকিয়ে।

*

*

*

*

পার্বতী সত্যি আধ-ঘণ্টার মধ্যে ফিরে এলো। কড়া শাসনের স্বরে
ব'ললো—এখনও বসে আছো ? একটি মুহূর্তও দেবী চ'লবে না—যাও !

শরৎচন্দ্র শান্ত শিশুর মত গঙ্গার জলে ডুব দিয়ে উঠে এলেন।
মাথায়-গায়ে জল।

পার্কভী কৃত্রিম ক্রোধ প্রকাশ ক'ল্লো—না তোমার জন্তে সত্যই
একটা লোক চাই শরৎদা,—নইলে—

পার্কভীর কথা শেষ হ'ল না। মাঝ পথেই থেই হারিয়ে ফেল্লো।
তোয়ালেটা নিয়ে নিজের তঁর মাথা মুছে দিল। ব'ল্লো—বলি, বরং
একটা দেখে-ভনে বিয়ে করো।

শরৎচন্দ্র হাসলেন। ব'ল্লেন, কনে যে রাজী হয় না! *

* * * *

চাকরীর বাঁধন শরৎচন্দ্রের ভাল লাগে না। তবুও তাঁকে সে কাজে
লেগে থাকতে হয়—নইলে সংসার যে অচল! ছোট ভাই-বোনেরা যে
উপবাসে শুকিয়ে মরে!

* * * *

যখন সহরে থাকেন ক্লাবে যোগ দেন—কখনও বা ছুঁচোর কলম
লেখেন।

আলিবাবার অভিনয় হবে ক্লাবে স্থির হ'য়ে গেল। শরৎচন্দ্র সময়ের
অভাবে নিলেন মুস্তাফার পার্ট। অভিনয় তাঁর এত সুন্দর হ'ল যে
সকলেই প্রশংসায় মুগ্ধ হ'য়ে উঠলো।

অভিনয় শেষ হ'ল, কিন্তু শরৎচন্দ্রের খোঁজ পাওয়া গেল না। অনেক
খোঁজাখুঁজির পর সন্ধান মিল্লো ড্রেনের পাশে অচৈতন্য অবস্থায়
আছেন প'ড়ে।

ধরাধরি ক'রে অমরবাবুর বাড়ীতে নিয়ে আসা হ'ল গোপনে।
নীরোদ ও ভূপতি ছাড়া আর কেউ জানলো না। রাখা হ'ল তাঁকে
পরিত্যক্ত একটা গোয়ালঘরে।

পার্কভী সেই গোয়ালঘরকে দেবমন্দিরে পরিণত ক'রে ফেল্লো

কয়েক ঘণ্টার মধ্যে। তারপর শুরু হ'ল পরিচর্যা। সকলেই ভয়ে অস্থির—যদি জ্ঞান আর না ফিরে ?

পার্কীতী কিন্তু অচল ও অটল। তার আশ্রয় সেবায়, তিন দিন পরে শরৎচন্দ্রের জ্ঞান ফিরে এলো।

সবাই খুশী হ'ল। ব'ল্লো—ই্যা, সাধনা বটে তোর পারু !

* * * *

ভুবনমোহিনীদেবী একটি কল্যা-সন্তান প্রসবের পর মারা গিয়েছিলেন। সেই শিশু-মেয়েটিকে মানুষ ক'রে তোলার জন্যে একটি ওয়েট্‌ নাস' রাখা হ'ল।

মধ্যম প্রভাস যথেষ্ট বড় হ'য়েছে। ছোট প্রকাশ, তখনও ছেলে-মানুষ। সামান্য একটা বিষয় নিয়ে ওয়েট্‌ নাস' (মোতিয়া) একদিন তাকে রীতিমত শাসন ক'রলো।

কথাটা শরৎচন্দ্রের কানে গিয়ে উঠলো। তিনি ক্ষুব্ধ হ'য়ে প্রতিবাদ ক'রলেন মতিলালবাবুর কাছে,—আপনার প্রশ্নেই ব্যাপারটা এতখানি গড়িয়েছে, ওকে সাবধান ক'রে দিন।

মতিলালবাবু এ বিষয়টার ওপর মোটেই গুরুত্ব আরোপ ক'রলেন না। ব'ল্লেন—ছেলে দুটু'মি ক'রলে শাসন ক'রবে না ? তোর মা কি তাদের শাসন ক'রতো না ?

শরৎচন্দ্র ক্রোধে দিশেহারা হ'য়ে প'ড়লেন। ব'ল্লেন, মা আর ওয়েট্‌ নাস' কখনও এক হ'তে পারে না। যদি এর একটা বিহিত না করেন, আমার সঙ্গে আপনার কোন সম্পর্ক থাকতে পারে না।

মতিলালবাবু নীরব রইলেন। শরৎচন্দ্র গৃহত্যাগ ক'রে অমরবাবুর বাসায় এলেন। পার্কীতীর সঙ্গে দেখা হ'ল। তাঁর চোখ দুটো লাল, ঋণানা শুকিয়ে এতটুকু হ'য়ে গেছে।

পার্কীতী সভয়ে ঘরে নিয়ে গিয়ে বসালো। ভূপতিও ঘরের ভেতরে ছিল। কি একটা জরুরী কাজে বেরিয়ে গেল।

পার্কীতী ফিরে এলো। এক হাতে তার খাবারের ডিস্, অপর হাতে এক কাপ চা। ব'ল্লো—মুখখানা শুকিয়ে এতটুকু হ'য়ে গেছে, এগুলো মুখে দিয়ে নাও।

শরৎচন্দ্র পার্কীতীর অবমাননা ক'রলেন না। নিঃশব্দে সবটুকু শেষ ক'রে ব'ল্লেন, তোমাদের কাছে বিদায় নিতে এলাম পার্কে!

কণ্ঠস্বরে হতাশা ও অবসাদ স্পষ্ট হ'য়ে উঠলো। পার্কীতী শব্দা বোধ ক'রলো। অনেকরূপে শরৎচন্দ্রকে দেখেছে সে কিন্তু এমন বৈরাগী শরৎচন্দ্রকে কোনদিন দেখেনি। মুখে হাসি ফোটানোর একবার ব্যর্থ চেষ্টা ক'রলো। জিজ্ঞাসা ক'রলো, হ'ল কি?

শরৎচন্দ্র উঠে দাঁড়ালেন। ব'ল্লেন “ভাগলপুর ইজ্ টু হট্ ফর্ মি,” এখানে থাকা আর আমার হয়ত সম্ভব হবে না, তাই তোমাদের সঙ্গে শেষ দেখা ক'রতে এলাম।—শেষের কথাগুলো অস্পষ্ট হ'য়ে উঠলো। একটু থেমে ব'ল্লেন, ভাগ্য কোথায় টেনে নিয়ে যাবে জানি না—তবে তোমাদের আমি কোনদিন ভুলতে পারবো না!

ঝড়ের মত শরৎচন্দ্র বেরিয়ে প'ড়লেন।

ব্যাপারটা তলিয়ে বুঝতে না পারলেও পার্কীতী অজ্ঞান ক'রে নিল একটা প্রচণ্ড ঝড় উঠেছে, এর শেষ কোথায় কে জানে? চোখের পাতাগুলো তার একটা অজানা আশঙ্কায় সিক্ত হ'য়ে ওঠলো। মনে হ'ল পায়ের তলা থেকে বুঝি মাটিগুলো সরে যাচ্ছে ধীরে ধীরে।

পার্কীতী সশব্দে পড়ে গেল মেঝের ওপরে। হাতের পেয়লাটা ভেঙ্গে চূরমার হ'য়ে গেল। মা ছুটে এলেন পাশের ঘর থেকে।

চোখে-মুখে জল ও কিছুক্ষণ বাতাস করার পর তার জ্ঞান ফিরে এলো। পাশে চেনা-অচেনার ভীড়। চোখ মেলে চাইলো। কিন্তু ঝাঁকে

সে খুঁজে—সন্ধান তার পাওয়া গেল না। চোখের পাতাগুলো পুনরায়
রুদ্ধ হ'য়ে গেল। মা শঙ্কিতকণ্ঠে মুহু স্বরে ডাকলেন, পারু—ও পারু, কি
হ'য়েছে মা ?

পারুতী উত্তর দিল না। মা'র কোলে মুখখানা লুকিয়ে নিজেকে
সংঘত ক'রবার চেষ্টা ক'রলো কিন্তু বাঁধন-হারা অশ্রু কোন বাঁধনই মানতে
চাইলো না, ঝরে প'ড়লো আপন গতির ছন্দে !

* * * *

শরৎচন্দ্র নাগা সন্ন্যাসীদের সঙ্গে পাড়ি দিলেন মজঃফরপুর। হাতে
সবুজ রঙের সালির সাইকোলজি !

ধর্মশালার সামনের বাড়ী থেকে গভীর রাতে কে একজন বেহালা
বাজাচ্ছিল। সে সুরে শরৎচন্দ্র তন্ময় হ'য়ে ছাদে উঠে গেলেন। মিহি
গলায় ধীরে ধীরে গাইতে সুরু ক'রলেন, “যে নদী মরুপথে হারালো
ধারা, জানি হে জানি তাও হয়নি হারা.....”

গান শেষ হ'ল। বেহালাও থেমে গেল।

পরদিন উভয়ের মধ্যে আলাপ হ'লো। বেহালা বাদকের নাম
নিশানাথ। তিনি ছিলেন ঠিক তাঁরই মত ছন্নছাড়া, ভবঘুরে, পরপোকারী
নিঃস্বার্থ যুবক। সম্বল তাঁর একমাত্র বেহালা। তাঁরই সুর ও লয়ে
তিনি মগ্ন ! কয়েক মিনিটের মধ্যে মৌখিক আলাপ গাঢ় বন্ধুত্ব পরিণত
হ'লো। তিনিই চেষ্টা ক'রে তাঁর মামাতো ভাই শেখরবাবুর বাড়ীতে
খাকার ব্যবস্থা ক'রে দিলেন।

শেখরবাবু অল্পরূপা দেবীর স্বামী। তখন তিনি মজঃফরপুরে ওকালতি
ক'রছিলেন। ছিলেন গানের পরম ভক্ত। যখন নিশানাথের মুখে
শুনলেন, ছেলোট গুধু বাঙালীর ছেলে নয় একজন বিশিষ্ট গায়ক—
বিশেষ ক'রে কর্ণাট তাঁর এমনই মধু ঢালা যে, সে সুর একবার

কানে গেলে সহসা ভোলা যায় না—তিনি সেই মুহূর্তেই রাজি হ'য়ে গেলেন। পরিচয় অবশ্য ষেটুকু গেলেন তাতেই তাঁকে তিনি পরিচিত ব'লে মেনে নিলেন। কারণ, ইতিপূর্বে অম্বরূপাদেবী ভাগলপুরের এক শরৎচন্দ্রের কথা তাঁকে ব'লেছিলেন—তিনি একজন উদীয়মান প্রথম শ্রেণীর লেখক।

নিশানাথ ব'ল্লেন—ইনি ভাল লিখতেও পারেন।

শেখরবাবুর কাছে এইটিই হ'ল বড় ট্রেডমার্ক। ব'ল্লেন, তুমি তাঁকে সঙ্গে ক'রে নিয়ে এসো নিশানাথ!

পরে তাঁর অহুমান সত্য হওয়ায় তিনি খুব খুশী হ'য়ে উঠলেন। নিশানাথ তাঁকে একটুকুও যে বাড়িয়ে বলেননি, তার পরিচয়ও তিনি পেলেন। সত্যি তাঁর কণ্ঠস্বরটি অপূর্ব। তিনি প্রতি রবিবার তাঁর বৈঠকখানায় একটি গানের মজলিস্ বসাতে শুরু ক'রলেন। সেখানে ক্রমে মজঃফরপুরের বিশিষ্ট লোকেরাও জমা হ'তে লাগলেন। সকলেই সেই নির্মল আনন্দ উপভোগ ক'রে ফিরে যেতেন দ্বিপ্রহরে। ফলে, শরৎচন্দ্র শীঘ্রই পরিচিত হ'য়ে উঠলেন সকলের কাছে। কয়েকজন বন্ধুবান্ধবও গেল জুটে। তার মধ্যে প্রমথনাথ ভট্টাচার্য (মুখোপাধ্যায়) ম'শায়ও ছিলেন একজন।

রাসিক দত্তের স্ত্রী টায়্‌ফয়েডে আক্রান্ত হ'লেন। সেবা-শুশ্রূষার লোকের একান্ত অভাব। কথাটি শরৎচন্দ্র ও নিশানাথের কানে এলো। উভয়েই ছুটুদেন সেবা ক'রতে।

অক্লান্ত পরিশ্রম ক'রেও শেষ পর্য্যন্ত তাঁকে বাঁচানো গেল না। মৃতদেহ তাঁদেরই সংকার ক'রতে যেতে হ'ল।

ভাগলপুর তাগের পর শরৎচন্দ্র নেশা প্রায় ছেড়েই দিয়েছিলেন। কারণ, তখন তাঁর যা অবস্থা তা'তে কোন রকমে নিজেকে বাঁচিয়ে রাখা ছাড়া বিলাসিতা কিংবা নেশার অবসর সেদিন ছিল না। কিন্তু

আশান্বিতে গিয়ে সহসা সেই স্তম্ভোৎসব মিলে গেল। অত্যাশ্চর্য্য শববাহকদের নেশার রসদ বোঁগাতে হ'ল রসিকবাবুকে। শরৎচন্দ্র সেই স্তম্ভোৎসবে একটা বোঁতল রাখলেন সরিয়ে।

যে দিন তাঁর মন-মেজাজ ভাল না থাকতো, সেইদিন সকলের অজ্ঞাতে একটু-আধটু নেশা সুরু ক'রলেন পুনরায়। একদিন একটু মাত্রা বেশী হ'য়ে গেল। শরৎচন্দ্র উঠানে বসে বালুতির জলে মাথা ধুচ্ছেন। ঠিক সেই সময়েই শেখরবাবুর বাবা ঘরে ফিরে এলেন। তিনি ব'ললেন—সত্যিই বড় গরম প'ড়েছে, তুমি স্বচ্ছন্দে গা' ধুয়ে ফেলতে পারো শরৎ!

তিনি তখন এ-বাড়ীর একজন ছেলের মত হ'য়ে গেছেন। উত্তর দিতে গিয়ে কথা তাঁর গেল জড়িয়ে।

কারণটা ঠিক স্পষ্ট না হ'লেও তিনি অনুমান ক'রে নিলেন—শরৎচন্দ্র নিশ্চয় নেশা ক'রে থাকবে, নইলে তাঁর মত লাজুকে ছেলে সহসা মুখের ওপর কথা কইতে সাহসী হ'তো না। তিনি ক্ষুব্ধ হ'লেন। ব'ললেন, তুমি আমাদের বাড়ীর ছেলেদের মত হ'য়ে গেছ শরৎ, একটু বুঝে চলা তোমার উচিত!

শরৎচন্দ্র ছেলেবেলা থেকে অবহেলা ও অসচ্ছলতার মধ্যে যাতায়াত হ'য়ে উঠলেও আত্মসম্মান জ্ঞান ছিল তাঁর প্রচুর। বিবেক ছিল জাগ্রত। তিনি পরক্ষণেই বুঝতে পারলেন আপন ভুল। লজ্জায় পরমুহূর্ত্তেই মান হ'য়ে প'ড়লেন। তার কয়েক মিনিট পরে নিঃশব্দে তিনি সে-বাড়ীর মায়া-ত্যাগ ক'রলেন চিরদিনের মত।

*

*

*

*

আশ্রয় নিলেন মহাদেব সাহর বাড়ীতে। তিনি ছিলেন শরৎচন্দ্রের গানের পরম ভক্ত। পরে উভয়ের মধ্যে বন্ধুত্ব গভীর হ'য়ে উঠলো। তাঁর

জমিদারীর অর্থ ও প্রতিপত্তি ছিল অসম্ভব । রাতারাতি সেই পরিবেশের মধ্যে মেজাজ ও পোষাক গেল বদলে ।

* * * *

এপাশে শেখরবাবুর পিশিমা খাবারের খালা সাজিয়ে ব'সে আছেন । শরৎচন্দ্রের কোন খবর নেই । রাত একটা বাজলো । তিনি চঞ্চল হয়ে উঠলেন । হাঁকডাক শুরু করলেন—তোরা ত দিবি নাক ডাকিয়ে ঘুমোতে গেলি, এপাশে ছেলেটা গেল কোথায় ? যা তোরা খোঁজ ক'রে দেখ, একবার !

শেখরবাবুর কানেও কথাটা গেল । তিনি বুঝলেন, ব্যাপারটা ঘটেছে কি ! অহুমান ক'রে নিলেন—বেচারী লজ্জায় হয়ত কোথাও লুকিয়ে আছে । ব'ললেন, ভয় নেই, নিশ্চয় কোথাও লুকিয়ে র'য়েছে ! বাবা সন্ধ্যায় তাকে একটু ধমক দিয়েছিলেন, হয়ত লজ্জায় বেকতে সাহস করেনি । তুমি বরং খাবার ঢাকা দিয়ে রেখে, শুয়ে পড়ো—সে নিজেই এসে খেয়ে যাবে'খন ।

পরদিন সকালে দেখা গেল—খাবার তেমনই ঢাকা পড়ে র'য়েছে । রাত্রে বাড়ীতেও ফিরে আসেননি । সকলে চিন্তিত হ'য়ে প'ড়লেন । ডাক প'ড়লো নিশানাথের ।

অনেক অহুস্কানের পর নিশানাথ তাঁকে আবিষ্কার করলেন মহাদেব সাহর কুঠীতে । শরৎচন্দ্র ব'ললেন, তোমাদের বাড়ীমুখো হওয়ার সাহস আমার নেই, নিশানাথ ! আমাকে তাঁদের ক্ষমা কর'তে ব'লো ।

নিশানাথ ফিরে এলেন । ব'ললেন—আপনাদের ভয় নেই ! শরৎ ভালই আছে । মহাদেব সাহর আশুড়ায় আশ্রয় নিয়েছে ।

* * * *

মহাদেব সাহুর শিকারের সখ ছিল। শরৎচন্দ্রও ছিলেন একজন ভাল শিকারী। মনের আনন্দে গান ও শীকার নিয়েই রইলেন মেতে। সেই সঙ্গে আত্মসম্বন্ধ সব কিছুই জুটতে লাগলো পুরোদমে।

মারপথে সহসা বাধা এসে দাঁড়ালো। সে কালিদাসী। সেই ক'ল্লো শরৎচন্দ্রকে আবিষ্কার। লোক দিয়ে ডাকিয়ে ঘরে নিয়ে গিয়ে বসালো। নিজের হাতে তামাক সেজে এনে একেবারে পাশের ফরাসের উপর বসে প্রশ্ন ক'রতে শুরু ক'ল্লো—এখানে কবে এলে? মা গারা গেছেন শুনেছি,—বাবা এখন কোথায়? ভাগলপুর ছেড়ে সহসা এ স্বপ্নরাজ্যে এসে জুটলে কেমন করে?

শরৎচন্দ্র হতবাক হ'লেন। ফ্যাল ফ্যাল ক'রে তার মুখের দিকে তাকিয়ে রইলেন। মেয়েটি কিন্তু সত্যিই অসামান্য সুন্দরী! চোখে, মুখে, দেহে যৌবন উপছে উঠছে। চোখ দু'টো তার সম্মোহনীতে ভরা। ঠোঁটের কোণে বঁকা হাসি। কণ্ঠস্বর মধুমাধা, অথচ যে কয়টি বাক্যবাণ সে হানলো—তার মধ্যে লুকিয়ে র'য়েছে শ্লেষ, দ্বন্দ্ব ও স্নেহের শীতল ছায়া। শরৎচন্দ্র অভিভূত হ'য়ে প'ড়লেন। সহসা উত্তর দিতে পারলেন না।

কয়েক মিনিট নিঃশব্দে অতিবাহিত হ'য়ে গেল। শরৎচন্দ্র নিজের সম্বিত ফিরে পেলেন। একটু কঠোর হ'তে চেষ্টা ক'রলেন—কিন্তু একটা অজ্ঞাত দুর্বলতা তাঁকে পেয়ে ব'ল্লো। ধীর কণ্ঠে প্রথম কথা কইলেন, আমায় ত' তুমি বিলক্ষণ চেন দেখছি, কিন্তু তোমায় ত' ঠিক চিনে উঠতে পারলাম না!

কালিদাসী হেসে উঠলো। ব'ল্লে, তা' পারবে কেন? বিশেষ ক'রে পদমর্যাদায় যখন জমিদারের মোসাহেব হ'য়েছো! পিল্ থিল্ ক'রে হেসে উঠে ব'ল্লো, আমি কিন্তু প্রথম দৃষ্টিতেই চিনতে পেরেছি। বুঝলে ত মেয়েমানুষ আর পুরুষমানুষে পার্থক্য কোথায়?

শরৎচন্দ্র নিরুত্তর। কালিদাসী ব'ল্লো—অবশ্য তোমার মনের কথাই

টেনে ব'লছি আমি, এমনও ত অনেক মেয়ে দেখা যায় যারা বিশেষ পরিচিত হ'য়েও নীরবে গা ঢাকা দেয়। সেটা কিন্তু নারী চরিত্রের বিশেষত্ব নয়, নিছক আত্মপ্রতারণার ছলনা মাত্র! এই চেনার মধ্যে একটা অজানার দস্ত তার নারীত্বকে শুধু লান ক'রে দেয় না, তাকেও প্রতি পলে দৃষ্টে মারে। কিন্তু এসব বাজে আলোচনা আপাততঃ বন্ধ থাক—এখন যা ব'লছিলাম—তা' সাহেব, এ রোগে তোমায় ধ'রলো কেন? শুনেছি মামাদের জমিদারীটা না কি পেশা—বাবার ছিল কাব্যের নেণা—তোমার বুঝি শেষ সম্বল হ'ল মোসাহেবিগিরী?

ক্রোধে ও অপমানে শরৎচন্দ্রের সারা দেহটা রি-রি ক'স্বতে লাগলো। এইটুকু জীবনের চলার পথে তিনি কত বিচিত্র নারীর সংস্পর্শে এসেছেন কিন্তু কাউকে বরে ডাকিয়ে, কোন অচেনা ভদ্রলোককে অকারণে এমন রুঢ় ভাবায় অপমান ক'স্বতে কোনদিন যে কেউ সাহসী হ'তে পারে, এ ধারণাটা ছিল তাঁর স্বপ্নেরও অতীত! ব'ললেন—আমার খুলী!

কালিদাসীর রহস্ত-মাথা বাঁকা ঠোঁটের হাসি চকিতে খসে গেল। ব'ললো, নিজেকে নষ্ট করার স্বাধীনতা যে তোমার আছে তা' অবশ্যই স্বীকার করি—কিন্তু সেই সঙ্গে এটাও মনে রেখো, যতদিন পর্যন্ত এখানে আমি আছি, যা খুলী তা' করার অধিকার তোমার নেই! শিকার ত' ছাই...হয় বক না হয় ঢিল—তার আবার সাজ সরঞ্জাম দেখোনা! তবুও যদি বীরপুরুষের দল বাঘ শিকারে বেরুতেন—উৎসাহের দ্বাপাদ্বাপি, আয়োজনের প্রাচুর্য্যে, হয়ত সারা সুন্দরবনটাই সাগরের অতল তলে ডলিয়ে যেতো! খুলে ফেল সব। কালিদাসী স্পর্ধিত ফণিনীর মত বেন সহসা ছুলে উঠলো। কণ্ঠস্বরে ফুটে উঠলো নির্লিপ্ত আদেশের দৃঢ়তা। ব'ললো—চুপ ক'রে শুয়ে থাকো। একটি পাও কোথাও নড়তে পারবে না!

বাইরে ডাক প'ড়লো—কুমারসাহেব রেডি, বাবুজী!

কালিদাসী শরৎচন্দ্রের হ'য়ে উত্তর দিল,—সাহেবকে ব'লে মাও রূপলাল, বাবুজীর শরীর হঠাৎ খারাপ হ'য়েছে, এখন কোথাও তাঁর যাওয়া সম্ভব নয় !

শরৎচন্দ্র বাধা দিয়ে কি যেন ব'লতে গেলেন, কালিদাসী চকিতে বন্ধুকটা তুলে নিয়ে নিজের দিকে বাগিয়ে ধ'রে ব'ললো, চুপ ! একটি কথা ক'য়েছো কি, গুলি ক'রে মরে যাবো—তখন কেউ বাঁচাতে পারবে না— এমন কি তোমার কুমারসাহেবও না !

শরৎচন্দ্র হতভম্ব হ'য়ে প'ড়লেন। নীরবে সে আদেশ পালন ছাড়া উপায় নেই। তাকিয়াটায় হেলান দিয়ে কাৎ হ'য়ে শুয়ে কি যেন ব'লে ব'লে ভাবতে লাগলেন।

কালিদাসী বন্ধুকটা পাশের ঘরে লুকিয়ে রেখে, হাসিমুখে ফিরে এসে সাম্নে দাঁড়ালো। হেসে উঠে ব'ললো—এখনও চিন্তে পারলে না ? এত বয়ে গেছে যে, পারলেও সহসা স্বীকার ক'রবে—সে ভরসাও আমার নেই ! কিন্তু তোমার মুখের দিকে তাকিয়ে আমার বড় হাসি পাচ্ছে ! আহা যেন, কতই শান্ত-শিষ্ট অবোধ শিশু ছেলে !

কালিদাসী হাসিতে ফেটে প'ড়লো। কয়েক সেকেন্ড পরে পুনরায় মুখর হ'য়ে উঠলো—একদিন অনেক শাসন ক'রেছিলে—সে দিন ছিলাম অসহায় শিশু, আজ তার প্রতিশোধ নেবো—অবশ্য লগুড়াঘাতে নয়,— সেবা-যত্নে—আদর-আপ্যায়িত ক'রে।

চকিতে কালিদাসীর কণ্ঠস্বর গেল ব'দলে। স্নেহমাখা আন্তরিকতাপূর্ণ স্বরে ব'ললো—মা মারা গেছেন কত দিন ? শুনেছি ত প্রায় চার বছর। যত্ন নেওয়ার লোক নেই, শরীরটা সত্যি তোমার খুব খারাপ হ'য়ে গেছে ! কোন অত্যাচার না ক'রে চুপ্‌চাপ্‌ দিন কয় থাকো তো দেখি, কেমন না শরীর ভালো হয় !

শরৎচন্দ্র নীরব প্রোতা।

কালিদাসী চেয়ার টেনে পাশে ব'সলো ! ব'ল্লো—আচ্ছা, দেশে কতদিন যাওনি ? সেই বৈইচিকলের বনটা তেমনি আছে ত' ? না সব শেষ হ'য়ে গেছে ? তামাক ত' তখনই খেতে—মাঝে মাঝে লুকিয়ে-চুরিয়ে ছ'এক ছিলিম সেজে এনেও দিতে হ'তো, আবার মদ ধ'ন্নে কেন ? লিভারটা যে ও-তে নষ্ট হ'য়ে যায় !

অতীতের স্মৃতিটা স্পষ্টতর হ'য়ে উঠলো । শরৎচন্দ্র বুঝতে পারলেন কে এই কালিদাসী ! ছোটবেলার একান্ত অঙ্গুত সাথী—হারানো সেই রোগা এতটুকু মেয়ে কালিদাসী ওরফে রাজলক্ষ্মী ! সেই অতীতের সঙ্গে এর কোথাও এতটুকু মিল নেই । আছে শুধু মনের ।

শরৎচন্দ্রের মুখে এতক্ষণে হাসি ফুটলো । ব'ল্লেন—জাতটা ত' নিলে, দাও তো এবার দক্ষিণা !

কালিদাসীও হাসলো । ব'ল্লো—নিশ্চয় দেবো—অবশ্য যদি কথা আমার শোন !

*

*

*

কালিদাসী উঠে গেল । পরক্ষণেই ফিরে এলো—হাতে এক ডিস্ খাবার । ব'ল্লো—মুখটা শুকিয়ে এতটুকু হ'য়ে গেছে, এগুলো মুখে দিয়ে নাও ! বলেই, নিজে সামনের টেবিলের উপর সেটি রেখে, শরৎচন্দ্রের গায়ের কোটটা খুলে নিয়ে একটা ছাঙারে টাঙিয়ে রাখলো !

শরৎচন্দ্রের মন তখন কুমারসাহেবের আখড়ার আশেপাশে ঘুরে বেড়াচ্ছে । এ সবের তাঁর মন বসে না—ভালও লাগছে না—অথচ মুখ ফুটে কিছু ব'লতেও সাহসে কুলালো না—কালিদাসী ত' আর সেই শিশু-কালিদাসী নেই, ধূলীমত শাসন ক'রবেন ! এখন পদমর্যাদা লাভ ক'রে এসে আছে সে নিজেই !

*

*

*

শরৎচন্দ্র কালিদাসীকে এড়িয়ে চ'লতে চেষ্টা ক'রুলেও তিনি কালিদাসীর চোখ এড়িয়ে কোনদিন চ'লতে পারলেন না। সেদিন রাত্রি দশটা পর্য্যন্ত হৈ-চৈ গান-বাজনা সেরে নেশায় বেহ'স হ'য়ে নিজের ঘরের দিকে টলতে টলতে এগিয়ে চ'লেছেন। হঠাৎ কিসে হৌচট খেয়ে প'ড়ে বাওয়ার উপক্রম হ'তেই, দু'টি কোমল বহু তাঁকে সবলে তুলে ধ'রলো।

শরৎচন্দ্র মুখ তুলে সেই জ্যোৎস্না-স্নাত রাতে দেখলেন, সারা অঙ্গে আলোয়ান মুড়ি দিয়ে তাঁরই সামনে দাঁড়িয়ে র'য়েছে কালিদাসী। জড়িত কণ্ঠে জিজ্ঞাসা ক'রলেন, এখানেও তুমি ?

কালিদাসী কোন উত্তর দিল না। নীরবে তাঁকে ধীরে ধীরে শয্যায় শুইয়ে দিয়ে ব'ললো, বুঝলে নারী মরে সেইদিন—বেদিন সে ভালবাসে কোন পুরুষকে। ছেলেবেলায় মেরে মেরেই বোধ করি অন্তরটাকে এতখানি দখল ক'রে বসেছো যে, মরেও আমার শাস্তি হবে না ! তাই ত' লাজ-লজ্জার মাথা খেয়ে ছুটে আসি বার বার। কিন্তু আর একটিও কথা না—ব'লেই নিজের আলোয়ানটি তাঁর সারা অঙ্গে চাপা দিয়ে ধীরে ধীরে বেরিয়ে গেল সে।

অন্ধকারে দেখা না গেলেও শরৎচন্দ্র অহুমান ক'রে নিলেন, ইচ্ছা ক'রেই সে নিজেকে দূরে সরিয়ে নিয়ে গেল, বাঁধন-হারা অশ্রুকে সংযত করার উদ্দেশ্যে।

*

*

*

কুমারসাহেবের সঙ্গীর অভাব ছিল না। তবুও কুমারসাহেবের ছিল শরৎচন্দ্র-অন্ত প্রাণ। সঙ্গে তাঁকে না নিলে কুমারসাহেবের কোন কাজেই বসন্তো না মন।

তারা ক'লকাতার প্রায়ই আসতেন। শরৎচন্দ্রও এলেন এবারে। উঠলেন, বর্তমান “ইলাইট্” দিনেমার পাশের একটি বাড়ীতে। ওখানে চতুর একদল উড়িষ্যাবাসী বাস ক'রতো। তাদের পেশা ছিল, ও পথে যে সব মেয়ে চলাফেরা করে, তাদের ইচ্ছামত দেখিয়ে দিলেই রাত্রে বাসায় এনে পৌঁছে দিয়ে যাওয়া।

একদিন সন্ধ্যা প্রায় আটটায়, একটি ইহুদী মেয়েকে তারা পৌঁছে দিয়ে গেল! বয়স তার পনেরো কি ষোল। স্কুলে পড়ে। হ'শো টাকা দক্ষিণার বিনিময়ে মেয়ের মার কাছ থেকে আনা হ'ল মেয়েটিকে।

সাক্ষোপাক্ষো, কুমারসাহেব, সবাই নেশায় অচেতন। মেয়েটি শঙ্কিতভাবে একটা পাশে চেয়ার টেনে বসলো। শরৎচন্দ্র একা তখনও সজাগ। চেয়ে দেখলেন, মেয়েটির গঠন সত্যি অপূর্ব। সব চেয়ে আকর্ষণীয় তার মায়াবী হুঁটি চোখ। প্রাণের প্রাচুর্য্য যেন প্রতিটি মুহূর্তে উপ্ছে উঠতে চায়!

মেয়েটিকে বোধ হয় ভুলিয়েই আনা হ'য়েছিল। এখানে পা দিয়েই অবস্থাটা অসুস্থ ক'রে নিয়ে ভয়ে এতটুকু হ'য়ে গেল। চোখে তার জল থামে না।

কুমারসাহেবের কোন জ্ঞান নেই। একজন সঙ্গী ঝিমোচ্ছিল। মেয়েটিকে দেখে খাড়া হ'য়ে বসলো। টলতে টলতে মেয়েটির কাছে এগিয়ে এসে, হাতখানা তার চেপে ধ'রলো। সমস্ত মেয়েটি সন্ধে সন্ধে হুঁপিয়ে উঠলো—একস্কিউজ্ মী প্রীজ্,—একস্কিউজ্ মী।

কে কার কথা শুনে। সে জোর ক'রে তাকে আকর্ষণ ক'রতে ব্যস্ত হ'য়ে উঠলো। সোহাগ জানালো—মাইরী ব'ল্ছি সুলকরী—ভালবাসি—তোমায় ভালবাসি!

মেয়েটি হাত ছুঁটো ছিনিয়ে নেওয়ার চেষ্টা ক'রলো বার বার। অসুস্থ জানালো—প্রীজ্,—প্রীজ্,—প্রীজ্,—

শরৎচন্দ্র একটা কাজে বাইরে গিয়েছিলেন। কয়েক মিনিট পরে ফিরে এলেন। ভয়ার্ত করুণ কণ্ঠস্বর শুনে সচকিত হ'য়ে ফিরে তাকালেন। সঙ্গে সঙ্গে প্রাণটা তাঁর মমতায় ভরপুর হ'য়ে উঠলো। তিনি নেশা করেন সত্য—মেয়েদের সঙ্গে প্রাণথুলে আলাপও করেন অবসরমত, কিন্তু অবাচিতভাবে আত্মসমর্পণ না ক'রলে, কখনও তিনি কারও অঙ্গসম্পর্ক ক'রতেন না।

কোন বিদেশিনীর আচরণে, তিনি কখনও বাঙালীমেয়ের মত আত্ম-রক্ষার প্রচেষ্টা দেখেননি! এই ঘরে ব'সেই ইতিপূর্বে অন্ততঃ পাঁচ-সাতবার বিদেশিনীদের সঙ্গে মেলামেশার অবাধ সুযোগ-সুবিধা পেয়েছেন। তারা কামনার ইন্ধনই যুগিয়েছে, অকারণে প্রলুব্ধ করার চেষ্টা ক'রেছে, কিন্তু এ মেয়েটি যেন এদেশের প্রকৃতির সঙ্গে একান্তভাবে মিশে গিয়ে^১ এদেশীয় সত্যপ্রথার মর্যাদা দিতে ব্যস্ত হ'য়ে উঠেছে! মনটা তাঁর ব্যথিত হ'য়ে উঠলো। সামনে এগিয়ে এলেন। তাকে সে-বন্ধন থেকে মুক্ত ক'রে নিয়ে নিজের কাছে বসালেন। পেট পূরে খাওয়ালেন। কুমাল দিয়ে চোখের জল মুছে দিলেন। ব'ললেন, নো ফিয়ার মিস—আই ষ্ট্যাণ্ড ফর ইউ! (তোমার ভয় নেই, আমি তোমার পাশে আছি।)

খাওয়া শেষ হ'লে পর, তাকে বাসায় পৌঁছে দিতে রওনা হ'লেন। তার মা মেয়েকে ফিরে আসতে দেখে ত' হতবাক! রাগও ধ'মলো বধেট। বাবুকে হয়ত টাকটা এখুনি ফেরৎ দিতে হবে। মেয়েকে ধমক দিলেন—সিলি, অবস্টিনেট্ গার্ল! (অবাধ্য বেয়াদপ্ মেয়ে!)

...মা জাতিতে ইহুদী হ'লেও ভাল বাংলা ব'লতে পারে। শরৎচন্দ্রকে ব'ললো—বাবু রাগ ক'রবে না—এখুনি আমি সব ঠিক ক'রে দিচ্ছি!

শরৎচন্দ্র মুহূর্তে হাতের বাধা দিয়ে ব'ললেন—তোমার মেয়ে সত্যিই খুব ভাল মেম-সাহেব! ঠিক আমার দেশের মেয়ের মত! বোধ হয় এ দেশের

জল-হাওয়ার ও মানুষ—তাই, এ দেশের প্রকৃতিই ও পেয়েছে। বিশ্বাস ক’রবে কিনা জানি না, কিন্তু সত্য ব’লতে কি খুলী হ’য়ে নিজেই ফিরিয়ে দিতে এসেছি !

মেম-সাহেব হতবাক হ’য়ে তাঁর মুখের দিকে তাকিয়ে রইলো।

শরৎচন্দ্র বেরিয়ে আসার উদ্দেশ্যে ছ’পা এগিয়েই পিছন ফিরে থমকে একবার দাঁড়ালেন। ব’ল্লেন—একটা কথা তোমায় ব’লে যাই মেম-সাহেব, টাকার লোভে এ জাতের মেয়েকে তুমি আর কখনও বিক্রী ক’রো না !...পরমুহূর্তেই হন্ হন্ ক’রে তিনি হাঁটতে স্লক ক’রে দিলেন।

*

*

*

ক’লকাতা থেকে ফিরে সবে উঠানে গাড়ী থেকে নেমে দাঁড়িয়েছেন—দাসী এসে খবর দিল—মা’র সঙ্গে একটিবার দেখা ক’রে তবে উপরে যাবেন বাবু।

মনে মনে বিরক্ত বোধ ক’রলেও শরৎচন্দ্র কালিদাসীকে যথেষ্ট ভয় ও শ্রদ্ধা ক’রতেন। কুমারসাহেবের মেজাজটা সব সময়েই হাসি-খুশীতে ভরা। তিনি জানতেন, কালিদাসী শরৎচন্দ্রের শুধু পরিচিত নয়, বাল্যের খেলাধরের সাথী। ব’ল্লেন—তাড়াতাড়ি একটু বিশ্রাম নিয়ে ফিরে এসো মিঃ চ্যাটার্জি, ইচ্ছে আছে বৈকালে একটু শিকারে বেরুনো যাবে।

কুমারসাহেব উঠে গেলেন ওপরে। শরৎচন্দ্র সোজা কালিদাসীর ওখানে ফিরে গেলেন। কালিদাসী পূর্ব থেকেই অপেক্ষা ক’রছিল। সাদরে ধরে নিয়ে গিয়ে বসালো। ব’ল্লো, ক’দিন তোমার পথ চেয়েই ব’সে আছি। যা’ হোক ছ’টো মুখে দিয়ে, একটু বিশ্রাম নেবে চলো।

কালিদাসীর ব্যবহারের মধ্যে শরৎচন্দ্র লক্ষ্য ক’রলেন কৃজিমতা নেই—

এরং আছে একটা আতিশয্যের প্রাচুর্য্য। সে যেন ব্যাকুল হ'য়ে উঠেছে, তাঁকে খুলী করার উদ্দেশ্যেই।

কালিদাসী চ'লে গেল। শরৎচন্দ্র কুতূহল দৃষ্টি নিয়ে তাকিয়ে রইলেন তার গমনপথের দিকে। ঘরের দরজাটুকু অতিক্রম করা মাত্র তাকে আর দেখা গেল না। কিন্তু চিন্তাধারা তারই আবর্তে ঘূর্ণপাক খেয়ে বেড়াতে লাগলো : এমন একটি রহস্যময়ী নারী-চরিত্র ইতিপূর্বে তিনি দেখেননি কোনদিন ! কখনও করে সে শাসন, কখনও করে সোহাগ, আবার কখনও বা ঘৃণায় মুখখানা নেয় ফিরিয়ে ! তার কাছ থেকে মুক্তিও পাওয়া যায় না—আবার কাছে এলেও স্বস্তি নেই,—শান্তি নেই—কেমন একটা যেন অধীর চঞ্চলতা—যার আকর্ষণ আছে, উচ্ছ্বাস আছে, আবেগ আছে, স্বচ্ছল প্রাণের বহিঃপ্রকাশও আছে, নেই শুধু সেই মাদকতা, যা' মানুষকে রাখে ভুলিয়ে—তার নিজেরই অস্তিত্ব।

আজ তার আচরণে এমন একটা কোমলতা প্রকাশ পেল, যা' তিনি কোনদিন লক্ষ্য করেননি, অথবা লক্ষ্য করার অবসর তিনি পাননি। তাই চোখের পাতায় জাগলো তার নূতনত্ব—ফুটে উঠলো তার মাধুর্য্য ! আরও একটা জিনিষ তিনি লক্ষ্য ক'রলেন, প্রাণে সেই হল-ফোঁটানো হাসির তীক্ষ্ণ ছুরি আজ অকারণে তার ঠোঁটের কোণ থেকে গেছে ঝরে—পরিবর্তে স্থান পেয়েছে কেমন যেন একটা অকৃত্রিম স্নেহ, যাকে নিশ্চিন্তে বিশ্বাস করা চলে,—যার আশ্রয় নিশ্চিন্ত নির্ভরযোগ্য ব'লে প্রাণমন সহজেই মেনে নিতে বাস্তব হ'য়ে ওঠে। ব'সে ব'সে ভাবেন, সত্যই এমন মধুর মূর্তি তিনি এর পূর্বে দেখেননি কোন সময়ে !

কালিদাসী ফিরে এলো। দাঁড়ালো—দূরত্বের কোন ব্যবধান না রেখেই। খুলে নিল গায়ের জামা,—নতজাহ্ন হ'য়ে নিজেই খুলে দিল পায়ের মোজা। সেই স্নেহমাখা স্মর ভেসে উঠলো, দেয়ী নয়—
চলো !

নির্বিকার চিত্তে শরৎচন্দ্র কালিদাসীর হুকুম তামিল ক'রলেন। এ'টা তাঁর স্বভাবের বাইরে। কেন কি জানি তাঁর আজ কালিদাসীকে বড় ভাল লাগছে—বার বার দেখতে ইচ্ছা ক'রছে! অল্প সময়েও যে তাঁর ভাল লাগেনি—তা নয়, বরং নিজের দুর্বলতা পাছে ধরা প'ড়ে যায়, তাই সকল সময়ে থাকেন সতর্ক, কিন্তু আজ তার হ'ল ব্যতিক্রম।

শরৎচন্দ্র আহার শেষ ক'রে ফিরে এলেন। কালিদাসী গড়গড়ায় ক'ল্কেটা বসিয়ে নলটা হাতে তুলে দিল। গায়ে তাঁর শালটা টেনে দিয়ে ব'ল্লে—একটু ঘুমিয়ে নাও। হাতের কাজগুলো সেরে নিই তত্তক্ষণ!

*

*

*

কালিদাসী যখন ফিরে এলো, বেলা তখন প্রায় তিনটে। আজ তার বেশের পারিপাটা নেই, মুখে একটা বিমর্ষের ছায়া। সাম্নে এসে দাঁড়াতেই শরৎচন্দ্র চোখের পাতা খুলে তাকালেন।

কালিদাসী জিজ্ঞাসা ক'রলো, ঘুমোওনি বুঝি?

শরৎচন্দ্র আলস্ত ভেঙে উঠে ব'সলেন। ব'ললেন—হ'য়েছে, তবে খুব ভাল হ'ল না!

কালিদাসী পাশে চুপ ক'রে কয়েক সেকেন্ড ব'সলো। তখনও চ'লেছে তার অন্তর-দন্দ। ধীরে ধীরে চোখের পাতাগুলো তার ঝাপসা হ'য়ে উঠলো।

আরও কিছুক্ষণ মৌনতার মধ্যে কেটে গেল। সহসা কালিদাসী ব'লে উঠলো, সুরেনমামার লেখা একখানা চিঠি নিশানাথবাবু দিয়ে গেছেন প্রায় চার-পাঁচ দিন আগে। বাবা মারা গেছেন। তাঁর শেষ কাজের আর বেশী দেরী নেই। ভাগলপুরে ফিরে যাওয়া তোমার একান্ত প্রয়োজন।

বাবা মারা গেছেন ? সচকিত হ'য়ে উঠলেন শরৎচন্দ্র । কিন্তু সে দুর্বলতা তাঁর কয়েক মুহূর্তের জন্তে । ব'ললেন, কোন কিছুই এখন পালন করা হ'ল না, তখন প্রকাশ কিংবা প্রভাস যে হোক ক'মবে'খন ! আমার আর প্রয়োজন কি ?

কালিদাসী বাধা দিল, তা হয় না শরৎদা ! তুমি যে বড় ছেলে, তোমায় যেতেই হবে !

শরৎচন্দ্র ব'সে ব'সে কি যেন ভাবতে লাগলেন । কালিদাসী ব'লে চ'ললো, কোনদিন কোন অহুরোধ করিনি, ক'ম্বলেও কোনদিন সেকথা রাখনি । আজ কিন্তু কোন কথাই আমি শুনবো না—যেতেই হ'বে তোমাকে । নইলে তাঁর আত্মা শান্তি পাবে কেন ? তুমি না বুঝলেও আমি ত জানি, কত স্নেহই না তোমায় ক'ম্বতেন তিনি ! তাঁর শেষ কাজে—তোমায় যেতে হবেই !

শরৎচন্দ্র ব'ললেন, কুমারসাহেবকে খবর দিতে হবে । শেষ পর্য্যন্ত গিয়ে দেখবো সব কাজ শেষ হ'য়ে গেছে ! তার চেয়ে না যাওয়াই ভাল । লোকে জাহ্নক, শরৎ ব'য়ে গেছে, সে মরে গেছে, কোন অস্তিত্বই তার আর নেই এ-জগতে !

কালিদাসী তাঁর মুখে হাতচাপা দিয়ে ব'লে উঠলো, বালাই, যাট্ ! তুমি মরবে কেন ? কুমারসাহেবকে আমি খবর পাঠাচ্ছি । তুমি বরং তৈরী হ'য়ে নাও ! রাত্রে গাড়ীতেই তোমায় ফিরে যেতে হবে ।

*

*

*

কুমারসাহেবও এ সংবাদে মর্ম্মাহত হ'লেন ! তিনিও তাঁকে ভাগলপুরে ফিরে যাওয়ার উপদেশ দিলেন ।

কালিদাসী সমস্তই শুঁছিয়ে দিল । যাওয়ার সময় হ'লে ব'ললো—এ

অবস্থায় পায়ের ধূলো নেওয়া সম্ভব হ'লো না। যদি কোনদিন ফিরে আসো—অবশ্য এটা মনেপ্রাণে আমি চাইনে—বরং বলি এদের কাছ থেকে চিরদিন তুমি দূরে সরে থেকো—এটা তোমার প্রকৃতির অবমাননা—

একটু থেমে পুনরায় ব'ললো—বাবার কাজ হ'য়ে গেলে—কেমন আছ শুধু একখানা পত্র দিও,—তার বেশী আমি আর কিছু চাইনে। তবে মা'র রচনা ও রটনার মূলে যত কিছুই মিথ্যে থাক—সেইটাই মনে-প্রাণে বিশ্বাস ক'রো, কারণ তোমার কালিদাসীর অপমৃত্যু হ'য়েছে, সে তো নিজের চোখেই দেখে যাচ্ছে!

কালিদাসী দাঁড়ালো না। ভেতরে চ'লে গেল।

বহুক্ষণ শরৎচন্দ্র তার আশাপথ চেয়ে অপেক্ষা ক'রলেন। কিন্তু কালিদাসী আর তাঁর সম্মুখীন হ'তে পারলো না। তার সমস্ত ধৈর্য ও মনের বাঁধন হয়ত ভেঙ্গে চুরমার হ'য়ে গেছে একেবারে!

দাসী এসে খবর দিয়ে গেল, সময় আর বেশী নেই, বাবু। মা'র শরীরটা অসুস্থ ব'লে দেখা ক'রতে পারলেন না। ফিরে গিয়ে একখানা চিঠি দেবেন—এই অসুস্থতাটি শুধু জানিয়েছেন তিনি।

অকারণেই বুক ভেদ ক'রে একটা তপ্ত দীর্ঘশ্বাস নেমে এলো। নারীচরিত্র এমনি জটিল ও বৈচিত্র্যপূর্ণ বটে! যে, কয়েক ঘণ্টা পূর্বে এত উপদেশ দিল, যাত্রার আয়োজন সম্পূর্ণ ক'রলো নিজের হাতে—সে-ই বিদায়ের সময় রইলো দূরে সরে। এর বেশী আশা করা শুধু সময়ের অপব্যয় নয়, বাতুলতাও বটে! শরৎচন্দ্র একটু ক্ষুণ্ণমনেই বেরিয়ে প'ড়লেন রেলস্টেশনের পথে।

*

*

*

প্রাক্তর আয়োজন তখনও চ'লেছে। বেলা তখন প্রায় দশটা।

জমিদারপুত্র-বেশে শরৎচন্দ্র উপস্থিত হ'লেন ভাগলপুরে। গায়ে দামী শাল, পায়ে মোজা, কোঁচানো ধুতি, হাতে ঘড়ি, গোঁথে চশমা, সঙ্গে একটা সাইকেল।

নির্বিবাদে শ্রদ্ধ-শান্তি চুকে গেল। শরৎচন্দ্র নিজের ঘরে ফিরে এলেন। সেই ভাঙ্গা তক্তপোষ, ধুলোবালিতে ভর্তি। চারপাশে যাকড়নার জাল। ব'সবার মত জায়গা নেই এতটুকুও।

ঘরে ঢোকার কিছুক্ষণ পরে, পার্কীতী পাশে এসে দাঁড়ালো। ঘরের হরবস্থা ও জঞ্জাল দেখে, তারও চোখে জল দেখা দিল! কিন্তু ক্লান্ত শরৎচন্দ্রের ধৈর্যের বাঁধ গিয়েছিল ভেঙে। তিনি সেই দামী শালখানা ধুলোবালির ওপর অনায়াসে পেতে নিজে ব'সলেন। ব'ললেন, দাঁড়িয়ে কেন পারু? বসো!

পার্কীতী বাধা দিল, একটু দাঁড়াও।

শরৎচন্দ্র স্নান হাসলেন। ব'ললেন, এর বেশী নৌভাগ্যলাভের বরাত ত আর ক'রে আসিনি! যাক্ ওসব সুখ-দুঃখের কথা—পেটে একটা ব্যথা বোধ ক'রছি, সার্টের পকেটে একটা ওষুধ আছে, দাও তো আন্ডাজ ক'রে এনে। সাবধানে কিন্তু! এক চামচের বেশী হ'লেই জ্ঞান আর ফিরবে না কোনদিন—

পার্কীতী চকিতে ছুটে জল ও চামচ নিয়ে ফিরে এলো। নিজের হাতেই খাইয়ে দিল ওষুধ। ধীরে ধীরে সুস্থ হ'য়ে উঠলেন শরৎচন্দ্র।

* * * *

কান্তি-পণ্ডিত রাজা শিবচন্দ্রের ঞ্চালক। বিলেত যাওয়ার অপরাধে সমাজ তাঁদের একঘরে ক'রে রেখেছিল। তিনি ছিলেন স্কুলের পণ্ডিত-ম'শাই। শরৎচন্দ্র ছিলেন ছাত্র। হঠাৎ তিনি মারা গেলেন—কিন্তু

একটা বিরাট হৈ-ঠে-এর সৃষ্টি হ'ল তাঁর মৃতদেহ সৎকারের ব্যবস্থা নিয়ে ।
যাঁকে একঘরে করা হ'য়েছে, তাঁর শব দাহ ক'রবে কে ?

শরৎচন্দ্র ও তাঁর বন্ধুবান্ধব সে বাধা-নিষেধ মান্লেন না । পণ্ডিত-
ম'শায়ের মৃতদেহ সৎকার ক'রে ফিরে এলেন । সমাজ-কর্তারা এই
বিরোধী যুবকদের আচরণে রুষ্ট হ'লেন কিন্তু মুখকুটে কিছু ব'ল্লেন না,
শুধু সূযোগের অপেক্ষা ক'রতে লাগলেন ।

গাঙুলী বাড়ীতে জগদ্ধাত্রী পূজা হ'তো খুব ঘটা ক'রে । সে বছরও
হ'লো । বাড়ীর কর্তারা ব্রাহ্মণ ভোজনের আয়োজন ক'রলেন ।

পাতা ক'রে সবাই ব'সে গেছেন । শরৎচন্দ্র লুচি পরিবেশন
ক'রতে যাবেন, সমাজ-কর্তারা সূযোগের অপব্যবহার ক'রলেন না ।
সমস্বরে প্রতিবাদ ক'রলেন, আমরা কেউ শরতের হাতে খাবো না । শুধু
তাই নয়, ওর ছোঁয়া কোন জিনিষ আমরা স্পর্শ পর্যন্ত ক'রবো না !
গাঙুলীম'শায় যদি আমাদের নির্দেশ না মানেন, আমরা উঠে যেতে
বাধ্য হ'বো ।

গাঙুলীম'শায় বিব্রত হ'য়ে প'ড়লেন । নিরুপায়ে সকলের সাম্নে
শরৎচন্দ্রকে বার ক'রে দিলেন । আড়ালে ডেকে ফিস্‌ফিস্‌ ক'রে ব'ল্লেন,
রাগ করিস্নে ভাই, মানটুকু আজ বাঁচা ।

শরৎচন্দ্র নিঃশব্দে বেরিয়ে এলেন । মনটা তাঁর ক্ষোভে-হুঃখে ফেটে
প'ড়লো । এ অপমান ত তাঁর নিজের অপমান নয়, এ যে মৃত পণ্ডিত-
ম'শায়ের আত্মার অপমান ! শুধু কি তাই ? শত শত নিরপরাধ মানুষকে
অসহ্য ক্রোধ ও যন্ত্রণা দেওয়ার অধিকারই বা এরা পেল কেমন ক'রে ?
যারা শত অপরাধী হ'য়েও সমাজের সেরা মানুষ ও দণ্ডমুণ্ডের বিধাতা—
তাদের মানুষই বা প্রজ্ঞা করে কিসের জন্তে ? কেনই বা তাদের নির্দেশ
পালন ক'রে চলে অবহেলে ? এই দুর্বলতাকে তারা প্রত্যাশ দেয় ব'লেই
পৃথিবীতে বাধনটাই হ'য়েছে সত্য, আর মানুষের মনের মানুষ, অপমানে-

অবিচারে শুধু হাহাকার ক'রে বেড়ায় না—নিজের অজ্ঞাতে দেবতারূপী
অমর আত্মাকে বারে বারে লালিত ও নিপীড়িত করে সেইসঙ্গে ।
এর প্রতিকার কি মানুষ কোনদিন ক'রতে সাহসী হবে না ?

*

*

*

*

শরৎচন্দ্রের নতুন সংসার পার্কীতি নিজের হাতে গুছিয়ে দিল ।
হ'দিন আগে যা' ছিল পরিত্যক্ত, আজ তা' হ'য়ে উঠ'লো পূত ও পবিত্র ।
সকলের প্রলোভনের বস্তু ।

এ পাশে সমস্ত কাজ তিনি গুছিয়ে এনেছেন । ছোট্‌দাহুর কাছে
প্রভাসের চাকুরীর ব্যবস্থা হ'য়ে গেছে, প্রকাশ থাক্বে সুরেনমামাদের
কাছে, আর ছোট বোন মনিয়া রইলো ওয়েটনাসের কাছে । বাকী শুধু
নিজের ব্যবস্থা ।

পার্কীতির সঙ্গে বোঝাপড়া শেষ হ'লেই তাঁর চলার পথ নির্ণীত
হ'য়ে যায় । কিন্তু বলি বলি ক'রেও বলা আর তাঁর হ'য়ে ওঠে না ।
কেমন যেন একটা অজ্ঞাত দুর্বলতা বারে বারে তাঁর কর্তৃত্বের রুদ্ধ ক'রে
দিয়ৈ যায় ।

দিন যতই অতিবাহিত হ'তে লাগ'লো, চিত্ত তাঁর ততই অধীর হ'য়ে
উঠ'তে লাগ'লো । সারাদিন ব'সে ব'সে কতই না কল্পনা করেন, অথচ
যে সমস্ত কল্পনার কেন্দ্রবস্তু,—তার সম্মুখীন হ'লেই ভুলে যান আপনাকে ।
অপ্রয়োজনীয় কথায় মুগ্ধ হ'য়ে ওঠেন । আবার যখন সে চলে যায়,
মনটা তখনই তাঁর অপরাধী হ'য়ে নিজের দুর্বলতাকেই দোষারোপ
করে ।

একদিন সহসা তিনি আত্মপ্রকাশ ক'রে ব'সলেন । ব'ললেন, ব'সে
পার্কী । তোমার সঙ্গে অনেক কথা আছে ।

পার্বতী তক্তপোষটার ওপর ব'সলো। শরৎচন্দ্র তেপায়্যা চেয়ারটার ব'সে নিশ্চিন্ত মনে একটা সিগারেট শেষ ক'রে খাড়া হ'য়ে ব'সলেন। ব'ললেন, সবই ত শেষ হ'ল, বাকী র'য়েছো তুমি। সেই বোঝাপড়াটাই শেষ ক'রতে চাই। প্রতিদিনই মনে করি—বলি, কিন্তু তোমায় দেখলেই সব কথা যাই তুলে—

পার্বতী হাসলো। শরৎচন্দ্র মাঝপথে থেমে গেলেন কয়েক সেকেন্ড। কি যেন ভেবে নিলেন। তারপর মুখর হ'য়ে উঠলেন—বুঝলে পাক, দুনিয়ায় যার উপর সবচেয়ে বেশী নির্ভর করা যায়, তার কাছে হাত পেতে, মুখ ফুটে কিছু চাইতে সত্যি বড় লজ্জা করে। কিন্তু তোমাদের মেয়েজাতটার এমনই রীতি যে, না চাইলে পাওয়াও যায় না কোন কিছু!

পার্বতী তেমনি হাসতে লাগলো। ব'ললো—তারপর? থামলে যে— শরৎচন্দ্র এইবার গম্ভীর হ'য়ে উঠলেন। ব'ললেন, সত্য বলতে। গারু—তোমাদের কাছে কি সংস্কারটাই সব চেয়ে বড়? তার চেয়ে কি শ্রিয় বস্তু তোমাদের নেই এ-জগতে?

পার্বতী ইঙ্গিতটা বুঝতে পারলো। তেমনি শাস্ত কণ্ঠে জবাব দিল, বছবার ত তোমায় ব'লেছি শরৎদা, উচ্ছিষ্ট ফুলে পূজা হয় না। তুমি আমায় মাপ করো!—পার্বতীর চোখে জল উপ্ছে উঠলো। শরৎচন্দ্র তার হাতখানি নিজের হাতের মধ্যে টেনে নিয়ে বার কয়েক নাড়াচাড়া ক'রলেন। ব'ললেন, তুমি আমায় তুল বুঝো না পাক—তুমি যে আমার কতখানি—তা মুখের ভাষায় হয়ত বোঝাতে পারবো না—শুধু গুনে রাখো : তোমাকে সুখী করার বাসনা ছাড়া অন্য কোন বাসনাই আমার নেই!

পার্বতী নীরব। শরৎচন্দ্র ব'লে চ'ললেন—যদিও মানি, আমার এ স্বপ্ন অলীক, তাকে সফল করার শক্তি ও সামর্থ্যও আমার নেই, তবুও

কেন জানি না, নিশ্চেষ্ট থাকতে পারি না ! তুমি চোখের জল মুছে ফেলো পাক—ও বস্তুটা আমি সহ্য ক’রতে পারি না । তুমি সুখে থাকো—সুখী হও—তার বেশী কামনা আমার নেই !

শরৎচন্দ্র ঘর থেকে বেরিয়ে গেলেন । পার্কীতী তাঁর শয্যার উপর আঁচাড় খেয়ে পড়ে ফৌপাতে লাগলো । তার হৃদয়ের শঙ্কা যে কত, বেদনা যে কত গভীর—তা’ সে বোঝাবে কেমন ক’রে ? খেয়ালী মানুষটা হয়ত আবার কোথায় উধাও হবে, কে জানে ? হয়ত নিজের জীবনের প্রতি নিশ্চয়ম অত্যাচার চালাবে—কোন প্রতিকারই কেউ ক’রতে পারবে না—অথচ সেই একা পারে তাঁকে সংযমের দৃঢ় আবেষ্টনীর মধ্যে বেঁধে রাখতে—কিন্তু তাও কি সে পারলো ? আজন্মের সংস্কার, নারী জীবনের চরম দুর্বলতা—তাকে আত্মহত্যার পথ প্রদর্শন ক’রলো, অথচ—এ ছাড়া তার জীবনের দ্বিতীয় চলার পথ আজ আর নেই খোলা !

* * * *

অমরবাবু সহসা মারা গেলেন । পার্কীতী ভাগলপুর ত্যাগ ক’রে চলে গেল কালী । শরৎচন্দ্র একা পড়ে রইলেন ভাগলপুরে । তাঁর মনে জেগেছে একটা প্রবল হৃদয় । হুনিয়ায় কে বড় ? প্রেম না অর্থ ? পার্কীতী যে তাকে ভালবাসতো তার প্রমাণের অভাব নেই—অথচ ধরাই বা দিল না কেন ? তবে কি তিনি অসহায় দরিদ্র ব’লেই পার্কীতী গেল পিছিয়ে ?

শরৎচন্দ্রের চোখে সামাজিক আচার-ব্যবহারের নিশ্চয়ম চিত্র হুটে উঠলো । তারা মানুষকে বাঁচার পাথরের সন্ধান দিতে পারে না—নিশ্চিন্ত বাঁচার সুযোগও দেয় না । লোকাচার ও স্বপ্নার তুঘানলে অন্তরকে প্রতি পলে আলিয়ে পুড়িয়ে ছাই ক’রে দেবে অথচ প্রতিকারের কোন পথই রাখে না খোলা । তাই মানুষ আজ আর মানুষ নেই, হ’য়ে গেছে পাষণ !

শরৎচন্দ্রের মনে জলে উঠলো বিপ্লবের অগ্নিশিখা। কিন্তু পথের কোন দিশাই তাঁর চোখে ভাসলো না ! একে একে শেষ অবলম্বনটুকুও নিঃশেষ হ'য়ে গেল। জীবন-ধারণের মত কোন অবলম্বনই তিনি খুঁজে পেলেন না। কোনদিন হুঁসুঠো জোটে, কখনও-বা তাও জোটে না। আন্তানটা তখনও আছে কিন্তু সেখানে তিনি বিশ্রাম লাভ ক'রতে পারেন না—মনটা কাতরে ওঠে একটা অব্যক্ত বেদনায়। তাই গাছতলাই হ'লো তাঁর পরম আশ্রয়। এর বেশী হয়ত একদিন স্বপ্ন দেখেছিলেন—আজ তাঁর সে মোহনিনী টুটে গেছে—জীবনটা জীবন নয়—রূপান্তরিত হ'য়েছে দুর্ভাগ্য একটা বোঝায় !

* * * *

পূজোর ছুটি। সুরেনমামা, উপেনমামা, গিরীনমামা সকলেই ভাগলপুরে ফিরে এসেছেন। অনেক কষ্টে তাঁরা খুঁজে বার ক'রলেন শরৎচন্দ্রকে। বোঝাতে চেষ্টা ক'রলেন, ক'লকাতায় চলো। যা' হোক ব্যবস্থা একটা হ'য়ে যাবে ! কঁাসারীপাড়ার বাসাটা এখনও খালি আছে—তুমি স্বচ্ছন্দে সেখানে গিয়ে উঠতে পারো, তারপর আমরা ত সব র'য়েইছি !

শরৎচন্দ্র ব'ললেন, কিন্তু ক'লকাতায় যাওয়ার মত সম্ভব যে আমার নেই !

তিন মামা উৎসাহ দিলেন, সে ব্যবস্থা হ'য়ে যাবে, তুমি ভেবো না শরৎ !

* * * *

ক'লকাতায় এসে লালমোহন গাঙ্গুলীর (বোমা মামা) তত্ত্বাবধানে, হাইকোর্টের Appeal Case-এর নথিপত্র (Paper Book) ইংরেজী থেকে হিন্দী অনূবাদ শুরু ক'রলেন। প্রথম মাসে উপায় ক'রলেন—প্রায়

নকসুই টাকা। সকলের ঋণ তিনি শোধ ক'রে নিজে একটু স্বচ্ছ ক'রে তুললেন।

এই সময় সাহিত্য-সেবার ইচ্ছা তাঁর পুনরায় দেখা দিল। রবীন্দ্রনাথের সঙ্গে দেখা ক'রে, ভবিষ্যৎ কর্মপথ স্থির ক'রে নেওয়ার আশায় ঠাকুর-বাড়ীর আশেপাশে ঘোরা-ফেরা শুরু ক'রলেন।

কিন্তু সে অতি দুর্ভেদ্য দুর্গ! সেখানে প্রবেশের অধিকার সকলের ছিল না। বাছা বাছা রথী মহারথী ছাড়া প্রবেশ সেখানে নিষিদ্ধ। কয়েক দিন ব্যর্থ চেষ্টা ক'রে বুঝলেন—রবীন্দ্রনাথের সম্মুখীন হ'তে হ'লে, যে শিক্ষা ও সামর্থ্যের প্রয়োজন, সে শিক্ষা ও সামর্থ্য তাঁর নেই! মনে ক্ষোভ জাগলো অথচ অপরাধ ত' রবীন্দ্রনাথের নয়—অপরাধ দুর্গ-প্রহরীর! তাঁরা শিক্ষিত ও ধনী সম্প্রদায়ভুক্ত। তাঁরাই দুরতিক্রম্য। চাই পরিচয়-পত্র, বংশের কৌলিন্য়—তার চেয়েও প্রয়োজন অর্থের প্রাচুর্য! কোন কিছুই নেই শরৎচন্দ্রের। সুতরাং পশ্চাৎ অপসরণ ক'রতে বাধ্য হ'লেন তিনি। তবে একেবারে নিরাশ হ'লেন না—প্রবেশের অসম্ভবতা পেলেন সৌরীন্দ্রনাথ ঠাকুরের গানের আশ্রয়।

সেখানে বহু লোকের সমাগম। বহু গাইয়ে বাজিয়ে আসেন আর সে রসের রসিক ধারা—তাঁরা কিছু কিছু সুখ পান ক'রে দান—এতে আপত্তি ছিল না কারও।...

ঠিক সেই সময়ে বর্ষা থেকে এলেন অঘোরবাবু। উপেনবাবুর ভগ্নিপতি—অমৃতদির স্বামী। সম্পর্কে তিনি হ'লেন শরৎচন্দ্রের মেশোম'শায়। এই ক'দিনের মধ্যে উভয়ে উভয়ের প্রতি আকৃষ্ট হ'লেন এবং আলাপও জমে উঠলো গভীরতর ক'রে। তাঁর মুখে বর্ষাদেশের রোমাঞ্চকর কাহিনী শুনে তিনি বর্ষায় পাড়ি দেবেন স্থির ক'রে ফেললেন।

মতিলালবাবু বেঁচে থাকার সময়েই, একবার বর্ষা গিয়ে ওকালতি পড়ার কথা উঠছিল। তখন তিনি সে সুযোগ গ্রহণ ক'রতে রাজি

হননি—যার আকর্ষণে, আজ সে—তার শেষ জবাব দিয়ে চ'লে গেছে দূরে। শুধু তাই নয়, প্রমাণ ক'রে দিয়েছে মাহুঘের চেয়েও বড় তার জয়গত সংস্কার। তার ওপরে ওঠার সাধ্য তার নেই!

অখোরবাবু বর্ষায় ফিরে যাওয়ার অল্পদিন পরেই, গোপনে তিনি বর্ষা যাত্রার আয়োজন সম্পূর্ণ ক'রে ফেললেন। এ-পাশে কুন্তলীন পুরস্কার প্রতিযোগিতায় সুরেনমামা, উপেনমামা, গিরীনমামা লেখা পাঠালেন। তিনিই তাঁদের সাহিত্যগুরু। সবগুলি পড়ে দেখলেন। শেষে “মন্দির” গল্পটি নিজের লিখে সুরেনমামার নামে পাঠিয়ে দিলেন।

যাওয়ার দিন আসন্ন। সুরেনমামাকে নির্জন পথে ডেকে এনে সমস্ত গল্পটা শুনিয়ে দিলেন। ব'ললেন—মনে হয়, এই গল্পটাই প্রথম পুরস্কার পেতে পারে—তাই তোমায় সব শুনিয়ে রাখলাম।

তখনও কেউ জানেন না শরৎচন্দ্র দেশ ত্যাগের ব্যবস্থা সম্পূর্ণ ক'রে ব'সে আছেন।

[শরৎ-পরিচয়, স্ব. না. গ., পৃ: ১৪৭]

* * * *

অখোরবাবুর চরিত্রে মহৎ একটা গুণ ছিল—বড়কে বড় ক'রে দেখা আবার ছোটকে ছোট ক'রে দেখা। ব'লতেন, ও বড়-ছোটর বাদ-বিচার আমি করিনে। তবে আত্ম-প্রকাশকেও দস্ত ব'লে মনে করিনে। এর পরিচয় শরৎচন্দ্রও পেয়েছিলেন ক'লকাতার বাসায়।

লিউইস্ স্ট্রীট ধ'রে প্রতি ঘরের নম্বর লক্ষ্য ক'রে এগিয়ে চ'লেছেন শরৎচন্দ্র। দূর থেকেই একটা বড় হরপের নেমপ্লেট দেখতে পেলেন। একটু এগিয়েই দেখলেন তাঁর অল্পমান মিথ্যা নয়। হ্যাঁ, ৫৬ ও ৫৬এ, লিউইস্ স্ট্রীটই বটে! সোজা চুকে গেলেন ভেতরে। বাড়ীটা তিনতলা—বেশ সাজানো শুছানো। মনে হয় বুঝি কোন রাজা-উজীরের বাড়ী।

বৈঠকখানা ভেবে ভেতরে ঢুকতেই অঘোরবাবুর সঙ্গে চোখাচোখি হ'য়ে গেল। তিনি তখন স্তূপাকার আইনের বইয়ের আড়ালে ঢাকা প'ড়ে গেছেন—শুধু দেখা যাচ্ছে মুখ—আর সেই উজ্জল দু'টি চোখ। প্রথমে প্রশ্ন ক'রলেন, কে? পরক্ষণেই ভুল সংশোধন ক'রে আনন্দে উৎফুল্ল হ'য়ে উঠলেন, আরে শরৎ যে! এসো, এসো—বসো। বইগুলো সরাতে সরাতে ব'ললেন, তা' হ'লে সত্যিই তুমি চলে এলে! ভালই ক'রেছো। বার্ষিকী পরীক্ষা দিয়ে দিলে—আটকায় তোমায় কে! পরমুহূর্তেই হাঁক দিলেন, ভজুয়া—এই ভজুয়া—

উত্তর এলো না। ব'ললেন, বোধ হয় বাজারে গিয়ে থাকবে! চলো, চলো, ওপরে চলো! হাত-মুখ ধুয়ে ততক্ষণ একটু বিশ্রাম ক'রে নাওগে!

সন্ধ্যায় অঘোরবাবু তাঁর এক অন্তরঙ্গ বন্ধু গিরীনবাবুর সঙ্গে শরৎচন্দ্রের পরিচয় করিয়ে দিলেন—ইনি আমার এক নিকটতম আত্মীয়। মগের মূলুকে পা দিয়েছে—ভাগ্যের সন্ধানে! অবশ্য এবারে ক'লকাতায় গিয়ে, আমিই এ যুক্তিটা বাতলে দিয়ে এসেছিলাম। আর বুঝলে হে শরৎ,—ইনি হ'লেন আমার বিশিষ্ট একটি বন্ধু। নাম গিরীন সরকার। গভর্নমেন্টের কন্ট্রাক্টর! এ ছোকরার জন্তে একটু চেষ্টা-চরিত্র ক'ম্মতে যেন ভুল না হে সরকার! অঘোরবাবুর মুখে তাঁর স্বভাবসিদ্ধ হাসি ও সেই উচ্চ কণ্ঠস্বর। সারা ঘরটা প্রতিধ্বনিত হ'য়ে গম্ গম্ ক'ম্মতে লাগলো!

গিরীনবাবু উত্তর দিলেন, নিশ্চয়—নিশ্চয়,—আমরা যখন আছি—ওঁর ভাবনার আর প্রয়োজন তেমন কি? ওকালতিই ক'ম্মবেন ত ঠিক ক'ম্মছেন?

শরৎচন্দ্রের হ'য়ে অঘোরবাবু উত্তর দিলেন, নিশ্চয়! এ মগের মূলুকে

যে যত পারো শুধু লুট্ ক'রে নাও ! হাসিতে ফেটে প'ড়লেন । ব'ললেন, বুঝ্লে হে সরকার, ছোকরাও বেশ চালাক-চতুর আছে ! শুধু বন্দী ভাষাটায় মখল ক'রতে পারলে কাজ ও চালিয়ে নেবে—এ বিষয়ে আমার কোন সন্দেহ নেই !

* * * *

কয়েক দিনের মধ্যেই গিরীনবাবুর সঙ্গে শরৎচন্দ্রের আলাপ জমে উঠলো । একদিন বৈকালে, একা ব'সে তিনি রবীন্দ্রনাথের কয়েক কলি গান ধ'রেছেন, “যে ফুল না ফুটিতে ঝ'রেছে ধরণীতে, জানিহে জানি তাও হয়নি হারা...”

গিরীনবাবু সহসা পিছন থেকে তাঁর কাঁধের উপর হাত দু'খানা রাখলেন । ব'ললেন, গলাটি তোমার তো খাসা, শরৎদা ! কিন্তু ব'সে ব'সে কি এত ভাবো বলতো ? কণ্ঠে একটা হতাশার সুর । মনে হয় যেন একটা গভীর ব্যথা অন্তরে তোমার বাসা বেঁধে আছে ! ব'লো না শরৎদা—সে ব্যথা কিসের ?

শরৎচন্দ্র উত্তরে স্নান হাসলেন । ব'ললেন, ব্যথা নইলে কি ভাই ব্যথার মূল্য কেউ বোঝে কোনকালে ?

* * * *

তিন মাসের মধ্যে অধোরবাবু বন্দী রেলের হিসাব পরীক্ষক মিঃ কে. বস্তুকে ধ'রে এবং তাঁরই (মিঃ বস্তু) সুপারিশে এজেন্ট জন্ সাহেব ৭৫ টাকার একটা চাকরী যোগাড় ক'রে দিলেন । এ-পাশে বন্দী ভাষা শেখার কাজও নিয়মিত চ'লতে লাগলো । কিন্তু ভাগ্যাকাশে তাঁর সুখ বেগীদিন স্থায়ী হ'ল না । অধোরবাবু সহসা শয্যাশায়ী হ'লেন । ডাক্তার পরীক্ষা ক'রে ব'লে গেলেন, নিউমোনিয়া ।

শরৎচন্দ্র প্রাণপণে সেবা ক'রুলেন। গরীনবাবুও তাঁকে সাহায্য ক'রতে লাগলেন। কিন্তু তাঁকে বাঁচান গেল না। তার কিছুদিন পরে সাহেবের সঙ্গে ঝগড়া ক'রে চাকরীতেও ইস্তফা দিলেন।

[শরৎ-পরিচয়, ব্র. না. ব., পৃ: ২১-২২]

* * * *

অঘোরবাবু যখন মারা গেলেন তখন তাঁর মাসীমা ছিলেন না রেঙ্গুনে। তিনি মেয়ের বিয়ের ব্যবস্থা ক'রতে ক'লকাতায় এসেছিলেন—এই দু'ঘণ্টার সংবাদ পেয়ে প্রায় দেড় মাস পরে তিনি রেঙ্গুনে ফিরে এলেন।

অঘোরবাবুর হাত ছিল ভীষণ দরাজ। যা' আয় ক'রতেন, খরচ ক'রতেন তার চেয়েও বেশী। ফলে, মারা যাওয়ার সময় রেখে গেলেন প্রচুর দেনা। পাওনাদাররা ঘিরে ব'সলো তাঁর মাসীমাকে।

শরৎচন্দ্র কয়েকটি বিশিষ্ট বন্ধুর সহায়তায় তাঁদের জাহাজে তুলে দিতে সমর্থ হ'লেন বটে কিন্তু নিজেকে হ'তে হ'ল আশ্রয়হীন।

নিঃস্বল অবস্থায় রেঙ্গুন থেকে প্রায় দু'মাইল দূরে পোজানডং-এ মিস্ত্রী-পল্লীর মধ্যে অল্প ভাড়ায় দোতালার একটি কাঠের বাড়ী ভাড়া নিলেন। সেখানে বাস ক'রতো ধানকল, পাটকল, ডক-ইয়ার্ড ও ঢালাইয়ের কারখানার যত ফিটার, বাইশমান ও ঢালায়ের মিস্ত্রী। তাদের অনেকেই ছিল দেশত্যাগী, অল্পশিক্ষিত কায়স্থ ও ব্রাহ্মণ।

শরৎচন্দ্র ছিলেন সকলের চেয়ে শিক্ষিত ও বুদ্ধিমান। অবাধে তাদের সঙ্গে মেলামেশা ক'রতেন। লিখে দিতেন চাকরীর দরখাস্ত, অস্থ-বিস্তৃ-খে দিতেন হোমিওপ্যাথি ওষুধ। যারা অসহায় নিজেই ক'রতেন তাদের সেবা। স্বামী-স্ত্রীর মধ্যে প্রায়ই বাধুতো বিরোধ—ক'রতেন সালিশী।

কলে, সকলেই তাঁকে দেখতেন অন্ধার চোখে। ডাক্তো “বামুনদা” ব’লে।

*

*

*

*

পুরুষের জীবনের ধর্ম্মই হ’ল—তারা নির্বিকারে ঘরের মধ্যে চুপ্‌চাপ্ ব’সে থাকতে পারে না। শরৎচন্দ্র বেকার—সম্বলহীন, তাই ব’লে ত চুপ্‌চাপ্ ব’সে থাকা সম্ভবপর নয়! সকালে বেরিয়ে যান চাকরীর সন্ধানে, ফিরে এসে একটু বিশ্রাম যে নেবেন তারও উপায় নেই! একটা না একটা কিছু সে বস্তিতে ব’টবেই ব’টবে। হয় অসুখ, না হয় দাম্পত্য কলহ, নিদেন ছ’একটা চাকরীর দরখাস্ত। এ সকল সমস্তা সমাধানের জন্তে মাথা তাঁকেই ঘামাতে হ’তো—নইলে নিজেও স্থির থাকতে পারেন না।

সারাদিনের পরিশ্রমে ক্লান্ত শরৎচন্দ্র সবে শয্যার আশ্রয় নিয়েছেন। রামকমলের স্ত্রী অরুণা, দরজার কড়া নাড়াতে সুরু ক’রুলো, দেখ বামুনদা, দেখো—পোড়ারমুখো অবস্থা আমার কি ক’রেছে?

শরৎচন্দ্র শয্যা ছেড়ে বেরিয়ে এলেন। রাত তখন বারোটা।

অরুণা চোখের জলে আবেদন জানালো—ব’লো, তুমিই বলো বামুনদা, দোষ আমার কোথায়? প্রতিদিন মদ খেয়ে জ্বালাতন ক’রবে, এ-পাশে ছেলে-মেয়েগুলো যে না খেয়ে মরছে, ভুলেও সেদিকে একটিবার তাকাবে না! ব’ল্লেই যত ঝাল ঝাড়বে আমার ওপরে। বলতো কেন সহ্য ক’রবো আমি? বিয়ে-করা বউ যে মুখবুজে শুধু লাধি-ঝাঁটা খেয়ে যাবো, একটি কথাও মুখ ফুটে ব’ল্বে না? সত্যি ব’ল্ছি বামুনদা, তোমার পা’ ছুঁয়ে শপথ ক’রে ব’ল্তে পারি, শুধু ছেলে-মেয়েগুলোর মূখের দিকে তাকিয়ে যত সহ্য ক’রে যাই, পোড়ারমুখোর অত্যাচার ততই বেড়ে চ’লেছে দিনের পর দিন। যদি একটি বিহিত না ক’রে দাও ত গলায় দড়ি দিয়ে মরি!

শরৎচন্দ্র চোখের নিমিষে, সমস্ত ঘটনাটাই অহুমান ক'রে নিলেন। এটা কোন নতুন ঘটনা নয়, নিত্য-নিয়মিতই চ'লেছে। শুধু পান্টায় ওপর আর নীচো—না হয়, এ ঘর ও ঘর। ব্যথিত কণ্ঠে ব'ললেন, না, না, আত্মহত্যা ক'রতে নেই দিদি, মহাপাপ হয়! চ'ল দেখি, কি ক'রতে পারি আমি!

ঘুম মাথায় উঠলো। শরৎচন্দ্র চ'ললেন মধ্যাহ্নতা ক'রতে।

শরৎচন্দ্রকে দেখেই রামকমলের নেশা গেল চটে। সচকিত হ'য়ে খাতির ক'রে একটা ভাঙা চৌকি এগিয়ে দিয়ে ব'ললো, বসো দা'ঠাকুর!

বিনা ভূমিকায় শরৎচন্দ্র ব'ললেন, তা' না হয় ব'সলাম—কিন্তু ব্যাপারটা কি বলতো? রাত দুপুরে বৌটাকে 'মেয়ে রাস্তায় বার ক'রে দিয়েছো? অপরাধ ত' তার দেখলাম, বার বার তোমায় ছেলে-মেয়েগুলোর মুখের দিকে তাকাতে বলে। কয়েক মুহূর্ত থেমে ব'ললেন—দিনরাত ভূমি আছে। নেশায় ডুবে! আর ও বেচারী ম'রছে খেটে খেটে—তার উপর মারধোরটা কি ভাল কমল?

রামকমল বিনা দ্বিধায় তার অপরাধ স্বীকার ক'রে নিল। ব'ললো, সত্যই দোষ হ'য়ে গেছে বামুনদা! সারাদিন অমাত্যের মত খাটি, একটু-আধটু নেশা-ভাঙ' না ক'রলে শরীরটার বেদনা যে ভাঙে না! এ কথাটা ও শালী কিছুতেই বুঝবে না! কানের কাছে বার বার ভ্যান্ ভ্যান্ ক'রবে—আচ্ছা, বলতো দা'ঠাকুর, মেজাজটা কি সব সময়ে ঠিক থাকে?

শরৎচন্দ্র ফোভ প্রকাশ ক'রলেন—তা ব'লে ভূমি জীর গায়ে হাত তুলবে?

রামকমল হাত ছ'টো জড় ক'রে ব'ললো—অভায় হ'য়ে গেছে দা'ঠাকুর, আর কোনদিন ওর গায়ে হাত তুলবো না!

শরৎচন্দ্র ব'ল্লেন, শুধু তাই নয়—যখন রাগ সামলাতে না পারবে, আমাদের কীৰ্ত্তনের আখুড়ায় চ'লে এসো। ঠাকুরের নামও হ'বে, মনেও একটু শান্তি পাবে। নাও, এবার তোমরা পরস্পর বোঝাপড়া ক'রে নাও !

রামকমল শরৎচন্দ্রের গতিরোধ ক'রে সামনে এসে দাঁড়ালো। অরুণার হাতখানা নিজের হাতে টেনে নিয়ে ব'ল্লো, তুমি সাক্ষী রইলে বামুনদা, আমি বউয়ের গা' ছুঁয়ে শপথ ক'রছি, আর কোনদিন এমন ভুল হ'বে না। তুমি ত বোঝ দা'ঠাকুর, নেশা ক'রলে মাতুষের জ্ঞান-গম্বা থাকে না—যদি একটু-আধটু ভুল ক'রে বসি—ও তোমায় কথা দিক্, আমাকে-তোমাদের আখুড়ায় পৌছে দিয়ে আসবে ?

অরুণার রাগ বহু পূর্বেই জল হ'য়ে গিয়েছিল। ব'ল্লো, বেশ তুমি সাক্ষী রইলে দা'ঠাকুর—যদি এতটুকু নড়চড় হয়, ব'লে রাখছি, হাত ছুটো ওর প'চে গ'লে খ'সে যাবে !

শরৎচন্দ্র ম্লান হাসলেন। ব'ল্লেন, ছিঃ দিদি ! অমন কথা মুখে আনতে নেই, তাতে তোমারই দুঃখ বাড়'বে বই কি ক'মবে না !

অরুণা চকিতে শরৎচন্দ্রের পায়ের ধূলো মাথায় তুলে নিয়ে ব'ল্লো, তুমি আমায় ঠিকই চিনেছো দা'ঠাকুর। ও পোড়ারমুখো কোন দিনই তা' ব'লে না !

রামকমল তার মুখে হাতখানা চাপা দিয়ে ব'ল্লো—ছিঃ বউ, ভুল জীবনে কে না করে বলতো ? আদর ক'রে তাকে কাছে টেনে নিল।

শরৎচন্দ্র বেরিয়ে প'ড়লেন। সশব্দে দরজাটা বন্ধ হ'য়ে গেল। ফিরে এলেন নিজের আশ্রয়ে। শয্যাও গ্রহণ ক'রলেন কিন্তু চোখের পাতাগুলো কোন মতেই আর বুজতে চায় না। লোকে এদের কতই না স্বপ্নার চোখে দেখে, অথচ সাধারণ সংসারীর প্রেম ও প্রীতির চেয়ে

এদের জীবনের মাধুর্য্য কারও চেয়ে এতটুকু কম ত নয়ই বরং বেশীই বলা চলে নিঃসন্দেহে !

এদের দুঃখ ও বেদনাকে তিনি মর্শ্ব দিয়ে উপলব্ধি করেন। সমস্ত সহানুভূতি এদের পাশে গিয়ে বাসা বাঁধে, কিন্তু সেই রুদ্ধ পথের মুক্তির সম্ভান তিনি পান না। অসহায়তার আবর্তে তিনিও ওদের মতই একান্ত অসহায়। মনে শুধু প্রশ্ন জাগে—এর সমাধান কি কোনদিনই সম্ভব হ'বে না ?

*

*

*

নায়ায়ুনগ্লেবিনের চালের ব্যবসাদার মিঃ পি. কে. মিত্রের অধীনে একটি কাঁজ যোগাড় ক'রলেন কিন্তু চালের আড়তে তাঁর পক্ষে বেশী দিন কাজ করা সম্ভবপর হ'ল না। কিছুদিন রেল-স্টেশনের ধারে শ্রীকৃষ্ণকুমার মুখোপাধ্যায়ের বাড়ীতে বসবাস ক'রলেন—তারপর পাত্তাড়ি গুটিয়ে পূর্ব্বের বাসায় ফিরে এলেন।...

তখনও আলোটা স্পষ্ট হ'য়ে ওঠেনি। আলো-অঁধারের ছায়ার কোলে পাখীর কোলাহল ও আগরণের উচ্ছ্বাস বার বার কানের পর্দায় এসে ধাক্কা দিচ্ছে। দরজায় কে যেন মূছ ধাক্কা দিয়ে ক্ষীণ কণ্ঠে ডেকে উঠ'লো, দা'ঠাকুর !

শরৎচন্দ্র চেয়েছিলেন নিয়মের শৃঙ্খল ভেঙ্গে শয্যার মাঝাকে আরও কিছুক্ষণ আঁকড়ে ধ'রে, বিনিদ্র রজনীর সুখ-পরশকে মধুময় ক'রে তুলবেন ! কিন্তু সে তৃপ্তি-বোধের নেশা, কর্তব্যের আহ্বানে ভেঙে চুরমার হ'য়ে গেল। দরজা খুলে বাইরে বেরিয়ে এলেন। মূছ কণ্ঠে জিজ্ঞাসা ক'রলেন, কে ? নবীন ?

নবীন হাতছটো কচ'লাতে কচ'লাতে উত্তর দিলে—হ্যাঁ, দা'ঠাকুর !

শরৎচন্দ্র পুনরায় প্রশ্ন তুললেন, এত ভোরে যে ?

আজ্ঞে—নবীন একটু টেনে উত্তর দিল, সাহেব কাল রাগ ক'রে বরখাস্ত ক'রে দিয়েছে। একটু ভোর ভোর গিয়ে ধ'ব্বতে না পায়লে—কাজ ত' আর পাবো না! এতগুলো কাছাবাচ্চা নিয়ে খাবো কি?

শরৎচন্দ্র সমস্তই বুঝে নিলেন। এর বৈশিষ্ট্যও নেই, বৈচিত্র্যও নেই। কথায় কথায় এদের চাকুরী যায়, আবার একটু বিনিয়ে বিনিয়ে দরখাস্ত দিলেই কাজও হয়, স্তত্রুৎ দ্বিতীয় প্রস্তের প্রয়োজন বোধ তিনি ক'ব্বলেন না। ঘরের মধ্যে তাকে বসিয়ে মোমের বাতিটা জ্বলে ব'সে গেলেন দরখাস্ত লিখতে। মাঝপথে একটু থেমে জিজ্ঞাসা ক'ব্বলেন, অপরাধটা ক'রেছিলে কি?

নবীন উত্তর দিল, একটু ঢুলেছিলাম।

বাকীটুকু শেষ ক'রে ব'ল্লেন, যাও মেমসাহেবকে ধরগে যাও—চাকুরীর নড়চড় আর হবে না!

নবীন পায়ের ধুলো মাথায় তুলে নিয়ে ব'ল্লো, সবই তোমার দয়া দা'ঠাকুর!

শরৎচন্দ্র বাধা দিলেন, দূর পাগোল! আমি কে? সবই তাঁর ইচ্ছে। যাও যাও, বেলা হ'য়ে গেল, সাহেব আবার বেরিয়ে প'ড়বে।

*

*

.

সন্ধ্যা হ'য়ে গেছে। শ্রান্ত ও ক্লান্ত দেহে শরৎচন্দ্র সিঁড়ি বেয়ে উপরে উঠছেন, সামনে এসে দাঁড়ালো একটি মেয়ে। ব'ল্লো—বাবার আজ দু'দিন অসুখ, মা'র জ্বর, একটিবার দেখে আস্বে চল না দা'ঠাকুর!

শরৎচন্দ্র এত ক্লান্তি বোধ ক'ব্বছিলেন যে, পূর্বেই স্থির ক'রে রেখে-ছিলেন বাসায় ফিরেই শয্যার আশ্রয় নেবেন। কিন্তু হুঃস্থ পীড়িতের

সংবাদে তাঁর সেই দৃঢ়তা চকিতে ম্লান হ'য়ে গেল। তিনি চাষি খুলে
ওষুধের ব্যাগটা নিয়ে বেরিয়ে প'ড়লেন পরমুহূর্তে।

* * * *

রোগীর অবস্থা ভাল নয়। পরীক্ষার পর ওষুধ দিলেন।
রোগী যন্ত্রণায় কাতর। তবুও বলে, আর কিছু চাইনি দা'ঠাকুর!
তোমার পায়ের ধূলা একটু দাও, যেন সেরে উঠতে পারি
তাড়াতাড়ি!

স্ত্রী অল্পভার অবস্থা আরও শোচনীয়। কাতরাতে কাতরাতে
জিজ্ঞাসা ক'রুলো, ওকে কেমন দেখলে বামুনদা? বাঁচবে ত?

শরৎচন্দ্র তার আন্তরিকতায় মুগ্ধ হ'লেন। যে মৃত্যু-পথের বাত্মী, তার
নিজের জন্তে এতটুকুও চিন্তা নেই, শত চিন্তা তার স্বামীকে কেন্দ্রীভূত হ'য়ে
আছে। অথচ এই অল্পভার নামে কত কুংসাই না গুনেছেন তিনি।
সে না কি স্বামী ছেড়ে অভয় চক্রবর্তীর সঙ্গে পালিয়ে এসে—ঘর বেঁধেছে
এই বর্ষানুলুকে। তার চরিত্র নাকি মোটেই সুবিধে গোছের নয়। শরৎচন্দ্র
দূরে বসে সব শোনে—লক্ষ্য ও করেন। অথচ যারা তার সমালোচনার
মুখর, তারাও কিন্তু কেউ সত্যি সাবিত্রী নয়—তাদের পিছনেও আছে
এই ধরণের একটা না একটা প্রচ্ছন্ন ইতিহাস। তারাও স্বৈচ্ছায় পাড়ি
দিয়েছে বর্ষানুলুকে, মনে-প্রাণে বাকে চেয়েছিল তাদের নিয়ে সুখে ঘর
সংসার বাঁধতে। তবুও তারা অপরের নিন্দা করে, কাল্পনিক কুংসা
রটিয়ে আনন্দ উপভোগ করে। হয়ত এটা আত্মপ্রত্যারণার একটি প্রকৃষ্ট
পথ ও পন্থা—নিজেকে ভুলিয়ে রাখার সুযোগ ও সুবিধা। তাই তারা
নিজের বিগত জীবনের ইতিহাস, অপরের কুংসার আবর্জনার ঢেকে
আনন্দে বিগলিত হ'য়ে ওঠে!—তাই ত তারা এই ভুলে-ভরা পৃথিবীকে
ভুলের আবর্তে নিমজ্জিত ক'রে আত্মপ্রশংসায় মুগ্ধ হ'য়ে ওঠে!

স্বপ্নাট। তাদের আত্মপ্রত্যাহার আবরণ মাত্র—তার বেশী মূল্য যারা দেয়—
তারা নিজেরাও ঠকে—অপরকেও ঠকায়।

শরৎচন্দ্র আশ্বাস দিলেন,—কোন ভয় নেই ! দু’দিনেই সেরে উঠবে।

বিশ্বাসের জোরেই অল্পভা স্নহ হ’য়ে উঠলো। অভয়ও কাজে
পুনরায় যোগ দিল। ব’ললো—তুমিই আমাদের প্রাণ দিলে ঠাকুর !

শরৎচন্দ্র লজ্জায় স্নান হ’য়ে গেলেন। ব’ললেন—ওরে পাগলের দল
এ-কথা কেন বারে বারে ভুল করো ?—আমি কেউ নই—বরং যার
কাজ—তঁারই উপলক্ষ্য মাত্র ! দেখেছ ত বন্ধু—নানা অংশের সমাবেশ—
মানুষও ঠিক তাই। সৃষ্টিকর্তা, সৃষ্টিকে পূর্ণতর ক’রতে পাঠিয়েছেন
আমাদের একে একে—তার বেশী আমরা কেউ নই, সে শক্তিও আমাদের
নেই। তাই বলি—কৃতজ্ঞতা যদি সত্যই প্রকাশ ক’রতে চাও—তঁার
কাছে কৃতজ্ঞ থেকে—তঁার সৃষ্টিকে ভালবেসো—পথ তিনিই দেখিয়ে
দেবেন।

*

*

*

ষতীনমিত্তীর মেয়ের বিয়ে। এসে ধ’ল্লো—তোমায় যেতে হ’বে
দাঁড়া !

শরৎচন্দ্র হাসিমুখে সে নিমন্ত্রণ গ্রহণ ক’রলেন। নিজে দাঁড়িয়ে থেকে
নিমন্ত্রিতদের খাওয়ালেন, নিজেও আহার ক’রলেন। তার মেয়ে-
জামাইকে একটা রূপোর সিঁদুর কোলো উপহার দিয়ে ব’ললেন—
আশীর্বাদ করার অধিকার যদি সত্যি কোন মানুষের থাকে, আমি সেই
আশীর্বাদই ক’রছি তোমাদের—যেন এইটুকুর মর্যাদা তোমরা অক্ষুণ্ণ
রাখতে সমর্থ হও !

*

*

*

বার্ন্সার পাব্লিক ওয়ার্কস একাউন্টস্ অফিসের সহকারী ও অধুনা
পেশুর এডভোকেট মিঃ এন. কে. মিত্রের বাড়ীতে কিছুদিন বসবাস

ক'ন্তে আরম্ভ ক'ল্লেন শরৎচন্দ্র । এই সময়েই এম্, কে. মিত্র ম'শায়ের সঙ্গে তাঁর আলাপ-পরিচয় ঘটে । তিনি শরৎচন্দ্রের সঙ্গীতে মুগ্ধ হ'য়ে একান্ত অহুরক্ত হ'য়ে উঠলেন ; এবং তাঁর টমসন স্ট্রীটের বাড়ীতে বসবাস করার অনুরোধ জানালেন । তাঁরই সুপারিশে ও একান্ত অনুরোধে গঙ্গারাম কাউলার, একজিকিউটিভ ইঞ্জিনীয়ার অফিসে (পেগ), একটি চাকরী ক'রে দিলেন । সেই সময়ে সুপ্রসিদ্ধ ইঞ্জিনীয়ার সি. কে. সরকারম'শায় পি. ডবলিউ. ডি. অফিসে এ্যাসিস্ট্যান্ট ইঞ্জিনীয়ার ছিলেন । একই বিল্ডিংএর দুই প্রান্তে দুইটি অফিস । আলাপ-আলোচনার সুবিধা শুয়ায় পরস্পরের যথেষ্ট প্রীতি ও সৌহার্দ্য স্থাপিত হ'য়েছিল ।

একদিন বিলিয়ার্ড খেলা চ'লছে । বেয়ারা এসে একজন বাবুকে এক পেগ ছইকি দিয়ে গেল । তাই দেখে শরৎচন্দ্র মি: সরকারকে ব'ল্লেন—সরকার, আমাকেও এক পেগ দিতে বলো !

মি: সরকারের নির্দেশমত বেয়ারা এক পেগ শরৎচন্দ্রের হাতে দিয়ে গেল । শরৎচন্দ্র সঙ্গে সঙ্গে গলধ:করণ ক'রে বিলিয়ার্ড খেলায় মন দিলেন ।

খেলা কিছুক্ষণ চলার পর মি: সরকার ব'ল্লেন, চল শরৎ—এবার বাসায় ফেরা যাক !

শরৎচন্দ্র ব'ল্লেন, এরই মধ্যে কি বাড়ী ফেরা যায় ? শরৎচন্দ্র খেলতে লাগলেন । মি: সরকার বাড়ী ফেরার জন্তে গাড়ীর তৈরী ক'ন্তে লাগলেন । হঠাৎ তাঁর চোখ প'ড়লো, গাড়ীর মধ্যে যে একটি বোতল জিন্ ছিল তা' উধাও হ'য়েছে । বিস্মিত হ'য়ে তিনি গাড়ী থেকে নেমে দাঁড়িয়েছেন—শরৎচন্দ্র সামনে এসে দাঁড়ালেন । জিজ্ঞাসা ক'ল্লেন, গাড়ী থেকে নামলে যে সরকার ?

মি: সরকার ব'ল্লেন—গাড়ীতে একটা জিনের বোতল রেখেছিলাম—খুঁজে পাচ্ছি না !

ওঃ ! ওটা জিনের বোতল ? আমি জলের বোতল ভেবে এক বোতল হুইস্কির সঙ্গে খেয়ে ফেলেছি !

বল কি ?

হ্যাঁ—বেমালুম খেয়ে ফেলেছি !

সভয়ে মিঃ সরকার ব'ল্লেন—ক'রেছো কি ? জিনের সঙ্গে হুইস্কি ? মা'রা প'ড়বে যে ! চলো, চলো—বাড়ী ফিরে চলো !

শরৎচন্দ্র বাধা দিলেন না। গাড়ীতে উঠে ব'সলেন। ব'ল্লেন, আরে মিছে ভয় পেও না—এতে আমার কিছু হ'বে না !

গাড়ী শরৎচন্দ্রের বাসার সামনে থামলো। মিঃ সরকারের তখনও ভয় দূর হয়নি ! কি ব'লতে কি হবে কে জানে ?

শরৎচন্দ্রের সঙ্গে বাসার ভেতরে গিয়ে ঢুকলেন। শরৎচন্দ্র তেমনি নির্বিবাকার। চেয়ারটা এগিয়ে দিয়ে ব'ল্লেন, বসো ! তারপর টেবিলের উপর থেকে একটা কোটো বের ক'রে দুটো মটর দানার সত একটা ঢেলা আফিং মুখে ফেলে দিয়ে নিশ্চিন্তে গলধঃকরণ ক'রলেন।

সভয়ে চেয়ার থেকে উঠে দাঁড়ালেন মিঃ সরকার। বাধা দিয়ে উঠলেন, আরে করো কি ?

শরৎচন্দ্র অভয়-হাসি হাসলেন—এতেও নেশা আমার হয় না !

[বাতায়ণ, শরৎ-সংখ্যা—১৩৪০, ব্রহ্মপ্রদেশের সংক্ষিপ্ত পরিচয়—বিচারপতি মিঃ এ. এন. সেনের প্রদত্ত বক্তৃতার সারাংশ। অমুবাদক সূচাংশ ও মিঃ সি. কে. সরকারের অভিমত।]

* * * *

১৯০৫ সাল। নবীনচন্দ্র এলেন রেঙ্গুনে। প্রবাসী বাঙালীদের প্রিয় প্রতিষ্ঠান রেঙ্গুন সোসাইটিয়াল ক্লাব তাঁকে অভিনন্দন পত্রে অভিনন্দিত ক'রবে স্থির ক'রলো।

শরৎচন্দ্রের উপর ভার প'ড়লো—অভ্যর্থনা সঙ্গীত গাইবার। তিনি ভাবাকুলতার সঙ্গে মধুর কণ্ঠে গাইলেন—

ব্রহ্ম ভূমি সুশোভিত বঙ্গ রতন আজি হে,

এস কবির এস হে !

সমবেত যত দেশবাসী—

দর্শন তব অভিলাষী

এস কাব্য বিলাসী শশী হে !

এস বঙ্গ হৃদয় ভূষণ—

এস সুন্দর প্রিয় দর্শন

প্রীতি পুষ্পডালি লহ হে।

এস কবির এস হে। [ব্র: দে: শ: হইতে গৃহীত]

গায়কের মধুর কণ্ঠস্বরে নবীনচন্দ্র মুগ্ধ হ'লেন। গান শেষ হ'লেই, গায়কের ডাক প'ড়লো। কিন্তু সকলে সবিস্ময়ে দেখলেন—গায়ক পালিয়েছেন সকলের অজ্ঞাতে।

*

*

*

*'

কবিরের বার বার অনুরোধে শরৎচন্দ্র দেখা ক'রতে রাজি হ'লেন—কিন্তু সিঁড়ির পাশে ড্রয়িংরুমে কবিকে জজ মি: যতীশ দাসের সঙ্গে কথা কইতে দেখেই সিঁড়ি বেয়ে নীচের দিকে ছুট দিলেন। কেউ সিঁড়িতে প'ড়ে গেছে ভেবে কবির বাড়ীর সকলে বেরিয়ে এলেন। দেখলেন—শরৎচন্দ্র ছুটে পালাচ্ছেন, সিঁড়িতে প'ড়ে র'য়েছে তাঁর এক পাটি জুতো।

[ব্র: দে: শ:—গি. না. স.]

*

*

*

*

রামকৃষ্ণ সেবা সমিতির উদ্যোগে শ্রীশ্রীরামকৃষ্ণদেবের জন্মস্মরণসবের ব্যবস্থা হ'ল। বার বার ভাগ্য বিড়ম্বনায় শরৎচন্দ্রের মনে একটা বৈরাগ্য-ভাব সে সময়ে দেখা দিয়েছিল এবং স্পেসারের সোপ্তিকালী পাঠেও তখন ভীষণ ব্যস্ত। যোগ দিলেন সে উৎসবে। নিজের আত্মা থেকে কীর্তনের দল আনায়েন। দরিদ্র ভোজন শেষ হ'লে পর কীর্তন শুরু ক'রলেন।

শরৎচন্দ্র নিজে গাইলেন—

তেমনি ক'রে আবার এসে ডাকাণ্ড ঠাকুর প্রেমের বান !
 তাতে ভেসে যাবে ডুবে যাবে জীবের দারুণ অভিমান !!
 সেদিন যেমন জীবের লাগি' "কথামৃত" ক'রলে দান !
 প্রেম পিয়াদী, বিশ্ববাসী, প্রেমের স্রুধা ক'রছে পান !!
 যাতে মুগ্ধায়ী চিন্ময়ী হ'ল, শেখাও সেই প্রাণের টান !
 তেমনি প্রাণ মাতানো "মা"-মা" রবে আকুল করো সবার প্রাণ !
 (আমার) হয়নি জনম এলে যখন, নবরূপী ভগবান !
 (সেই) অপূর্ণ সাধ পুরাইতে হুদে তোমায় দিব স্থান !!
 তাতে সরস হ'বে হৃদয় মরু, ছুটবে হুদে প্রেমের বান !
 প্রাণ ভ'রে সবাই মিলে গাইব "জয় রামকৃষ্ণ" গান !!

[ব্র: দে: শ: হইতে গৃহীত]

শরৎচন্দ্রের এই মধুর কণ্ঠস্বরে সকলেই মোহিত হ'য়ে প'ড়লেন।

*

*

*

সোয়েডাগন প্যাগোডা দর্শন ক'রে পাশের একটি নির্জন স্থানে ব'সে স্বামি রামকৃষ্ণানন্দের সঙ্গে ধর্ম সম্বন্ধে শরৎচন্দ্র আলাপ-আলোচনা শুরু ক'রলেন—আচ্ছা স্বামিজী, আমরা ঈশ্বরকে দেখতে পাইনে কেন ?

স্বামিজী ব'ললেন—ঠাকুর ব'লতেন সমুদ্রে রত্ন আছে, বত্ন চাই। সংসারে দৈবর আছেন, সাধনা চাই। পানায় ঢাকা পুকুরের সামনে দাঁড়িয়ে যদি জল দেখতে চাও, পানার তোমায় সরাতেই হ'বে। তেমনি মায়ায় ঢাকা চোখ নিয়ে দৈবরকে দেখা যায় না—মায়াকে সরিয়ে ফেলতে হ'বে।

শরৎচন্দ্র জিজ্ঞাসা ক'রলেন—মায়া বস্তুটা কি ?

স্বামিজী ব'ললেন—বিষয়বস্তু ও কামিনীকাঞ্ছনে ডুবে থাকাটাই মায়া। এদের মোহ ছিন্ন ক'রে সরল প্রাণে তাঁকে ডাকতে পারলেই মন শুদ্ধ হবে, তাঁর দয়াও হ'বে।

শরৎচন্দ্র পুনরায় প্রশ্ন ক'রলেন,—শুনছি, তিনি মঙ্গলময়, তা'হলে এ পৃথিবীতে এত দুঃখ কেন ?

স্বামিজী উত্তরে মুহূ হাসলেন। ব'ললেন—এ সংসারে যাকে আমরা দুঃখ বলি—সেটা আসলে দুঃখ নয়, ওটা হ'ল তাঁর দীক্ষা। সুখ পেলেই মানুষ তাঁকে ভুলে যায়, নিজেকে নিয়ে মাতামাতি করে, ব্যাধাক্রমী দুঃখ পেলেই তাঁকে মনে পড়ে। দুঃখটাই সবচেয়ে এ পৃথিবীর প্রিয় বস্তু, নইলে তাঁকে অরণ্য ক'রবো কেন ? তাঁর মহিমা উপলব্ধির অবসর পাবো কেমন ক'রে ?

শরৎচন্দ্র কিছুক্ষণের জন্যে অকৃতমনা হ'য়ে প'ড়লেন। ব'ললেন—আচ্ছা, অদৃষ্ট, দৈব ও পুরুষাকার কথাগুলোর অর্থ কি স্বামিজী ?

স্বামিজী ব'ললেন—পূর্বজন্মের অর্জিত ফলটার নামই অদৃষ্ট, অবশ্য বর্তমান-জীবনের খানিকটা অংশও তার সঙ্গে জড়িত র'য়েছে; যাকে আমরা চলতি কথায় বলি কৰ্মফল। আর দৈব ও পুরুষাকার দুটোই এক। এক ছাড়া অন্যের গতি নেই। তাই দৈবের সাধনায় পুরুষাকারের আবশ্যক হয়, আবার পুরুষাকার দ্বারা কৰ্মসাধনায় দৈব বা ভগবৎ রূপার আবশ্যক হ'য়ে থাকে।

শরৎচন্দ্র কিছুক্ষণ নীরব থেকে কি যেন ভেবে নিয়ে পুনরায় মুখর হ'য়ে উঠলেন, গেকরুয়া না প'রে সন্ন্যাসী হওয়া যায় কি ?

স্বামিজী ব'ললেন—ধর্ম হ'চ্ছে, মনের। গেকরুয়া না প'রেও মুক্ত হওয়া যায়। মানুষ মনেই বদ্ধ—মনেই মুক্ত। তাই আগে চাই মন, পরে চাই বাইরের সাহায্য। মন যদি ভাল হয়, এই বাইরের গেকরুয়া তোমার সাহায্য ক'রবে—নইলে ভগ্নামীর সহায়তা ক'রবে।

শরৎচন্দ্র ও স্বামিজী উভয়েই উঠে দাঁড়ালেন। চ'লতে চ'লতে শরৎচন্দ্র জিজ্ঞাসা ক'রলেন—মেয়েদের সেবা কি আদর্শনীয় নয় ?

স্বামিজী থমকে দাঁড়ালেন। ব'ললেন—দেখ শরৎ, সতীর পতিসেবার মধ্যেও একটু স্বার্থগন্ধ থাকে, নিঃস্বার্থ সেবা তাই মেয়েদের দ্বারা সম্ভব নয়। হাসপাতালে অনেক মেয়েকে নাসের কাজ ক'রতে দেখে, কিন্তু তারা কি সত্যি নিজের স্বামী-পুত্রের মত সেবা ক'রতে পারে ? না, পেরেছে কোনদিন ? মুখোস প'রলে আকৃতিটা হয়ত মেলানো সম্ভব, কিন্তু আন্তরিকতা কোনদিন সম্ভব নয়। তাই মঠের ছেলেরা পথ থেকে কুড়িয়ে এনে “পীড়িত নারায়ণ” ভেবেই নিঃস্বার্থ সেবা ক'রতে সক্ষম হয়।

শরৎচন্দ্র এতক্ষণে যেন তাঁর প্রশ্নের সঠিক উত্তর পেলেন। সানন্দে ব'লে উঠলেন—কেন জানি না স্বামিজী, আপনার কথাটাই আমি মনে-প্রাণে বিশ্বাস ক'রতাম—আজ তা মিলিয়ে নেওয়ার সুযোগ হ'য়ে গেল।

স্বামিজীও খুশী হ'লেন। ব'ললেন—মানুষের মধ্যেই ভগবান আছেন। প্রাণে যে প্রশ্ন ওঠে—তিনিই তার সকল সময়ে উত্তর দিয়ে থাকেন—চাই শুধু সজাগ ও সতর্ক দৃষ্টি।

[ব্রহ্মদেশে শরৎচন্দ্র, গী. না. স.]

১৯০৬ সালের মার্চ মাসে চাকরী খুঁয়ে পুনরায় বেকার হ'লেন শরৎচন্দ্র। সময় আর কিছুতেই কাটে না ! মাঝে মাঝে তাই চঞ্চল হ'য়ে বন্ধুবান্ধবদের সঙ্গে ছুটুতেন শীকারে। কখনও ধ'রতেন মাছ, কখনও দা বন্দুক নিয়ে ছুটুতেন পেগুতে।

একদিন সকলে রত্নল বজ্জের পুকুরে (পেগু) মাছ ধ'রতে গেলেন। নিজে নিলেন ছিপ আর বন্ধুরা নিলেন হইল। বন্ধুদের হইলে মাছ ঠোঁকর দেয় না, আর তিনি প্রতিটি টোপে ধ'রে চ'লেছেন পুঁটিমাছ।

হঠাৎ এক বন্ধুর হইলে একটা বড় মাছ পেঁথে গেল। মাছটা খেলতে লাগলো। শরৎচন্দ্র আনন্দে অধীর হ'য়ে চীৎকার শুরু ক'রে দিলেন, ভালারে মোর ভাইসাহেব !

মাছটা একেবারে ধারে এসে হইলের হতো ছিঁড়ে সশব্দে পালালো। শরৎচন্দ্র সখেদে ব'লে উঠলেন, ঘোচালে ব্যাটা আহান্নাক !

সবাই হেসে উঠলো। একটি বন্ধু জিজ্ঞাসা ক'রলেন, এর মানে কি শরৎ-দা ?

শরৎচন্দ্র ব'ললেন, এটা আমার দেখে শেখা ভাই ! লালদিঘীতে একটা বুড়ো চাটুগেরে মুসলমানকে প্রায়ই মাছ ধ'রতে দেখতাম। যখন মাছ গাঁথতো তার ছিপে, সে আনন্দে চীৎকার ক'রে উঠতো “ভালারে মোর ভাইসাহেব” আর পালিয়ে গেলেই কপাল চাপড়াতো আর ব'লতো—“ঘোচালে ব্যাটা আহান্নাক !”

সকলে হাসিতে ফেটে প'ড়লো। ব'ললো, তোমার আবিষ্কার বটে একটা শরৎ-দা !

[ব্রহ্মদেশে শরৎচন্দ্র, গী. না. স.]

*

*

*

মাছ-ধরা পর্ব শেষ ক'রে বেরলেন জঙ্গলে শীকারের আশায় ! বন্ধুবান্ধবদের সঙ্গে সঙ্গে জানিয়ে দিলেন, ছোট কিছু শীকারে সম্মত নষ্ট

ক'ন্তে তিনি রাজী নন। হয় বাধ, না হয় বড় মোটামোটা একটা হরিণ বধই তাঁর কাম্য।

হামাগুড়ি দিয়ে জঙ্গলে ঢুকলেন। বহুক্ষণ ব'সে ব'সে মশার কামড় খেলেন। কোন কিছই চোখে প'ড়লো না।

হঠাৎ হাত কয়েক দূরে পিছনের ঝোপের পাশে ছোটো পাথরের নাকথানে একটা গোখরো সাপ ফোস্ ফোস্ ক'রে ফণা তুলে ছলতে লাগলো। শব্দ শুনে পিছনের দিকে তাকিয়েই সকলের অন্তরাঙ্গা খাঁচা। কে কোন্ দিকে পালাবে সেই পথ নির্ণয়ে সবাই ব্যস্ত।

সাপটা ছলছে আর গর্জ্জাচ্ছে। শরৎচন্দ্র অহুমান ক'রে নিলেন, যে কোন মুহূর্তেই সাপটা ছোবল্ মামুতে পারে। বন্দুকের কুঁদো দিয়ে সবলে পাথরটির উপর আঘাত ক'রে ছুট্ দিলেন ঝোপের মধ্য দিয়ে।

বাইরে যখন সব বেরিয়ে এলেন, তখন গা-হাত-পা ছোড়ে গেছে। পোষাক-পরিচ্ছদ কারও বা ছিঁড়ে গেছে, কারও বা খুলো-বালিতে মলিন হ'য়ে গেছে। রক্ত চারপাশ থেকে বরে প'ড়ছে।

শরৎচন্দ্র সহসা ঘুরে দাঁড়ালেন। ব'ল্লেন, দূর! ভীতুর মত সব পালিয়ে এলাম! কি জাতের, একটিবার ভাল ক'রে দেখে এলেই হ'তো।

এতবড় বিপদের মধ্যেও বন্ধুদের মুখে হাসি ফুটে উঠলো। তাঁদের মধ্য থেকে একজন ব'লে উঠলেন, দূর থেকে দেখেই প্রায় ধাতছাড়া—কাছে গিয়ে পরীক্ষা ক'রে দেখলে যে প্রাণ নিয়ে আর পালাতে হ'তো না—সে কথা আমি হলপ্ ক'রে ব'লতে পারি!

শরৎচন্দ্র ব'ল্লেন, যে ভয় তোমরা দেখালে! নইলে নিশ্চয় আমি পরীক্ষা ক'রে একবার দেখতাম্, কোন্ জাতের—কিং কোব'রা, না শব্দচূড়া?

ঠিক সেই সময়ে একটা বার্ষিজ্ ছেলেকে একটা দা নিয়ে বনের

দিকে রওনা হ'তে দেখা গেল। শরৎচন্দ্র বাধা দিলেন—যেহা না খোকা, একটা সাপ আমাদের একটু আগেই তাড়া ক'রেছিল !

ছেলেটি হাসিতে ফেটে প'ড়লো। ব'ললো, ওদের আমরা ভয় করি না ! এফুনি ধরে নিয়ে আসতে পারি।

শরৎচন্দ্র বিশ্বাসে ফেটে প'ড়লেন। ব'ললেন, বলো কি ?

ছেলেটি সগর্বে জবাব দিল—পাঁচটা টাকা দাও, এফুনি ধ'রে নিয়ে আসছি !

শরৎচন্দ্র রাজী হ'য়ে গেলেন। ছেলেটাও কয়েক মিনিট পরে সেই প্রকাণ্ড গোখ'রো সাপটাকে ধ'রে নিয়ে হাজির হ'লো।

সকলেই হতবাক্। শরৎচন্দ্র জিজ্ঞাসা ক'রলেন, ধ'রলে কেমন ক'রে ?

ছেলেটা তার বাঁ হাতের ক'জির মধ্যে একটা সেলাইয়ের দাগ দেখিয়ে ব'ললো, গাছের শিকড় আছে ওর ভেতরে, তাই ত ধ'রতে পারি ! মুখখানা তার হাসিখুশীতে ভ'রে উঠলো। এক হাতে তার সাপ—অন্য হাতে দা। তিনটে আঙুল বাড়িয়ে ব'ললো, টাকা দাও—

শরৎচন্দ্রের কাছে তখন পাঁচটাকা ছিল না। সে খেয়ালও তাঁর ছিল না। অবশেষে দু'টাকায় রফা ক'রে সদলবলে রওনা হ'লেন সহরের দিকে।

*

*

*

১৯০৬ সালের এপ্রিল মাসে রেঙ্গুনের পাবলিক ওয়ার্কস একাউন্টস অফিসে মিঃ এম. কে. মিত্রের (এক্‌জামিনার অফ্ একাউন্টস) স্থপারিশে পুনরায় চাকরীতে বাহাল হ'লেন। একদিন ছুটি উপভোগ ক'রে মিঃ চ্যাটার্জির (ইনি ছিলেন শরৎচন্দ্রের গানের একজন পরম ভক্ত, এবং পেণ্ডতে অবস্থানকালীন চাকুরে জীবনের ঘনিষ্ঠ সহকর্মী)

সঙ্গে শরৎচন্দ্র পেণ্ড থেকে রেঙ্গুনে ফিরছেন। সে-সময়ে পুনরায় তিনি সাহিত্য-সেবায় মন দিয়েছেন। গল্পের প্রট তৈরীর চিন্তায় তখন তিনি তন্ময়। সেই চিন্তার জটিল আবর্তে তিনি একটু অন্তমনা হ'য়ে পড়েছিলেন। ষ্টেশনে পৌছেই মিঃ চ্যাটার্জী টিকিট কাটতে গেলেন। শরৎচন্দ্র সামনের ট্রেনে উঠে একটা কোণ বেছে নিয়ে নিশ্চিন্তে ধপ্ ক'রে ব'সে প'ড়লেন। জানলার ফাঁক দিয়ে নীল স্বচ্ছ আকাশ দেখা যাচ্ছে। সেইদিকে তাকিয়ে তিনি তাঁর হারানো থেই খুঁজে বেড়াতে লাগলেন।

ট্রেনখানা কিছুক্ষণ পরেই হুইসিল দিয়ে ছেড়ে দিল। মিঃ চ্যাটার্জী তখনও ফিরে আসেননি।

শরৎচন্দ্রের কোন খেয়ালই ছিল না। ট্রেন চ'ললো এগিয়ে।

পরের ষ্টেশনে ট্রেন থামলো। কোলাহলে সহসা চমক ভেঙে গেল। চেয়ে দেখলেন, তিনি চলেছেন বিপরীত দিকে। চট্ ক'রে নেমে প'ড়লেন সেইখানে। প্রায় ঘণ্টা দুই অপেক্ষার পর ফির্তি ট্রেনে পুনরায় ফিরে এলেন রেঙ্গুন সহরে। রাত তখন প্রায় ছুটো। সবিস্ময়ে মিঃ চ্যাটার্জী জিজ্ঞাসা ক'রলেন, ব্যাপার কি শরৎ-দা ? তোমাকে যে খুঁজে খুঁজে আমি সারা হ'য়ে গেলুম !

শরৎচন্দ্র সহাস্তে সমস্ত ঘটনাটি বিবৃতি ক'রলেন। সবাই হাসিতে ফেটে প'ড়লেন। ব'ললেন—না শরৎ-দা, দেখছি তোমার মাথার একটু ছিট আছে !

[শরৎ-পরিচয়, ব্র. না. ব., পৃ: ৬৮ ও বাতায়ন, শরৎ-

স্মৃতি-সংখ্যা, ১০৪৮]

মিঃ প্যাথম্ নামে এক মাদ্রাজী খুঁটান সাহেবের শীকারের খুব সখ ছিল। তিনি প্রায় শরৎচন্দ্রকে তাঁর শীকারের সঙ্গী ক'রতেন। একদিন বাঘ শীকারের আশায় বহুক্ষণ এ ঘোপ ও ঘোপ ক'রলেন : বাঘ ত দূরের কথা, একটা পাখীর সন্ধানও পেলেন না। শেষে অধৈর্য্য হ'য়ে এক ঝাঁক উড়ন্ত বকের দিকে লক্ষ্য ক'রে শরৎচন্দ্র একটা গুলি ছুঁড়লেন। পরক্ষণে একটা গোদা চিলকে ঝপ্ ক'রে মাটিতে প'ড়তে দেখা গেল। উপস্থিত সকলেই বিস্মিত হ'লেন। গুলি ছোড়া হ'ল বকের ঝাঁক লক্ষ্য ক'রে, চিল এলো কোথা থেকে-? শরৎচন্দ্রের লক্ষ্য কোনদিন ত দ্রষ্ট হয় না !

শরৎচন্দ্র কিন্তু এই নিরীহ জীব হত্যায় লজ্জায় ম্লান হ'য়ে প'ড়লেন। বাদেও তিনি লক্ষ্য ক'রে গুলি ছুঁড়েছিলেন—তারাও নিরীহ, কিন্তু তাদের বধের একটা উপলক্ষ্য আছে, মানুষের সঙ্গে তাদের সম্বন্ধ খাতি ও খাদক, আর এটা একটা চিল—যার সঙ্গে কোন সম্পর্কই নেই মানুষের।

শরৎচন্দ্র বালকের মত মরা চিলটা নিয়ে নাড়াচাড়া ক'রতে লাগলেন। অবশেষে আবিষ্কার ক'রলেন, গুলির দাগ তার অঙ্গে যখন নেই, তখন নিশ্চয় বেটা “হার্টফেল” ক'রেছে !

বন্দুর দল মুচ্কি হাসলেন। শরৎচন্দ্র তা' দেখেও দেখলেন না। অপরাধটা তাঁর বৃকে বার বার খচ্‌খচ্‌ ক'রে বিঁধতে লাগলো। ঠিক সেই সময়েই দূরে একটা হরিণশিশুকে ঘুরে বেড়াতে দেখা গেল। শরৎচন্দ্র অতদিন নিজেই উপবাচক হ'য়ে শীকারীদের বাধা দেন, আজ কিন্তু এতখানি অগ্রসৃত হ'য়ে প'ড়েছিলেন যে, বিচার-বিবেচনার ধারই তিনি ধারলেন না। বন্দুক নিয়ে ছুটলেন তার পিছু পিছু।

কিছুক্ষণ পরে হাঁপাতে হাঁপাতে ফিরে এলেন। ব'ললেন—বরাতটাই আজ খারাপ হে ! শেষে দেখলাম ওটা একটা শেয়াল-বাচ্চা।

হাসির বেগ কেউ সংযত ক'রতে পারলেন না। কারণ ও-বস্তুটা

বর্ষামূলকে প্রায় দুস্ত্রাপাই বলা চলে ! যাছঘরে তাই একটি শেয়ালকে সম্বন্ধে পুষে রাখা হ'য়েছে ।

শরৎচন্দ্র কিন্তু এতটুকুও লজ্জা বোধ ক'রলেন না । তিনিও সে হাসিতে অবলীলাক্রমে যোগ দিয়ে কলহাস্তে সেই নির্জন স্থানটাকে মুখর ক'রে তুললেন ।

*

*

*

“গাইড্রসিল” রোগে আক্রান্ত হ'য়ে ১৯০৭ সালের নভেম্বর মাসে অস্ত্রোপচারের জন্ত তিনি কলকাতায় পাড়ি দিলেন । কারমাইকেল কলেজে ভর্তি হ'লেন কিন্তু একটা অপারেশন্ রোগীর পেটে ফ'রমসেপ দেখে, কলেজ থেকে পালিয়ে গেলেন । পরে পুনরায় অপারেশন্ করিয়ে ফ্রেন্সারী মাসে ফিরে গেলেন বর্ষায় ।...

সেদিন তিনি অফিস থেকে ফিরে, জামা-কাপড় ছেড়ে গড়গড়ায় মোজা সবে দু'এক টান দিয়েছেন, একটা লোক সামনে এসে দাঁড়ালো । সেলাম দিয়ে মোড়া একটা কাগজ তাঁর দিকে বাড়িয়ে দিয়ে ব'ললো— গিরীনবাবু ভেজ্ দিয়া ।

শরৎচন্দ্র চিঠিখানা খুলে দেখলেন, কুঞ্জবাবুর স্ত্রী গিরীনবাবুর মারফৎ একটি নবাগত স্বামী-স্ত্রীর বাসের উপযুক্ত বাসা দেখে দেওয়ার অনুরোধ জানিয়েছেন । ইনি নবাগত বাঙালীমহলে ‘দিদি’ নামে পরিচিত । তা'ছাড়া তিনিও তাঁদের বাড়ীতে কাজকর্মের বহুবার আমন্ত্রিত হ'য়েছেন । উৎসবে যোগ দিয়ে তাঁদের গানও শুনিয়া এসেছেন । কাজেই অনুরোধটা এড়াতে পারলেন না । সেই পোষাকেই তিনি বেরিয়ে প'ড়লেন বাড়ীর সন্ধানে ।

বেয়ারাটাকে বসিয়ে রেখে গেলেন । মনে একটা ক্ষীণ আশা যদি সন্ধান পাওয়া পাওয়া যায়— ! কিছুক্ষণ পরে খুশী মনে ফিরে

এলেন। চিঠি একখানা লিখে দিলেন সঙ্গে সঙ্গে—‘তোরই বাসার কিছু দূরে একটি বাড়ী খালি আছে। ছাপোষা মধ্যবিত্তের বাসের উপযুক্ত। ভাড়া যৎকিঞ্চিৎ ব’ল্লে অভ্যুক্তি হ’বে না।’

পরদিন অফিস যাওয়ার পথে গিরীনবাবুর সঙ্গে দেখা হ’ল। ব’ল্লে, বাসাটা ঠিক ক’রে ফেলো শরদা! দ্বিদি ওদের নিয়ে বড় বিব্রত হ’য়ে প’ড়েছেন।

শরৎচন্দ্র সবিস্ময়ে তাঁর মুখের দিকে তাকাতেই গিরীনবাবু ব’ল্লে, গুনলাম মেয়েটার ইচ্ছার বিরুদ্ধে, দুই বন্ধু এ মূল্যে ওকে নিয়ে হাজির হ’য়েছে। একটু থেমে সখেদে ব’ল্লে—মেয়েটি রূপেণে সত্যিই যেন লক্ষ্মীপ্রতিমা—ভাগ্য ব’লে একেই! তবে বন্ধুলোকটি ভাল ব’লেই মনে হ’ল—বিশেষ ক’রে বেচারী অভাবী, তা’ তার চেহারা ও পোষাকই প্রমাণ দিয়ে যায়।

অফিসের সময় হ’য়ে গিয়েছিল। দাঁড়িয়ে গল্প করার অবসর নেই। শরৎচন্দ্র ব’ল্লে—পরে কথা হ’বে গিরীন। আলাপও নিশ্চয় হ’বে মিঃ হাস্যব্যুৎ ও মিঃ ক্রেণ্ডের সঙ্গে।

*

*

*

লাইব্রেরীতে চলেছেন পড়াশুনার উদ্দেশ্যে। মাঝপথে নিবারণ মুখুজ্জ্যের সঙ্গে দেখা। ব’ল্লে, তোমাকে আজ আমাদের বিশেষ প্রয়োজন শরৎ-দা, লাইব্রেরীতে বরং কাল যেয়ো, আজ চলো একটু কুঞ্জবাবুর বাসা ঘুরে আসা যাক।

নিবারণচন্দ্র ছিলেন শরৎচন্দ্রের বিশেষ অঙ্গগত। স্মৃতরাং তাঁর অঙ্গরোধ এড়ানো সম্ভব হ’ল না। উভয়েই রওনা হ’লেন কুঞ্জবাবুর বাড়ীর পথে।

উপস্থিত সেখানে অনেকেই ছিলেন। প্রত্যেকেই চিন্তিত। একটা

গুরুতর ব্যাপার যে ঘটেছে তা সহজেই অনুমান করা চলে। কিন্তু সমস্তা দাঁড়িয়েছে ঘটনাটা বাঁধবে কে?

শরৎচন্দ্রকে দেখে তাঁরা অনেকটা আশ্বস্ত হ'লেন। একটা চিঠি তাঁর হাতে দেওয়া হ'ল। তিনি নিঃশব্দে সেখানা আত্মপ্রাপ্ত পড়া শেষ ক'রে মুখ তুলে তাকালেন। দ্বিদি লোক মারুফৎ জানালেন, গায়ত্রীর কথাই ঠিক। নন্দবাবুর মা-ও প্রায় সেই একই কথা লিখেছেন।

বাঁরা উপস্থিত ছিলেন তাঁরা প্রায় সকলেই প্রবাসী বাঙালী। তাঁদেরই মধ্য থেকে একজন খ'লে উঠলেন, এখন কি করা কর্তব্য—আমাদের ঠিক ক'রে নেওয়া উচিত!

গিরীনবাবুও হস্তদন্ত হ'য়ে সেখানে উপস্থিত হ'লেন। ব'ললেন—আমি ত' গুর বাবার কাছে একটা টেলিগ্রাম ক'রে দিয়ে এলাম। মুস্তিল হ'য়েছে যে কুজদা'ও বাড়ীতে নেই!

শরৎচন্দ্র ব'ললেন—তাতে ক্ষতি হ'য়েছেই বা কি? চল নিবারণ দেখা যাক, আমরা এখন কতদূর কি ক'রতে পারি!

*

*

*

শরৎচন্দ্র, নিবারণচন্দ্র ও একটা দারোয়ান সিঁড়ি বেয়ে উঠছেন—অস্পষ্ট কথাগুলো ভেসে আসতে শোনা গেল—“অবুঝ হ'য়ো না গায়ত্রী, তোমার জন্তই এ মগের মূলুকে পা দিয়েছি। বিশ্বাস করো, আমার কথা শোন...”

সঙ্গে সঙ্গে উত্তরও ভেসে এলো, “তা' হয় না নন্দবাবু! আমি নারী। সে নারীত্বের অমর্যাদা আমার দ্বারা কোনদিন সম্ভব হ'বে না!”

ততক্ষণ এঁরা দ্বারের সম্মুখবর্তী হ'য়ে পড়েছেন। শরৎচন্দ্র একটু কেশে গলা পরিষ্কার ক'রে নিয়ে ব'ললেন—একটা প্রবাদ আছে

নন্দাবাবু, ‘পাপ যোল কলার পূর্ণ হ’লেই পতন একেবারে অনিবার্য্য’
এখন তৈরী হ’য়ে নিন। যাত্রাটা অবশ্য নির্ণয়ের ভার আপনার
উপরেই নির্ভর ক’রছে। হয় ক’লকাতা, না হয় শ্রীঘর! একটু
থেকে ব’ললেন—আর এই নিন্ আপনার মা’র চিঠি—সেই সঙ্গে
আরও একটি শুভ সংবাদ দিচ্ছি, গায়ত্রীদেবীর বাবার কাছেও টেলিগ্রাম
চ’লে গেছে।

বাবের কাছ থেকে শীকার কেড়ে নিলে অবস্থাটা ধেকপ দাঁড়ায়
নন্দদুলালের অবস্থাও প্রায় সেইরূপ। মা’র চিঠির সংবাদে কয়েক
সেকেণ্ডের জন্যে হতভম্ব হ’য়ে প’ড়েছিল, কিন্তু গায়ত্রীদেবীর বাবার
নাম শুনেই লাফিয়ে উঠলো—Who the devil you are to enter
in my affair?

শরৎচন্দ্রও পিছপা হ’লেন না। সঙ্গে সঙ্গে উত্তর দিলেন—We
have come to teach you good lesson, Damn Scoundrel!

নন্দদুলাল ধৈর্য্য হারিয়ে ফেলেছিল। চোখের পলকে শরৎচন্দ্রের
উপর ঝাঁপিয়ে প’ড়ে নাকে-মুখে দু’টো ঘুষি বসিয়ে দিলে।

নিবারণচন্দ্র শরৎচন্দ্রের পিছু দাঁড়িয়েছিলেন। তিনি অবশ্য এতখানি
আশা করেননি। কিন্তু স্থির হ’য়ে দাঁড়িয়ে থাকাও তাঁর ধৈর্য্যের বাইরে।
সঙ্গে সঙ্গে নন্দদুলালের জামার কলারটা ধ’রে, শূন্তে ভুলে একটি
আছাড় দিয়ে মাটিতে শুইয়ে দিলেন।

বেচারী ভয়েই জ্ঞান হারিয়ে ফেললো। গায়ত্রীদেবী সভয়ে বাইরে
ছুটে এলেন। নিবারণচন্দ্র আশ্বাস দিয়ে ব’ললেন, কোন ভয় নেই মা—
জ্ঞান এখনি ফিরে আসবে। পাখার বাতাস ও নাকেমুখে জল ছিটিয়ে
ফাষ্ট এডের ব্যবস্থা হ’ল। শরৎচন্দ্র সেই মুহূর্তেই তার সমস্ত অপরাধ
ক্ষমা ক’রে সেবা-শুশ্রূষায় মন দিলেন।

কিছুক্ষণ পরে নন্দদুলালের জ্ঞান ফিরে এলো। শরৎচন্দ্র নিজের

হাতে চা-কাটি খাওয়ালেন। একটু সুস্থ হ'লে ব'ললেন, দু'তিন ঘণ্টা পরে ক'লকাতার মেল ছাড়বে, এতে বরং আপনার ফিরে যাওয়া ভাল, নইলে হাতকড়া পড়ার সম্ভাবনাই বেশী। কারণ পুলিশেও খবর দেওয়া হ'য়েছে।

নন্দভূলালের চেহারাটা নধর ও জাঁকজমকপূর্ণ বলিষ্ঠ হ'লে কি হ'বে, হাতকড়ার নামেই শুকিয়ে আধখানা হ'য়ে গেল। ব'ললো, যাত্রা করার আমার বিশেষ কোন আপত্তি নেই।

নিবারণচন্দ্র টিকিট কিনে আনলেন। যাত্রার আয়োজনও সব ঠিক। নন্দভূলাল গায়ে বলও ফিরে পেয়েছে। ব'ললো, গায়ত্রীকে একবার ডাকুন, তার সঙ্গে একবার দেখা ক'রে যেতে চাই!

শরৎচন্দ্র ব'ললেন—এরই মধ্যে সমস্ত কাহিনী ভুলে গেলে বাছাধন! পুরুষ মানুষ যে এত বেহায়া হয়, পূর্বে আমার তা' জানা ছিল না!

বাধা হ'য়েই নন্দভূলালকে গায়ত্রীর আশা ছাড়তে হ'লো। গাড়ী বাইরে তৈরী, হাতে সময়ও খুব অল্প। ফিরে যেতে তার মন চাইছে না, কিন্তু না পালিয়েও ত' মুক্তির কোন আশা নেই! নন্দভূলাল গায়ের রাগ গায়ে চেপে, ভাল মানুষের মত বেরিয়ে প'ড়লো।

* * * *

আহাজ ছেড়ে দিল। কিন্তু বিপদ দেখা গেল—গায়ত্রীদেবীকে নিয়ে ও রূপ ও যৌবনের কাছে মিঃ ক্রেও নিজেকে নিঃস্বহায় মনে ক'রতে লাগলো। অগত্যা শরৎচন্দ্রের উপরেই দেখাশুনার ভার গিয়ে প'ড়লো!

গায়ত্রী পূজা-পাঠ নিয়েই মেতে থাকে। এমন কি ভাষের আবেগে নিজের জ্ঞানও হারিয়ে ফেলে।

কথাটা শরৎচন্দ্রের কানে গিয়ে ভাসলো। তিনি একেবারে সামনে এসে দাঁড়ালেন। মেয়েটি সত্যসত্যই কি চায়—যাচাই করার জন্তে, তাকে ষ্টাডি ক'রতে শুরু ক'রলেন। কিন্তু ফলে ফললো ঠিক বিপরীত। তিনি নিজেও সেই ভাবের বজায় গেলেন ভেসে।

গায়ত্রী করে জপ্, ধ্যান। আর শরৎচন্দ্র সেই সাধনার পথকে মুক্ত ক'রতে ব্যস্ত হ'য়ে ওঠেন। গান্ :

“কোথা ভবদারা ! দুর্গতি হারা

কত দিনে তোর করুণা হবে !

কবে দেখা দিবি, কোলে তুলে নিবি,

সকল যাতনা জুড়াবে।

মায়া'র সংসারে ক'র্ম কোলাহলে

শ্রীপদ ছ'খানি র'য়েছি গো তুলে—

বিবেক বৈরাগ্য তুমি নাহি দিলে

মোহ ভ্রান্তি কিসে ছুটিবে ?

আয়ু মূৰ্খ্য (মোর) বসিতেছে পাটে

কোথা ব্রহ্মনয়ী, এসো তুমি ছুটে—

তনয়ে তর মা এ ঘোর সঙ্কটে

তুমি বিনা কে আর তরিবে ?

[ব্র: দে: শ: হইতে গৃহীত]

গায়ত্রী মুখ হ'য়ে সে গান শোনে। কখনও জ্ঞান হারিয়ে ফেলে, মা, মা, ক'রে ভাবের আবেগে চীৎকার ক'রে ওঠে।

গান শেষ হয়। তার চৈতন্য ফিরে আসে। অশান্ত হৃদয়টা তার এক অপূর্ণ শ্রীতি ও ভক্তিতে পূর্ণ হ'য়ে যায়।

মিঃ ফ্রেণ্ডের চাকরী হয় না। গায়ত্রীর গায়ে বা ছিল একে একে সবই শেষ হ'য়ে গেল। শরৎচন্দ্র তাঁদের এই অসহায় অবস্থায় নানা উপায়ে সাহায্য ক'রতে শুরু ক'রলেন—কখনও বাজার, কখনও বা দু'পাঁচ টাকা দিয়ে সংসারের দিন গুজরানের ব্যবস্থা ক'রে দিলেন।

শরৎচন্দ্রের আয়ও তখন সামান্য। কখনও হোটেলের খান, কখনও নিজেই রান্না করেন, কখনও বা একবেলা জোটে—কখনও বা তাও না।...ইতিমধ্যে গায়ত্রীর সঙ্গে মিস্ত্রীপল্লীর মেয়েদের খুব আলাপ জমে উঠেছিল। তাদের কাছে একদিন গায়ত্রী শুনুলো—শরৎচন্দ্রের জীবনের এই চরম দুর্ব্যবহার কথা।

শরৎচন্দ্রের দুঃখে তার মনটা ছলে উঠলো। নিজেই উপষাচক হ'য়ে ব'ললেন, আমি আপনার সব কথাই শুনেছি। আজ থেকে দু'বেলা এখানেই থেতে হ'বে, নইলে এতটুকুও আমি শাস্তি পাব না! যদি কথা না রাখেন, আমরাও শুকিয়ে মরবো, আপনার কোনও সাহায্যই আমি গ্রহণ ক'রবো না।

শরৎচন্দ্র রাজী হ'য়ে প'ড়লেন। কারণ, এ সমস্ত কাজে মন তাঁর সত্যিই বস্তু না। এতদিন বা কিছু ক'রে এসেছেন—সে শুধু দিনগত পাপক্ষয়ম্!

* * * *

কিছুদিন পরে এক কাঠের ব্যবসায়ীর কাছে মিঃ ফ্রেণ্ডের একটি চাকরী হ'ল। বাড়ী তার ঢাকা জেলায়—শশাঙ্কমোহন নামে পরিচিত।

একদিন ফ্রেণ্ডের কাজের অনুপস্থিতির সুযোগে শশাঙ্কমোহন নিজেই সে বাসায় এসে উপস্থিত হ'ল। বাড়ীতে তখন কেউ নেই। গায়ত্রী বারান্দায় আনমনে রোদে চুল শুকোচ্ছিল।

রূপ যেন ঠিকরে প'ড়তে চায়! শশাঙ্কমোহনের চিত্ত সেই মহুর্ভেই প্রানুধ হ'য়ে উঠলো।

কতক্ষণ যে সে এমনভাবে স্তম্ভ নয়নে তার দিকে তাকিয়ে ছিল— তা' গায়ত্রী জানতো না ! সহসা একটা মৌমাছির গুণ্ গুণ্ শব্দে সচকিত হ'য়ে পাশের দিকে তাকাতেই শশাঙ্কমোহনকে দেখতে পেল। তার চোখমুখের চেহারা দেখেই সভয়ে ঘরের ভেতর আত্মগোপন ক'রলো গায়ত্রী।

শশাঙ্কমোহন জড়িতকণ্ঠে ব'ললো—ভয় পাবেন না—আমারই নাগ শশাঙ্কবাবু, মিঃ ফ্রেণ্ডকে খুঁজতে এসেছিলাম। তার কি শরীর খারাপ ?

গায়ত্রী ঘরের ভেতর থেকে উত্তর দিগ্গন্ত বাঁসায় ফিরলেই তাঁকে আপনার কাছে পাঠিয়ে দেবো।

শশাঙ্কমোহন ফিরে গেল। কিন্তু বুকে গেঁথে নিয়ে গেল একটা অতৃপ্ত বেদনা ! কিছুতেই তার তৃপ্তি নেই ! ব'সে ব'সে বড়বস্ত্র আঁটতে লাগলো আর ভাবতে শুরু ক'রলো—‘একান্তে আপনার ক'রে গায়ত্রীকে পাওয়া যাবে কেমন ক'রে !

পরদিন থেকে ফ্রেণ্ডের প্রতি খুবই সহানুভূতি প্রকাশ ক'রতে লাগলো শশাঙ্কমোহন। মাইনে বাড়িয়ে প্রায় দেড় ক'রে দিল ! ওবাসা ছেড়ে অত্র একটা বাসা ভাড়া করার উপদেশও দিল সেইসঙ্গে ! উপযাচক হ'র্ষে পাঠাতে লাগলো—কখনও ফল—কখনও বা দিগ্গন্ত !—কখনও লেংড়া আম, লিচু, সরু চাল—এমনি আরও অনেক কিছু !

গায়ত্রী এ সবার মধ্যে যেন একটা বড়বস্ত্রের ফাঁদ পাতা হ'চ্ছে অল্পভব ক'রতে লাগলো। একদিন মিঃ ফ্রেণ্ডকে ব'ললো—মনিবকে এসব পাঠাতে বারণ ক'রে দেবে ! এসব আমার ভাল লাগে না !

মিঃ ফ্রেণ্ড গায়ত্রীর সঙ্গে “ধরম-মা” সম্বন্ধ পাতিয়েছিল। কারণ, এ রূপ ও যৌবনের সম্মুখীন হওয়ার সাহস তার ছিল না। সে ব'ললো—

মনিব আমার খুব ভাল লোক মা ! আমাদের ছুরবস্থার কথা ত তিনি সবই জানেন—তা'ছাড়া মনিবের দান প্রত্যাখ্যানই বা করা যায় কি ক'রে ? শেষে চাকরীটাই হয়ত চ'লে যেতে পারে !

গায়ত্রী সহসা উত্তর খুঁজে পেল না । গম্ভীর হ'য়ে ব'সে রইলো শুধু ।

*

*

*

শরৎচন্দ্র গায়ত্রীর মনের ইচ্ছাটা ঠাডি করার উদ্দেশ্যেই পা দিয়েছিলেন প্রথম দিন । কিন্তু তার রূপে ও গুণে তিনি শুধু মুগ্ধ হ'লেন না, গোপনে এ নিরপরাধা মেয়েটিকে ভালও বেসে ফেললেন একান্ত আপন ক'রে ! তাই তার মানসিক শান্তির উদ্দেশ্যে মাঝে মাঝে এসে তাকে স্তনিয়ে যেতেন গান ।

গায়ত্রীরও ভাল লেগেছিল এই আত্মভোলা মানুষটিকে ! মুখছুটে বে কোন কিছুই চাইতে পারে না—অথচ নীরবে মানবতার শুধু সেবা ক'রে যায় আর দরদ দিয়ে অনুভব করে প্রতিটি মানুষের দুঃখ ও বেদনা বোধকে—তাকে কি শ্রদ্ধা না ক'রে থাকা যায় ? তাই নির্ভয়ে তাঁর আশ্রয়কে আপন ব'লে মেনে নিতে কুণ্ঠা বোধ ক'রুলো না গায়ত্রী দেবী ।

*

*

*

একদিন সন্ধ্যার কিছু পূর্বে, কিছু মিষ্টি ও আম নিয়ে একটি আধা-বয়সী মেয়ে গায়ত্রীর সামনে এসে দাঁড়ালো ।

গায়ত্রী বিস্মিত হ'লো । মেয়েটি কিন্তু মুচ্কি হাসলো । ব'ল্লো—
এমন ক'রে মুখের দিকে তাকিয়ে কি দেখছেন গো ?—তোমাদের শশাঙ্কবাবু এগুলো পাঠিয়ে দিয়েছে !

গায়ত্রী কাঠ হ'য়ে দাঁড়িয়ে রইলো। মেয়েটি নিজেই সব গুছিয়ে রাখলো। ব'ললো, বাবু ত আমাদের যে-সে বাবু নন—তঁার লক্ষ লক্ষ টাকা, দশ-বিশটা দাসদাসী, মনটাই বা তঁার কেন ছোট হ'তে যাবে? জিনিসপত্তরগুলোর দিকে চেয়ে দেখ না—বুঝতে পারবে নজর তঁার কত উচু!

গায়ত্রী উত্তর দিল না। প্রস্তরমূর্তির মত দাঁড়িয়ে রইলো শুধু।

মেয়েটি একেবারে সামনে এসে দাঁড়ালো! ব'ললো—আহা, এমন গার রূপ—তার এখানে প'চে মরা কেন?

বাইরে পায়ের শব্দ শোনা গেল। এ ধ্বনি তার পরিচিত। চকিতে অবলম্বন খুঁজে পেল গায়ত্রী। অসাড় প্রাণে তার আবার নতুন স্পন্দন দেখা দিল।

শরৎচন্দ্র অফিসের ফেরৎ প্রতিদিনই একবার ক'রে এই সংসারের খোঁজ-খবর নিয়ে যেতেন। পড়াশোনা শেষ ক'রে সাধারণতঃ রাত ক'রেই আবার ফিরে আসতেন। তখন মিঃ ফ্রেণ্ড ফিরে আসতো। উভয়ে ব'সে কিছুক্ষণ গল্প-গুজব ক'রতেন। তারপর একত্রে ব'সে আহার শেষ ক'রে একই ঘরে পাশাপাশি শয্যায় আশ্রয় গ্রহণ ক'রতেন।

মেয়েটিকে শরৎচন্দ্র পূর্বেই চিনতেন! তাকে দেখেই শরৎচন্দ্রের শরীরটা রি রি ক'রে উঠলো। জিজ্ঞাসা ক'রলেন, এ এখানে কেন গায়ত্রীদেবী?

শশাঙ্কমোহন পাঠিয়েছেন! সংক্ষেপে উত্তর দিয়ে গায়ত্রী চেয়ারটা এগিয়ে দিল। ব'ললো, বসুন!

শরৎচন্দ্র শশাঙ্কমোহনের নাম শুনেই ক্রোধাক্ত হ'য়ে প'ড়লেন। লোকটিকে তিনি ভাল ক'রে না চিনলেও তার চালচলন ও কথাবার্তার মধ্যে এমন একটা কপটতা ও মোহাক্ততা লক্ষ্য

ক'রেছিলেন যে, বার সংস্পর্শে গায়ত্রীর মঙ্গল কোনদিনই সম্ভব হ'তে পারে না !

মেয়েটি সেই ফাঁকে আত্মগোপনের চেষ্টা ক'রলো ।

শরৎচন্দ্র বা গায়ত্রী কেউ তাকে বাধা দিলেন না। বরং একটা স্বাস্থ্যের নিঃশ্বাস ফেলে, উভয়েই খানিকটা হাঁপ ছেড়ে বাঁচলেন ।

গায়ত্রী ফিরে এলো এক কাপ চা হাতে নিয়ে । ব'ললো, দাঁড়িয়ে বসেই কেন ? বসুন !

শরৎচন্দ্র নিঃশব্দে তার হাত থেকে চায়ের কাপটি নিয়ে চেয়ারে শান্ত শিশুর মত বসে প'ড়লেন । গায়ত্রী সন্ধ্যা-প্রদীপটা জেলে দেবতার উদ্দেশ্যে প্রণাম ক'রে ফিরে এলো । চোখে-মুখে ফুটে উঠেছে একটা ক্লান্তি ও বিবাদের ছায়া ।

শরৎচন্দ্র গায়ত্রীর সমস্ত খবর পেয়েছিলেন নন্দহুলালের মা'র চিঠি মাঝকৎ । গায়ত্রীও অকপটে ব'লেছে তার জীবনের সমস্ত দুঃখের কাহিনী । এতটুকু গোপনতা সে রাখেনি । ফলে, শরৎচন্দ্রের শ্রদ্ধা ও প্রীতি বেড়েছে বই তিলার্দ্ধও কমেনি । ব্যথিত স্বরে ব'ললেন—তোমায় এত বিষয় দেখাচ্ছে কেন গায়ত্রীদেবী ?

গায়ত্রী উত্তর দিল না । গ'ও বেয়ে গড়িয়ে প'ড়লো ফোঁটা কয়েক জল । তার নারী-জীবন-সমুদ্রে যে রুদ্ধ কুস্মটিকা দানা বেধে উঠ'ছে, তা' সম্পষ্ট অসুভব ক'রলেও, অবোধে প্রকাশ ক'রতে কণ্ঠস্বর তার বারে বারে রুদ্ধ হ'য়ে আসে ! হৃৎপিণ্ড বেদনায় ছিন্ন ভিন্ন হ'য়ে বায়, তবুও ত বহিঃ-প্রকাশের পথ সে খুঁজে পায় না ! সে যে নারী—তার আজন্মের সংস্কারের বেড়া জালে, গুন্মের মরা ছাড়া মুক্তির দ্বিতীয় পথ ত কোথাও আজ আর তার খোলা নেই !

শরৎচন্দ্র চিনেছিলেন তাঁকে । তাই তিনি বিষম্ব ও শক্তি গায়ত্রীকে প্রকৃতিস্থ করার উদ্দেশ্যে পাশের ঘর থেকে হারমোনিয়মটা বার ক'রে

নিম্নে এসে, সেই ক্ষুদ্র ও সঙ্কীর্ণ বারান্দায় দাঁড়িয়ে গাইতে শুরু
ক'রলেন—

“আমার সাধ না মিটিল—আশা না পূরিল,

সকলি ফুরায়ে যায় মা !

জনমের শোধ ডাকি গো “মা” তোরে ৫

কোলে তুলে নিতে আয় মা !

পৃথিবীর কেউ ভাল ত বাসে না

এ পৃথিবী ভাল বাসিতে জানে না

যেথা আছে শুধু ভাল বাসাবাদি

সেথা যেতে প্রাণ চায় মা !

বড় দাগা পেয়ে বাসনা তাজেছি,

বড় আলা স'য়ে কামনা তুলেছি,

অনেক কেঁদেছি, কাঁদিতে পারি না

বুক ফেটে ভেঙে যায় মা !

স্বরগ হইতে আবার জগতে

(আমায়) কোলে তুলে নিতে আয় মা !

[ব্রঃ দেঃ শঃ হইতে গৃহীত]

ভাবে বিভোর গায়ত্রীর চোখ দু'টো জলে ভ'রে উঠলো। ছোট
ঠাকুর ঘরের মধ্যে আলুখালু বেশে ছুটে গেল সে। বার বার কাতরতা
প্রকাশ ক'রলো—আমায় তুমি সেই পথই দেখাও মা !

*

*

*

সহসা ক্রোধ অস্থূহ হ'য়ে প'ড়লো ! শরৎচন্দ্র তাকে হাসপাতালে ভর্তি
করিয়ে অপারেশনের ব্যবস্থা ক'রে দিলেন। নিজেই তার সেবা-শুশ্রূষা
ক'রতে লাগলেন।

একটু স্নহ হ'য়ে ফ্রেণ্ড বাসাঘ ফিরে এলো। শরৎচন্দ্র ও গায়ত্রীর অক্লান্ত ঐকান্তিক সেবায় ধীরে ধীরে আরোগ্যের পথে অগ্রসর হ'তে লাগলো। কিন্তু শশাঙ্কমোহন সে সুযোগের অপব্যবহার ক'রলো না। দয়ালু মনিবের মুখোশ প'রে বার বার বাওয়া-আসা সুরু ক'রলো। সেইসঙ্গে মনের কামনা পরিতৃপ্তির সুযোগও সন্ধান ক'রতে লাগলো।

একদিন শশাঙ্কমোহন ব'ললেন—এ অবস্থায় ওঁর কিছুদিন বিশ্রাম নেওয়ার একান্ত প্রয়োজন! আমার ইচ্ছা উনি বরং কিছুদিন দেশে ঘুরে আসুন! জ্ঞা, মা ও আত্মীয়স্বজনের পরিবেশে শিগ'গীর স্নহও হ'য়ে উঠ'তে পারবেন।

কথাটার কেউ প্রতিবাদ ক'রলেন না।

বাওয়া স্থির হ'য়ে গেল। ফ্রেণ্ড রোগমুক্তির শুভ আশা ও আকাঙ্ক্ষা নিয়ে পাড়ি দিলেন ক'ল্কাতায়। শরৎচন্দ্র ও গায়ত্রী তাকে জাহাজে তুলে দিয়ে বাসাঘ ফিরে এলেন।

ফ্রেণ্ড বাওয়ার পরদিন একটি হিন্দুস্থানী দরোয়ান এসে একখানা চিঠি দিয়ে গেল।

গায়ত্রী চিঠিখানা খুলে দেখলো, শশাঙ্কমোহন লিখেছে : আপনার ধরম পুত্রের ইচ্ছা -আমার বাসাঘ এসে থাকেন। কোন অসুবিধা হ'বে না, সমস্ত ব্যবস্থাই আমি ক'রে রেখেছি। শুধু তৈরী থাকুন, আমার লোক যাচ্ছে আপনাকে নিয়ে আমার উদ্দেশ্যে।

গায়ত্রী মাথায় হাত দিয়ে ব'সে প'ড়লো মেঝের ওপর। এখন উপায় ?

কয়েক মিনিট পরে কড়াটা পুনরায় নড়ে উঠলো। গায়ত্রী তখন অকুল সমুদ্রে একটা কুটোর আশায় হাতড়ে বেড়াচ্ছে। তাবলো, হুপুরে

পাশের মিস্ত্রীপল্লীর মেয়েরা যেমন প্রায়ই তার 'কাছে বেড়াতে আসে, সুখদুঃখের গল্প ক'রে, হয়তো-বা তাদেরই কেউ তেমনি এসে থাকবে ! আর কিছু না হোক এই হীন বড়বন্ধ ও অপমানের হাত থেকে ত মুক্তি পাবে কিছুক্ষণ !

গায়ত্রী দরজা খুলে দিল সরল দিখাসে । ভেতরে এলো সেই মেয়েটি । মুখে তার বাঁকা হাসি—চোখের পাতাগুলোতে রহস্তের ছায়া নাখানো । হাতে এক থালা মিষ্টি । ব'ল্লো, আর দেবী কেন বাপু, নাজগোজ সেরে নাও । বাবু এলেন ব'লে !

গায়ত্রীর ক্রোধে, অপমানে সারা শরীরটা কাঁপতে লাগলো । নিজেকে প্রকৃতিস্থ ক'রতে তার বেশ কিছু সময় লাগলো । তারপর ক্রুদ্ধ কণিনার মত রুখে দাঁড়ালো, যাও বেরিয়ে যাও—

মেয়েটিও নাছোড়-বান্ধা । ঠোঁটের কোণে মিষ্টি হাসি ফুটিয়ে ব'ল্লো—বাবো কিগো ? বাবু যে জলখাবার পাঠিয়েছে—গাড়ী এলো ব'লে !

গায়ত্রী দন্ডো না । ধমক দিল, যাও—এখান থেকে !

শরৎচন্দ্র ঠিক সেই সময়ে সম্মুখে এসে দাঁড়ালেন । সমস্ত চক্রান্তের খবর পূর্বেই তিনি পেয়েছিলেন । তাই অফিস বাওয়া বন্ধ ক'রে তাঁর দলবল তিনি তৈরী রেখেছেন । একটা বোঝাপাড়া ক'রে নেওয়াই তাঁর শেষ উদ্দেশ্য ।

শরৎচন্দ্রের উদ্ভাস্ত চেহারা দেখে গায়ত্রী আরও ভীত ও সন্ত্রস্ত হ'য়ে উঠলো ।

শরৎচন্দ্র ব'ল্লেন, নিঃসহায় অবস্থায় তোমার আর এখানে থাকা উচিত হ'বে না গায়ত্রী ! আমার সঙ্গে তুমি চলো ।

গায়ত্রী কিংকর্তব্যবিমূঢ় হ'য়ে পড়েছিল । শরৎচন্দ্র তার এই 'অবস্থাটাকে সহজ ও সরল ক'রে নেওয়ার আশায় ব'ল্লেন, ভয় কি

গায়ত্রী ? তুমি ত আমায় চেন ! তা'ছাড়া লোকলজ্জার কথা ভাব'ছো ! সে পথও ত মুক্ত আছে ! আজকাল বিধবা বিবাহের প্রচলন আছে— তাতেও যদি সমাজে আমাদের স্থান না হয়—বৈষ্ণব ধর্ম আমরা সহজেই গ্রহণ ক'রতে পারবো ।

গায়ত্রী শরৎচন্দ্রের পায়ে প'ড়ে গেল । সাক্ষ নয়নে ব'ল্লো, কেন আমার লজ্জা দাও শরৎদা—জানতো ঝরা ফুলে দেবতার পূজা হয় না !

শরৎচন্দ্র গায়ত্রীকে পায়ের কাছ থেকে তুলে সম্মুখে বেতের মোড়বে বসালেন । নিজে নতজাহ্ন হ'য়ে ব'সে মাথার চুলগুলো ঠিক ক'রে দিতে দিতে ব'ল্লেন, আমায় ভুল বুঝো না গায়ত্রী ! যে বড়বন্ধ তোমার পিছনে চ'লেছে তার হাত থেকে তোমায় বাঁচাতে আমি চেয়েছিলাম । তুমি সুখী হও—সুখে ও সসম্মানে থাকো - এই আমার একমাত্র কামনা ! তার বেশী আমি চাইনি । চাইবোও না কোনদিন ।

বাইরে ষোড়ার গাড়ীর বেল বেজে উঠ'লো । শরৎচন্দ্র ভাবলেন শশাঙ্কমোহন হয়ত উপস্থিত হ'য়েছে । বাইবে উকি দিয়ে দেখলেন, গাড়ী থেকে নাম'ছে কুঞ্জবাবুর দরোয়ান, সঙ্গে আরও কয়েকজন লোক ।

অনুমান ক'রে নিলেন কোন হিতৈষী বন্ধু বোধ হয় কুঞ্জবাবুর বাড়ীতে খবর দিয়েছে, তাই রক্তপাত এড়ানোর এই সুব্যবস্থা ! শরৎচন্দ্র নিঃশব্দে নেমে গেলেন !

দূরে শশাঙ্কমোহনের গাড়ী দাঁড়িয়েছিল সুবোধের অপেক্ষায় । শরৎচন্দ্রের দলও তৈরী হ'য়ে অপেক্ষা ক'রছিল কোণের একটা পাশে ।

কুঞ্জবাবুর স্ত্রী (দিদি)-র চিঠিখানা পেয়ে গায়ত্রী সেই আলুখালু বেশেই গাড়ীতে উঠে বসলো ।

গাড়ীর দরজা বন্ধ হ'য়ে গেল । গাড়ী ছুটলো ।

শরৎচন্দ্র একটু দূরে দাঁড়িয়েছিলেন । গাড়ীটা সহসা তার পাশে গিয়ে

কয়েক মিনিট থামলো। গায়ত্রী গাড়ীর দরজা খুলে মুখখানা বাড়িয়ে ব'ললো, আমার জন্তে ভেবো না শরৎদা—যিনি সর্বশক্তিমান তাঁর উপরেই নির্ভর ক'রতে দাও!

কথা শেষ হওয়ার সঙ্গে সঙ্গেই গায়ত্রীর গণ্ড বেয়ে কয়েক ফোঁটা জল গড়িয়ে প'ড়লো!

গাড়ী পুনরায় চ'লতে শুরু ক'রলো। শরৎচন্দ্র গায়ত্রীর মুখের দিকে তাকালেন। গায়ত্রী মুখ বাড়িয়ে হাত দুটো তুলে নমস্কার জানালো।

কয়েক সেকেন্ড পরেই গাড়ীটা মোড় ঘুরে ছুটে বেরিয়ে গেল।

শরৎচন্দ্র একটা স্বস্তির শ্বাস ছেড়ে ধীরে ধীরে এগিয়ে চ'ললেন। ভাবলেন—এটাই হ'ল বোধ হয় সকলের চেয়ে ভাল!...

*

*

*

পার্কভীকে হারানোর ব্যথা প্রায় তিনি ভুলে এসেছিলেন গায়ত্রীর সন্নিধানে। কিন্তু সেই পুরানো ব্যথাটাই আজ তাঁকে নতুন ক'রে পেয়ে ব'সলো। তিনি তাঁর সেই পূর্বের জীর্ণ ও অপরিচ্ছন্ন আস্তানার মধ্যে ফিরে এলেন। বহুদিনের অব্যবহৃত আরাম-কেদারটায় হেলান দিয়ে গুণ্ গুণ্ ক'রে গান ধ'রলেন—

“এই ক'রেছো ভাল নিঠুর

এই ক'রেছো ভালো

এমনি ক'রে হৃদয়ে মোর

তীব্র দহন জালো।

আমায় এ ধূপ না পোড়ালে

গন্ধ কভু নাহি ঢালে,

আমায় এ দীপ না জ্বালালে

দেয় না কভু আলো

এই ক'রেছো ভালো।...”

ছবি আঁকার সখ তাঁর ছিল ! এবার সেই নেশাই তাঁকে গভীর ক'রে পেয়ে ব'সলো । গায়ত্রী কয়েক দিন পরেই এলাহাবাদে তাঁর মামার কাছে রওনা হ'য়ে গেল, কিন্তু তার বিচ্ছেদ-বেদনাটাকে তিনি সম্পূর্ণরূপে কাটিয়ে উঠতে পারলেন না । সেই বিরহ-বেদনা-কাতর অন্তরের গভীরতা, তুলির প্রতিটি আঁচড়ের মধ্যে এমন একটা গভীর ছায়াপাত ক'রে গেল যে, দর্শকমাত্রেই সেই চিত্রটির প্রশংসায় মুগ্ধ হ'য়ে উঠলো ।

চিত্রটি ছিল মহেশ্বতীর ছবি । পূত প্রেমের পরশ তার পবিত্রতাকে উজ্জ্বলই ক'রেছিল—স্নান ক'রে দেয়নি ।—তাই শরৎচন্দ্র সেটিকে বহুদিন সযত্নে বাঁধিয়ে রেখেছিলেন শয়নকক্ষের মধ্যে ।

* * * *

মদের নেশা তিনি ধ'রেছিলেন ভাগলপুরে । রেঙ্গুনে পা দিয়ে তার সাতাটা বেড়েছিল । এক বিন্দুও কমেনি । একদিন সন্ধ্যায় ব'সে আনমনে তামাক টানছেন, একটি বন্ধু এসে খবর দিলেন, কে এক গোয়ানিচ্ সাহেব,—সারা এশিয়াটাকে চ্যালেঞ্জ ক'রেছেন মদের নেশায় !

কথাটা ঠিকমত বুঝতে না পেরে তিনি তাঁর মুখের দিকে তাকাতে তিনি পুনরাবৃত্তি ক'রলেন—গোয়ানিচ্ সাহেব চ্যালেঞ্জ ক'রেছেন—সারা এশিয়ায় এমন কেউ নেই যে, তাঁর সঙ্গে মদের নেশায় প্রতিযোগিতা চালাতে পারে ।

শরৎচন্দ্র খাড়া হ'য়ে ব'সলেন । ব'ললেন—তুমি তাকে চেনো ?

বন্ধুটি মাথা হুলিয়ে উত্তর দিলেন—বাসাটা চিনি !

শরৎচন্দ্র নলটা মেঝের ওপর ছুঁড়ে ফেলে দিয়ে উঠে দাঁড়ালেন । ব'ললেন, চলো দেখে আসি—কেমন সাহেব সে !

মাইনে কয়েক দিন পূর্বেই পেয়েছেন । স্মরণে টাকার অভাব

ছিল না সেদিন। সোজা সাহেবের বৈঠকখানায় ঢুকে ব'ললেন, তোমার কথা শুনে বাজি লড়তে এলাম সাহেব। দেখি কে জেতে? এশিয়া না ইউরোপ?

সাহেব শরৎচন্দ্রের মুখের দিকে তাকিয়ে অট্টহাসিতে ফেটে প'ড়লো—কালো আদমি বলে কি?

শরৎচন্দ্র ব'ললেন, সেই উত্তরই দিতে এসেছি সাহেব। চলো, একটা বারে গিয়ে বসা থাক্।

সাহেব সঙ্গে সঙ্গে রাজী হ'য়ে গেল। ব'ললো—চলো—

পথে নেমে শরৎচন্দ্র ব'ললেন, একটা কিন্তু কথা আছে সাহেব—

সাহেব তখন মেজাজে আছে। ব'ললো, বোলো—

শরৎচন্দ্র ব'ললেন, তোমার যশ আর টাকা অনেক সাহেব। তুমি ধৈর্যে বিলেতী—আমি দেশী লোক—খাবো কিন্তু দিশী!

সাহেব সানন্দে উত্তর দিল, বহত্ আচ্ছা!

*

*

*

তিন তলার একটা হলঘরে ব'সে ছ'জনের প্রতিযোগিতা শুরু হ'ল। নীচে নাচ, গান ও হল্লা চ'লেছে অবাধ গতিতে। উপরে ছ'জনে শেষ ক'রে চ'লেছেন পেগের পর পেগ।

রাত তিনটে বেজে গেল। বেয়ারাগুলো ক্লান্ত হ'য়ে প'ড়েছে! ঘুমে তাদের চোখ ঢুলু ঢুলু। কয়েক মিনিট অন্তর অর্ডার আসছে, আউর এক বোতল!

ঘুমের ঝাঁকে বোতল পাল্টা পাল্টি হ'য়ে গেল। শরৎচন্দ্রের ভাগে প'ড়লো বিলীতি মদ আর সাহেবের ভাগে প'ড়লো দিশী ধেনো। কোনদিন খাওয়া অভ্যাস নেই। ছ'পেগ খাওয়ার পর “উকি”

উঠতে লাগলো। তিন পেগ খাওয়ার পর বমি শুরু হ'ল। কয়েক সেকেন্ডের মধ্যে সাহেব গড়িয়ে প'ড়লো মেঝের ওপর।

সবাই ছুটে এলো। দেতে তার প্রাণ নেই। একে সাহেব—তার উপর গেছে মারা—সশব্দে দরজাটা বাইরে থেকে বন্ধ ক'রে দিয়ে প্রাণভয়ে যে যেদিকে পারলো ছুট্ দিল। শরৎচন্দ্র নিরুপায়ে জান্নার কাঁচ ভেঙ্গে পাশের দোতলার চালে লাফিয়ে প'ড়লেন। নর্দমার পাইপ্ বেয়ে নীচে নেমে ছুটতে শুরু ক'রলেন ষ্টেশনের দিকে।

গাড়ী একটা দাঁড়িয়েছিল। কোন কিছু বিবেচনার পূর্বেই উঠে ব'সলেন তিনি। কয়েক মিনিট পরেই গাড়ীটা ছেড়ে দিল। ভোরের ঠাণ্ডা হাওয়ায় আরামে ঘুমিয়ে প'ড়লেন কিছুক্ষণ।

কোলাহলে ঘুম ভেঙে গেল। দেখলেন, গাড়ী পেশু ষ্টেশনে দাঁড়িয়ে আছে। বিন্দুমাত্র সময়ের অপব্যয় না ক'রে তিনি নিঃশব্দে নেমে এলেন প্র্যাটফর্মে।

কয়েকদিন পরে পুনরায় তিনি রেঙ্গুনে ফিরে এলেন। তখন সবকিছু ধামা চাপা প'ড়ে গেছে। অল্পসন্ধানে জানলেন, মাতাল সাহেবের মৃত্যু নিয়ে কোন হৈ-চৈ হয়নি বরং সকলে এটাকে একটা ধর্মব্যয়ের বাইরে ফেলে নিজেদের কাজেই মন দিয়েছে।

*

*

*

*

পাবলিক ওয়ার্কস একাউন্টসের অফিস একাউন্টেন্ট জেনারেল অফিসের সঙ্গে যুক্ত হ'য়ে গেল (১৯১১-১২)। মনি মিত্র ম'শায়ের সহায়তায় ফেব্রুয়ারী মাসে শরৎচন্দ্র রেঙ্গুন অফিসে বদলী হ'য়ে এলেন। এখানে এসে তিনি মন স্থির ক'রে কাজ ক'রতে শুরু ক'রলেন। কিন্তু স্বাধীনচেতা লোকের কি চাকুরীতে পোষায়—না তা' সম্ভব কোনদিন? একদিন সামান্ত কারণে “উইলস” নামে এক সাহেবের সঙ্গে ঝগড়া বেধে

গেল। শরৎচন্দ্র মুখের লড়াই ছেড়ে পটাপট নাকে ঞ্জটিকর ঘুবি বসিয়ে মোজা লম্বা দিলেন বাটাভিয়ার।

সেখানে গিয়েও কি তাঁর স্থির হওয়ার অবকাশ এলো? ক্রান্তিতে দেহটা বোকা হ'য়ে উঠেছে। সামনের বেঞ্চটায় ব'সতে গেলেন— একটা মুসলমান সেপাই এসে তাঁকে ধাক্কা দিয়ে তুলে দিল। ব'ল্লো— সাহেব লোগ'কো আরামকে লিয়ে—তোম' লোগ'কো আসতে নেই হায়!

অপমানে ক্রোধে শরৎচন্দ্র সঙ্গে সঙ্গে দিশেহারা হ'য়ে প'ড়লেন। রেঙ্গুন ছেড়ে পালিয়ে এলেও মনের ঝাল তাঁর এখনও মেটেনি—তার উপর এই বর্ণবিষম্য! বিনা উত্তরে সশব্দে তার নাকে-মুখে-চোখে চোখের পলকে বসিয়ে দিলেন কয়েকটা ঘুবি!

সেপাইটা প্রস্তুত ছিল না। হঠাৎ আক্রমণের তাল সাম্ভাতে না পেরে চিৎ হ'য়ে প'ড়ে গেল মাটিতে। শরৎচন্দ্র সেই অবসরে প্র্যাটফর্মের বাইরে দিলেন ছুট্।

সামনে প'ড়লো একটা খাবারের দোকান। চুপি চুপি সেখানে ঢুকে নিতান্ত ভাল মানুষের মত এক পেট খেয়ে নিলেন প্রথমে। তারপর বেরিয়ে এলেন বাইরে। গুগুগোল তখনও চুকেনি! আরও একদল সেপাই এসে গেছে সেখানে। উপরওয়ালা সাহেবের দলও যে যার আসন ছেড়ে নেমে এসেছে। কুলি থেকে টিকিট কলেক্টার পর্যন্ত সকলেই ব্যস্ত—জোর অল্পসন্ধান চ'লেছে। শরৎচন্দ্র সেই সুযোগে একটা টিকিট কিনে, রেল লাইন ধ'রে পিছন থেকে একটা কাম্রায় উঠে আসন ক'রে নিলেন।

*

*

*

ভেবেছিলেন হয়ত চাকরীতে একটা গুগুগোল দেখা দেবে কিন্তু রেঙ্গুনে পা দিয়েই বুঝতে পারলেন কাগা আদমীর ঘুবিটা উইল্‌সনসাহেব

হজম ক'রে নিতে বাধ্য হ'য়েছে—মিতির সাহেবের ভয়ে। কারণ, গালাগালি ক'রেছিল সে প্রথমেই—অতএব অপরাধী সে নিজেই। অবশ্য এই জুলুমবাজিটা তার পেশায় পরিণত হ'য়েছিল। কারণ সকলেই নীরবে ঐ অভ্যাসের এসেছিল স'য়ে—সুতরাং কোন কালা আদমী যে তার গায়ে হাত তুলতে পারে সে বিশ্বাস তার ছিল না। তাই আপন সমাজে প্রতিপত্তি বজায় রাখার উদ্দেশ্যেই এই বিষয়টিকে আমলের মধ্যেই আনুলো না। শরৎচন্দ্রও নিশ্চিত মনে কাজে মনোযোগ দিলেন। দেখলেন—ব্যাপারটা এখানেই শেষ হ'য়ে যায়নি—সাহেব থেকে বেয়ারা পর্যন্ত সবাই যেন তাঁকে সমীহ ক'রে চ'লতে চেষ্টা ক'রছে। মনে মনে ভাবলেন—সত্যি লাঠির মত ওষুধ—এ ছুনিয়ায় আর দ্বিতীয় আবিষ্কৃত হয়নি !

* * * *

মাসের মাহিনা হাতে পেলেই বন্ধুদের সঙ্গে পাড়ি দিতেন একটু-আধটু আনন্দ লাভের আশায়। নির্দিষ্ট স্থানের কোন স্থিরতা ছিল না—যখন যেখানে খুশী, দল বেঁধে যেতেন, হৈ-টৈ ক'রে রাত কাটিয়ে ফিরে আসতেন বাসায়। তারপর শুরু হ'ত বাঁধা কুটিনের কাজ—অফিস যাওয়া—খাওয়া—লাইব্রেরীতে পড়াশুনা করা—এমনি আরও কত কি !

সেবার একটু দূরে পাড়ি দেওয়ার ইচ্ছা হ'য়েছিল সকলের। পরপর তিনদিন ছুটি। কেরানী-জীবনের অক্ষয় স্বর্গলাভ ! জাহাজ আকিয়াবে গিয়ে থামলো। সবাই মিলে নেমে গেলেন স্বনামধন্য এক পতিতার আলয়ে।

বয়স কুড়ি কি বাইশ। যেমন রূপ, তেমনি তার দেহের গঠন। বাসন্তী নামে পরিচিত সে।

নাচ, গান ও নেশার মধ্যে রাত্রিটা যে কেমন ক'রে কেটে গেল—তা' বোঝার অবসর পে'ল না কেউ।

ভোরের পাখী ডেকে উঠলো। বাসন্তী বিদায় নিলো। যে যেখানে পাখীলো একটু স্থান ক'রে নিয়ে, এলিয়ে প'ড়লো নিদ্রাদেবীর কোলে।

বেলা বারোটায় একে একে উঠে ব'সলেন। তিনটায় জাহাজ ছাড়বে—তৈরী হ'য়ে নিতে হ'ল চটপট।

সবাই নীচে নেমে এলো। শরৎচন্দ্রও নামুছেন—সহসা বাসন্তী এসে তাঁর পথরোধ ক'রে দাঁড়ালো। একগাল হেসে ব'ললো—যাচ্ছো ত কিন্তু পাথের সন্ধান ত ক'রলে না?

শরৎচন্দ্রের হাঁস ছিল না। বাসন্তীর কথায় পকেটে হাত দিয়ে দেখলেন ব্যাগ নেই। চকিতে মুখখানা শুকিয়ে তাঁর এতটুকু হ'য়ে গেল। বাসন্তী হাসিতে ফেটে প'ড়লো। ব'ললো—ভাগ্যে আমার চোখে প'ড়েছিল—নইলে কি হ'তো বলতো? সারা মাস নিরঙ্কুশ উপবাস? ব্যাগটা এগিয়ে দিয়ে ব'ললো—এই নাও!

শরৎচন্দ্র ব্যাগটা পকেটে রাখতে ব্যস্ত হ'য়ে উঠলেন। বাসন্তী শরৎচন্দ্রের হাতখানা চেপে ধ'রে ব'ললো—গুণে নিলে না?

শরৎচন্দ্র ব'ললেন—প্রয়োজন বোধ করিনে বাসন্তী।

বাসন্তী বিষ্ময়ে ফেটে প'ড়লো। ব'ললো—না—না। আমরা যে বেক্ষা—এতখানি বিশ্বাস কি আমাদের ক'রতে আছে?

শরৎচন্দ্র উত্তরে মুহূ হাসলেন। ব'ললেন—তোমাদের মত বিশ্বাসীই বা জগতে কে আছে বাসন্তী? যদি সত্যি তোমরা অসৎ হ'তে—হাসি-মুখে কি কেউ এস্থান থেকে ফিরে যেতে পারতো?

বাসন্তী বাধা দিয়ে ব'ললো—কি যে বল ঠাকুর!

শরৎচন্দ্র ব'ললেন—ঠিকই ব'লছি বসন। যতটুকুর প্রয়োজন, তার একটুও বেশী তোমরা চাওনা। সেইটাই ত সকলের চেয়ে বড় সত্য।

শরৎচন্দ্র আর দাঁড়ালেন না। বেরিয়ে এলেন হাসিমুখে।



মহামতি গোথ্লে এলেন রেস্কুনে। প্রবাসী ভারতীয়ের দল মুখর হ'য়ে উঠলো। শরৎচন্দ্রও তাঁদের দলে নাম লেখালেন কিন্তু পাঁচজনের মত তাঁর সম্মুখীন হ'লেন না। বেঙ্গল সোসাইয়াল ক্লাব যখন তাঁর জন্য একটি প্রীতি ভোজের আয়োজন ক'রুলো—তিনি তখন সেই ভীড়ের মধ্যে থেকে তাঁকে একটিবার দেখে নিঃশব্দে এলেন বেরিয়ে।

পাশের একটি বন্ধু জিজ্ঞাসা ক'রুলেন—একি শরৎদা, পালালে যে ?
 তাঁকে এত প্রশ্না করো—তাঁর মুখোমুখি হ'তে চাওনা বুঝি ?

উত্তরে শরৎচন্দ্র মৃদু হাসলেন। ব'ল্লেন—প্রশ্না দূর থেকেই নিবেদন ক'রতে হয় ভাই—নইলে সেটা যে উচ্ছ্বাসে পরিণত হয় !

* * * *

লাটপ্রাসাদের ভেতরটা দেখার সখ ছিল শরৎচন্দ্রের। একদিন সে স্ববোগ মিলে গেল। গিরীনবাবু ছিলেন গভর্নমেন্টের কন্ট্রাক্টর। সন্ধ্যা গেলেন ভেতরে। লাটসাহেব তখন অল্প প্রাসাদে আশ্রয় নিয়েছেন। রং আর অল্প ছোটখাটো অদল বদলের কাজ তখন চ'লছে সেখানে।

ভেতরের বাগানটি দেখে শরৎচন্দ্র মুগ্ধ হ'য়ে প'ড়লেন। সেই শিশির-ভেজা দুর্কীঘাসের উপর খানিকটা ছুটে নিলেন। তারপর ভেতরে গিয়ে একবার শয্যায় একটু গড়িয়েও নিলেন।

সহসা মালিটা সেই সময়ে একটা সেলাম দিয়ে সামনে এসে দাঁড়ালো। শরৎচন্দ্র উঠে ব'সলেন। জিজ্ঞাসা ক'রুলেন, ব্যাপার কি ?

মালি ব'ল্লো—বাবু, সেলাম দিতে একটু ভুল হ'য়ে গিয়েছিল ব'লে সায়েব আমায় বরখাস্ত ক'রে দিয়েছেন—একটু দরখাস্ত লিখে দিতে হবে !

শরৎচন্দ্র শয্যা ছেড়ে সোজা সেক্রেটারীর টেবিলে গিয়ে ব'সলেন।

একটি মরখাস্ত লিখে দিয়ে ব'ল্লেন—খোদ লেডি সাহেবের হাতে দিও, চাকরি তোমার আর নড়্‌চড়্‌ হ'বে না !

মালি খুশী হ'য়ে ফিরে গেল। কয়েক মিনিট পরে পুনরায় ফিরে এলো। হাতে তার সুন্দর একটি ফুলের তোড়া। ব'ল্লো, এটি যদি নেন—

শরৎচন্দ্র হেসে উঠলেন। ব'ল্লেন, ঘৃষ্ণ বৃষ্টি !

মালি জিত্‌ কেটে সলজ্জ হাসি হেসে ব'ল্লো, না বাবু ! আপনার গান যে শুনেছে, সে কি আপনাকে সহজে ভুলতে পারে ?

শরৎচন্দ্র হাসিতে ফেটে প'ড়লেন। ব'ল্লেন—ও বুঝেছি ! তুমি তা' হ'লে পরমহংস ভজ্ঞার দলের লোক ? আর ভয় নেই, চাকরী তোমার বাবে না !

* * * *

পাগলা গারদের পাশ দিয়ে যেতে যেতে ভেতরে চোঁকর সখ হ'ল। পাশেই ছিলেন গিরীনবাবু। ব'ল্লেন, এটাতে বৃষ্টি তোমার দয়া পাওয়া যায় না ?

গিরীনবাবু লজ্জিত হ'য়ে প'ড়লেন। ব'ল্লেন—কি যে তুমি বল শরৎদা ! বেশ ত' চল না ভেতরে, একবার ঘুরে আসা যাক !

ভেতরে গিয়ে কিন্তু শরৎচন্দ্র স্থির থাকতে পারলেন না। তাঁর অন্তরটা আকুলি বিকুলি ক'রতে লাগলো। কেউ হাসছে, কেউ কাঁদছে, কেউ খেই খেই ক'রে নাচছে, কেউ-বা গলায় ফাঁস লাগিয়ে টানাটানি ক'রছে, কেউ আবার মেঝের উপর শুয়ে সঁাতার কাটছে। শরৎচন্দ্রের অন্তর ব্যাকুল হ'য়ে উঠলো। নিজের অজ্ঞাতেই চোখ দিয়ে তাঁর দম্‌ দম্‌ ক'রে জল গড়িয়ে প'ড়তে লাগলো।

* * * *

যে বাসায় থাকতেন, তার নীচের তলায় একটি খুঁটান বুড়ো বাস ক'রতো। লেখাপড়া বোধ হয় বিশেষ কিছু জানতো না—ফিটার মিস্ত্রীর কাজ ক'রতো। তবে খুঁটান ব'লে মাইনেটা বোধ হয় বেশ কিছু মোটা রকমের পেতো। কিন্তু তার সবটুকুই ব্যয় হ'য়ে যেতো নেশার পিছনে।

সংসারে ছিল স্ত্রী ও একটি মেয়ে। শোনা যায়, আগে সে ছিল ব্রাহ্মণ, পরে খুঁটান মেয়েটিকে বিয়ে ক'রে খুঁটধর্মের প্রতি আকৃষ্ট হ'য়েছিল।

মেয়েটির নাম শান্তি। খুঁটধর্মাবলম্বী হ'লেও বাঙালী মেয়ের আভিজাত্য সে ত্যাগ করেনি। বাঙালীর সাজ-পোষাকই সে প'রতো। খীর, নম্র ও সুশ্রী। সংসারের কাজকর্ম প্রায় তাকেই একা ক'রতে হ'তো। মা অগর্ভ ব'ললেই চলে। সংসার সম্বন্ধে তিনি নির্বিকার। মাঝে মাঝে চার্চে যান, তার বেশী ক'রার বা দেখার শক্তিও তাঁর ছিল না।

শরৎচন্দ্র তাঁর মেঝের কাঠের ফাঁক দিয়ে নীচের সংসারের চিত্র লক্ষ্য ক'রে তাদের সুখদুঃখের সমস্ত খবরই তিনি রাখতেন অনায়াসে। একদিন অফিস থেকে ফিরছেন, শান্তি সামনে এসে দাঁড়ালো। ব'ললো, বামুনদা একটু ওষুধ দেবে ?

শরৎচন্দ্র নিজেই উপযাচক হ'য়ে নীচে নেমে গেলেন। দেখলেন, রোগী এসিয়াটিক কলেরায় আক্রান্ত হ'য়েছে। ওষুধ দিলেন। কিছুক্ষণ অপেক্ষার পর বুড়িও বমি শুরু ক'রলো। তাকেও তিনি ওষুধ দিলেন। বুড়ি সুস্থ হ'য়ে উঠলো কিন্তু বুড়ো মারা গেল ভোরের বেলা।

বেলা আটটায় মৃতদেহ বার করা হ'ল—বুড়ি মৃতদেহের উপর ঝাঁপিয়ে প'ড়লো—পরে দেখা গেল তিনিও পরলোকে যাত্রা ক'রেছেন। অবশেষে উভয়েরই মৃতদেহ সংস্কারের ব্যবস্থা ক'রতে হ'ল।

শান্তি একান্ত অসহায় হ'য়ে প'ড়লো। ক্রিমেন্টোরিয়াম থেকে ফিরে এলে শরৎচন্দ্র তাকে জিজ্ঞাসা ক'রলেন—কোথায় যাবে তুমি, শান্তি ?

শান্তির চোখের কোণ বেয়ে জল গড়িয়ে প'ড়লো। ব'ল্লো, তা'তো জানি না।

শরৎচন্দ্র সহানুভূতি প্রকাশে ব'ল্লেন, তুমি ছেলেমানুষ। আত্মায়-
স্বজন এখানে না থাকে বরং এইখানেই থাকো—আমি ত' র'য়েছি!

শান্তি উত্তর দিল না। নিঃশব্দে দরজা বন্ধ ক'রে ফোঁপাতে
লাগলো।

বহুকষ্টে দরজা খুলিয়ে শরৎচন্দ্র তার পাশে গিয়ে ব'ল্লেন।
লেবু আর পেঁপে নিজের হাতে ছাড়িয়ে দিয়ে ব'ল্লেন, খেয়ে নাও
শান্তি, তোমার ভয় কি? আমি ত আছি!

* * * *

শান্তি লেখাপড়া জানতো চল্লসই। তা' ছাড়া হাতের কাজে ছিল
সে দক্ষ। একে বয়স অল্প তার উপর সহজে কারও কাছে হাত পাতার
অভ্যাস তার ছিল না। প্রথম শোকের প্রতাপ একটু হাস হ'লে পর,
নিজেকে খাড়া ক'রে তুললো। ব'ল্লো—আমায় যদি কিছু কাজ সংগ্রহ
ক'রে দেন, একটা পেট আমার চ'লে যায় অনায়াসে!

শরৎচন্দ্র তা'র এই স্বাবলম্বী হওয়ার প্রচেষ্টাকে শ্রদ্ধার চোখে
দেখলেন। বন্ধুবান্ধবের কাছ থেকে জামা, সেমিজ, ব্লাউজের অর্ডারও
সংগ্রহ ক'রে এনে দিতে লাগলেন।

শান্তি সারাদিনে সেগুলো সেলাই ক'রে রাখে। শরৎচন্দ্র অবসর
সময়ে বন্ধুবান্ধবের কাছে পৌঁছে দিয়ে আসেন। এমন করেই দিন
তাদের কাটছিল ধীরে এবং সুস্থে। সহসা শরৎচন্দ্র পীড়িত হ'য়ে
প'ড়লেন। শান্তি আশ্রয় সেবা ও যত্নে তাঁকে সুস্থ ক'রে তুললো।
এই স্নেহ ও প্রীতির আদান-প্রদানের মধ্যে গ'ড়ে উঠলো উভয়ের মধ্যে
একটা গভীর বন্ধুত্ব।

রেক্সন সহরে প্লেগের মড়ক দেখা গেল। মিস্ত্রীপল্লীতেও সে সংক্রামক ব্যাধি ছড়িয়ে পড়লো। শান্তি ছুটলো তাদের সেবা ক'রতে। শরৎচন্দ্র বাধা দিলেন না, কিন্তু মনে মনে ক্ষুব্ধ হ'লেন।

শান্তি দিনের শেষে জ্বর নিয়ে ফিরে এলো। শরৎচন্দ্র চিকিৎসা শুরু ক'রলেন। শান্তি তাঁর স্নান ও গম্ভীর মুখের দিকে তাকিয়ে ব'ললো—তোমার মনে ব্যথা দিয়েছি, মঙ্গল আমার কোনদিন হ'তে পারে না। আমার ক্ষমা ক'রো তুমি!

শরৎচন্দ্র উত্তরে মুহূ হাসার চেষ্টা ক'রলেন। ব'ললেন—তুমি পীড়িত হও, সত্যই মনেপ্রাণে যেমন আমি চাইনি—কোন সংকাজে তোমায় কোন বাধাও আমি দিইনি! কারণ, ভাল ক'রেই তোমাকে চিনি—তার চেয়েও জানি তাদের দুঃস্বপ্নের কথা!

শান্তি নীরবে শুয়ে পড়লো। কিন্তু মাঝরাতে জ্বরটা আরও একটু উগ্রমুষ্টি ধারণ ক'রলো। গলায় অসহ্য বেদনা। বাকশক্তি সঙ্গে সঙ্গে রুদ্ধ হ'য়ে এলো। বুঝতে পারলেন শান্তি প্লেগে আক্রান্ত হ'য়েছে।

সহরের তখন ভয়াবহ অবস্থা। কেউ কারও দিকে তাকাবার অবসর পাচ্ছে না। শরৎচন্দ্র যথাসাধ্য তাঁর সেবা গুশ্রাবা ক'রতে লাগলেন। কিন্তু শান্তির জ্ঞান আর ফিরলো না।

শরৎচন্দ্র বাইরের সাহায্য প্রার্থনা ক'রলেন, কিন্তু সে কাল রোগে তাঁকে সাহায্য ক'রবে কে? আশ্রয়ক্ষার চেষ্টায় সবাই যে সেদিন দিশেহারা!

বেলা বারটার সময় একবার কয়েক মুহূর্তের জন্তে শান্তির জ্ঞান ফিরে এলো। শরৎচন্দ্রের মুখের দিকে কাতর নয়নে তাকিয়ে জড়তাভরা কণ্ঠে ব'ললো—তোমার কথার বহুবার অব্যাহত হ'য়েছি, ক্ষমা ক'রো। একটু থেমে ব'ললো—শেষ সময়ে একটু পায়ের ধুলো দাও!

শরৎচন্দ্রের চোখের পাতাগুলো সজল হ'য়ে উঠলো। মনে প'ড়ে

গেল অতীত জীবনের ছোট একটু কাহিনী। যখন তিনি নিজে ধোরতর অমুহু, শান্তি পাশে ব'সে মাথার চুলগুলো ঠিকভাবে বিভক্ত ক'রতে ক'রতে জিজ্ঞাসা ক'রেছিল—আমিও বামুনের মেয়ে, খাবে না আমার হাতে ?

উত্তরে সেদিন শরৎচন্দ্র শুধু স্নান হাসি হেসেছিলেন। শান্তি আপন মনে ব'লে গেল—মা মারা যাওয়ার পর বাবা ক্রীশ্চান বুড়িকে টাকার লোভে বিয়ে ক'রেছিলেন। খৃষ্টধর্মও অবলম্বন ক'রেছিলেন অবশেষে। বুঝলে বামুনদা, আমি কিন্তু মনেপ্রাণে বামুনের মেয়েই র'য়ে গেলুম, তার আর নড়চড় এতটুকু হ'ল না !

শরৎচন্দ্র তাকে কোনদিনই অবিশ্বাস করেননি। তাই জড়তা ভাঙিয়ে তার হাতের শুধু অন্ন গ্রহণ করেননি, সেবাও গ্রহণ ক'রেছিলেন অকপটে। তিনি জানতেন, মেয়েটি তাঁকে ভালবাসে মনেপ্রাণে,—একান্ত আপন ক'রে। তাই আজ যাত্রার শেষ পথে দাঁড়িয়ে—চাইলো শুধু পায়ের ধুলো—তার বেশী চাওয়ার প্রয়োজন বোধ আর সে ক'রুলো না !

সহসা মনে হ'ল দেহখানা যেন শান্তির শীতল হ'য়ে আসছে ! সচকিত হ'য়ে তার মুখের দিকে তাকালেন। দেখলেন, হাতখানা তাঁর হাতের উপর এলিয়ে প'ড়েছে। চোখে তার সতৃষ্ণ কাতর দৃষ্টি কিন্তু স্পন্দনহীন দেহ। শরৎচন্দ্র নিজেকে আর ধ'রে রাখতে পারলেন না। মৃতদেহের ওপর আছাড় খেয়ে, ব্যাকুল কণ্ঠে চীৎকার ক'রে উঠলেন—
শান্তি—শান্তি—কথা কও শান্তি—

উত্তর এলো না—শুধু প্রতিধ্বনিটা বার বার ঘুরেফিরে বেড়াতে লাগলো।

*

*

*

বহুবাক্যের কাছে নিজ জীব পরিচয় দিয়ে শান্তির মৃতদেহ সৎকারের জন্তে শ্মশানঘাটে নিয়ে এলেন। সেই সময় এক সন্ন্যাসী তাঁকে খুব

সাহায্য ক'রলেন। তিনিই নিজেই শব্দাহার সমস্ত বন্দোবস্ত ক'রেদিলেন।
চিঠা জলে উঠলো। শরৎচন্দ্র ব্যাকুল হ'য়ে উঠলেন।

সন্ন্যাসী তাঁকে সাহসনা দেওয়ার উদ্দেশ্যে গাইলেন—

আমি শুধু রইছ বাকী !

যা' ছিল তা' চ'লে গেল

রইল যা' তা' কেবল ফাকি !

বল্ দেখি মা—শুধাই তোরে

আমার কিছুই রাখলি নারে

আমি শুধু আমার নিয়ে

কোন প্রাণে মা বেঁচে থাকি !

[ব্র: দে: শ: হইতে গৃহীত]

* * * *

শান্তি শরৎচন্দ্রের মনে সত্যিই শান্তির নীড় রচনা ক'রেছিল। তাই
তার বিচ্ছেদ-বেদনায় শরৎচন্দ্র শুধু অধীর হ'য়ে প'ড়লেন না—নেশার
মাত্রাটাও দিলেন বাড়িয়ে। সেইসঙ্গে মুখর হ'য়ে উঠলো তাঁর তুলি ও
লেখনী। অসমাপ্ত 'চরিত্রহীন' বাস্তবের বুকে নেমে এলো—সেইসঙ্গে
“নারীর ইতিহাসের”ও রচনা শুরু হ'য়ে গেল।

* * * *

প্রেমের মোড়ক তখনও থামেনি। কয়েকজন বন্ধুর সঙ্গে রঙনা
হ'লেন বাসন্তীর আস্তানায়। কিন্তু জাহাজ ঘাটে ভিড়লো না—শুধু মাল
তোলা ও নামানোর জন্তে রাতটুকু নঙ্গর ক'রে রইলো বন্দরের একটু
দূরে। মাঝি-মোম্বাদের হাত ক'রে স্থির ক'রে ফেললেন, সেই রাতের
অন্ধকারে তাঁরা সাঁতার দিয়ে তীরে গিয়ে উঠবেন, আবার মাঝরাত্তে
সবাই ফিরে আসবেন—শুধু চোর ভেবে যেন তারা উত্তম-মধ্যমের ব্যবস্থা
না ক'রে !

তার। নগদ দক্ষিণায় তুষ্ট হ'য়েছিল। ব'ল্লো—নব্বয়ের কাছি বরং একটা নিয়ে যান—স্রোতের টান একটু বেশী—রাতে-ভীতে কখন যে কি হ'য়ে যাবে বলা ত যায় না! দড়িটা ধ'রে উঠে এলেই বরং আমরা বুঝতে পার'বো আপনারা ফিরে এসেছেন।

কথা ও কাজ সঙ্গে সঙ্গে হ'য়ে গেল। জাহাজের রেলিংএ একগাছি সরু শনের দড়ি কোমরে বেঁধে একে একে রওনা হ'লেন। তীরে উঠে, পোষাক পরিবর্তন ক'রে সোজা এগিয়ে চ'ল্লেন সহরের দিকে।

যে উৎসাহ নিয়ে তাঁরা নদীতে ঝাঁপ দিয়েছিলেন তীরে উঠেই কিন্তু ভীত হ'য়ে প'ড়লেন! লোকজন ত' দূরের কথা—একটা কুকুর-বিড়ালের সাড়া পাওয়া যাচ্ছে না। রাত তখন আটটা কি ন'টা, মনে হয় সেরটা যেন তারই মধ্যে নিঝুম-পুরীতে পরিণত হ'য়ে গেছে! আশপাশের প্রায় সব বাড়ীরই জানলা-কপাট বন্ধ। একজন ব'লে উঠলেন, চল, ফিরে যাওয়া যাক, অভয়!

অভয় ছিলেন দলের পাণ্ডা। ব'ল্লেন, এসেছি যখন তখন একবার ঘুরে যেতেই হবে, কি বল শরৎদা?

শরৎচন্দ্র তাঁর কাহিনীর প্রট সঞ্চয়নে ডুবেছিলেন এতক্ষণ। ব'ল্লেন, নিশ্চয়!

*

*

*

নিঃশব্দে দীর্ঘ পথ অতিক্রম ক'রে চার মূর্তি একটি দোভলা বাড়ীর সামনে এসে দাঁড়ালেন। ঘরের দরজা-জানলা সব বন্ধ। তবে, ভেতরে যে মাতৃঘ আছে, খড়খড়ির ফাঁক দিয়ে অস্পষ্ট আলোর রেখায় তা' সহজেই অনুমান করা যায়!

শরৎচন্দ্র আশপাশের বাড়ীগুলোর দিকে তাকালেন—সবারই অবস্থা এক! অথচ রাত্রি বারোটা পর্য্যন্ত এ পাড়াটা নাচগান ও হল্লায় মুখর হ'য়ে থাকতো।

শরৎচন্দ্র কড়া নাড়া দিয়ে ডাক দিলেন, বসন্ত !

অন্তর্দিন বসন্ত মুখর হ'য়ে উঠতো। ছুটে এসে সাদর অভ্যর্থনা জানাতো। কিন্তু আজ কোন সাড়াই পাওয়া গেল না। শরৎচন্দ্র দরজায় একটু খাঁকা দিতেই সেটা সশব্দে খুলে গেল। ধীরে ধীরে এগিয়ে গিয়ে দেখলেন, ঘরের ভেতরে মিটমিট ক'রে জ্বলছে একটা বাতি। আর বাসন্তী প'ড়ে আছে নিঃশব্দে কঞ্চল মুড়ি দিয়ে।

শরৎচন্দ্র ডাকলেন, বসন !

কোন সাড়া এলো না। শরৎচন্দ্র তার পাশে গিয়ে দাঁড়ালেন। কঞ্চলটা ঈষৎ ফাঁক ক'রে দেখলেন—বাসন্তীর কোন জ্ঞান নেই। গায়ে হাত দিয়ে পরীক্ষা ক'রে দেখলেন, জ্বরে গা' পুড়ে যাচ্ছে। বুঝতে পারলেন—বাসন্তী প্রেগে আক্রান্ত হ'য়েছে।

সঙ্গীরা বাইরে দাঁড়িয়ে ছিলেন। শরৎচন্দ্র ফিরে এলেন। ব'ললেন, বোধ হয় বাসন্তীরও প্রেগ হ'য়েছে !

সন্ধ্যায় তিন হাত তাঁরা পিছিয়ে এসে জিজ্ঞাসা ক'রলেন, তাকে ছুঁয়েছিস না কি রে ?

শরৎচন্দ্র উত্তর দিলেন—হ্যাঁ !

সঙ্গীরা সেই মুহূর্তেই সম্বরে রায় প্রকাশ ক'রলেন, সর্বনাশ ক'রেছিস ! পালাই চল—এখানে আর একটি মুহূর্তও না !

শরৎচন্দ্রের কণ্ঠস্বরে দৃঢ়তা ফুটে উঠলো। ব'ললেন—তা হয় না 'অভয়দা' ? যার কাছে আমরা আনন্দ উপভোগের জন্তে বারবার এসেছি, এবং উপভোগও ক'রে গেছি অতৃপ্ত আবেগে, সে আজ পীড়িত, একান্ত অসহায় ! তাকে কি একা ফেলে যাওয়া যায় ?

একজন বন্ধু বিদ্রূপ ক'রে উঠলেন—বেশা, তার আবার প্রেম ? তার আবার ভালবাসা—কি যে তুমি বলো শরৎদা ? চলো—চলো—পালাই ! ম'রতে যাবে কে ?

শরৎচন্দ্র ব'ল্লেন—তোমরা যাও ভাই। বসন ভাল হ'য়ে না ওঠা পর্যন্ত আমি এখানেই থাকুবো।

সঙ্গীটি হেসে উঠলো। ব'ল্লো—সত্যই তোমার দরদ দেখে হাসি পায় শরৎদা! তবুও যদি মেয়েদের গায়ে হাত তুমি দিতে পারতে—

শরৎচন্দ্র কয়েক সেকেণ্ড চুপ ক'রে দাঁড়িয়ে থেকে ব'লে উঠলেন—
তোমার কথা এতটুকুও মিথ্যা নয় অজয়! আমি ভোগের লালসা নিয়ে এদের কাছে কোনদিন আসিনি, আসি শুধু এদের জানতে! এরা ছাড়া ত' জানার অবকাশ সহজে কেউ দেবে না বন্ধু! সহসা গভীর হ'য়ে উঠলেন। ব'ল্লেন, বিশ্বাস ক'রবে কিনা জানিনে—কিন্তু এ কথাটাই সত্যি। কেউ নিজে এসে আত্মসমর্পণ না ক'রলে সহজে তাদের গায়ে আমি হাত দিতে পারিনি। হয়ত এটা দুর্বলতা—তবুও ত সেই দুর্বলতাই আমার গলায় বিজয়মালা পরিয়ে দিয়েছে! একটু খেমে কি যেন ভেবে নিয়ে ব'ল্লেন, তোমরা উপহাস ক'রছো—হয় ত' চিরদিনই ক'রবে, কিন্তু সত্যকে ত' উপহাস করা যায় না! বাসন্তী নাচতো, গাইতো। তার বিনিময়ে নিতো টাকা। তার বেশী চাইলেও সে দেয়নি কোনদিন সাড়া—অথচ সে নিজেই আমার কাছে আত্মসমর্পণ ক'রেছিল, শুধু তাই নয় বার বার ব'লতো, সবাই আসে লেন-দেনের জন্তে, কিন্তু তুমি কেন আস ঠাকুর? তুমি ত' কিছু চাও না! উত্তরে ব'লেছিলাম, —ভাল লাগে তাই আসি! বাসন্তী উত্তরে ব'ল্লো—বোধ হয় চাপুনি ব'লেই আজ আর আমার ব'লে কিছু নেই, সবই উজাড় ক'রে দিয়েছি গো তোমারই চরণতলে! চকিতে খসে গেল তার সেই বক্র-চোখ-ঝলনানো হাসি। ছলছল ক'রে উঠলো চোখের পাতাগুলো। অধীর আবেগে কাঁপতে লাগলো ঠোঁটের দুটো পাতা—উদ্বেলিত হ'ল যৌবন কুসুম ছুঁটি! সে নিজেকে নিঃশেষে বিলিয়ে দিল আমার কাছে। না—না—অভয়দা, সে কথা, সেই দৃশ্য—আজও আমি ভুলতে পারিনি,

তোমরা যাও, আমি পারবো না ওকে ছেড়ে যেতে, এই নিঃস্বহাস অবস্থায় ফেলে।

অভয়দা' এতক্ষণ নির্বাক শ্রোতার স্থান অধিকার ক'রে দাঁড়িয়ে-
ছিলেন। মুখের হ'য়ে উঠলেন, তোমায় ফেলেই বা আমরা যাই
কেমন ক'রে ?

শরৎচন্দ্র ব'ললেন—তোমাদের সংসার আছে, তাদের মুখ চেয়ে ফিরে
যাও অভয়দা' ! এ ছুনিয়ায় আমার আপন ব'লবার কেউ নেই—থাকলেও
তারা আছে এতদূরে যে, আমার মৃত্যু-খবর তারা কোনদিনই পাবে না,
পেলেও ক্ষতিবুদ্ধি তাদের হবে না। যাও ভাই, আমার অহুরোধ—

অভয়দা' বাধা দিয়ে উঠলেন, কিন্তু—

শরৎচন্দ্র ব'ললেন, সবচেয়ে এ ছুনিয়ায় বড় কথা হ'ল, জন্ম-মৃত্যু
কারও হাত ধরা নয় ! যদি মরি—তোমরা দু'ফোটা চোখের জল ফেলো
ভাই—সেই হ'বে আমার শেষের পাথয়ে !

শরৎচন্দ্র চ'লে গেলেন। কয়েকটি বন্ধু হেসে উঠলেন, পাগোল !

অভয়দা' কিন্তু কোন কথাই ব'ললেন না। নৌপবে রওনা হ'লেন
ঈমার-ঘাটের দিকে।

* * * *

বাসন্তীর জ্ঞান ফিরলো। সভয়ে আঁৎকে উঠলো... তুমি—তুমি—
কেন—কেন এলে ঠাকুর ?

শরৎচন্দ্র বাধা দিয়ে ব'ললেন, ব্যস্ত হ'য়ো না বসন—নিশ্চয়ই সেরে
উঠবে—ভয় কি ?

বাসন্তী হাঁপিয়ে উঠেছিল। কয়েক মিনিট তাঁর মুখের দিকে সতৃষ্ণ
নয়নে তাকিয়ে ব'ললো, ভয় ? তার মুখে দূটে উঠলো' জ্ঞান একটু হাসি !
ব'ললো—নিজের জন্তে আজ এতটুকুও ভয় নেই ঠাকুর—শুধু—

কথা তার অসম্পূর্ণ র'য়ে গেল। গও ব'য়ে গড়িয়ে প'ড়লো কয়েক কোঁটা অশ্রু !

বাসন্তী আবার জ্ঞান হারালো। শরৎচন্দ্র ব'সে ব'সে তার মাথায় পাখার বাতাস ক'স্বতে লাগলেন।

কয়েক ঘণ্টা পরে পুনরায় তার জ্ঞান ফিরলো। কিন্তু সে হারিয়ে ফেলেছে তার বাকশক্তি ! অসহ যন্ত্রণায় তার মুখমণ্ডল বার বার কুঞ্চিত হ'য়ে উঠ'ছে। শরৎচন্দ্র তার মুখে ওষুধ একটু ঢেলে দিলেন।

বাসন্তী বাণা দিল না। গলধঃকরণের শক্তি তখন তার শেষ হ'য়ে এসেছে। মুখের কোয়াস্ বেয়ে খানিকটা গড়িয়ে প'ড়লো, খানিকটা র'য়ে গেল ভেতরে ! হাতটা তোলবার একবার ব্যর্থ চেষ্টা ক'রলো। তারপর নিঃশব্দে চেয়ে রইলো শরৎচন্দ্রের মুখের দিকে তাকিয়ে।

শরৎচন্দ্রের মনে প'ড়ে গেল শান্তির কথা। সেও এমনি অতৃপ্ত তৃণায় তার মুখের দিকে তাকিয়েছিল—কিন্তু সে পলক তার আর পড়েনি। তবে কি বাসন্তীও আজ তাঁকে ছেড়ে চ'লে যেতে চায় ? কাতরকণ্ঠে ডাকলেন, বসন !

বাসন্তী তাঁর হাতখানা চেপে ধ'রে চোখের পাতাগুলো বুজিয়ে নিল। কিন্তু সে পাতা আর খুললো না।

শরৎচন্দ্র দেখলেন, তার বুকের স্পন্দন ধীরে ধীরে স্থির হ'য়ে গেল। এই যে পাশে ছিল, সে আজ আর নেই—একথা বিশ্বাস ক'স্বতে মন কিছুতেই রাজি হয়না ! অন্তরটা আকুলি বিকুলি ক'রে উঠ'লো। চোখের পাতাগুলো সিক্ত হ'য়ে গেল। বুঝলেন, বিচ্ছেদ বেদনার মত যন্ত্রণা এ দুনিয়ায় কিছু আর নেই !

পুরুষের জীবনে শোকের অবসর বড় একটা থাকে না। শরৎচন্দ্র উঠে দাঁড়ালেন। নিজ জ্বর পরিচয়ে শবদাহের ব্যবস্থা ক'রে, পরদিন বাত্মা ক'রলেন, রেজুনে !

রেজুনে কিরে তিনি নিজেও অসুস্থতা বোধ ক'রতে লাগলেন, গলার
গ্রাণ্ডুলো ফুল্লো, দেহের সর্বত্রই ব্যথা। বুঝলেন, এ যাত্রা আর রক্ষা
তঁার নেই!

পিপাসায় ছাতি ফেটে যায়। নিরুপায় কাণ্ডাতে থাকেন।
উত্থানশক্তি রহিত। জ্ঞানও র'য়েছে একটু। অসহ্য যন্ত্রণায় একবার
উঠেন, একবার বসেন। শেষে মরিয়া হ'য়ে পাশের র্যাকে যে ছ'বোতল
কেরোসিন তেল ভর্তি ছিল, তাকে জল ভেবে ষট্‌ষট্‌ ক'রে সবটুকু শব
ক'রে ফেললেন। তারপর তিনি হারিয়ে ফেললেন জ্ঞান।

দু'দিন পরে তঁার জ্ঞান ফিরুলো। মনে হ'ল যেন সত্য তিনি ঘুম থেকে
উঠছেন! জ্বর আর নেই, দেহের ব্যথাও গেছে মিলিয়ে। ধীরে ধীরে
সেদিনের সমস্ত ঘটনা মনে হ'তে লাগলো। অনুমান ক'রে নিলেন,
কেরোসিনের জ্বলেই হয়ত তিনি প্রেগ রাক্ষসীর হাত থেকে এ-যাত্রা নিষ্কৃতি
পেয়ে গেছেন! তারপর থেকে যখনই তিনি শুন্তেন কারও প্রেগ হ'য়েছে,
তিনি নিশ্চিত মনে দাওয়াই স্থির ক'রে দিতেন—শ্রেফ ছ'বোতল কেরো-
সিন তেল—বাস্, রোগ বাপ্ বাপ্ ক'রে পালিয়ে যাবে আপনা থেকে।

* * * *

শরৎচন্দ্র নির্জনে ইরাবতীর তীরে বেড়াচ্ছেন আপন মনে, সহসা ছ'টি
প্রাণী এসে দাঁড়ালো। শরৎচন্দ্র মুখ তুলে তাকালেন। একটি বাঙালী
সুবক, অপরটি এ্যাংলো বর্ষিজ-মেয়ে। বাংলাও ব'লতে পারে বেশ।
সুবকটি শরৎচন্দ্রের পূর্ব-পরিচিত। নাম তার বিজলো। সে নিজেই
মেয়েটির সঙ্গে পরিচয় করিয়ে দিল, ইনি আমার বিবাহিতা স্ত্রী। নাম
কমলা। একটু টেনে হেসে উঠে ব'ললো, নামটি অবশ্য আমারই দেওয়া!

কথাবর্তায় মেয়েটিকে শরৎচন্দ্রের খুব ভাল লাগলো। সেও তাদের
বাড়ীতে যাওয়ার জন্তে অনুরোধ জানিয়ে গেল।

* * * *

সেদিন মনটা শরৎচন্দ্রের অজানা একটা কারণে চঞ্চল হ'য়ে উঠেছিল। গড়ায় মন ব'সে না, লেখা বন্ধ হ'য়ে যাচ্ছে—কলমের মুখটা স'মুছে না। কোথায় যেন একটা খেই হারাণোর সুর! বার বার কয়েকটা পাতা নষ্ট ক'রে অবশেষে রং ও তুলি নিয়ে ব'সলেন—সেখানেও ব্যর্থ হ'লেন। অবশেষে উঠে এসে বারান্দায় দাঁড়ালেন। দূরে বিজলীকে হাসিমুখে বাড়ীর পথে ফিরে যেতে দেখে, কমলার কথা তাঁর মনে প'ড়ে গেল। সঙ্গে সঙ্গে পা দু'টো তাঁর চঞ্চল হ'য়ে উঠলো। দ'রজায় তালা লাগিয়ে বেরিয়ে প'ড়লেন সেই মুহূর্তে।

শরৎচন্দ্রকে দেখে কমলা বিশেষ খুশী হ'য়ে উঠলো। সাদরে বসবার জন্ত বেতের একটা মোড়ক এগিয়ে দিল। একটি ট্রে ক'রে কয়েকটা চুরুট পাশের মোড়কের উপর রেখে গেল। কয়েক মিনিটের মধ্যে জল খাবারের প্লেটটা নিজেই শরৎচন্দ্রের মুখের সামনে নিয়ে এসে থ'রলো। ব'ললো—নিম দাদা! কেন জানি না আজ বার বার আপনার কথাই মনে প'ড়ছিল!

শরৎচন্দ্রের মনটা এতক্ষণে তাজা হ'য়ে উঠেছিল। তিনিও খুশীভরা হাসি হেসে ব'ললেন—হয়ত মনের একটা যোগাযোগ আছে কমলা, তাই একান্তে আমিও ছুটে এলাম তোমারই কাছে!

উভয়ে হেসে উঠলেন। একটা টুলে চেপে ব'সে বিজলীও সে হাসি ও গল্পে যোগ দিয়ে ব'ললো—দেখুন শরৎদা, বারবার ফাঁকি দিলে চ'লবে না। আজ আমাদের দু'টো গান শুনিয়ে যেতে হ'বে! বোধ হয় জানেন না, কমলা আপনার গানের একজন পরম ভক্ত! আপনার নাম শুনেই ও চঞ্চল হ'য়ে ওঠে। মনে কি হয় জানেন, আপনাদের সঙ্গে পূর্বজন্মের কোন সন্ধক ছিল—তা' ছাড়া ও এদেশের মেয়ে হ'লেও, ওর নাড়ীর সঙ্গে বাংলা দেশের কেমন যেন একটা নাড়ীর গভীর সংযোগ র'য়ে গেছে!

শরৎচন্দ্র ভাল গান জানলেও সহসা গাইতে রাজী হ'তেন না।

একেক্ষেণে তার ব্যতিক্রম হ'ল না। তিনি এড়িয়ে চ'ল্লেন। ব'ল্লেন, আজ শরীরটা ভাল নেই, দিদি! তবে কথা দিয়ে বাচ্ছি, একদিন তোমায় আমি নিশ্চয় গান শোনাবো!

কমলা ব্যস্ত হ'য়ে উঠলো। ব'ল্লো—তোমার মুখটিও আজ বড় শুকনো শুকনো দেখাচ্ছে! খুব ক্লান্ত—না? সেই বরং ভাল, আমরা দু'জনে একসঙ্গে বোটে চ'ড়ে যেদিন বেড়াবো, আপনি আমাদের তীরে ব'সে গান শোনাবেন! কি বলেন দাদা?

কমলার মুখের স্নিগ্ধ হাসিটি শরৎচন্দ্রের ভারি ভাল লাগছিল। ব'ল্লেন, চমৎকার তোমার চয়েস্ দিদি? তাই হ'বে! শরৎচন্দ্র উঠে দাঁড়ালেন।

কমলা তাঁর সঙ্গে কিছুদূর পর্য্যন্ত এসে এগিয়ে দিয়ে গেল। ব'ল্লো, মাঝে মাঝে কেন আসেন না দাদা? আপনার মত লোক পেলে ছ'টো কথা ক'রে যে আরাম পাই!

শরৎচন্দ্র ব'ল্লেন, সময় পেলেই আসবো—কথা দিলাম দিদি!

*

*

*

শনিবার। ঝিঝ-ঝিঝ ক'রে বৃষ্টি প'ড়ছে। সকাল সকাল অফিস থেকে ফিরে এসেছেন। আবহাওয়ার সঙ্গে মনটাও খেই ফেলেছে হারিয়ে। বারান্দার সামনে আরাম কেদারাটা টেনে ব'সে আছেন, সামনে এসে দাঁড়ালো কমলা।

শরৎচন্দ্র ব্যস্ত হ'য়ে উঠলেন। কোথায় বসাবেন এই মেয়েটিকে! সেদিন নিজের চোখে দেখে এসেছিলেন তার বাড়ী। সব কিছুই পরিষ্কার—বেশ ঝকঝকে! আর তাঁর ঘরটা শুধু ধুলো ও ছেঁড়া কাগজে মলিন নয়, রীতিমত অপরিচ্ছন্নও বলা চলে নিঃসন্দেহে!

কমলার কিন্তু কোন দিকেই দৃষ্টি ছিল না। মুখের দিকে তাকিয়েই

অহুমান ক'রে নিয়েছিল, শরৎচন্দ্রের মেজাজ আজ ভাল নেই। তাই চট্ট ক'রে কপালে একবার হাত বুলিয়ে নিয়ে জিজ্ঞাসা ক'রুলো, তোমার কি শরীর ভাল নেই দাদা ?

শরৎচন্দ্র নিজে উঠে, কমলার দিকে চেয়ারটা এগিয়ে দিয়ে ব'ললেন—না, ভালই আছি দিদি ! বসো ! একটু হেসে ব'ললেন, মনের সঙ্গে আমার—প্রকৃতির একটা গভীর যোগ র'য়েছে, তাই তার রূপ বদলানোর সঙ্গে—আমার মনের ধারাটাও যায় বদলে ।

কমলা ব'সলো না । ব'ললো, তা'হলে তোমায় আজ একটু খাটাবো দাদা !

শরৎচন্দ্র হাঁফু ছেড়ে বাঁচলেন । একটা কাজই ত মন তাঁর চাইছিল এতক্ষণ ! কিন্তু কি যে সে বস্তু, তার বোঝাপড়া এখনও শেষ হয়নি ! ব'ললেন, বলো দিদি, কি ক'রতে হবে ?

কমলা একটু হাসলো । ব'ললো, উনি নীচে দাঁড়িয়ে আছেন । আমরা ঠিক ক'রেছি, আজ এই বাদল বেলায় একটা শ্রাম্পানে চ'ড়ে নদীর কূলে ভেসে ভেসে বেড়াবো—আর আপনি একটা গান শোনাবেন ।

শরৎচন্দ্র একটু বিপদে প'ড়লেন কিন্তু মুখফুটে 'না' ব'লতে পারলেন না । ব'ললেন, বেশত' চলো—আমি একটু তৈরী হ'য়ে নিই ।

শ্রাম্পানটি ছোট । ছ'জনে তারা উঠে ব'সলো । বিজলী ধ'রলো হাল, কমলা ছপ্ছপ্ ক'রে টানতে লাগলো দাঁড় ।

শরৎচন্দ্র তাঁরে একটা গাছের গুঁড়ির উপর ব'সে গাইলেন—
'ভালবাসা নহে ত আলেয়া, আলো সে যে শুধু আলো....'

গান শেষ হ'ল । হাসিমুখে উভয়েই শ্রাম্পান থেকে নেমে শরৎচন্দ্রের পাশে এসে ব'সলো । শরৎচন্দ্রও মুহু হাসলেন । জিজ্ঞাসা ক'রলেন, ভালো লাগলো, দিদি ?

কমলা শরৎচন্দ্রের প্রায় কোলের কাছে একটু কাৎ হ'য়ে শুয়ে প'ড়লো। ব'ল্লো, চমৎকার!...

* * * *

বাসায় সবে পা দিয়ে, আলোটি জ্বলেছেন, সামনে এসে দাঁড়ালো মালতী। চোখ দু'টো তার লাল, মাথার চুলগুলো উস্কাখুস্কা, মুখটা ভয়ে ফ্যাকাসে হ'য়ে গেছে।

শরৎচন্দ্র জিজ্ঞাসা ক'রলেন, ব্যাপার কি মালতী?

মালতী নিজেকে সামলাতে পারলো না। চোখের কোল বেয়ে কয়েক ফোঁটা জল গড়িয়ে প'ড়লো। ব'ল্লো—তুমি ত' সবই জানো ঠাকুর! সম্বল বা' ছিল, সব শেষ ক'রে তোমারই দয়ায় দে'বার ওকে বাঁচিয়ে তুলেছিলাম। কিন্তু পোড়া কপাল এমন যে, শাস্তি জীবনে আমার আর এলো না! বোধ করি অল্পখটা গোপন ক'রেই রেখেছিল, নইলে ওষুধের শিশিটাই বা এলো কেমন ক'রে? এখন তুমি ছাড়া আমার ত' দ্বিতীয় গথ নেই ঠাকুর!

শরৎচন্দ্র দ্বিতীয় প্রশ্ন ক'রলেন না, বেরিয়ে প'ড়লেন তাঁর ছোট ওষুধের ব্যাগটি হাতে নিয়ে।

রোগীকে পরীক্ষা ক'রে বুঝলেন ডবল নিউমোনিয়া। বাঁচানো খুবই শক্ত। তবুও ত' চেষ্টা ক'রে একবার দেখতে হ'বে! কয়েক ফোঁটা ওষুধ শিশিতে ফেলে দিয়ে ব'ল্লেন—দেখ মালতী বরাতের জোর থাকে বাচবে, নইলে—

শরৎচন্দ্রকে মালতী কথাটুকু শেষ ক'রতে দিল না। আঁৎকে উঠলো, বাঁচবে না?

শরৎচন্দ্র নিজেকে সংযত ক'রে নিলেন। ব'ল্লেন, মানুষকে ত' চেষ্টা ক'রে দেখতে হবে! একটু থেমে বুকটা বেঁধে দিলেন।

ব'ললেন, তিসির পুলটিস্ দেবে। সাবধান কিন্তু—ঠাণ্ডা ঘেন আর না লাগে !

*

*

*

*

শরৎচন্দ্র সকালে বিকালে মালতীর বাসায় ছোট্টাছুটি ক'ললেন দশদিন। দেখলেন, গভীর তপস্রায় সমাহিত মালতী। স্বামীকে বাঁচানোর জন্য আশ্রাণ সে সেবায় ক'রে চলেছে ! এমন কি দশদিনের মধ্যে একটি মুহূর্তের জন্যেও সে বিশ্রাম নেয়নি, মুখে জল পর্যন্ত দেয়নি। শরৎচন্দ্র বরং বার বার তাকে ধমক দিয়েছেন, এটা মানুষের শরীর ! অবশ্য ক'লে, এখন বিপদ যা' আছে, বাড়বে তার শতগুণ। আমিও তখন আর আসবো না ভূতের বেগার খাটতে !

মালতী উত্তর দিল না। সজল করণ দৃষ্টিতে মুখের দিকে ফ্যাল্ ফ্যাল্ ক'রে তাকিয়ে রইলো। শরৎচন্দ্রের মায়া জাগলো। নিজেই তার জন্তে খাবার কিনে নিয়ে এলেন। ব'ললেন, খেয়ে নাও মালতী।

মালতী জিভ্ কেটে ব'ললো—পাপের মাত্রা আর বাড়াবো না ঠাকুর ! যদি সত্যই আমাকে এতটুকু ভালবাসো—তা' হ'লে তোমার উচ্ছিন্ন প্রসাদ একটু দাও, রাজভোগের প্রয়োজন আমার নেই ! সে সুখের দিন আমার বহুদিন পূর্বেই গেছে ফুরিয়ে !

শরৎচন্দ্র কৃত্রিম ধমক দিলেন—তা কি হয় ? জীবন বতদিন আছে, ততদিন শরীরটার প্রতি অবিচার ক'লে, তাতে পুণ্য কতটুকু হয়—তা জানি না, তবে পাপের মাত্রাটা যে বাড়ে, সে বিষয়ে আমার কোন সন্দেহ নেই !

দশদিনের দিন অমৃতলাল মারা গেল। মালতী মৃতদেহের উপর আছাড় খেয়ে প'ড়লো। কিছুক্ষণের জন্যে তার জ্ঞান ছিল না। যখন

ফিরে এলো তার সংজ্ঞা, তখন ফোঁপাতে লাগলো—ওগো, সত্যই তুমি চ'লে যেতে পারলে ?

*

*

*

*

মালতী অভিজাতশ্রেণীর কোন এক ভদ্রঘরের মেয়ে। ছোট বয়সেই নানা লোকের হাত ফিরি হ'য়ে অমৃতলালের সঙ্গে পাড়ি দিয়েছিল বর্ষামূলুকে। লোকটার না ছিল রূপ, না ছিল গুণ। লম্বাটে-প্যাকাটে, কালো, বদরাগী—সকল সময়েই চিন্তামগ্ন। সে যে কি ভাবে, কি করে, তার সন্ধান আজ দু'টি বছরের মধ্যেও শরৎচন্দ্র আবিষ্কার ক'রতে পারেননি। তবে একটা গুণ ছিল, সহসা কারও সঙ্গে সে মিশতো না, প্রয়োজনের বেশী একটি কথাও সে বড় একটা কহিতো না। তার উপর কণ্ঠস্বরটা তার ছিল কর্কশ! নিজের চিন্তা-রাজ্যেই সে ক'রতো বিচরণ। আর মালতীর ছিল অপূর্ব রূপলাবণ্য। ছিল ভরা-যৌবনের উজ্জ্বল দীপ্তি। তার ওপর সে ছিল সুকণ্ঠী গায়িকা।

লোকে তার নামে শত অপবাদ দিয়েছে, হাসিমুখে সে তা' মাথায় পেতে নিয়েছে, কোন প্রতিবাদ ক'রেনি কোনদিন। প্রতিবেশীর বিপদে, সমস্ত তার নিজের মাথায় তুলে নিয়েছে, তবুও সমাজে ছিল সে ঘৃণিত ও পতিতা এক নারী! তার বেশী মূল্য কেউ দেয়নি, বরং তিরস্কারের তীক্ষ্ণ বাণী হেনেছে বার বার।

লোকের মুখের গল্প শুনে, শরৎচন্দ্রও প্রথম প্রথম তাকে শ্রদ্ধার চোখে দেখতে পারেননি। কিন্তু বেদিন তার অন্তরের সঙ্গে তাঁর হ'য়েছিল পরিচয়—সেদিন তাঁর সমস্ত শ্রদ্ধা উজাড় ক'রে দিয়েছিলেন এই মেয়েটির উপরে।

মেয়েটি তাঁকে বিশ্বাস ক'রতো অকপটে। তাই তাঁর কাছে কোন-দিন কোন কথা গোপন করেনি। বরং সহজ ও সরল কণ্ঠে ব'লে গেছে

তার অতীত জীবনের বিচিত্র কাহিনী। চলার পথে সে বহু লোকের সংস্পর্শে এসেছে, বহু লোকের কাছে আত্মসমর্পণও ক'রেছে, কিন্তু ভাল সে বাসেনি কাউকেও! অথচ যার প্ররোচনায় সে স্বেচ্ছায় এ পথে এসেছিল নেমে, তাদের বিশ্বাসঘাতকতায় সে শুধু নিরুপায়ই হয়নি, দাঁড়াতে হ'য়েছিল তাকে পথের ধারে—নগরীর সম্ভ্রান্ত ব্যক্তিদের বিলাস-বস্তুর উপকরণরূপে। ঠিক সেই সময়েই এলো অমৃতলাল। ভাল লাগলো মালতীর। নিজেকে উৎসর্গ ক'রলো সে তারই চরণতলে!

সেই সাধের দেবতা এই অমৃতলাল। তাকে কেন্দ্র ক'রেই তার জীবনে এলো নতুন প্রভাত—কিন্তু সূর্যোদয়ের পূর্বেই উঠলো মহাপ্রলয়ের ঘূর্ণীবাতা। আজ সে আবার পথের যাত্রী!

চোখের জল তার খামে না। ব'ললো, বিশ্বাস করো বায়ুনন্দা, ভালবাসা ব'লে সত্য কিছু যদি থাকে, সেই ভালোই তাকে আমি বেসেছিলাম! তাই ত' নিজেকে হারিয়েছিলাম এমনি ক'রে।

সে নিজেকে ব'লেছিল—সে পতিতা। তার বেশী যদি কেউ সম্মম বা শ্রদ্ধা ক'রে, সে ভুলই ক'রবে বায়ুনন্দা! আমি যা, তার বেশী ত হ'তে পারিনে। কিন্তু অমৃতলালের মৃত্যুর পর তার সাজ-সজ্জা, লৌকিক আচার ও বিহার দেখে, তাকে সতী-সাক্ষী জ্ঞী ছাড়া কোন কিছু বলার উপায় রইলো না কারও।

সে শাড়ী ছেড়ে প'রলো থান—ভাঙলো শাঁখের শাঁখা—নদীর জলে ফেলে দিয়ে এলো তার হাতের নোয়া—মুছলো সিঁথির সিঁথর—আরম্ভ হ'ল—কঠোর ব্রহ্মচর্য্য।

তার আচরণে শরৎচন্দ্র শুধু মুগ্ধ হ'লেন না—অতিভূত হ'য়ে পড়েছিলেন। এই অতিভক্ততাই তাঁর মনে একটা গভীর ছাপ এঁকে রেখে গেল। নারী—সে হ'লই বা পতিতা—সুযোগ-সুবিধা পেলে সে-ও সতী-সাক্ষীর স্থান অধিকার ক'রতে পারে অনায়াসে!

অফিসে যাওয়ার জন্তে তৈরী হ'চ্ছেন—হুঁজন লোক হস্ত-দস্ত হ'য়ে উপরে এসে দাঁড়ালো। শরৎচন্দ্র বিশ্বয়ভরে তাদের মুখের দিকে তাকাতেই তারা সবিনয়ে নিবেদন ক'রলো, বড়ই বিপন্ন, স্ত্রীর, একটা দিনের জন্যে আমাদের আশ্রয় দিতে হবে।

সম্পূর্ণ অজানা-অচেনা লোককে আশ্রয় দেওয়ায় বিপদ যথেষ্ট। ব'ল্লেন—আশ্রয় চাইলেই ত আশ্রয় পাওয়া যায় না—তার কারণটাও দেখাতে হয় সঙ্গে সঙ্গে, নইলে লোকে বিশ্বাস ক'রবে কেমন ক'রে ?

হুঁজনে শরৎচন্দ্রকে ভেতরে ডেকে নিয়ে গিয়ে ব'ল্লো, আমরা দেশ থেকে ইংরাজ রাজত্বের অবসান ক'রতে চাই! বাংলা-মুলুক থেকে পালিয়ে এসেছি কোন রকমে—কিন্তু এখানেও পুলিশের নজর প'ড়েছে। আপনাকে বাঙালী ব'লে মনে হ'চ্ছে—যদি—

শরৎচন্দ্র চকিতে খাড়া হ'য়ে দাঁড়ালেন। ব'ল্লেন, আর পরিচয়ের আবশ্যকতা বোধ করিনে। নির্ভয়ে থাকুন—খাওয়ার ব্যবস্থা ক'রে দিচ্ছি। তবে অপেক্ষারও অবসর নেই—এখনি অফিস ছুটতে হ'বে।

তারা নিশ্চিন্ত মনে সেখানেই ব'সে প'ড়লো। শরৎচন্দ্র তাদের আহ্বার সংগ্রহে বেরিয়ে গেলেন। কয়েক মিনিট পরে ফিরে এলেন। উড়ে-ঠাকুর তাঁর পিছু পিছু খাবার নিয়ে ভেতরে ঢুকলো! শরৎচন্দ্র ব'ল্লেন, এঁরা আমার আত্মীয় ঠাকুর, যখন যা' প্রয়োজন দিয়ে যেয়ো তোমার সুযোগ! হুঁবিধামত।

শরৎচন্দ্র বেরিয়ে যাওয়ার উপক্রম ক'রতেই একজন ব'লে উঠলো—আমাদের কিন্তু কোন কথাই আপনাকে বলা হয়নি—

শরৎচন্দ্র মুহূ হাশ্বে উত্তর দিলেন, সে সময়ও পালিয়ে যায়নি। ফিরে এসে সব শুন্বো!

*

*

*

অফিস থেকে একটা হুঁশ্চিন্তা নিয়েই ফিরে এলেন! হয়ত দেখবেন,

সারা বাড়ীটা লালপাগড়ীতে ভ'রে গেছে। বাসায় ফিরে কিন্তু স্বস্তি ফিরে পেলেন। কোন কিছুই হয়নি ! তারাও নিশ্চিন্ত মনে নিদ্রা যাচ্ছে।

সন্ধ্যার কিছু পূর্বে একটু কাজে বেরুবেন ঠিক ক'রেছেন—এমন সময় দুই বন্ধুই উঠে ব'সলো। একজন জিজ্ঞাসা ক'রলো, কখন এলেন ?

শরৎচন্দ্র ব'ললেন—তা হ'ল বৈকি, প্রায় আধ ঘণ্টা !

যুবক ব'ললো—আমাদের ডাকেননি কেন ?

শরৎচন্দ্র ব'ললেন—ক্লান্ত ব'লে মনে হ'চ্ছিল !

যুবক সঙ্গে সঙ্গে উত্তর দিল—আপনার অনুমান এতটুকুও মিথ্যে নয় ! হাঁটপথে এখানে এসেছি, সঙ্গে ছায়ার মত পুলিশও ধাওয়া ক'রেছে। আশ্রয় মাঝে মাঝে পেয়েছি, কিন্তু এমন নিশ্চিন্তে বিশ্রামের অবসর কোনদিন আমরা পাইনি !

শরৎচন্দ্র জিজ্ঞাসা ক'রলেন—এরপর যাত্রা ক'রবেন কতদূর ?

যুবক ব'ললো—কোন স্থিরতা নেই আমাদের ! এখানে থেকে যদি বুঝি, কাজ চালানো সম্ভব—একটা আন্তানা আমরা এখানেই ঠিক ক'রে নেবো, আর যদি দেখি, সুবিধে হ'বে না—যাত্রা ক'রবো স্ত্রীমাত্রা কিংবা জাভা। সেখানেও যদি অসুবিধা দেখি, তবে সোজা চীনের মধ্য দিয়ে জাপানে পাড়ি দেওয়ার ব্যবস্থা ক'রবো।

শরৎচন্দ্র জিজ্ঞাসা ক'রলেন—তা'তে লাভ ?

যুবক ব'ললো—ভেতরে যখন কাজ করা অসম্ভব—তখন বাইরে একটা অর্গানাইজেশন গ'ড়ে তোলার চেষ্টা ক'রতেই হ'বে, নইলে আমাদের আজন্ম সাধনা শুধু কল্লনাই র'য়ে যাবে।

বাইরে পাণ্ডাঠাকুরকে দেখা গেল। শরৎচন্দ্র তাকে খোঁজ নেওয়ার কথা ব'লে এসেছিলেন, তাই সমস্ত কথা এখানেই চাপা প'ড়ে গেল। শরৎচন্দ্র তাকে দেখামাত্র কথার মোড় ঘোরালেন—বাইরে কেন শিবচন্দ্র ? শোন, বাবুদের জন্তে খাবার আর চা এনে দাও।

শিবচন্দ্র কি একটা কাজ উপলক্ষ্য ক'রে ঘরের ভেতরে ঢুকে গেল। শরৎচন্দ্রও আলোচনায় যবনিকা টেনে দিলেন। ব'ললেন—একটু কাজ আছে, এখন বেরুচ্ছি, রাতে আবার কথা হ'বে।

*

*

*

রাত্রি ৯টায় আহার শেষ ক'রে সকলেই শয্যার আশ্রয় গ্রহণ ক'রলেন। ফিস্ ফিস্ ক'রে কথাবার্তা চ'লতে লাগলো।

শরৎচন্দ্র জিজ্ঞাসা ক'রলেন—সন্ধ্যাসুবাদে সত্যিই কি আপনারা আস্থানীল? এর দ্বারা সত্যিই কি দেশের কোন উপকার সাধন সম্ভব?

যুবক উত্তর দিল। এছাড়া—দ্বিতীয় কথা আমরা স্বপ্নেও ভাবতে পারি না। অপর বন্ধুটি ব'ললো—তার চেয়েও সহজ ও সরল কথা এই যে, আমাদের সম্মুখে একটিমাত্র পথ খোলা আছে—হয় মন্ত্রের সাধন, নইলে শরীর পতন—তার বেশী ভেবে দেখার অবসর আমাদের নেই।

শরৎচন্দ্র আর দ্বিতীয় প্রশ্ন ক'রলেন না। নীরবে শুয়ে শুয়ে সেই কথাগুলোই বার বার ভাবতে লাগলেন। সেইসঙ্গে তাঁর চিন্তাধারাও গেল ব'দলে।

*

*

*

পরদিন তাদের যাত্রা করার কথা, কিন্তু একজন সহসা একটু অসুস্থ হ'য়ে পড়ায়, আরও দু'দিন তারা সেখানে থেকে যেতে বাধ্য হ'ল। শরৎচন্দ্র তাদের সেবা-শুশ্রূষার ক্রটি ক'রলেন না। সেই বিপ্লবীদের সঙ্গে তিনরাত্রি বসবাসের পর তাঁর মনেও অলে উঠলো বিপ্লবের দীপ্তিশিখা! এতদিন যা' তাঁর অবচেতন মনের পর্দার অন্তরালে চাপা প'ড়েছিল একান্ত অজ্ঞাতে, সেই শ্রোতটাই তাঁকে ব্যাকুল ক'রে তুললো। বারবার

তাগিদ দিতে লাগলো—এগিয়ে চলো—এগিয়ে চলো—আরও সম্মুখ
পথে !...

* * * *

তারই কিছুদিন পরে একটি স্তবেশা স্ত্রী বিদেশী নারীর সঙ্গে
তাঁর পরিচয়ের স্রযোগ এলো একান্ত আচম্বিতে। মনটা যখন তাঁর ভাল
খাক্তো না, প্রায় তিনি ইরাবতীর নির্জজন তীরে গিয়ে ব'সে প্রকৃতির রূপ
দেখতেন, মনের জ্বালাও সেই সঙ্গে যেতো মুছে। তিনি ভুলে যেতেন
নিজেকে—ভুলতেন পৃথিবীর সমস্ত আকর্ষণীয় বস্তুকে।

হঠাৎ চুড়ির রিগিটিন্ বিন্‌বিন্ শব্দ তাঁর চমক ভেঙ্গে দিল। চেয়ে
দেখলেন, পাশে দাঁড়িয়ে সম্পূর্ণ অপরিচিত একটি মেয়ে। ভাঙ্গা বাঙলায়
ব'ললো, বাবুজী, একটু আশ্রয় দিতে পারেন ?

আশ্রয় ? কেন ? চকিতে তাঁর মনে সেই যুবক ছ'টির স্মৃতি জাগরুক
হ'য়ে উঠলো। তাদের আচরণে শরৎচন্দ্র মুগ্ধ হ'য়েছিলেন—আরও
কিছুদিন থেকে সম্পূর্ণ সবল ও সুস্থ হ'য়ে বাওয়ার অল্পরোধও জানিয়ে-
ছিলেন—কিন্তু তারা সকল কিছুর বাইরে। জীবনের প্রতি তাদের
এতটুকুও মায়ামমতা নেই। তারা যেন লোহার মানুষ, বা ব'লে, তাই
ক'রে। জীবন নিয়ে ছিনিমিনি খেলে। শরৎচন্দ্র নিজের মনে নিজেই
ভেবে নিলেন—হ্যাঁ, একেই বলে জীবন !

কানের পর্দায় বিপ্লবীদের সেই মিষ্টি-মধুর কর্ণস্বর ভেসে এলো, “বিপদ
কি শুধু আমাদের ! বিপদ সকলের চেয়ে বেশী তোমারই ! কারণ,
রাষ্ট্রদ্রোহীকে দিয়েছো আশ্রয় ! আমরাও ম'রবো, তুমিও ম'রবে,
তার প্রয়োজন কি ভাই ? যখন বাঁচাতেও পারবো না—বাঁচাতেও পারবো
না, তখন অহেতুক বিপদ টেনে এনে লাভ কি ? তার চেয়ে এই বে
পরিচয়—এইটাই কি জীবনের শ্রেষ্ঠ অবলম্বন নয় ? তোমরা রইলে

ভেতরে, আমরা রইলাম বাইরে। যদি কোনদিন যোগাযোগের অবসর আসে, সেদিন তোমার উদার হাতখানি বাড়িয়ে দিও, দেশমায়ের প্রকৃত সন্তানের কাজ করাই হবে!”

একটু থেমে যুবক হেসেছিল। সেই হাসিটিও যেন চোখের পাতায় ভেসে উঠলো। তারপর সেই সুর—সেই মধুমাখা কণ্ঠস্বর—এই ক’দিনে তোমার সব কিছুর পরিচয় পেয়ে গেলাম! সত্যি দরদী মানুষ তুমি! তার ওপর তুমি শিল্পী। দেশকে জাগানোর ভার তোমারই হাতে অর্পণ ক’রে যাচ্ছি তাই! বিদায়—

কি মিষ্টি মধুর হাসি! শরৎচন্দ্র দেখলেন—সেই রূপ। যেন উথলে-ওঠা জীবনের সজীব স্পন্দন—অরূপম আদর্শের দুর্বীর আকর্ষণ—ও তার মোহিনীমোহন রূপ! ভাবলেন—হ্যাঁ, একেই বলে জীৱন্ত হাসির ছটা! কামনা নেই—বাসনা নেই—শুধু অক্লান্ত কন্ঠের উদ্দীপনা—আর অফুরন্ত আশার বাণী! পরাজয়ের মানি স্নান হ’য়ে যায় সেথা—

তদগ্ন শরৎচন্দ্র ব’সে ব’সে ভাবেন—এটাই বোধ হয় তাঁর জীবনের পরম সম্পদ!...

আবার ডাক এলো, বাবুজী!

শরৎচন্দ্রের চমক ভাঙলো। নিজেরই অশিষ্ট আচরণে নিজেই একটু লজ্জিত হ’য়ে প’ড়লেন। ব’ললেন—ব’লুন!

পরিষ্কার বাংলায় মেয়েটি উত্তর দিল, একটু আশ্রয় চাই—অন্ততঃ এই রাত্রিটুকুর জন্তে!

শরৎচন্দ্র ব’ললেন, বাসা আমার আছে, কিন্তু সেখানে কোন্‌ জীলোক নেই,—একা কি থাকতে রাজী হবেন?

মেয়েটি হাসলো। ব’ললো—কেন পারবো না, বাবুজী? পুলিশের চেয়েও কি আপনি দুর্ব্বল?

তার মুখের দিকে তাকিয়ে শরৎচন্দ্র হতবাক হ’য়ে প’ড়লেন।

এক অপরিণীত তেজ ও দীপ্তিতে তার মুখমণ্ডল উদ্ভাসিত হ'য়ে উঠেছে !
ব'ল্লেন—বেশ চলুন ।

* * * *

মেয়েটির সঙ্গে ছোট একটি ব্যাগ । মেঝের উপর রেখে ব'ল্লো—
ছোটখাটো সুন্দর আপনার বাসা ! কিন্তু বড় অপরিষ্কার—হেসে উঠে
সহানুভূতিপূর্ণস্বরে ব'ল্লো—মেয়ে না থাকলে, পুরুষ জাতটার দুর্দশা
এমনিই হ'য়ে থাকে বটে !

শরৎচন্দ্রকে কিছু বলার অবসর না দিয়ে, নিজেই লেগে গেল ঝাড়া-
মোছার কাজে ।

শরৎচন্দ্র লজ্জিত হ'য়ে প'ড়লেন । মেয়েটি ব'ল্লো—লজ্জার কিছু
নেই বাবু, এটা যে মেয়েদের কাজ !

শরৎচন্দ্র কয়েক সেকেণ্ড দাঁড়িয়েছিলেন হতবাক হ'য়ে, তারপর
বেরিয়ে প'ড়লেন, উড়ে পাণ্ডার সেই ছোট হোটেলটার দিকে ।

শরৎচন্দ্র এখন এলেন তখন ঘরটার শ্রী ফুটে উঠেছে । তাঁর খাটের
পাশে মেঝের ওপর ছোট একটি শয্যাও রচনা হ'য়ে গেছে । বাতিটা
জ্বালিয়ে মেয়েটি ব'সে আছে তাঁরই পথ চেয়ে ।

ঠাকুর খাবার দিয়ে চ'লে গেল । শরৎচন্দ্র ব'ল্লেন—এগুলো খেয়ে
নিবু ।

মেয়েটি হাসলো । ব'ল্লো—আমার জন্তে আপনার চিন্তার অস্ত
নেই দেখছি ! কিন্তু একা ত' খাওয়া মেয়ে-জাতের অভ্যাস নয়,
আপনাকেও কিছু ভাগ নিতে হবে !

শরৎচন্দ্র মুহূর্ত্ত আপত্তি তুললেন—এইমাত্র খেয়ে আসছি !

মেয়েটি হাসলো । ব'ল্লো—তা' হ'লেও একটু ভাগ নিতে হ'বে,
নইলে আহায়ে রুচি আসবে কেন ?

অগত্যা শরৎচন্দ্রকে রাজী হ'তে হ'ল। 'মেয়েটি নিজেই একটা কাঁচের প্লেটে কিছু খাবার সাজিয়ে দিলে। তারপর উভয়ে গল্প ক'রতে ক'রতে আহায়ে ব'সে গেলেন।

মেয়েটি ব'ল্‌লো—আমার নাম সুমিত্রা। অবশ্য এটা আসল নাম নয়, যখন যে দেশে যাই, তখন সেই দেশের একটা নামে পরিচয় দিয়ে থাকি !

শরৎচন্দ্র বিস্ময়বোধ ক'রলেন। সুমিত্রা হাস্‌লো। ব'ল্‌লো—এ কাজের নীতিই যে এই ! নইলে কি আত্মগোপন করা যায় ?

শরৎচন্দ্রের কুতূহল বেড়ে গেল। মেয়েটিকে তাঁর রহস্যময়ী ব'লে মনে হ'লো।

মেয়েটি কিন্তু কোনপাশে লক্ষ্য না রেখে, খেতে খেতে নিজের জীবনের কাহিনী ব'লে গেল—কাজটা আমার কোকেনের ব্যবসা। বহুলোক আমার আছে, সারা পূর্ব এশিয়া জুড়ে। নানা দেশের ভাষার সঙ্গে তাই আছে আমার এত ঘনিষ্ঠ পরিচয় ! মেয়েটি একটু থেমে হেসে উঠ'লো। ব'ল্‌লো—সমস্ত দেশের পুলিশও আমার পিছুপিছু ঘুরে বেড়াচ্ছে। ছ'একবার ধরাও প'ড়েছি, কিন্তু মুক্তি পেয়েছিও অনায়াসে। তবুও ওদের ভয় করি, কারণ ওরা মানুষ ত' নয়, পশুরও অধম !

একটু থেমে ব'ল্‌লো—আজ সকাল থেকে পুলিশ আমার পিছুপিছু ঘুরছে, আমিও সারাদিন পালিয়ে পালিয়ে বেড়াচ্ছি ! আপনাকে দেখে মনে হ'ল এ'র কাছে আশ্রয় মিললেও মিলতে পারে—এখন দেখছি সে অনুমান আমার মিথ্যে হয়নি !

তারপর প্লাসে একটু চুপক দিয়ে ব'ল্‌লো—হাঁ ক'রে তাকিয়ে আছেন কেন ? কোন ভয় নেই। মেয়ে হ'লেও আত্মরক্ষার ব্যবস্থা সব সময়েই রাখি। দেখবেন ? ব'লেই তার ব্লাউজের ভেতর থেকে একটা রিভলবার বার ক'রে ব'ল্‌লো, শেষ পর্যন্ত এটাই আমার শেষ পাণ্ডেয়। তবে মানুষকে বধ ক'রতে কেমন একটা যেন ব্যথা পাই ! সহজে ব্যবহার

করি না। যদি দেখি—আপনি বিপন্ন, তখন এই জানালা দিয়েই পালাবো—সে ব্যবস্থাও ক’রে রেখেছি।

শরৎচন্দ্র সবিস্ময়ে দেখলেন, সত্যই জানলার গরাদে বাঁধা এক গাছি সনের দড়ি।

শরৎচন্দ্রের মুখ দিয়ে হঠাৎ বেরিয়ে গেলো, অদ্ভুত !

সুমিত্রা হেসে উঠলো। ব’ললো—একটুও মিথ্যা ব’লেননি ! আমার চরিত্র এমনি বিচিত্রই বটে !

*

*

*

হ্যারিকেনের বাতিটা জ্বলছে মিট মিট্ ক’রে ; দুইজনেই শয্যার আশ্রয় নিলেন। কিন্তু ঘুম এলো না সহজে। উভয়েই চিন্তামগ্ন। বার বার মিট্ মিট্ ক’রে চাইছেন উভয়ে উভয়ের দিকে। অথচ কেউ কারও কাছে সহজে ধরা দিতে রাজি নয়। আড়চোখে যখন দেখে, এক জন চেয়ে আছে অপরের দিকে, স্বেচ্ছায় নয় চোখের পাতাগুলো বুজিয়ে।

এমনি খেলা চ’ললো বহুকণ। তারপর ধৈর্য আর রইলো না এই লুকোচুরি খেলার। উভয়ের চোখাচোখি হ’য়ে গেল। উভয়েই হেসে উঠলেন। শরৎচন্দ্র উঠে ব’সলেন। ব’ললেন, কেন জানি না চোখের পাতাগুলো আজ আর সহজে বুজতে চাইছে না !

উত্তরে সুমিত্রাও হাসলো। ব’ললো—আমারও ঠিক তাই। কিন্তু—সেও উঠে ব’সলো। ব’ললো—দুর্ভাগ্য কোথায় জানেন ?

শরৎচন্দ্র সবিস্ময়ে তার মুখের দিকে তাকালেন।

সুমিত্রা ব’ললো—ভাবছি—আমরা উভয়েই উভয়ের কথা ! একটু টেনে হেসে ব’ললো—হয়ত ভুল হ’তে পারে—তবে আমি যে আপনার দুর্ভাগ্য সাহসের কথাই ভাবছি, সে বিষয়ে কোন সন্দেহ নেই।

শরৎচন্দ্র বিস্মিত হ'লেন। ব'ললেন—আমার কথা ?

সুমিত্রা সহজকণ্ঠে উত্তর দিল—হ্যাঁ ! আপনার কথা ! বাঙালী ছেলেদের পূর্বেও অনেকবার দেখেছি, কিন্তু এত ঘনিষ্ঠ মেশার সুযোগ জীবনে পাইনি। তাদের আচার-ব্যবহারে মনের উপর যে রেখাপাত ক'রেছিল—আজ দেখলাম সেটা শুধু অহুমান নয়, বর্ষে বর্ষে সত্যও। তাই তো এ জাতটাকে সহজে ভালবাসতে ইচ্ছা করে !

সুমিত্রা একটু থেমে ব'ললো—বিশ্বাস করুন, এতটুকুও বাড়িয়ে আমি ব'লছি না। শুধু আমি একা নই, সারা হুনিয়ার নারী-জাতটাকে যদি এই প্রণয় করা যায়—তারাও এই একই উত্তর দিয়ে যাবে। কিন্তু কেন জানেন ?

শরৎচন্দ্র নির্বাক শ্রোতা।

সুমিত্রা ব'লে চ'ললো—যাকে সারা হুনিয়ার লোক সন্দেহের চোখে দেখলো,—বিপদে যাকে আশ্রয় দিতে ভয় পেল, তাকেও এরা হাসিমুখে আশ্রয় দেয়—স্বেচ্ছায় অপরের বিপদ নিজের ষাড়ে তুলে নেয়। বিশ্বাসে ফেটে পড়ি, আর মনে মনে ভাবি, কি দুর্জয় সাহসের অধিকারীই না এই জাতটা ! ওপর থেকে দেখে মনে হয়, এরা অতি ভদ্র, অতি ভীকু প্রকৃতির, কিন্তু যে-ই এদের মুখোমুখী হ'য়েছে, সে-ই দেখেছে, ক্রমে দাঁড়াবার ক্ষমতাও এদের অপরিণীত ! যার তুলনা সারা বিশ্বে খুব কমই দেখা যায় !

শরৎচন্দ্র ব'ললেন—এটা তোমার উচ্ছ্বাস, সুমিত্রা !

সুমিত্রা বাধা দিয়ে ব'লে উঠলো—কখনও না ! এই যে আধা-অন্ধকার ঘরে পাশাপাশি শুয়ে আছি, আমরা পুরুষ ও প্রকৃতি—তার দুর্জয় আকর্ষণের বেড়াভাল, কত আয়াসে ছিন্ন ক'রে, নিজের সংঘমে সংঘত হ'য়ে শুয়ে আছেন নির্বিকারে। এটা শুধু ওই জাতটার পক্ষেই সম্ভব !

শরৎচন্দ্র আবেগমিশ্রিত কণ্ঠে ব'লে উঠলেন—তুমি অপ্রকৃত হ'স্মিত্রা। ঘুমোবার চেষ্টা করো।

হুমিত্রা তেমনি মধুর হাসি হাসলো। ব'ললো—মি: চ্যাটার্জী, আপনার অস্থপস্থিতিতে আপনার সমস্ত পরিত্যক্ত আমি পেয়েছি কিন্তু শুনলে সহসা বিশ্বাস ক'রতে হয়ত পা'রবেন না—এত দৃষ্টি এড়িয়ে আজও আমি স্বচ্ছন্দে বিচরণের অধিকার পেলাম কেমন করে? সকলের মূলে আছে আমার এই রূপ ও যৌবন। যেখানেই আশ্রয় চেয়েছি,—তাদের লোলুপ দৃষ্টি—আমায় প্রতিটি পলে দৃষ্টি ক'রেছে,—অনেকে আবার সে সুযোগের সুবিধা গ্রহণে এতটুকুও পিছ-পা হয়নি—এইটাই হ'ল আমার রূঢ় বাস্তবের চরম অভিজ্ঞতার ফসল। প্রথম জীবনে আত্মকে অতিক্রম হ'য়ে প'ড়'তাম—আজ আর ভয় পাই না—খেলে যাই খেলা!

শরৎচন্দ্র হারিকেনের বাতিটা একটু বাড়িয়ে দিলেন।

হুমিত্রা বাধা দিয়ে ব'ললো—ওটা নিভিয়ে দিন, মি: চ্যাটার্জী! এই অন্ধকারই আমাদের ভালো—! একটা চাপা দীর্ঘশ্বাস ফেলে গায়ের চাদরটা একটু ভাল ক'রে মুড়ি দিয়ে ব'ললো—যাদের সংঘম আছে, আমরা মেয়েজাতটা ভালবাসি তাদেরই। তাই আপনাকে এত সহজে ভালবেসে ফেলেছি মি: চ্যাটার্জী! হয়ত এ মিলন আমাদের একটা রাত্রির, জীবনের সীমা-রেখায় হয়ত বা এটা একটা মুহূর্ত, তবুও এ স্মৃতি জীবনে কোনদিন মুছবে না!

শরৎচন্দ্র আরও কিছু শোনার আশায় চুপ ক'রে শুয়ে রইলেন, কিন্তু হুমিত্রার কোন সাড়া পাওয়া গেল না।

*

*

*

হুমিত্রার ডাকেই শরৎচন্দ্রের ঘুম ভাঙলো। উঠে ব'সে দেখলেন, সে ঘাওয়ার জন্তে তৈরী হ'য়ে প'ড়েছে।

শরৎচন্দ্র বাধা দিয়ে ব'ললেন—এরই মধ্যে যাবে স্নমিত্রা !

স্নমিত্রা মুহূ হাসলো। ব'ল্লে—অঙ্ককার নইলে গা ঢাকা দেওয়া যাবে না মিঃ চ্যাটার্জী !

শরৎচন্দ্র ব'ললেন, আর একটা দিন তুমি থেকে যাও স্নমিত্রা—আমার অনেক কথা তোমায় বলার আছে।

স্নমিত্রা ব'ললো—ত'াতে বিপদ বাড়বে বই ক'মবে না !

শরৎচন্দ্র উত্তরে হাসলেন। ব'ললেন, তুমি ত নিজেই জানো স্নমিত্রা, বাঙালীর ছেলে মৃত্যুকে ভয় করে না !

স্নমিত্রা বোঁচকাটা পিঠ থেকে নামিয়ে ব'ললো—বেশ, তবে তাই হোক ! কিন্তু একটা কথা আছে—

শরৎচন্দ্র ব'ললেন, বলো !

বাইরের কোন লোক জানবে না এখানে আমি আছি ! একটু হেসে ব'ললো—ভয় আমার নিজের জন্তে নয় মিঃ চ্যাটার্জী, ভয় শুধু আপনার জন্তে ! আমার কাছে সমস্ত ব্যবসাই আছে, আমি নিজের হাতে রান্না ক'রবো এবং আপনাকেও তা' খেতে হ'বে।

শরৎচন্দ্র ব'ললেন, বেশ তাই হ'বে ! কিন্তু এখনও ত' রাত আছে, বিশ্রাম নাও।

বিশ্রাম ? স্নমিত্রা পুনরায় হাসলো। ব'ললো—যারা বন্ধুর পথের যাত্রী, তাদের বিশ্রামরূপী বিলাস জীবনের অঙ্গ নয়, মিঃ চ্যাটার্জী ! তৈরী হ'য়ে নিন, চায়ের জল ততক্ষণ বসিয়ে দিচ্ছি !

*

*

*

স্নমিত্রা নিজের হাতে আসন পেতে শরৎচন্দ্রকে খাওয়াতে ব'সলো। শরৎচন্দ্র এক মনে খেয়ে চ'লেছেন। স্নমিত্রা জিজ্ঞাসা ক'রলো, গভীর বে ?

শরৎচন্দ্র মুহূ হাসলেন। ব'ললেন, এমনি !

সুমিত্রা ব'ল্‌লো, উহ—কখনও তা নয়। বরং ভাবছেন, এই মেয়ে-জাতটা কি? একটা রাতের স্বপ্ন—তারই মধ্যে এমনি নিবিড় ঘনিষ্ঠতা—সত্যি কি সম্ভব কোনদিন? হেসে উঠে ব'ল্‌লো—সত্যি—সেটা একান্ত সম্ভব মেয়েদেরই পক্ষে!

শরৎচন্দ্র মৌনতা ভেঙে জিজ্ঞাসা ক'রলেন, কারণ?

সুমিত্রা সহাস্তে উত্তর দিল, মেয়েরা ভালবাসে সেবা করার জন্তে—তাই ত তারা আত্মবিক্রিয়ে দিতে পারে এত সহজে। কিন্তু পুরুষ ভালবাসে কিসের জন্তে জানেন?

শরৎচন্দ্র ব'ল্‌লেন, সেবা পাওয়ার জন্তে নিশ্চয়, নয়?

সুমিত্রা হাসিতে ফেটে প'ড়লো। ব'ল্‌লো, কথাটা কিন্তু একেবারে উড়িয়ে দেওয়া চলে না। অবশ্য স্নেহের বিনিময় নইলে, ভালবাসা বাসা বাধতে পারে না কোনদিন!

*

*

*

শরৎচন্দ্র অফিস থেকে ফিরে বিস্ময়ে অভিভূত হ'য়ে প'ড়লেন। সুমিত্রা প্রচুর খাবার আয়োজন ক'রে রেখেছে! জিজ্ঞাসা ক'রলেন, এসব পেলে কোথায়?

সুমিত্রা মুহূ হাঁসলো। ব'ল্‌লো, মেয়েদের সাধের অতীত কোন বস্তুটা ব'লুন ত'?

শরৎচন্দ্র ব'ল্‌লেন, কিন্তু তুমি যে—

সঙ্গে সঙ্গে সুমিত্রা মুখর হ'য়ে উঠলো—দায় প'ড়েছে! ভালবাসার জন্তে জেলখাটা? অতখানি পাগোল এখনও হইনে গো! গান্ধীর্ষ্য তার শেষ পর্য্যন্ত টিকলো না। হাসিতে ফেটে প'ড়লো। ব'ল্‌লো, বারং ত' ক'রেছিলাম—কিন্তু মানা কি শুনেছেন? আপনার প্রিয় সেই পাণ্ডা-ঠাকুর এসেছিল খোঁজ নিতে, সঙ্গে সঙ্গে বাজিয়ে দেখে নিলাম সে-

আপনার চর না বছরপী পুলিশের টুকরো উলুখড় ? দেখলাম, লোকটা সত্যই নিরীহ। যা' আদেশ ক'রলাম একান্ত অল্পগতের মত পৌছে দিয়ে গেল নির্বিবাদে।—যাক—এখন হাতমুখ ধুয়ে ব'সে যান ! চায়ের জল তৈরী !

শরৎচন্দ্র নির্বিকার চিত্তে ব'সে প'ড়লেন। ব'ললেন, একার জন্তে এতো ? তোমার কই ?

সুমিত্রা ব'ললো, মেয়েদের স্বার্থত্যাগের একটা সীমা থাকে, মিঃ চ্যাটার্জী ! সবটুকু শেষ ক'রে দিলে তাদের দিন চ'লবে কেমন ক'রে ? আর কি একটা ব'ললেন—কেন ? সেটা তাদের স্বভাব। চূপচাপ্ত তারা ব'সে থাকতে পারে না !

শরৎচন্দ্র উত্তর দিলেন না। উত্তরে শুধু মুহু হাসলেন। মুখের খাবারগুলো শেষ ক'রে ব'ললেন, সে কথাটা কিন্তু আমিও নানি !

চায়ের কাপটা এগিয়ে দিয়ে সুমিত্রা ব'ললো—মানেন ত ভালই ! লক্ষ্য রাখবেন চা'টা যেন আবার জুড়িয়ে না জল হ'য়ে যায় !...

*

*

*

সন্ধ্যা থেকেই ঝড়বৃষ্টি আরম্ভ হ'ল। বাইরে যাওয়া কোন মতেই সম্ভব নয়। শরৎচন্দ্র ইজিচেয়ারটার ব'সে সাইকোলজির বই নিয়ে নাড়া-চাড়া ক'রতে লাগলেন। সুমিত্রা পাশে ব'সে, ষ্টোভ জ্বলে রাতের খাবার তৈরী ক'রতে ব্যস্ত।

কিছুক্ষণ নীরবে কেটে যাওয়ার পর সুমিত্রা দ্বিজ্ঞাসা ক'রলো, প্রয়োজন কি, তা'তো ব'ললেন না ?

শরৎচন্দ্র মুখ তুলে চাইলেন। ব'ললেন, ঠিক সময় এখনও আসেনি, এলেই ব'লবো !

সুমিত্রা ব'ললো, অত ধৈর্য্য আমার নেই !

শরৎচন্দ্র বিষয় প্রকাশে ব'ল্লেন—আমি ত' দেখছি তুমি একটা
ধৈর্যের পাহাড়! নইলে একদিনের আশ্রয়ের জন্তে এসে, এ গৃহস্থালী
পাত্তে গেলে কোন্‌ দুঃখে?

সুমিত্রা হাসলো। ব'ল্লো, ওটা এ জাতের প্রকৃতি। কিন্তু সত্যই
আমি অধৈর্য্য হ'য়ে প'ড়েছি আপনার ব্যবহারে।

কারণ? শরৎচন্দ্র সকোতুক হাসি হাসলেন।

সুমিত্রাও হাসলো। ব'ল্লো, একার চুপ্‌চাপ না থেকে যে উপায়ই
নেই, কিন্তু পাশাপাশি ব'সেও নীরব থাকা কোনদিন সম্ভব নয়!

শরৎচন্দ্র এবার বইখানা নামিয়ে টেবিলের ওপর রাখলেন। ব'ল্লেন,
বেশ ত' তোমার দেশ-বিদেশের অভিজ্ঞতার কাহিনী ছ'চারটে ব'লো—
আমি শুনি!

সুমিত্রা ব'ল্লো—অভিজ্ঞতা ত' ছাই! শুধু পুলিশের তাড়া আর
প্রাণভয়ে পালিয়ে পালিয়ে বেড়ানো—তাতে কি কোন কিছু ভাল ক'রে
দেখার অবসর মানুষ পায়?

তবে এ কাজ করো কেন?

কেন? সুমিত্রা হাসলো। ব'ল্লো—মাঝে মাঝে আমার মনেও এ
প্রশ্ন জাগে বটে, কিন্তু সঠিক উত্তর আজও খুঁজে পাইনে! হয় ত' পিছনে
বাঁধন নেই ব'লেই এ কাজ করি—নয়ত এটা একটা স্বভাবে পরিণত হ'য়ে
গেছে, স্থির হ'য়ে ব'সে থাকতে পারি না। ছুটে ছুটে এদেশ
ওদেশ করি, লুকোচুরি খেলে এই জীবনটার বহুমূল্য সময় অপব্যয় করি।
যেদিন সমস্ত শক্তি-সামর্থ্য যাবে নিঃশেষ হ'য়ে, সেদিন হয় ত' পাঁচ
জনের মতই অহুতাপ ক'রবো। কিন্তু—এখন ত' তার মধ্যে
আনন্দ পাই!

শরৎচন্দ্র। সহসা উত্তর দিতে পারলেন না। ব'ল্লেন, এর মধ্যে
আছে অনন্ত সুখ, বিজ্ঞ সে-ভূমি সাধনের সঙ্গী সে পায় না, তাই ত'

সৃষ্টি হ'ল তার এই বৈরাগ্য জীবনের বিচিত্র ইতিহাস ! ব'ল্লেন—স্বয়ং
বাধতে তোমার ভাল লাগে না ?

সুমিত্রা হাসলো। ব'ল্লো—মাঝে মাঝে সাধ যে হয় না—এ কথা
ব'ললে ভুল হ'বে মিঃ চ্যাটার্জী, কিন্তু সে সাধ পূরণের সাধীই বা পাবে
কোথায় ? ক'রবেন, সাধী ?

সুমিত্রা নিজের রসিকতায় নিজেই হেসে উঠলো। ব'ল্লো—রান্না ত'
হ'ল শেষ, খাবেন নাকি গরম গরম ?

শরৎচন্দ্র ঘড়ির দিকে তাকিয়ে চমকে উঠলেন। রাত প্রায় দশটা।
দশমটা কখন কোন্‌খান দিয়ে যে ব'য়ে গেল, তা' অমূল্যবের অবকাশ
তিনি পাননি এতক্ষণ। ব'ল্লেন—বেশ ত, শুভস্তু শীঘ্রং।

সুমিত্রা হাসিমুখে উঠে গেল পাশের সেই ছোট বারান্দায়।
দাঁড়িয়ে দাঁড়িয়ে দেখতে লাগলো ঝড় ও জলের খেলা।

*

*

*

আহার শেষ ক'রে উভয়েই শব্দ্যর আশ্রয় নিলেন। সুমিত্রার কোন
গাড়া নেই। শরৎচন্দ্র জিজ্ঞাসা ক'রলেন—যুমিয়ে পড়লে নাকি ?

সুমিত্রা ব'ল্লো—না !

শরৎচন্দ্র ব'ল্লেন—একটা কথা বহুক্ষণ ধ'রে ব'ল্বো ব'ল্বো ভাবছি
কিন্তু সাহসে কুলোচ্ছে না।

সুমিত্রা মুখ ফিরে গেলো। ব'ল্লো—স্বচ্ছন্দে ব'লতে পারেন !

শরৎচন্দ্র ব'ল্লেন—তোমাকে দৈবে আমার কি মনে হয় জানো ?

সুমিত্রা তাড়া দিয়ে উঠলো—ভূমিকা নয়—চটপট শেষ করুন।
যুমে চোখের পাতাগুলো আমার জড়িয়ে আসছে।

শরৎচন্দ্র ব'ল্লেন—তোমাকে খুব বুদ্ধিমতি ব'লেই আমার লুচ ধারণা

জন্মেছে। তাই ব'ল্‌ছিলাম—উড়ো পাখীর মত এদেশ ওদেশ না ক'রে
একটু মেয়ে-জাতটার উপকার করো না কেন !

সুমিত্রা হেসে উঠলো। ব'ল্‌লো—তারপর ?

শরৎচন্দ্র ব'ল্‌লেন—সত্যি ঠাট্টা ক'রু'ছিনা, সুমিত্রা ! এ দেশের
মেয়েদের দিকে তাকিয়ে আমার চোখের পাতাগুলো ঝাপসা হ'য়ে
ওঠে।—করো না, তাদের একটু উপকার !

সুমিত্রা ব'ল্‌লো—এ ইচ্ছা যে আমার হয় না তা নয়, মিঃ চ্যাটার্জী !
কিন্তু এ ইচ্ছার আমার মূল্য কে দেবে বলুন ত ? আমার পরিচয় ?—
একটু খেমে টেনে হাসি ফুটিয়ে ব'ল্‌লো—কেউ জানে আমি আজন্ম
বিপ্লবী, কেউ জানে আমি ভ্রষ্টা—আবার কেউ জানে আমি কোকেন
ব্যবসায়ীদের দালাল। তাদের ধারণাটা ত' এতটুকুও মিথ্যা নয়—

শরৎচন্দ্র বাধা দিয়ে ব'লে উঠলেন—ও সব বাজে কথা ছাড়ো
সুমিত্রা ! তোমায় আমি ভাল ক'রেই চিনেছি। তোমার মধ্যে আগুন
আছে, তাকে নিয়ে খেলা ক'রে মিথ্যেই নিজেকে অন্ধার ক'রে তুলছো
—তার চেয়ে আমার কথা শোন। ওটা পাঁচজনের কাজে লাগাও—
পাঁচটা মানুষ, সত্যকার মানুষ হ'য়ে ওঠার অবকাশ পাক্ !

সুমিত্রা বাধা দিল না—জবাবও দিল না। শুধু শোনা গেল তার
বক্ষ-বিদীর্ণকারী চাপা দীর্ঘশ্বাসের ক্ষীণ অস্পষ্ট একটি শব্দ।

*

*

*

মাঝরাত্রে হঠাৎ শরৎচন্দ্রের ঘুম ভেঙে গেল ! অনুভব ক'রলেন,
কা'র কোমল হাতের শীতল পরশ। চোখ খুলে চাইতেই দেখলেন, সামনে
দাঁড়িয়ে আছে সুমিত্রা ! মুখে ফুটে আছে শান্ত-ধীর ছোট একটু হাসি।

শরৎচন্দ্র হারিকেনের বাতিটা বাড়িয়ে, উঠে ব'সলেন। সবিস্ময়ে
চেয়ে দেখলেন, সুমিত্রাকে সহসা চেনার কোন উপায়ই আর নেই।

তার চোখমুখ ব্যতীরেকে সবটাই কাল পোষাকে ঢাকা। এক হাতে সেই ছোট ব্যাগ, অপর হাতে খাঁকি রঙের ভাঁজ করা একটি বর্ষাতি। ব'ল্লো, তা'হলে—আজকের মত বিদায়, মি: চ্যাটার্জী!

বাইরে তখনও ঝড় ও বৃষ্টির দাপাদাপি চ'লছে সমান তালে। শরৎচন্দ্র জিজ্ঞাসা ক'রলেন, এর মধ্যে তুমি বাবে কেমন ক'রে সুমিত্রা?

সুমিত্রা মৃদু হাসলো। ব'ল্লো, যেতেও ত আমার এতটুকু ইচ্ছা হ'চ্ছে না, মি: চ্যাটার্জী।

শরৎচন্দ্র জিজ্ঞাসা ক'রলেন, তবে?

সুমিত্রা একটু ম্লান হাসি হাসলো। ব'ল্লো, হাতে যে আমার কাজ বাকী আছে, মি: চ্যাটার্জী!

শরৎচন্দ্র পুনরায় প্রশ্ন তুললেন, আমাদের আবার কি কোনদিন দেখা হবে?

সুমিত্রার চোখের পাতাগুলো সজল হ'য়ে উঠলো। ব'ল্লো, সেই আশা নিয়েই ত' বাচ্ছি, মি: চ্যাটার্জী! যদি বেঁচে থাকি, এবং আপনিও থাকেন এখানে, আমাদের পরস্পরের দেখা একদিন না একদিন হ'বেই হ'বে!

শরৎচন্দ্র উঠে দাঁড়ালেন। সুমিত্রা নতজান্ন হ'য়ে, তাঁর পায়ের ধুলো মাথায় তুলে নিয়ে, খাড়া হ'য়ে দাঁড়ালো। শরৎচন্দ্র ব'ল্লেন, বাইরে যে খুব জোর জলঝড় হ'চ্ছে, সুমিত্রা!

সুমিত্রা হাসলো। ব'ল্লো, বেশ ত' নিজের হাতেই পরিয়ে দিন্ এই বর্ষাতিটা।

শরৎচন্দ্র পরিয়ে দিলেন নিজের খুশীমত।

সুমিত্রা ব'ল্লো, আর কোন ভয় নেই মি: চ্যাটার্জী! সঙ্গে রইলো আপনার অভয় আশীর্বাদ—আচ্ছা, বিদায়! কণ্ঠস্বরটা তার কয়েক মুহূর্তের জন্য কেঁপে উঠলো! পরমুহূর্তেই নিজেকে সবল ক'রে নিয়ে চোখের পলকে জানলার সেই দড়ি ধ'রে ঝাঁপিয়ে প'ড়লো সুমিত্রা।

শরৎচন্দ্র স্মিত্তিকে বিদায় দিতে সত্যি ব্যথিত হ'য়ে উঠেছিলেন কিন্তু তাকে বাধা দেওয়ার মত শক্তিও তাঁর ছিল না। সে যেন বস্ত্রের দুর্জয় আবেগ ও উচ্ছ্বাস, তাকে বাধা দিতে যাওয়াই মূৰ্খতা। পথ সে খুঁজে নেবেই, দু'দিন আগেই হোক বা পরেই হোক, কিন্তু যেদিন সে যাবে সেদিন সে অপরকেও চূর্ণ-বিচূর্ণ ক'রে দিয়ে যাবে। তার চেয়ে এই হ'ল ভাল!

তবুও শান্ত হ'তে পারলেন না তিনি। টচটা আলিয়ে তাকে একবার শেষ দেখার চেষ্টা ক'রলেন। স্মিত্তিকও একটা কিসের আকর্ষণে নির্ভয়ে চ'লতে চ'লতে সহসা থমকে দাঁড়ালো। মুখ ফিরে তাকিয়ে হাতটা তুলে মুহ দোলালো! চোখাচোখি হ'ল পরস্পরের মধ্যে। মনে হ'ল তারও চোখে জল।—কিন্তু সেটা চোখের ভ্রম, না বাইরের জলের ছাট্ ঠিক বোঝা গেল না।

মায়াব মাত্রেরই দুর্বলতা আছে। এ দুর্বলতাও তা'র কয়েক মুহূর্তের জন্য! দুর্গম পথের যাত্রী সে,—অপেক্ষার অবসর তা'র জীবনে নেই, চল্লো তেমনি নীরবে এগিয়ে। শরৎচন্দ্র কাঁঠ হ'য়ে তাকিয়ে রইলেন তা'র গমনপথের দিকে।

*

*

*

মনটা শরৎচন্দ্রের সত্যি ভাল ছিল না। কোন রকমে অফিসের কাজটা সেয়ে বাসায় ফিরে এলেন। কিন্তু সে মন্দিরের আকর্ষণ গেছে একান্তে নিঃশেষ হ'য়ে,—আর তারই বেদনায় বুকের পাজরাগুলো ব্যথায় যেন বাব্ব বাব্ব টন্ টন্ ক'রে ওঠে! তিনি বেরিয়ে প'ড়লেন ইরাবতীর সেই নির্জন তীরের দিকে।

সহসা জাহাজের ভেঁ। বেজে উঠলো। মুখ তুলে তাকাতাই, কমলার সঙ্গে চোখাচোখি হ'য়ে গেল। ডেকের ওপর চোখ প'ড়লো। দেখলেন দাড়িয়ে বিজলী! মাথার টুপিটা হাতের মুঠির মধ্যে ধ'রে বাব্ব বাব্ব

দোলাচ্ছে। বুঝলেন, সে চ'লেছে বিদেশে, হয়ত কোন কাজের সন্ধানে, আর কমলা এসেছে তাকে “সী অফ্” ক'রতে। কমলা নাড়াচ্ছে ক্রমাল—বিজলী দোলাচ্ছে টুপী, আর জাহাজটা যাচ্ছে ধীরে ধীরে এগিয়ে।

যতদূর দেখা যায় রেলিং-এ হেলান্ দিয়ে কমলা তাকিয়ে রইলো সেই জাহাজটার দিকে। শেষে জাহাজটাকে আর দেখা গেল না, কমলা মুখ ফিরে তাকালো। চোখে তার জল।

শরৎচন্দ্র তাকিয়ে তাকিয়ে দেখেন আর ভাবেন, জীবনের যাত্রাপথের বিচিত্র ধারাই বোধ হয় এই! কেউ পুলকে হাসে, কারও বা ব্যথায় গও বেয়ে গড়িয়ে প'ড়ে কয়েক ফোঁটা উষ চোখের জল। অথচ এর মূল্য যাচাই ক'রে দেখার অবসর ভীবনে কেউই হয়ত পায় না—পেলেও, তলিয়েও দেখে না কেউ।

দূরে কোন বৈরাগীর কণ্ঠস্বর ভেসে আসছে, “নদীর কূলে বাস ক'রে হায়, ভাসলি কেন চোখের জলে... ..”

শরৎচন্দ্র আনমনা হ'য়ে প'ড়লেন। স্মরণটাও ধীরে ধীরে স্পষ্টতর হ'য়ে উঠতে লাগলো।

কমলা কখন পাশে এসে দাঁড়িয়েছে তিনি লক্ষ্যই করেননি। হঠাৎ চুড়ির টিন্-টিন্ ঝিন্-ঝিন্ শব্দে সচকিত হ'য়ে উঠলেন। সেদিনও ঠিক এইখানেই স্মিত্রার সঙ্গে তাঁর আলাপ হ'য়েছিল। মনে হ'ল সেই বুঝি ফিরে এসে দাঁড়িয়েছে তাঁর পাশে! চোখ তুলে চাইলেন। সামনে দাঁড়িয়ে কমলা। তখনও সে নিজেকে খাঁড়া ক'রে তুলতে পারেনি। আঁচলের খুঁটে চোখের পাতাগুলো বার বার চ'লেছে মুছে।

শরৎচন্দ্র নির্ঝাঁক তাকাত তাকাত মুখের দিকে তাকিয়ে রইলেন। কমলা নিজেকে সংযত করার উদ্দেশে ব'ললো—লোকে কত যায়, কত আসে : কই তাদের জন্তে ত মন্টা এত বেদনায় মুগ্ধে পড়ে না, দাদা ?

শরৎচন্দ্র মৌনতা ভেঙ্গে ব'ল্লেন, পুরুষ মানুষের চুপ্‌চাপ্‌ ব'সে থাকা কি পোষায় দিদি ? তা'তে তাদের মন-মেজাজ বিকল হ'য়ে ওঠে । তার চেয়ে খাটুক না একটু, যদি মন তাঁর চেয়ে থাকে ।

কমলা ব'ল্লো—আমার মনটা কিন্তু বার বার ব'ল্ছে, ও আমায় ঠিকিয়েই পালালো—ফিরে আর অ'সবে না কোনদিন !

শরৎচন্দ্র তাকে বোঝাতে চেষ্টা ক'রলেন, তা কি হয় ? ছেলেপিলে বখন ছেড়ে যাচ্ছে, তখন ফিরবে বইকি, দিদি !

কমলা স্নান হ'সলো । ব'ল্লো—তোমাদের পুরুষজাতটাকে আজও ঠিক বুঝে উঠতে পারলাম না, দাদা । ওদের মন যে কোথায় ভেসে বেড়ায়, কে জানে ?

শরৎচন্দ্র উত্তর খুঁজে পেলেন না । নীরবে রইলেন দাঁড়িয়ে । কমলা ব'ল্লো, সন্ধ্যা হ'য়ে এলো—আমায় একটু এগিয়ে দেবেন চ'লুন না, দাদা ! জানেন্‌ ত পাড়াটা আমার মোটেই সুবিধে গোছের নয়—তা'ছাড়া সত্যি আমি আজ বড় দুর্বল হ'য়ে প'ড়েছি ।

শরৎচন্দ্র ব'ল্লেন, সেই পরং ভালো—তোমায় একটু এগিয়ে দিয়ে আসি ।

শরৎচন্দ্র এগিয়ে চ'ল্লেন । কমলা তাঁর বাহুখানা চেপে ধ'রে, ধীর পদক্ষেপে তাঁকেই অহুসরণ ক'রতে লাগলো

*

*

*

*

কমলা সত্যি এত দুর্বল হ'য়ে পড়েছিল যে, শরৎচন্দ্রকে সহসা ছাড়তে চাইলো না । নিজের হাতে চা ক'রে খাওয়ালো । ব'ল্লো, যা' সম্বল ছিল, সবই ত তুলে দিলাম—আসা, না আসা তার নিজেরই উপর নির্ভর করে, দাদা ! আমি ত তাঁকে অবিশ্বাস করিনি ।

শরৎচন্দ্র ব'ললেন, বিশ্বাসের মূল্য আছে বইকি দিদি ! তুমি মোটেই ভেবো না, সে নিশ্চয় কিরে আসবে !

কমলা ব'ললো—আমারও বিশ্বাস তাই । কিন্তু পাঁচজনে যা' তা' বলে, তাই ত ভয় হয়, যদি সত্যই না করে ?

শরৎচন্দ্র আশ্বাস দিলেন, তাকি হয় । হাজার হোক, রক্ত-মাংসে-গড়া মানুষ ত বটে !

কমলা জোর দিয়ে ব'ললো—আমিও ঠিক তাই বলি ! তা ছাড়া সে সত্যই কোনদিন অশুখী আমায় করেনি ।

ষড়িতে ঢং ঢং ক'রে আঁটটা বেজে উঠলো । শরৎচন্দ্র উঠে দাঁড়ালেন । ব'ললেন—তা' হ'লে আজ উঠি, দিদি !

কমলা সদররাস্তা পর্য্যন্ত এগিয়ে দিয়ে গেল । ব'ললো, সাবধানে যেয়ো দাদা—রাস্তাটা কিন্তু লুবিধে গোছের নয় ।

শরৎচন্দ্র অভয়-হাসি হাসলেন । ব'ললেন,—কোন ভয় নেই দিদি !

কমলা হাত হুলিয়ে বিদায় অভিনন্দন জানালো । ব'ললো—মাকে মাঝে আসবে ত দাদা ?

মাথা হুলিয়ে শরৎচন্দ্র ব'ললেন, আসবো বই কি ! সমস্ত পেনেই আসবো ।

*

*

*

পথেই মালতীর বাসা পড়লো । বহুদিন তার কোন শৌজখবর নেওয়া হয়নি । ভাবলেন, বুড়ি ছুঁয়েই যাওয়া থাক—কারও অভিযোগের কিছু থাকবে না !

একটু এগিয়ে কড়াটা নাড়ালেন । মালতী দরজা খুলে সামনে এসে দাঁড়ালো—ব'ললো, বোনকে তা' হ'লে মনে পড়েছে দাদার !

সহাস্তে শরৎচন্দ্র উত্তর দিলেন, মনে ছিল বইকি বোন, কিন্তু কাছে

আসার সময় ঠিক মত পাইনে। তারপর তোমার খবর কি? মুখখানা যে শুকিয়ে এতটুকু হ'য়ে গেছে?

মালতী ব'ললো, আজ যে একাদশী! বামুনের ছেলে হ'য়ে সে খবরও বুঝি রাখেনি?

শরৎচন্দ্র মুহূ হাসলেন। ব'ললেন—না দিদি! প্রয়োজন যখন নেই, তখন মিথ্যে মাথা ঘামিয়েই বা লাভ কি?

মালতী ব'ললো—তা না হয় হ'ল, কিন্তু এখানে দাঁড়িয়ে রইলে কেন? ব'সবে চলো।

শরৎচন্দ্র মুহূ আপত্তি তুললেন, অল্প একদিন বরং আসবো। আজ অনেক রাত হ'য়ে গেছে বোন্।

মালতী পথ রুখে দাঁড়ালো। ব'ললো, তা হয় না দাদা! বোনের কাছে এসে শুধুমুখে ফিরে যেতে নেই, বোনের অকল্যাণ হয়। চলো ব'সবে!—

শরৎচন্দ্র মালতীর পিছু পিছু উঠানের উপর পাতা আসনটার চেপে ব'সলেন। ব'ললেন, কি খাওয়াবে মালতী?

মালতী ঘরের ভেতর থেকে উত্তর দিল—গরীব বোনের যা' আছে—তাই খাওয়াবো। পরমুহূর্তে হাসিমুখে বেরিয়ে এলো—এক হাতে তার বোটি, অপর হাতে গোটা দুই পেঁপে।

কয়েক মিনিটের মধ্যে সেগুলি ছাড়িয়ে সামনে ধ'ললো। ব'ললো, একটিও ফেললে চ'লবে না কিন্তু পূর্বেই তা ব'লে রাখছি!

শরৎচন্দ্র কয়েকখণ্ড মুখে ভুলে ব'ললেন—তা' না হয় হ'ল, কিন্তু তোমার রইলো কোথায় মালতী?

মেয়েমানুষের খাওয়া? মালতী হেসে উঠলো। ব'ললো—ওদের কথা আর ব'লো না দাদা—সহজে মরণ ওদের হয় না!—তার ওপর একাদশী। সৎ ব্রাহ্মণের ছেলেকে খাইয়ে লাভটা আমার কত জানো?

শরৎচন্দ্র হেসে উঠলেন। মাথা ছুলিয়ে ব'ললেন,—অকস্ম স্বর্গ !

মালতী হাসি চাপার ব্যর্থ চেষ্টা করলো। ব'ললো,—বাও, ঠাট্টা করো না ! অবশ্য আশা যে নেই—তা' ব'লছি না—তবে ভরসা কুলোয় না—এই বা !

মালতী উঠে গেল। সে জানতো শরৎচন্দ্রের প্রিয় বস্তুটুকি ? কয়েক মিনিট পরে ফিরে এসে হুকোটি বাড়িয়ে দিল।

শরৎচন্দ্র খুশী হ'য়ে উঠলেন। নিশ্চিত মনে বারকয়েক টান দিলেন। মালতী উচ্ছিন্ন পাত্রটি সরিয়ে রেখে ফিরে এলো। ব'ললো—এত রাতে আবার বাসায় কি হবে নাকি ?

হাঁ ! —শরৎচন্দ্র সংক্ষিপ্ত উত্তর দিলেন।

মালতী ব'ললো—দিনকাল বড় খারাপ—

একগাল ধোঁয়া ছেড়ে শরৎচন্দ্র ব'ললেন—ভয় দেখাচ্ছো বুঝি !

মালতী ব'ললো—তোমায় ভয় দেখানোর মত শক্তি কি আমার আছে, দাদা ? সেদিন সন্ধ্যা-রাতে একটা খুন হ'য়ে গেল—তাই তো ভয় হয় ! তোমার ত আবার প্রাণের মায়া ব'লে কিছু নেই !

শরৎচন্দ্র হুকোটি নামিয়ে রেখে উঠে দাঁড়ালেন। মালতী একেবারে পাশে এসে দাঁড়ালো। ব'ললো—আজ কি না গেলেই নয়, দাদা ?

শরৎচন্দ্র তার মুখের দিকে চেয়ে হাসলেন। ব'ললেন—কেন বলতো, দিদি ?

মালতী ব'ললো—তুমি বায়ুনের ছেলে—হয় ত' একটু কষ্টও হবে। তাই ব'লছিলাম, যদি সব যোগাড় ক'রে দিই—বিশেষ তেমন কিছু ত কষ্ট হ'বে না ! আজ নেই বা গেলে—এই অন্ধকার পথে—

শরৎচন্দ্র তাঁর ভয়ের কারণটা ঠিক বুঝতে না পারলেও অহুমান ক'রে নিলেন—মমতাময়ী মালতীর এই কাতরতা প্রকাশ—তার প্রকৃতির লজ্জাত একটি অঙ্গ। সাহস দিয়ে ব'ললেন—ভয় কি মালতী ?

মালতী বাধা দিল না। ব'ল্লো—তুমি যে নিরাপদে পৌঁচেছো, আমি খবর পাবো কেমন ক'রে ?

শরৎচন্দ্র ব'ল্লেন—সকালেই খবর পাবে। শুধু তাই নয় মালতী, তোমার যে সঙ্কোচ—আজ আমি দেখে গেলাম, সেটা মুছে দেওয়ার আবশ্যকতা বোধ ক'রছি ! তুমি তৈরী থেকো। কাল এখানে থেয়ে অফিস ক'রবো আমি। শরৎচন্দ্র আর দাঁড়ালেন না—হন্ হন্ ক'রে বেরিয়ে পড়লেন পথে।

*

*

*

বেলা প্রায় ন'টা। বাইরের কড়াটা ন'ড়ে উঠলো। মালতী শরৎচন্দ্রের কথাটা রহস্য ব'লেই ভেবে নিয়েছিল। তবুও তৈরীই হ'য়েছিল, বলা ত' যায় না—যদি সত্যই এসে হাজির হ'ন !

দরজাটা খুলতেই মুখোমুখী হ'য়ে দাঁড়ালেন শরৎচন্দ্র। স্বভাবসিদ্ধ বিনয় হাসি তেজে ব'ল্লেন—আর তোমার ভয় নেই বোন, সশরীরে হাজির হ'য়েছি ! কিন্তু সময় খুব অল্প—তাড়াতাড়ি দাও। অফিস যেতে হবে এখনি।

মালতী ইতস্ততঃ ক'রতে লাগলো। ব'ল্লো, সত্যই তুমি খাবে ?

শরৎচন্দ্র সহাস্তে উত্তর দিলেন, মিথ্যে তো তোমায় বলিনে, দিদি !

মালতী আর দ্বিতীয় প্রশ্ন ক'রলো না। আসন ক'রে বসিয়ে ব'ল্লো, জীবনে অনেক ত পাপ ক'রেছি,—সবটা কি সম্ব হ'বে ?

শরৎচন্দ্র তাগিদ দিয়ে ব'ল্লেন—খুব হ'বে দিদি ! পাপ-পুণ্য দু'টোই এ পৃথিবীর অলঙ্কার—আসলে কিন্তু ওর কোন রূপের বালাই নেই—শুধু মনের সংস্কার।—জলদি দিদি—হাতে মাত্র পঁচিশ মিনিট !

মালতী তবুও সঙ্কোচ কাটিয়ে উঠতে পারলো না। ব'ল্লো—কিন্তু—

শরৎচন্দ্র কৃত্রিম ক্রোধ প্রকাশ ক'রুলেন—এখন মাথার তোলা থাক—
বা' বা' রেঁথেছো—নিরে এসো—শিগ'গীর।

মালতী সসঙ্কোচে খাবারের থালাটা সামনে ধ'রে একটু পাশে মেঝের
উপর চেপে ব'সে পাখার বাতাস ক'রতে লাগ'লো। শরৎচন্দ্র মুখে
বারকয়েক তুলেই প্রশংসার মুখর হ'য়ে উঠ'লেন—চমৎকার রেঁথেছো
মালতী! সত্যি ব'লছি, মা মারা যাওয়ার পর এমন মধুর জিনিষ ভাগ্যে
আর জোটেনি অনেক দিন।

*

*

*

কমলা ও তার সপত্নী কয়েকটি শিশুসন্তানকে ফেলে বিজলী ব্যবসার
উদ্দেশে ক'লকাতায় সেই যে পাড়ি দিলে—বহুদিন আর কোন খোঁজ-
খবর পাওয়া গেল না। শেষ পর্যন্ত কমলার অনুমানটিই হ'ল সত্য।
নিরুপায় কমলাকেই নাম্তে হ'ল জীবিকা উপার্জনের পথে। তার
এই বন্ধুর পথের পরম আত্মীয় হ'লেন শরৎচন্দ্র। তিনিই বন্ধু-বান্ধবের
কাছ থেকে কাজ সংগ্রহ ক'রে এনে দিতে লাগ'লেন। কমলা দিন-রাত
পরিশ্রম ক'রে, সেগুলো সেলাই ক'রে রাখ'তো। তা'তে তার যে আয়
হ'তো—নিজেকে উপবাসী রেখে, শিশুদের সুখ ও স্বাচ্ছন্দ্যতার ব্যবস্থা
ক'রতো সে হাসিমুখে, কখনও বিরক্তি প্রকাশ ক'রতো না।

শরৎচন্দ্র তার ব্যবহারে শুধু মুগ্ধ হ'লেন না, তার কর্তব্যজ্ঞানকে
প্রদীপ্ত চোখে দেখতে শুরু ক'রলেন।

*

*

*

সেদিন একটু রাত ক'রেই কমলার বাসা থেকে ফিরেছেন—হঠাৎ
দেখ'লেন, কে যেন গাছের আড়ালে আত্ম-গোপনের চেষ্টা ক'রছে।
শরৎচন্দ্রের কুতূহল বাড়'লো। কে এই ব্যক্তি? তার সন্ধানে তিনি

নিজেও প্রবৃত্ত হ'লেন। যত ঘোরেন, সেও তত ঘোরে। শেষে ধরা প'ড়লো চোর। সে আর কেউ নয়,—মালতী। তার সাজ-সজ্জা ও বেশ-ভূষার শরৎচন্দ্র বিন্দ্বয় বোধ ক'রুলেন। জিজ্ঞাসা ক'রুলেন, হঠাৎ তোমার এ পরিবর্তন কবে হ'ল মালতী ?

মালতী উত্তর দিল না। মাথা নীচু ক'রে রইলো দাঁড়িয়ে। শরৎচন্দ্র কয়েক মিনিট তার উত্তরের আশায় নীরবে দাঁড়িয়ে রইলেন। কিন্তু অপর পক্ষ থেকে কোন উত্তর না পাওয়ায় তিনি সোজা পথ ধ'রুলেন।

মালতী থপ্ ক'রে তাঁর হাতখানা চেপে ধ'রুলো। কয়েক ফোঁটা অশ্রুও তাঁর হাতের উপর গড়িয়ে প'ড়লো। ভাঙা ভাঙা স্বরে ব'ললো—জানি, কোনদিন আর আমার তুমি বিশ্বাস ক'রতে পারবে না—তবুও একটা অনুরোধ ক'রবো—রাখ'বে বামুনদা' ?

শরৎচন্দ্র ব'ললেন—কাউকে ত আমি অবিশ্বাস করিনে, মালতী !

মালতী অনুরোধ ক'রে ব'লে উঠলো—তা'হলে—একটিবার বাসায় আমন্ত্রণ এসো না বামুনদা' ?

চেষ্টার ক্রটি হ'বে না মালতী ! শরৎচন্দ্র অন্ধকার পথে এগিয়ে চ'ললেন। মালতী তেমনি কাঁঠ হ'য়ে দাঁড়িয়ে রইলো সেখানে।

*

*

*

অকস্মিক ছুটির পর হাতে কাজ না থাকায় তিনি সোজা মাগতীর বাসায় গিয়ে উঠলেন। মালতী ভৈরবী হ'য়েছিল। আসন পেতে ব'ললো, ব'সবে না, বামুনদা' ?

শরৎচন্দ্র মৃদু হাসলেন, ব'ললেন, মামুষ ত অণুটি নয় বোন্—অণুটি তার মন। তারপর ডেকেছিলে কেন, মালতী ?

মালতী কয়েক মিনিট মাথা নীচু ক'রে ব'সে রইলো। তারপর ব'ললো, নিজের চোখে বা' দেখেছো তারপরও কি বিশ্বাস ক'রতে পারবে, বামুনদা ?

শরৎচন্দ্র সহাস্তে উত্তর দিলেন, এখনও ত অবিশ্বাসের পরিচয় কিছু পাইনি !

মালতী আর নিজেকে সামলাতে পারলো না। একেবারে তাঁর পায়ে গড়িয়ে প'ড়লো। কৌপাতে কৌপাতে ব'ললো, ভেবেছিলাম, ও পথ—জীবনে আর ষাড়াবো না কোনদিন—কিন্তু একা তুমি ছাড়া আর আমার কেউ বিশ্বাস ক'রেনি। একটু থেমে ব'ললো—তুমি ত' জানো দা'-ঠাকুর, ষাঠ্বের জীবনের বৃত্তকা কত ? অথচ বেঁচে থাকার মত সম্বলও বে আমার নেই ! যদি বেঁচে থাকতেই হয়, এ দেহ বিক্রয় ছাড়া ত' বিচার দ্বিতীয় পথ খোলা নেই ! বিশ্বাস তুমি ক'রবে ব'লেই তোমার কাছে সব কথাই আজ খুলে ব'লছি আমি। একটু থেমে ব'ললো, এ কথাটাই লভ্য—জীবনে যাকে ভালবেসেছিলাম মনপ্রাণ দিয়ে, তাকে ভুলতে আমি পারবো না কোনদিন ! কিন্তু বেঁচে থাকতে ত' আমার হবই ! ব'লো—অন্তায় কি ক'রেছি আমি ?

শরৎচন্দ্রের চোখের পাতাগুলো সম্মল হ'য়ে উঠলো। অন্তর দিয়ে অশ্রুভব ক'রলেন, কত দুঃখে সে আত্মবিক্রয় ক'রলো—অথচ এ ছাড়াও বেঁচে থাকার অন্য পথও আজ আর তার মুক্ত নেই ! গভীর মমতায় অন্তরট তাঁর হুলে উঠলো। ব'ললেন—তোমার আমার পথ এক নয় মালতী। তবুও তোমার প্রতি আমার শ্রদ্ধা আছে এবং সেইটুকু নিয়েই আমি ফিরে যাবছি। যদি কোনদিন, কোন প্রয়োজন বোধ করো, সঙ্কোচহীন চিঠে ডাক দিও—পাশে এসে দাঁড়াতে এতটুকুও দ্বিধা বোধ আমি ক'রবো না।

শরৎচন্দ্র আর একটি মুহূর্তও অপেক্ষা ক'রলেন না, পথে এসে দাঁড়ালেন।

মালতী সেইখানে তেমনিভাবেই প'ড়ে প'ড়ে কৌপাতে লাগলো—
আমায় তুমি ভুল বুঝো না দাদা, এ ছাড়া যে সত্যই বাঁচার পথ
আমাদের নেই। নিজেকে বাঁচানোর কত চেষ্টাই না ক'রলাম—তবুও
তারা বিশ্বাস ক'রলো না কোনমতে। বলো, তুমিই ব'লো—রক্তমাংসে
গড়া মানুষ হ'য়ে কি এত ঘৃণা, এত অবহেলা সহ করা যায় ?

*

*

*

কমলা অক্লান্ত সেবা ও যত্নে সগরী ছেলেমেয়েদের মানুষ ক'রে তুলতে
লাগলো। শরৎচন্দ্রও যথাসাধ্য তাকে সাগর্য ক'রতে লাগলেন।

শরীরটা ক'দিন অসুস্থ ছিল। এক অফিস আর বাসা ছাড়া, কোথাও
বেরিয়ে যান না বড় একটা। অবসর সময়টুকু, বই পড়া ও লেখার
কাটিয়ে দেন নিশ্চিন্তে।

দুই সপ্তাহ পরে একটু সুস্থ হ'য়ে উঠলেন। কমলার কথা বার বার
তাঁর স্মরণ হ'তে লাগলো। ছুটলেন তার বাসায়। কিন্তু বিষ্ময়ে তিনি
কেটে প'ড়লেন—কমলা অনায়াসে তাদের ছেড়ে রেখে চ'লে গেছে
কোথায় কে জানে !

বড় মেয়েটির বুদ্ধি হ'য়েছে। ব'ললো—মা'র কোন দোষ নেই
বামুনদা,—আমাদের জন্তে তিনি কম ত কিছু করেননি।

কথাটা সত্যি—সে একটুও বাড়িয়ে বলেনি। তার ঐকান্তিকতা ত'
তিনি নিজের চোখেই দেখেছেন। কিন্তু বাকী শিশুর দল, সে-সব ত কিছুই
বোঝে না—তাদের যে সে ছিল একমাত্র আশ্রয় ! তার বিচ্ছেদ-বেদনায়
তাঁরা আজ ব্যাকুল হ'য়ে উঠেছে। কি ব'লে তাদের যে সাহায্য দিবেন,
কিছুই ভেবে ঠিক ক'রতে পারলেন না। একদিন বার মাতৃদ্ব-বোধকে
আদর্শস্থানীয় ভেবে তৃপ্তি পেতেন—তার এই হৃদয়হীনতার পরিচয়ে সত্যি
তিনি ক্ষুব্ধ হ'য়ে উঠলেন। ভাবলেন, মানুষ সত্যি স্বার্থপর ! যা কিছু সে

করে—করে স্বার্থের খাতিরেই। তার বেশী একটি পাও সে চ'লতে পারে না—সে ক্ষমতাও তার নেই।

*

*

*

প্রায় দিন কুড়ি পরে অফিস থেকে ফিরছেন—পথে কমলার সঙ্গে হঠাৎ দেখা হ'য়ে গেল। শরৎচন্দ্রের মনটা স্থণায় সঙ্কুচিত হ'য়ে উঠলো। একদিন এই মেয়েটিকে কত শ্রদ্ধাই না তিনি ক'রতেন, আজ তার ছায়াটিও যেন তাঁর কাছে বিষবৎ মনে হ'তে লাগলো।

শরৎচন্দ্র তাকে এড়িয়ে চ'লবার চেষ্টা ক'রলেন কিন্তু কমলা তাঁর পথ রোধ ক'রে দাঁড়ালো! ব'ললো, খুব কি ব্যস্ত আছ, দাদা?

শরৎচন্দ্র থম্কে দাঁড়ালেন। কিন্তু উত্তর দিলেন না।

কমলার চোঁটের পাতায় সহজাত হাসি ফুটে উঠলো। ব'ললো, চল না দাদা, আমাদের নোতুন সংসারটা দেখে আসবে।

শরৎচন্দ্র আর ধৈর্য্য ধ'রে রাখতে পারলেন না। কেটে প'ড়লেন—নিঃস্বহায় শিশুরদলকে ত্যাগ ক'রে, তোমার নোতুন সংসার পাততে বিবেকে এতটুকু বাধলো না, কমলা?

উত্তরে কমলা হাসলো। ব'ললো—তোমার বিবেচনার সত্যই কি অমাজ্জনীয় অপরাধ ক'রেছি, দাদা?

শরৎচন্দ্র উত্তরে খুঁজে পেলেন না। তার ত্যাগ ত' তিনি নিজের চোখেই দেখেছেন।

কমলা ব'ললো—কাজটা যে ভাল হয়নি তা' নিজেও বুঝতে পারি, কিন্তু তুমিই বলত', তাদের সাবালক ক'রে—যেদিন নিজের জীবনের প্রতি তাকাবার অবকাশ পেতাম, সেদিন কি আমার জীবনটা শুকিয়ে মকড়মি হ'য়ে উঠতো না? একটু থেমে কমলা ব'ললো—যতটুকু দয়াকর করার চেয়েও কি কিছু কম ক'রেছি আমি? নিজে না খেয়ে, না পশুরও

তাদের খাইয়েছি, পরিয়েছি, সুখ-স্বচ্ছন্দতার ব্যবস্থাও ক'রেছি। তারপর, যখন দেখলাম নিজের চালিয়ে নেবার সামর্থ্য তারা অর্জন ক'রেছে, তখন নিজের জীবনটাকে রিক্ত ও তিক্ত ক'রে তোলার সার্থকতা কোথায়—তুমি কি আজ আমার বুঝিয়ে ব'লতে পারো, দাদা ?

শরৎচন্দ্র কমলার মুখের দিকে তাকালেন। কমলার চোখের পাতাগুলো সজল হ'য়ে উঠেছে। ব'ললো, ওরা আমার কে ? স-পত্নী ছেলেমেয়ে বই ত নয় ? যিনি দিলেন জন্ম, তিনি নিঃশেষে প'ড়লেন স'রে। তারজন্তে কি আজীবন দায়ী থাকবো আমি ? জীবনের কি কোন মূল্য দেবার অধিকার আমার থাকবে না ?

শরৎচন্দ্র উত্তর খুঁজে পেলেন না। নীরবে রইলেন দাঁড়িয়ে।

কমলা ব'লে চ'ললো, সুখ ও সুবিধা, এই দু'টোকে কেন্দ্র ক'রেই মানুষের জীবনের ভিত্তি রচনা হয়। মৃত্যুর শেষদিন পর্যন্ত চলে এদের একটানা লড়াই। তবুও মানুষ, মানুষকে সুবিধাবাদী ব'লতে এতটুকুও লজ্জা বোধ ক'রে না। আচ্ছা দাদা, তুমিই ব'লতো—আমি কি সত্যি কোন গুরুতর অপরাধ ক'রে ব'সেছি ? এই যে পৃথিবীতে এসেছি, এর কি কোন কিছুই অদৃশ্যকতা ছিল না ? এর পিছনে কি কোন উদ্দেশ্য নিহিত নেই ? তাই যদি হয়, তবে সৃষ্টির প্রয়োজন হ'ল কেন ?

শরৎচন্দ্র প্রশ্নবাণে বিব্রত হ'য়ে প'ড়লেন। এর জন্তে তিনি মোটেই প্রস্তুত ছিলেন না। তা'ছাড়া, এ সব সমস্ত আলোচনার উপযুক্ত ক্ষেত্র এই প্রশস্ত রাজপথ নয় ! ব'ললেন, বেশ ত' চলো, তোমার নোতুন সংসারটা দেখে আসি !

কমলা হেসে ফেললো। ব'ললো—আমায় তুমি ভুল বুঝলে, দাদা ! জীবনের স্বার্থসিদ্ধিটাই হ'ল চরম ও পরম সুখ। তার উদ্দেশ্যেই জীবন-যুদ্ধের হ'ল সূচনা। অথচ এই যে সুখ,—এ শুধু মুহূর্তের অম্লভূতি—তবুও একে অবহেলা করা যায় না। কারণ, এটাই হ'ল মানুষের জীবনের পরম

সম্পদ । বিন্দু বিন্দু বারি নিয়ে স্রষ্টি হ'ল সাগর, এই যুদ্ধের সমাবেশেই গঠিত হ'ল জীবনের বিচিত্র ইতিহাস । পারো কি দাদা, এদের অস্বীকার ক'রতে ?

শরৎচন্দ্র সহাস্তে উত্তর দিলেন, তোমার কোন কথাই ত' অস্বীকার ক'রতে পারি না কমলা !

কমলা ব'ললো—তবে—

শরৎচন্দ্র বাধা দিয়ে ব'লে উঠলেন, একটু আমার সময় দাও, কমলা । তোমার সকল প্রশ্নেরই উত্তর আমি দেবো । বুঝলে—একটু টেনে হেসে উঠে ব'ললেন, মানুষের ভালমন্দ নিয়ে এই যে আলোপ-আলোচনা—এটাও পরচর্চার সামিল । তবুও ত' আমরা করি ! ব'লতে পারো, কেন ? ওটা আমাদের প্রকৃতিগত স্বভাব । তাই ইচ্ছার বিরুদ্ধেও কেউ না কেউ, সেই আলোচনার বিষয়বস্তু হ'য়ে ওঠে । অথচ এড়িয়ে চ'লবার শক্তিও আমাদের নেই । তাই তো দেখো : আলোচনা, আলোচনাই র'য়ে যায় । কোন সমস্তারই হয় না সমাধান । কয়েক সেকেন্ড নীরব থেকে ব'ললেন—জানতো মানুষের ক্রটি-বিচ্যুতির অন্ত নেই ! ভাল-মন্দের সমালোচনা—তার নিজস্ব দুর্বলতাকে চাপা দেওয়ার প্রচেষ্টা মাত্র ! মাঝ-পথে পুনরায় থেমে য়ুহ একটু হাসলেন । ব'ললেন—সকল যুক্তির পিছনেই আছে আত্মপক্ষ সমর্থনের একটা অন্ধ একাগ্রতা । তাই ফাঁকি দেওয়া যায় অপরকে, কিন্তু ফাঁকি দেওয়া যায় না—অন্তর-দেবতারূপী বিবেককে । সেই বিবেক যদি সায় দেয়—কোন কাজেই পিছপা হওয়া উচিত নয়, দিদি !

কমলা কি যেন উত্তর দিতে গেল, শরৎচন্দ্র বাধা দিয়ে ব'লে উঠলেন—তর্ক নুহ কমলা, বিবেকের নির্দেশই জীবনের শ্রেষ্ঠ পাত্থ্য ! আকাশের দিকে তাকিয়ে ব'ললেন—সন্ধ্যা হ'য়ে এলো । চলো—একটু এগিয়ে দিয়ে আসি !

কমলা খুশী ভরে ব'লে উঠলো, সেই ভালো ! একেবারে বাসা পর্যন্ত পৌছে দিতে হ'বে কিন্তু !

* * * *

বাসায় কিরে এলেন । সিঁড়ি বেয়ে উঠতে উঠতে মনে প'ড়ে গেলো, হুমিত্রার কথা—“এ জাতটাকে সত্যি ভাল বাসতে ইচ্ছে যায়।” পরক্ষণেই ভেসে উঠলো—কমলার সেই বিচ্ছেদ-বেদনা-কাতর মুখের ছায়াটা । সেদিন তার মুখের দিকে তাকিয়ে তাঁর এই কথাটা মনে হ'য়েছিল, “এত সহজে পথে বসাতেও বোধ হয় কেউ পারেনি”—আজ আবার নিজের চোখেই দেখে এলেন, তা'র নতুন গৃহস্থালী । চোখেমুখে কুটে উঠেছে তাদের জীবনের কত আশা ও আকাঙ্ক্ষার ছবি—। মনে মনে ব'লে উঠলেন—কত বিচিত্রই না এই জগৎ ! অথচ এদের কোনটাই ত মিথ্যে নয় ! কোনটাকেই ত ঠেলে দেওয়া যায় না !

ঘরের চাবি খুলে বাতিটা জ্বলে লিখতে ব'সলেন । মনটা তাঁর তখন ভাব'রাজ্যে ঘুরে বেড়াচ্ছে । রাত যখন দ্বিপ্রহর, “নারীর ইতিহাস” রচনা হ'ল শেষ । আনন্দের আতিশয্যে তিনি নিশ্চিত্তমনে শয্যার আশ্রয় গ্রহণ ক'রলেন ।

একটা হিস্ হিস্ শব্দে সহসা তাঁর ঘুম ভেঙে গেল । চেয়ে দেখলেন, চারপাশে তাঁর দাঁউ দাঁউ ক'রে আঙুন জলছে । প্রথমে কি ক'রবেন—কিছুই স্থির ক'রতে পারলেন না । কয়েক সেকেন্ড পরে সন্ধিৎ ক'রে পেলেন । একটা কঞ্চল গায়ে জড়িয়ে নিঃশব্দে বেরিয়ে এলেন বাইরে । তখন বহু লোক জমা হ'য়ে গেছে আঙুন নেভানোর উদ্দেশ্যে ।

অনেক কষ্টে নিভানো হ'ল, কিন্তু দেখা গেল তাঁর এতদিনের সংগ্রহ, কষ্ট ও মেহনৎ, সবই শেষে হ'য়ে গেছে । ছা'য়ে পরিণত হ'য়েছে তাঁর সখের লাইব্রেরী, বুকের রক্ত নিংড়ে লেখা, “নারীর ইতিহাস,”

“চরিত্রহীন” আর তাঁর অন্তর-রসসিকনে আঁকা মহেখতার প্রিয় ছবিখানি।

ব্যথা ও বেদনায় শরৎচন্দ্রের অন্তর টন্ টন্ ক’ম্বতে লাগলো। বার বার তাঁর মনে হ’তে লাগলো, নিজের জীবনের চেয়েও প্রিয় বস্তুগুলি আজ হারালেন তিনি! সারা জীবনে হয়ত এ ক্ষয় ও ক্ষতির পূরণ সহজে আর হ’বে না। নিজের অজ্ঞাতেই চোখের কোণ বেয়ে গড়িয়ে প’ড়লো ফোঁটা কয়েক জল।

*

*

*

এই ঘটনার পর শরৎচন্দ্র তাঁর প্রিয় সেই কুলিবস্তীর মায়া কাটিয়ে উঠে এলেন রেঙ্গুন সহরে। অতিরাম পতির হোটেলে (কারও কারও মতে চট্টোব্রাজ্যের হোটেলে) দু’বেলা খাওয়ার ব্যবস্থা ক’ম্বলেন।

[শরৎ-পরিচয়, স্মৃ. না. গ., পৃঃ ১৪৭]

সে দিন আবহাওয়াটা ভাল ছিল না। শরৎচন্দ্র হোটেল থেকে নেমে রাস্তায় পা দিয়েছেন, একটি পনেরো কি মৌল বছরের মেয়ে তাঁর সামনে এসে দাঁড়ালো। হাঁপাতে হাঁপাতে ব’ললো—তুমি? তুমি এখানে বামুনদা’?

শরৎচন্দ্র তখনও মেয়েটিকে চিনতে পারেননি।

মেয়েটি তেমনি ব্যাকুল কণ্ঠে ব’ললো, ভুলে গেছ বামুনদা’? ক’ল্‌কাতার—, মুখটা চেনাচেনা মনে হ’চ্ছিল এতক্ষণ। ক’ল্‌কাতা কথাটার তাঁর পুরানো স্মৃতি সহসা জাগরুক হ’য়ে উঠলো। মনে প’ড়ে গেল সৌরীন্দ্রনাথ ঠাকুরের আখ্যায়িকার কথা। চকিতে চোখের তারা দুটো তাঁর জলে উঠলো! চিন্তে পায়লেন মেয়েটিকে। তখন সে ছিল প্রায় শিশু, এখন বয়সের সঙ্গে সঙ্গে চেহারায় অনেক পরিবর্তন দেখা দিয়েছে। তাই সহসা তাকে চিনে উঠতে পারা যায় না। ব’ললেন—হ্যাঁ—হ্যাঁ—মনে পড়েছে বটে! তা’ খবর কি বলতো? থাকো কোথায়?

মেয়েটি ব্যাকুলতা প্রকাশ করিলো—আমায় তুমি বাঁচাও বামুনদা ! শরৎচন্দ্র তার এই ব্যাকুলতার কারণ খুঁজে পেলেন না। বললেন, কি হয়েছে তোমার, খুলে বলতে পারো স্বচ্ছন্দে !

মেয়েটি চঞ্চল হয়ে উঠলো। চার পাশ একবার ভাল করে তাকিয়ে নিয়ে জিজ্ঞাসা করিলো, তোমার বাসা কোথায় বামুনদা ? দয়া করে একটু আশ্রয় দাও, তারপর সব কথা তোমায় খুলে বলছি !

বাসাটা ছিল কাছেই। অফিসে যাওয়ার সময় হয়েছে এসেছিল। মেয়েটি তাঁর সঙ্গে সঙ্গে ঘরে এসে ঢুকলো।

শরৎচন্দ্র বললেন, এখন অফিস যাচ্ছি, পরে বরং দেখা করো। আমার বতদূর সাধ্য তোমায় সাহায্য করবো !

মেয়েটি কিন্তু নিঃশব্দে তক্তাপোষের নীচে আশ্রয় নিয়ে বললো, তার চেয়ে বরং ঘরে চাবি দিয়ে যাও—আমি কোনমতেই আর বা'র হ'চ্চিনে।

শরৎচন্দ্র বিব্রত হয়ে পড়লেন। বললেন, তা' কি হয় ?

মেয়েটি উত্তর দিল, নইলে বাবার হাত থেকে আমার আর মুক্তি হবে না ! বিশ্বাস করো, তিনি আমায় বিক্রি করে দিতে চান—দোহাই দা'ঠাকুর আমায় বাঁচাও।

সময় অত্যন্ত সংক্ষেপ। বাধ্য হয়ে তারই কথামত ঘরে ভালা দিয়ে বেরিয়ে গেলেন অফিসে।

*

*

*

শুভ-অশুভ চিন্তায় মনটা তাঁর ভারাক্রান্তই ছিল। তাড়াতাড়ি অফিস থেকে ফিরে এলেন। কাছে এসে দেখলেন, পুলিশ তাঁর বাসাটা ঘিরে রয়েছে। নিরুপায়ে তিনি ফিরে গেলেন মনিবাবুর (মিজির) কাছে। তিনিই শরৎচন্দ্রকে তাঁর অফিসে চাকরী করে

দিয়েছিলেন। শুধু আন্তরিক স্নেহ তিনি ক'রতেন না—একজন বখার্ব জমী ব'লে সমানরও ক'রতেন যথেষ্ট। রেলুনের সমস্ত অকিসার ও সম্ভ্রান্ত লোকের সঙ্গে তাঁর শুধু আলাপ ছিল না, সকলেই তাঁকে মান্য করে চ'লতেন। স্বয়ং উপস্থিত হ'য়ে পুলিশসাহেবকে ডেকে সমস্ত ঘটনা খুলে ব'ললেন; এবং বার বার জোর দিয়ে ব'লতে লাগলেন—আমরা মেয়েটিকে রক্ষা ক'রতেই চেয়েছি, তার বাপের অত্যাচারের হাত থেকে।

পুলিশসাহেব চ'লে গেল। নিবারণ চক্রবর্তী তখন মনিবাবুকে ধ'রে ব'ললেন—আপনারা আমার মেয়েকে নিয়ে যা' খুশী করুন কোন আপত্তি নেই। শুধু নিবেদন—নগদ ছ'শো টাকা আর যাতায়াতের খরচটা দিয়ে আমার বিদায় ক'রে দিন।

শরৎচন্দ্র জিজ্ঞাসা ক'রলেন, কারণটা কি?

নিবারণ চক্রবর্তী ব'ললেন, নইলে বাঁচার আর আমার উপায় থাকবে না! আকিয়াবে ছ'শো টাকায় ওকে বিক্রী ক'রেছিলাম—কিন্তু আমারই সঙ্গে ও পালিয়ে এলো। টাকা কেরং দেবো, কথা দিয়েছি—তাদের লোকও সঙ্গে আছে—হয় আমার বাঁচান, নইলে এমন ঠে-ঠে ক'রে বেড়াবো যে, এখানে সসন্মানে বাস করার উপায় আর আপনাদের থাকবে না কোনদিন!

অগত্যা শরৎচন্দ্র রাজি হ'লেন ছ'শো টাকা দিতে। মনিবাবুও বাকী টাকা দিতে স্বীকৃত হ'লেন।

নিবারণ চক্রবর্তী পেয়ে ব'ললেন, একটা ধুতি আর চাদরও দিতে হ'বে!

মনিবাবু আশ্বাস দিলেন, তারজন্তে আপনি ভাববেন না নিবারণবাবু, এখন একটু চুপ ক'রে দাঁড়ান—আপনার মেয়ের কাছ থেকে বরং আমরা স্নুরে আলি একটু!

ঘর খোলা হ'ল। নিবারণ চক্রবর্তীও তাঁদের শিছু শিছু ভেতরে গিয়ে ঢুকলেন। মেয়েটির মুখ সঙ্গে সঙ্গে ভয়ে শুকিয়ে বিবর্ণ হ'য়ে গেল। চোখের জলে ভাসতে ভাসতে ব'ললো—না—না—দোহাই অপনাদের, ও'র হাতে আমার আর কিরিয়ে দেবেন না !

মনিবাবু মেয়েটির সামনে এগিয়ে গিয়ে দাঁড়ালেন। ব'ললেন—ভয় কি মা ? আমরা ত' সব র'য়েছি !

মেয়েটির চোখের জল তবুও থামতে চায় না। ব'ললো—ভাগ্যে আমার আরও কত যে ছুঃখ আছে, কে জানে ! আট বছর বয়সে হ'লাম বিধবা। স্বাস্ত্রী বিক্রী ক'রে দিলেন—আর একজনের কাছে। তিনি নিয়ে এলেন ক'লকাতার ঠাকুরবাড়ীতে। সেখান থেকে মুক্তি পেলাম। কিরে এলাম বাবার কাছে, সেখানেও পেলাম না শান্তি। তিনি আবার বিক্রী ক'রলেন আকিহাবে মুসলমানদের কাছে। তারা বন্ধ ক'রে রাখলো সাতদিন। তারপর ইঁটাপথে এসেছি রেজুন—এরপরেও কি এতটুকু আশ্রয় দেবেন না আপনারা !

*

*

*

মনিবাবু অভিভূত হ'য়ে পড়লেন। ব'ললেন—না—না, তোমার আমরা সম্পূর্ণ আশ্রয় দিতে পারি—এখানে তোমার উপর আর কেউ নির্ভাতি ক'রবে না ! নিবারণবাবুর সমস্ত প্রাপ্য এখন আমরা মিটিয়ে দিচ্ছি। ব'লেই বেরিয়ে এলেন বাইরে।

শরৎচন্দ্রকে কাছে ডেকে ব'ললেন—আপাততঃ তোমার কাছেই ও থাক—তারপর দেখেগুনে ববং বিয়ের একটা ব্যবস্থা ক'রে দিলেই চ'লবে !

শরৎচন্দ্রও রাজী হ'লেন। ব'ললেন, সেই ভাল। টাকাটা বরং এখনই চুকিয়ে, বুড়োকে বিদায় ক'রে দেওয়া যাক। আবার কি কামেলা বাধাবে, কে জানে !

মনিবাবু ও শরৎচন্দ্র, নিবারণবাবুকে ডেকে তাঁর সমস্ত দাবী মিটিয়ে দিলেন। খুশীতে বুড়োর চোখমুখ উজ্জ্বল হ'য়ে উঠলো। ব'ললেন, সত্যই আপনারা বাবুর মত বাবু আছেন বটে! বাই—সে শালাদের ঝগটা এখন শোধ ক'রে দিয়ে আসি। ফিরে, কিন্তু আজ এখানেই হু'মুঠো আমি থাকো!

নিবারণবাবু চলে গেলেন। মনিবাবু অতি দুঃখেও হেসে ফেললেন। ব'ললেন—ছুনিয়াটা সত্যই বিচিত্র হে শরৎ! এমন বাপও ছুনিয়ার দেখা যায় তা'হলে!

নিবারণবাবু লোক যে ধারাপ ছিলেন তা নয়! অভাবের তাড়নায়, শোকে-দুঃখে, এমন একটা স্বার্থান্বেষী ছড় প্রকৃতির মানুষে পরিণত হ'য়ে-ছিলেন। হাসিমুখে তিনি মেয়েকে বিক্রী ক'রেছিলেন কিন্তু তার সুখ-স্বাচ্ছন্দ্যতার কথা ভুলেননি এতটুকু। বাওয়ার সময় তিনি মেয়েকে কাছে ডেকে, পাশে বসিয়ে, হু'চার ফোঁটা চোখের জল ফেলে ব'ললেন—যে বাবুর হাতে তোমার তুলে দিয়ে গেলাম—তিনিই তোমার সুখী ক'ন্থে না! দেখো, বুড়ো বাপের আশীর্বাদ কখনও মিথ্যে হবে না!

নিবারণবাবুর আরও হু'চার দিন থাকার ইচ্ছা থাকলেও, শরৎচন্দ্রের গভীর সুখের দিকে তাকিয়ে সে ভরসা আর তাঁর হ'ল না। পরদিন তিনি দেশের দিকে রওনা হ'য়ে প'ড়লেন।

* * * *

কিছুদিন পরে শরৎচন্দ্র ভীষণ অসুস্থ হ'য়ে প'ড়লেন। মেয়েটি আশ্রাণ সেবা ও যত্নে তাঁকে সুস্থ ক'রে তুললেন। শরৎচন্দ্রও তার এই ঐকান্তিক সেবা ও যত্নে মুগ্ধ হ'য়ে প'ড়েছিলেন। মনিবাবু বিষয়ের কথা সুখে ব'লে গেলেও আজ পর্যন্ত কোন চেষ্টাই তিনি করেননি। ইতিপূর্বে তিনি খেছার মেয়েটিকে হু'একবার পাজ্রহ করার চেষ্টা ক'রেছিলেন, কি

মেয়েটি কিছুতেই রাজী হয়নি। বলে, পুরুষ বহু মেয়ে বিয়ে ক'ম্বতে পারে, মেয়ে কিন্তু বিয়ে করে একটিবার এবং একটি পুরুষকেই! সবিস্ময়ে হতবাক হ'য়েছিলেন সেদিন। আজ কথায় কথায় শরৎচন্দ্র জিজ্ঞাসা ক'ম্বলেন, তোমার কথা শুনে মনে হয়, বিয়েতে তোমার আপত্তি নেই—কিন্তু শুনতে পারি কি সে ভাগ্যবান পুরুষটি থাকেন কোথায়? মেয়েটি এতটুকুও সঙ্কোচ বোধ ক'ম্বলো না। কিন্তু একটু মুচ্কি হাসি হেসে ব'ললো, তুমি!...আমি? বিস্ময় বিমুগ্ধ শরৎচন্দ্র। ই্যা, তুমি! মেয়েটি নিঃসঙ্কোচে উত্তর দিল। তুমি ছাড়া আর কারকেও আমি স্বামীরূপে বরণ ক'ম্বতে পারবো না! অনেক বুঝালেন শরৎচন্দ্র। কিন্তু মেয়েটি অটল ও অচল। অগত্যা শরৎচন্দ্র তাকেই বিয়ে করা স্থির ক'ম্বলেন। স্নহ হ'য়ে উঠে তিনি তাকে শৈব মতে বিয়ে ক'ম্বলেন। নাম দিলেন হিরণ্ময়ী দেবী।

[বিপ্লবী শরৎচন্দ্রের জীবন-প্রব্ধ, শৈলেন বিশা, পৃঃ ৯২]

স্বখে-দুঃখে সংসার কোনমতে চ'লে যায়। হঠাৎ এক ককিরের সঙ্গে তাঁর দেখা হ'য়ে গেল। তিনি ব'লে গেলেন, একটা কুকুর কিনে যত্ন ক'রে পু'লে, ভাগ্য তোমার খুলে যেতে পারে!

কথাটা তাঁর মনে লেগে গেল। বাজার থেকে আট আনা পরস্য দিয়ে একটি কুকুরবাচ্চা কিনে নিয়ে এলেন পরদিন।

হিরণ্ময়ী দেবী কুকুরবাচ্চা দেখে একটু হতবাক হ'লেন। জিজ্ঞাসা ক'ম্বলেন, ওটা আবার কি ক'ম্বতে নিয়ে এলে?

শরৎচন্দ্র ব'ল্লেন—সব কথায় তোমার কাজ কি, বউ! সখ গেল, নিয়ে এলাম—এবার একটু-আধটু যত্ন ক'রে মানুষ ক'রে তোল!

হিরণ্ময়ী দেবী বিরক্ত বোধ ক'ম্বলেন না। নিঃসঙ্গ জীবনে একটি সঙ্গী জুটে গেল! আদর ক'রে নাম রাখ'লেন, বংশীবদন। শরৎচন্দ্র নাম দিলেন, ভেলি। শেষ পর্যন্ত সে “ভেলু” নামেই হ'ল পরিচিত।

ইতিপূর্বে কুস্তলীন পুরস্কারপ্রাপ্ত (১৩০২) গল্প “মন্দির” ১৩১০ সালে প্রথম ছাপা হ’য়েছিল। এর চার বছর পরে ১৩১৪ সালের বৈশাখ-আষাঢ়ে “ভারতী” পত্রিকায় “বড়দিদি” ধারাবাহিকভাবে প্রথম আত্মপ্রকাশ ক’রুলো। লেখকের নাম না থাকায়, অনেকের মনে ধারণা জন্মেছিল এটি রবীন্দ্রনাথের ছদ্ম রচনা। কিছু আলোড়নও চ’লেছিল। পরে রবীন্দ্রনাথ, এটি তাঁর রচনা ব’লে অস্বীকার করায়, লেখক সম্বন্ধে সমস্ত গবেষণার যবনিকা পতন ঘটলো।

[শরৎচন্দ্রের একান্ত ইচ্ছা ছিল, তাঁর রচনা যেন “প্রবাসী”তে আত্ম-প্রকাশ করে। সে সুযোগ মিলে গিয়েছিল জ্ঞানেন্দ্রনাথ বন্দ্যোপাধ্যায়-ম’শায় হাকিম হ’য়ে ভাগলপুরে আসাতে। তাঁর এই লেখাটি ভাল লাগায় নকল শুরু হ’য়ে গেল। কিন্তু তিনি পূজোর ছুটির পর বদলি হ’য়ে বাঁওয়ার উৎসাহীদের নিরাশ হ’তে হ’ল। তবুও কপিটি “প্রবাসীতে” পাঠানো হ’ল। কিন্তু তা প্রত্যাখ্যাত হ’য়ে সরলাদেবীর হাতে গিয়ে প’ড়লো। তখন “ভারতী” সম্পাদনার ভার ছিল সৌন্দর্য্য মোহন মুখোপাধ্যায় ম’শায়ের ওপর। তিনি সুরেন্দ্রনাথের (গঙ্গোপাধ্যায়) সঙ্গে যুক্তি ক’রে এবং শরৎচন্দ্রের অহুমতি সুরেন্দ্রনাথ মারফৎ আনিয়ে ছাপাতে শুরু ক’রে দিলেন। প্রথম দু’টি সংখ্যাতে তাঁর নাম ছিল না। পরে তাঁর নাম প্রকাশ করা হ’য়েছিল। [‘শরৎ-পরিচয়’, সূ. না. গ., পৃ: ১৫৩ ও শরৎ-প্রসঙ্গ (শরৎ-বন্দনা), সৌ. মো. সু, পৃ: ২৩৯-৪০]

সংবাদটা রেশ্মেনেও ছড়িয়ে প’ড়লো! ফলে, বন্ধুমহলে তাঁর খাতির রাতারাতি বেড়ে গেল রীতিমত। সেদিন কিন্তু তিনি আনন্দে আত্মহারা হ’লেন না। বরং সংযত হ’য়ে এরপর থেকে নিয়মিত পড়াশুনা ও গোপনে লেখা আরম্ভ ক’রে দিলেন। বাক্যে বলা চলে নীরব সাধনা! অবশ্য ভাগলপুরের চেলো-চামুণ্ডারা উপহার থেকে বঞ্চিত হ’লেন না। পাঠিয়ে দিলেন দু’একটা “কাউন্টেন পেন”।

ককিরের কথা বর্ষে বর্ষে মিলতে শুরু হ'ল। ক'লকাতার পাড়ি দেওয়া সরকার। স্মরণ্য শরীর অসুস্থতার অকুহাতে [অফিসে ডাক্তার সার্টিফিকেট প্রাডিউস্ ক'রে অক্টোবর মাসে (১৯১২)] সস্ত্রীক রওনা হ'লেন ক'লকাতায়। উঠলেন কৈলাস বসু স্ট্রীটে, কৈলাস বসু ম'শায়ের বাড়ীর পাশের এক ভাড়াটে বাড়ীতে। "নারীর মূল্য"-এর বাকী অংশটুকু তিনি বর্ম্মা থেকে ক'লকাতা আসার পথে শেষ ক'রেছিলেন। কিন্তু এত কাঁটাকুটি ক'মতে হ'য়েছিল যে, সেটুকু পুনরুদ্ধার না ক'মলে পাঠোদ্ধার সম্ভবপর নয়! অথচ হাতে অনেক কাজ। সময়ও খুব সংকীর্ণ। ইতিমধ্যে সকল কাজ শেষ ক'রে তাঁকে ফিরে যেতে হ'বে বর্ম্মায়।

সেদিন লেখাটা নিয়ে ব'ল্লেন কিন্তু মন কিছুতেই ব'ল্লো না। অবশেষে মি: সি. কে. সরকার ম'শায়ের কাছে দেখা ক'মতে গেলেন। বর্ম্মার বন্ধু,—ক'লকাতায় এসে একবার না দেখা ক'মলে মনটা শান্তি কি পেতে পারে কখনও?

কিছুক্ষণ আলাপ-আলোচনা চ'ল্লো। শরৎচন্দ্রের হাতে কাগজের একটা মোড়ক। মি: সরকার জিজ্ঞাসা ক'ল্লেন—হাতে ওটা তোমার কি শরৎ?

শরৎচন্দ্র ব'ল্লেন—এটা আমার দ্বিদির লেখা! প'ড়ে দেখবে না কি একবার—কেমন লিখেছেন আমার দ্বিদি?

মি: সরকার অবিস্থানের হাসি হাসলেন। ব'ল্লেন—তোমার আবার দ্বিদি এলো কোথা থেকে?

বিশ্বাস করো—দ্বিদি আমার আছে। হাওড়ার গোবিন্দপুরে তার স্বত্ববাড়ী। আমার ভাই প্রভাসও সন্ন্যাসী হ'য়ে এখন বেণুড় মঠে আছে!

কথাটা মোটেই বিশ্বাস ক'মতে পারলেন না মি: সরকার। ব'ল্লেন, পৃথিবীতে লোক তোমার আত্মীয় আমি জানি। মিছে রেফারেন্স দেওয়ার প্রয়োজন বোধ করিনে।

শরৎচন্দ্র তাঁর সহজাত আভাবিক একটু হাসি হাসলেন। ব'ললেন—
প'ড়ে দেখো ত' কেমন হ'য়েছে !

টেবিলের ওপর মোড়কটা রেখে একটা চুরুট ধরালেন। হঠাৎ
কথায় কথায় পড়াশুনার কথা উঠলো।

শরৎচন্দ্র জিজ্ঞাসা ক'রলেন—আচ্ছা সরকার, তোমরা ত' বহু বই
পড়ো, কিন্তু একটা কথার আমার উত্তর দিতে পারো—সেগুলো কি
কখনও ভেবে দেখার অবসর পেয়েছে জীবনে ?

মি: সরকার উত্তর দিলেন—পড়া মানে সঞ্চয় করা—

বাখা দিয়ে উঠলেন শরৎচন্দ্র। ব'ললেন—তা নয়। সঞ্চয়ও চাই—
তার ক্ষয়ও চাই, নইলে সঞ্চয়ের কোন মূল্য থাকে না! পড়ো ক্ষতি
নেই, অজানা অচেনা বিষয় সম্বন্ধে জ্ঞান সঞ্চয় করো—তার মত ভাল
কাজও এ-জগতে নেই—সেই সঙ্গে একটিবার ভেবেও দেখো—বক্তব্য
ভাদের কতটুকু সত্যি! কতটুকু তার প্রয়োজন? কতটুকু সত্যি নিহিত
র'য়েছে তার মধ্যে? তবেই তার সার্থকতা—নইলে জেনো, সব কিছুই
মূল্যহীন! ব'লেই সহসা উঠে দাঁড়ালেন শরৎচন্দ্র। মোড়কটাও তুলে
নিলেন সেই সঙ্গে।

মি: সরকার বাখা দিলেন, কোথায় আবার চ'ললে? চা আনতে
যে ব'লেছি তোমার জন্তে!

ভাল লাগছে না, একটু ঘুরে আসি! ব'লেই শরৎচন্দ্র বেরিয়ে
প'ড়লেন সেই মুহূর্তে।

ছুটি মাত্র একটি মাসের। ফিরে যেতে হবে নভেম্বর মাসে। আত্মীয়-
স্বজনের সঙ্গে দেখা না ক'রলেও নয়। সেই সময়ে উপেনবাবু
(গদ্যোপাধ্যায়) কনি পাল ব'শায়ের সঙ্গে আলাপ করিয়ে দিলেন।

তিনি “বমুনা” পত্রিকার সম্পাদক। তাঁরই বিশেষ অহরোধ ও নীড়া-নীড়িতে অবশেষে কথা দিলেন নিয়মিত লেখা তিনি দেবেন তাঁর পত্রিকায়। স্থির হ’ল আপাততঃ তাঁর ছেতবেলার লেখা “বোঝা” নামে একটি গল্প—“বমুনায়” পত্রিকায় ছাপা হোক, তারপর তিনি বর্ম্মা মূলুক থেকে নিয়মিত লেখা পাঠাবেন। অবশ্য তিনি মুক্তি পাওয়ার আশায় এই প্রতিশ্রুতি দিয়ে বর্ম্মা ফিরে গেলেন (নভেম্বর ১৯১২)।

কার্তিক-পৌষে “বোঝা” বেরুলো “বমুনায়”। তার পরমাণে “সাহিত্য” পত্রিকায় বেরুলো “বাল্য-স্মৃতি”। “কাশীনাথ” আত্মপ্রকাশ ক’রুলো “সাহিত্যে”—ফাল্গুন-চৈত্র সংখ্যায়।

শরৎচন্দ্র খুশী হ’তে পারলেন না। কারণ তাঁর প্রথম বয়সের রচনার প্রতি তেমন আস্থা ছিল না। তিনি মনে-প্রাণে বিরক্তি বোধ ক’রুলেন—এই উপকারী বক্তৃতির ওপর। এ তো তাঁর উপকার নয়—হত্যার ষড়যন্ত্র! চিঠির পর চিঠি ছাড়তে লাগলেন এই সব বক্তৃৎবর্গদের প্রতি।

এ-পাশে তিনি প্রতিশ্রুতি মত “রামের স্মৃতি” গল্পটি পাঠালেন “বমুনায়”। সে গল্পটি ফাল্গুন-চৈত্র সংখ্যায় আত্মপ্রকাশ ক’রুলো (১৩১২)। সাড়া প’ড়ে গেল চারিদিকে। বৈশাখে বেরুলো “পঞ্চ-নির্দেশ”, অরু হ’ল “চন্দ্রনাথ”। ও-পাশে অনিলা দিদির ছদ্মনামে ওই বৈশাখেই বেরুলো “নারীর মূল্য” (১৩২০)। আষাঢ় ও ভাদ্রে “আলো-ছায়া”, শ্রাবণে “বিন্দুর ছেলে” (১৩২০)। পুস্তকাকারে বেরুলো “বড়দিদি” (প্রকাশক ফণীন্দ্রনাথ পাল)। ধীরে ধীরে এই জ্যোতিষের উপর সকলেরই শুধু দৃষ্টি আকৃষ্ট হ’ল না—প্রবাস মাথা নতও ক’রুলো সেইসঙ্গে। রবিশঙ্কর যুগে ‘চন্দ্রের’ আবির্ভাব—বিস্ময়-বিস্মৃদ্ধ-চিন্তে দেশবাসী তাকিয়ে দেখলো—হ্যাঁ, শরতের ‘চন্দ্র’ই বটে!

“ভারতবর্ষ” পত্রিকার আবির্ভাব হ’ল (১৩২০)। পরিচালক গোষ্ঠির মধ্যে প্রমথনাথ ভট্টাচার্য্য ম’শায়ও ছিলেন (কলিকাতা ইন্ট্রনিং ক্লাবের

সম্পাদক)। ইনি ছিলেন মজঃফরপুরের একজন অন্তরঙ্গ বন্ধু। এই সাক্ষ্য-সমিতি থেকে প্রথম একখানি কাগজ বা'র করার প্রস্তাব উঠেছিল, পরে বিজ্ঞেয়লালকে সম্পাদক ক'রে “ভারতবর্ষ” বা'র করা হয়। তাঁরই সনির্বন্ধ অনুরোধে তিনি ভারতবর্ষে লেখা দিতে সম্মত হ'লেন। পাঠালেন “চরিত্রহীনের” কিছু অংশ। কিন্তু কয়েক মাস পরে তা প্রত্যাখিত (অমনোনীত) হ'য়ে ফিরে গেল তাঁর কাছে। শরৎচন্দ্র ক্ষুব্ধ হ'লেন মনে-প্রাণে।

সেখানা পাঠালেন “যমুনায়”। এ-পাশে প্রমথবাবু চিঠিতে চিঠিতে ঘর তাঁর প্রায় ভরিয়ে তুললেন। অবশেষে “ভারতবর্ষে” পাঠালেন “বিরাজ বো”। দেশবাসী তাঁকে সেইসঙ্গে একজন প্রতিভাশালী লেখক ব'লে মেনে নিলেন। এই সময়ে সস্ত্রীক তিনি একবার ক'লকাতায় ফিরে এলেন (১৯১৪) অসুস্থতার দোহায়ে। কিছুদিন পরে পুনরায় ফিরে গেলেন বর্ধায়। এ-সময় পুস্তকাকারে বেরুলো, “বিরাজ বো”, “বিন্দুর ছেলে” (গুরুদাস চট্টোপাধ্যায় এণ্ড সন্স), “পরিণীতা” ও “পণ্ডিতমশাই” (রায় এম. সি. সরকার বাহাদুর এণ্ড সন্স)। “যমুনায়” সম্পাদকরূপে তাঁর নামও বৃক্ত করা হ'ল। “সাহিত্যে” বেরুলো “অমুপমার প্রেম”, “যমুনায়” বেরুলো “পরিণীতা”, “ভারতবর্ষে” “পণ্ডিতমশাই”, “মেজদিদি”, “দর্পচূর্ণ” ও “জাধারে আলো”। “যমুনায়” “ঘর ভাঙা”, “ভারতবর্ষে” “নিকৃতি”, “সাহিত্যে” “হরিচরণ”, “ভারতবর্ষে” “পল্লীসমাজ”, “শ্রীকান্তের ভ্রমণ কাহিনী”। যেন তাঁর লেখার বস্ত্রায় বাংলা দেশ আত্মবিভোর হ'য়ে উঠলো। সেইসঙ্গে তাঁর নাম, বশ, খ্যাতি ও প্রতিপত্তিও বেড়ে চ'ললো সেইমত।

* * * *

বহাওয়া গান্ধী আফ্রিকা থেকে ফিরে সারা ভারতবর্ষ ঘুরে বেড়াছিলেন। ইতিমধ্যে তিনি ১৯১৫ সালে রেঙ্গুনেও পা দিলেন। জুবিলী হলে তাঁকে

সম্মানিত করার উদ্দেশ্যে একটি পার্টি দেওয়ার ব্যবস্থা হ'ল। শরৎচন্দ্রও সে সভায় যোগ দিলেন। ছেলেমানুষের মত কাড়াকাড়ি ক'রে আট-দশ প্লেট আইসক্রীমও খেলেন, কিন্তু সে রাজনীতির মধ্যে নিজেকে জড়ালেন না।

শরৎচন্দ্র সাহিত্য-সেবায় নিজেকে সম্পূর্ণরূপে নিয়োজিত ক'রতে চাইলেন কিন্তু তার অন্তরায় হ'ল চাকুরী। চাকুরী নইলে পেট চলে না! অগত্যা ইচ্ছার বিরুদ্ধেই তাঁকে জীবন যাত্রার পথে অগ্রসর হ'তে হ'ল। ফলে, মেজাজটা তাঁর হ'ল খিটখিটে, শরীর অসুস্থ হ'তে লাগলো ছু'চার দিন অন্তর। কাজকর্মে নানারূপ বিষ দেখা দিল।

শোনা গেল রবীন্দ্রনাথ জাপানে যাচ্ছেন। পথে রেঙ্গুনে তিনি দু'একদিন অবস্থান ক'রবেন! সহরে একটা হৈ-চৈ প'ড়ে গেল। তৈরী হ'ল অভ্যর্থনা সমিতি। স্থির হ'ল তাঁকে অভিনন্দন পত্র দেওয়া হ'বে। সে অভিনন্দন পত্র রচনার ভার দেওয়া হ'ল শরৎচন্দ্রের ওপর। তিনি রচনা ক'রলেন—

শ্রীযুত স্যার রবীন্দ্রনাথ ঠাকুর, নাইট, ডি-লিট

মহোদয় শ্রীকরকমলেবু

কবির, —

এই সুদূর সমুদ্রপারে বঙ্গমাতার ক্রোড়-বিচ্যুত সন্তান, আমরা আজ হৃদয়ের গভীরতম শ্রদ্ধা ও আনন্দের অর্ঘ্য লইয়া, আমাদের স্বদেশের প্রিয়তম কবি, জগতের ভাব-জ্ঞানরাজ্যের সম্রাট, আপনাকে অভিবাদন করিতেছি।

আপনি অপূর্ণ কবি-প্রতিভা বলে নব নব সৌন্দর্য্য ও নব নব আনন্দ আহরণ করিয়া বঙ্গ-সাহিত্য ভাণ্ডার পরিপূর্ণ করিয়াছেন এবং নব সুরে, নব রাগিনীতে, বঙ্গ-হৃদয়কে এক নব চেতনায় উদ্ভূত করিয়াছেন।

আপনার কাব্যকলার সৌন্দর্যের মধ্য দিয়া প্রাচ্য হৃদয়ের এক অভিনব পরিচয়, অধুনা প্রতীচ্যের নিকট সুপরিষ্কৃত হইয়া উঠিয়াছে, এবং সেই পরিচয়ের আনন্দে, প্রতীচ্য আজ প্রাচ্যের কবি-শিরে সাহিত্যের যে সর্বশ্রেষ্ঠ মহিমা মুকুট পরাইয়া দিয়াছে তাহার আলোকে জননী বঙ্গবাণীর মুখশ্রী মধুর স্মিতোজ্জ্বল হইয়া উঠিয়াছে।

আপনার কাব্য-বাণীর সহস্র অনির্বচনীয় সুরে ভারতের চিরন্তন বাণী, লতা-শিব-সুন্দরের অনাদি গাথা ধ্বনিত হইয়া এক বিশ্বব্যাপী আনন্দ, অপরিণীত আশা ও অসীম আশ্বাস, মানব হৃদয়কে আকুল ও উদ্বেল করিয়া তুলিয়াছে। এই বিশাল সৃষ্টির অপূরণমাণু যে এক আনন্দে নিত্য পরিম্পন্দিত হইতেছে, এবং এক অপরিচ্ছিন্ন প্রেমসূত্রে যে এই নিখিল জগৎ গ্রথিত রহিয়াছে, আপনার কাব্যে—সেই পরম সত্যের সন্ধান পাইয়াছি এবং আপনাকে কোন দেশ বা যুগ বিশেষের নয়, সমগ্র বিশ্বের কবি বলিয়া চিনিতে পারিয়াছি। আপনার কথায়, কাব্যে, নাট্যে ও সঙ্গীতে যে মহান আদর্শ আত্মপ্রকাশ করিয়াছে, তাহাতে বুঝিয়াছি, এক লোকাভিত রাজ্যের আলোকে আপনার নয়ন উদ্ভাসিত, এক অমৃত সত্যের আনন্দরসে আপনার হৃদয় অভিষিক্ত।

আপনার অকৃত্রিম একনিষ্ঠ আজ্ঞা বাণী-সাধনা যে অতিশ্রিয় রাজ্যের স্বর্ণ উপকূলে আপনাকে উত্তীর্ণ করিয়া দিয়াছে, তথাকার আনন্দ-গীতি, নিখিল মানব হৃদয়কে নব নব আশা ও আশ্বাসে পরিপূর্ণ করিয়া আপনার স্রমোহন কাব্য রচনার নিত্যকাল ঝঙ্কত হইতে থাকুক, ইহাই বিশ্বেশ্বরের চরণে প্রার্থনা। ইতি—

রেজুন,

২৫শে বৈশাখ, ১৩২০ বঙ্গাব্দ।

ভবদীয় গুণমুগ্ধ

রেজুন প্রবাসী বঙ্গসন্তানগণ।

[ব্র: দে: শ: হইতে গৃহীত। প্রবাসী, আষাঢ় ১৩২০, গিরীন্দ্রনাথ সরকার কর্তৃক প্রেরিত রিপোর্ট দ্রষ্টব্য।]

(রবীন্দ্রনাথকে ২৫শে বৈশাখ, ১৩২৩ সালে জুবিলি হলে প্রবাসী বাঙালী ও বন্দীদের তরফ থেকে দু'টি পৃথক মানপত্র দুটি কাস্কেটে দেওয়া হয়। সভাপতি ছিলেন মিঃ আবদুল করিম জামাল, আর মানপত্র পাঠ ক'রেছিলেন ব্যারিষ্টার নির্মলচন্দ্র সেন ও ব্যারিষ্টার মিঃ উই-ব-থিয়েন। শরৎচন্দ্র সে সভায় যোগদানের অবকাশ পাননি। কারণ তার পূর্বেই তিনি ক'লকাতায় পাড়ি দিয়েছিলেন।)

মাহুব ভাবে এক, হয় অস্তরূপ। সে-সময় সাহেবদের বীর দাপটে অকিসের লোকেরা সব সময়েই কাঁপতো। সামান্ত একটু ক্রটি-বিচ্যুতির জন্য কেরানী থেকে আরম্ভ ক'রে পিয়নদের লাঞ্ছনা ও গঞ্জনার শেষ থাকতো না। শরৎচন্দ্রের শরীর ও মন সেদিন ভাল ছিল না। অন্তমনা হ'য়ে কাজ ক'রতে ক'রতে একটু ভুল হ'য়ে গিয়েছিল। সাহেব উত্তেজিত হ'য়ে তাঁকে ডেকে পাঠালেন।

শরৎচন্দ্র সাহেবের ঘরে ঢুকতেই সাহেব চেয়ার ছেড়ে গর্জ্জে উঠলেন, ইরে'স্পন্সিবল্ ননসেন্স—

মেজাজটা একে ভাল ছিল না। তার উপর ধমক—শরৎচন্দ্র ক্রোধে দিশেহারা হ'য়ে প'ড়লেন। পরমুহূর্তেই সাহেবের নাকে সবলে দু'তিনটে ঘুবি বসিয়ে ব'ললেন—তোমার চাকরীর পরোয়া ক'রিনে সাহেব। লাখি বারাসহ ক'রে, তাদের মুখ ভেঙ'চো—আমরা বাঙালী, চিনি—ঘুলেট আর লাঠি!

সাহেব মার খেয়ে সংযত হ'য়ে প'ড়লো বটে, কিন্তু শরৎচন্দ্রের আর চাকরী করা সম্ভব হ'ল না। পদত্যাগ পত্র দাখিল ক'রে বাসায় ফিরে এলেন।

পরদিন দুপুরে পিয়োন একটা রেজিষ্টার্ড খাম দিয়ে গেল। খুলে দেখলেন, প্রমথবাবু একটা এগ্রিমেন্ট ফ'র্ম পাঠিয়েছেন। সেইসঙ্গে তাঁর চিঠিরও জবাব দিয়েছেন, "সত্যকার সাহিত্যিক হ'তে হ'লে, সমস্ত

বাঁধন তোমায় ছিঁড়তে হ'বে। আমি তোমার অবস্থা উপলব্ধি ক'রেই, হরিদাসবাবুকে সমস্ত কথা খুলে ব'লেছিলাম। তিনি তোমায় সামিক একশত টাকা ক'রে দিতে রাজি আছেন। যদি মত থাকে তো চ'লে এসো। প্রীতি ও ভালবাসা গ্রহণ ক'রো।—প্রমথ।”

শরৎচন্দ্র হাতে স্বর্ণ পেলেন। এ অবস্থায় তাঁর আর একটি সুহৃৎও সেখানে থাকতে ইচ্ছা ক'রেন না। অথচ হাতে একটিও পয়সা নেই। অবশেষে তিনি বন্ধু-বান্ধবের কাছ থেকে কিছু টাকা ধার নিয়ে ক'লকাতা রওনা হওয়ার ব্যবস্থা ক'রলেন।

খবরটা ছড়িয়ে প'ড়লো। অফিসের বন্ধু-বান্ধবের দল, তাঁকে একটি ভোজ দিয়ে বিদায় সম্বর্ধনা জানানেন। তার কয়েকদিন পরেই তিনিই সঙ্গীক জাহাজে উঠে ব'সলেন (১১ই এপ্রিল, ১৯১৬)।

ক'লকাতায় ফিরে এসে তিনি সঙ্গীক বাজেমিশনপুয়ে বাসা ভাড়া ক'রে বসবাস শুরু ক'রলেন। কিছুদিন পূর্বে তাঁর “পল্লীসমাজ”, “চন্দ্রনাথ”, প্রকাশিত হ'য়েছিল। তিনি ফিরে এলে পর “বৈকুণ্ঠের উইল” ও “অরক্ষণীয়” প্রকাশিত হ'ল। দেশবাসী তাঁর এই এক একটি দানকে পরম শ্রদ্ধার সঙ্গে গ্রহণ ক'রলো। অপ্রতিদ্বন্দ্বী উপন্যাসিক হিসাবে বেশ-বিদেশে তাঁর নাম ছড়িয়ে প'ড়লো।

ক'লকাতায় ফিরে আসার পূর্বে তাঁর “বড়দিদি,” “বিরাজ বৌ,” “বিন্দুর ছেলে,” “পরিণীতা,” “পণ্ডিতমশাই” ও “সেজদিদি” তাঁকে পাঠকমহলে উচ্চ শ্রেণীর সাহিত্যিক হিসাবে সু-প্রতিষ্ঠিত ক'রেছিল।

তাঁর ক'লকাতায় বসবাসের সংবাদ পেয়ে ভক্তের দল দেশ-বিদেশ থেকে দেখা করার আশায় ছুটে আসতে আরম্ভ ক'রলো।

শরৎচন্দ্র এতখানি সৌভাগ্যের আশা করেননি। অথচ যখন সেই

সৌভাগ্য তাঁর দ্বারে এসে ধরা দিল, তখন তিনি দিশেহারা হ'য়ে প'ড়লেন না। বরং তাঁর লেখনীকে তিনি আরও সংযত ক'রে তুলতে চেষ্টা ক'রলেন। ধীরে ধীরে ঢেলে সাজালেন—“চরিত্রহীন,” “নিষ্কৃতি” ও “কাশীনাথ”।

সেই সময় হিরণ্ময়ী দেবীর শরীর খারাপ হ'ল। তিনি সপরিবারে বায়ু পরিবর্তনের উদ্দেশ্যে কাশীতে যাত্রা ক'রলেন। প্রায় তিন মাস বসবাসের পর ফিরে এলেন শিবপুরে। বেকরো, “শ্রীকান্ত, ১ম পাঠ,” “দেবদাস,” “নিষ্কৃতি,” “কাশীনাথ” ও “চরিত্রহীন”।

* * *

দেশবন্ধু চিত্তরঞ্জন তাঁর সাহিত্য-প্রতিভায় মুগ্ধ হ'য়ে একদিন তাঁকে নিমন্ত্রণ ক'রে পাঠালেন। পরিচয়ের প্রথম পর্ব শেষ হ'লে, তিনি তাঁর পত্রিকার জন্য একটি গল্প লেখার অনুরোধ জানালেন।

শরৎচন্দ্র তার কয়েকদিন পরে “স্বামী” গল্পটি লিখে তার কাছে পাঠিয়ে দিলেন। দেশবন্ধু গল্পটি প'ড়ে এতই মুগ্ধ হ'লেন যে, তাঁকে একটি ব্ল্যাক চেক পাঠিয়ে দিলেন। শরৎচন্দ্র সবিস্ময়ে তাঁর কাছে চেকটি পুনরায় ফেরৎ পাঠালেন। উত্তরে দেশবন্ধু জানালেন—এ তুল তাঁর স্বেচ্ছাকৃত, এবং ইচ্ছা ক'রেই তিনি ব্ল্যাক চেক পাঠিয়ে দিয়েছেন। তাঁর পারিশ্রমিক তিনি যেন খুলীমত বসিয়ে চেকটি ভাঙিয়ে নেন।

শরৎচন্দ্র একটি সতটাকার অঙ্ক বসিয়ে চেক ভাঙালেন। দেশবন্ধু, তাঁর এই সততার শুধু মুগ্ধ হ'লেন না—বন্ধুত্ব প্রার্থী হ'লেন!

আত্মপ্রকাশ ক'রলো “স্বামী,” “দত্তা” ও “শ্রীকান্ত—দ্বিতীয় পর্ব”।

“বহুমতীর” সঙ্গে চুক্তি হ'ল : গ্রন্থাবলীরূপে তাঁর রচনা খণ্ডে খণ্ডে প্রকাশ ক'রবেন তাঁরা। অক্টোবরে বেকরো গ্রন্থাবলী—১ম খণ্ড; ছবি (আনুমান্য ১৯২০); গ্রন্থাবলী—২য় খণ্ড; গৃহদাহ (মার্চ ১৯২০); গ্রন্থাবলী—৩য়, ৪র্থ, ৫ম ও ৬ষ্ঠ খণ্ড; ‘বাসুনের মেয়ে’ ও ‘নারীর মূল্য’।

আগন্তোষবাবু (মুখোপাধ্যায়) তাঁর প্রতি আকৃষ্ট হ'লেন। তাঁকে জগত্তারিণী পদকে ভূষিত ক'রলেন (১৯২০)। “বঙ্গবাণী” পত্রিকায় তারপর ধারাবাহিকরূপে প্রকাশিত হ'ল ‘মহেশ’, ‘অভাগীর স্বর্ণ’ ও ‘পথের দাবী’। এপাশে বেরুলো : ‘দেনাপাওনা’ ও ‘নববিধান’। সকলের দৃষ্টি আকৃষ্ট হ'ল তাঁর দিকে। [নারীর মূল্য, চন্দ্রনাথ, চরিত্রহীন, পথনির্দেশ, পরিত্রাণ ও নিকৃতি প্রথম প্রকাশ ক'রেছিলেন এম. সি. সরকার এণ্ড সন্সের সত্বাধিকারী শ্রীযুক্ত অধীরচন্দ্র সরকার মহাশয়।]

*

*

*

*

এর পূর্বে চরকা আন্দোলনে তিনি যোগ দিয়েছিলেন। নিজের হাতে সূতো কেটে আচার্য্য প্রফুল্লচন্দ্রকে একটি চাদরও উপহার দিয়েছিলেন কিন্তু রাজনীতি আন্দোলনে প্রত্যক্ষ যোগ দেবেন কি না তখনও স্থির ক'রে উঠতে পারেননি। তাই সুরেনমামাকে (গাঙুলি) জিজ্ঞাসা ক'রলেন, কাজটা কি ঠিক হ'চ্ছে?

সুরেনবাবু উত্তর দিলেন, সাহিত্য নিছক সখ নয় শরৎ, ওটাও একটা দেশের কাজ। আমার মনে হয়, এর দ্বারাই তুমি ভাল দেশের কাজ ক'রতে পারবে।

শরৎচন্দ্র উৎসাহভরে ব'লে উঠলেন, ঠিক ব'লেছো মামা! যার বা' কাজ, নিষ্ঠাভরে সম্পাদন ক'রলেই দেশের সেবা করা হয়। তোমার তাঁতশালা চ'লছে কেমন? [এই তাঁতশালা তাঁরই উৎসাহ ও অর্থ সাহায্যে সুরেনবাবু তখন পরিচালনা ক'রছিলেন এবং এইখানেই আচার্য্য প্রফুল্লচন্দ্রকে উপহার-দত্ত চাদরটি বোনা হ'য়েছিল।]

সুরেনবাবু সহাস্তে উত্তর দিলেন—তুমি যতক্ষণ আছো পাশে, ততক্ষণ কাজ ভাল ক'রেই চ'লবে—যদি স'রে যাও তখনই প'ড়'বো বিপদে।

*

*

*

পীড়িত দেশবাসীর দুঃখে ব্যথিত হ'য়েই তিনি প্রকাশ্য রাজনীতিতে যোগদান ক'রলেন। অঞ্চ তাঁর স্বভাবটা এরূপ যে, যখন যে কাজে যেতে থাকেন, সেটাই প্রাধান্যলাভ করে, তুলে যান অন্তর্কথা ! তাই তাঁর লেখনীও প্রায় শুদ্ধ হ'য়ে প'ড়লো।

প্রকাশক হরিদাসবাবুর তরফ থেকে জলধরদা (সেন) তাঁর বাড়ীতে গিয়ে ধরা দিতে সূত্র ক'রলেন। সংক্ষেপে জানালেন, তুমি কি আমার গণ্ডে বসাবে শরৎ ?

শরৎচন্দ্র তাঁর কথাটির প্রতি বে গুরুত্ব আরোপ ক'রলেন না, তা নয়—বরং আশ্বাস দিলেন, আচ্ছা যান, পাঠিয়ে দেবো। কখনও বা ব'লেন—কাল বরং একবার আসবেন—সব ঠিক ক'রে রাখবোখন !

জলধরদা আশ্বস্ত হ'য়ে বাসায় ফিরে এলেন।

* * *

শরৎচন্দ্র ভুলে গেলেন সে কথা।

পরদিন জলধরদা পুনরায় আবার তাগিদ দিলেন, কই শরৎ ?

শরৎচন্দ্র সচকিত হ'য়ে উঠলেন। ব'ললেন—আচ্ছা,—আচ্ছা, কাল হ'বেখন !

জলধরদা মিনতিভরা কণ্ঠে জিজ্ঞাসা করেন—আবার ভুলে যাবে না ত' ?

শরৎচন্দ্র মিষ্টি মধুর হাসলেন। ব'ললেন, না—না, জলধরদা, ভুল আমার হয় না। তবে কি জানেন ? বড়ো কুঁড়ে হ'য়ে গেছি, কাজে কিছু মন বসাতে পারিনে।

জলধরদা' চলে যাওয়ার পর সন্ধ্যার ঘরের দরজা বন্ধ ক'রে লিখতে ব'সলেন। কলম আর চ'লে না। একটা জিনিষ বার বার লেখেন—আবার কাটেন। শেষে পাতাটা মুড়ে কেলে দেন ওয়েষ্ট পেপার বস্ত্রে।

বিরক্ত হ'য়ে উঠে প'ড়লেন। মন বখন চায় না—তখন মিথ্যা কালি-
কলমের অপব্যবহার ক'রে লাভ কি ?

*

*

*

হরিদাসবাবু স্বয়ং হাজির হ'লেন পরদিন। শরৎচন্দ্র ব'ললেন—আজও
লেখা তৈরী হয়নি ঠিকমত।

কিন্তু এ পাশে যে আশখানা কম্পোজ হ'য়ে ব'সে আছে, শরৎদা !

কি করি বলো, কলম যে চলে না ?

সে কি কথা, দাদা ! মুখে এত সুন্দর গল্প করেন—আর কলম
আপনার চ'লছে না—এ কথা কি কেউ বিশ্বাস ক'রতে পারে ?

শরৎচন্দ্র মুহূ হাসলেন। ব'ললেন—তোমার মুখেও সেই এককথা !
সেদিন একজন ঠিক এই কথাই ব'ল্‌ছিল—আপনার কাছে গল্পের প্রত
ত্তন'তে আসি। কিন্তু আমার প্রটে কাজ হয় না হরিদাস, আমি আঁকি
চরিত্র ! সেই চরিত্রই তৈরী ক'রে দেব তোমাদের গল্প।

হরিদাসবাবু সবিস্ময়ে শরৎচন্দ্রের মুখের দিকে তাকালেন। শরৎচন্দ্র
মুহূ হাসলেন। ব'ললেন—ব'সো হরিদাস, চা পাঠিয়ে দিচ্ছি !

পরম তৃপ্তির সঙ্গে চা-পান শেষ ক'রে হরিদাসবাবু চুপচাপ চেয়ারটার
ব'সে রইলেন। কিছুক্ষণ পরে শরৎচন্দ্র ফিরে এলেন। হরিদাসবাবুকে
ব'সে থাকতে দেখে ব'ললেন—তুমি এখনও ব'সে আছো হরিদাস ?
হরিদাসবাবু ব'ললেন—আজ লেখা না নিয়ে গেলে, কোন উপায়ই থাকবে
না দাদা !

শরৎচন্দ্র সচকিত হ'য়ে উঠলেন। ব'ললেন, বলো কি ? কাজ
একেবারে অচল ?

হরিদাসবাবু হাসলেন। ব'ললেন, বিশ্বাস করুন দাদা। আজ যদি
কিছু একটা না দেন, মানসম্মত সব খোঁজাতে হবে !

শরৎচন্দ্রের আত্মসমীক্ষা বোধ ছিল প্রবল। তাই সহসা কারও সম্মুখ
তিনি নষ্ট ক'রতে চাইতেন না। ব'ললেন, আচ্ছা, একটু ব'সো। দেখি,
তোমার ভ্রাত্তে কতদূর কি ক'রতে পারি!

শরৎচন্দ্র ঢুকলেন লেখার ঘরে। পেগ ছুই 'এক্স' এক নম্বর পর পর
গলধঃকরণ ক'রে ধ'ললেন লেখনী।

ভ্রাত্তমতীর মধ্যে তাঁর কেটে গেল ছ'টি ঘণ্টা! তারপর এলেন
বেরিষে। পাতা তিন-চার হরিদাসবাবুর হাতে দিয়ে ব'ললেন—
এখন আপাততঃ এই নিয়েই কাজ চালাও হরিদাস, পরে সময়মত বরং
এটুকু শেষ ক'রে রাখ'বো।

হরিদাসবাবুর মুখে হাসি ফুটে উঠলো। ব'ললেন, সে সৌভাগ্য
কি আমার হ'বে দাদা?

শরৎচন্দ্র ব'ললেন, হবে বৈকি ভাই, সব হ'বে! বোঝাত—একে বুড়ো
মাহু, তার উপর পাঁচজনের মত কলম চালাতেও শিখিনি। মনের
আবেগ ও উচ্ছ্বাসকে সংযত রেখেই আদায় যে কাজ শুরু ক'রতে হয়
ভাই! তাই ত বলি, তোমারা তাগিদ দিয়ে ও-কাজটা আদায় ক'রে
নিয়ো সময় মত।

* * * *

সুরেনবাবু ভাগলপুর থেকে রাতে ফিরলেন। শরৎচন্দ্রের সঙ্গে তাঁর
দেখা হয়নি, কারণ তখন তিনি লেখায় ছিলেন মগ্ন। ইচ্ছা ক'রেই তিনি
বিশ্রাম নিতে চ'লে গেলেন।

পরদিন সকালে সুরেনবাবু লেখার ঘরে ঢুকে বিস্ময়ে হতবাক হ'য়ে
প'ড়লেন। টেবিলের উপর ডজনখানেক বোতল ইতস্ততঃ ছড়ানো।
সোডা ও 'এক্স'এর বোতল। ব'ললেন, এত বোতল কেন, শরৎ?

শরৎচন্দ্র গম্ভীর স্বরে উত্তর দিলেন, কাল "গৃহদাহ" শেষ হ'ল কি না!

স্বপ্নেনবাবু হেসে উঠলেন। ব'ললেন, তা হ'লে তুমিও এদের দাছ ক'রেছো ব'লো ?

শরৎচন্দ্র তেমনি মধুর হাসি হেসে উঠলেন। ব'ললেন, যদি না খেলে কি লেখা ভাল খুলে স্বপ্নেন ? তোমরা কেউ ওটা ত খেলে না, তাই আমার শিষ্ট হ'য়েও ঠিক স্নানামটা আমার বজায় রাখতে পারলে না।

উত্তরে স্বপ্নেনবাবু হাসলেন। ব'ললেন, তা যা ব'লেছো ? গুরুমারা বিড়োটা সত্যই অপূর্ণ র'য়ে গেল !

কিছুক্ষণ নীরবে কেটে গেল। শরৎচন্দ্র নিজেই বোতলগুলো নীচে সাজিয়ে রাখতে শুরু ক'রলেন।

স্বপ্নেনবাবু সহসা মুখ হ'য়ে উঠলেন—দেখ শরৎ, এর প্রতিক্রিয়াটা সম্বন্ধেও তোমার সচেতন থাকা উচিত।

উত্তরে শরৎচন্দ্র মুহূর্তে গভীর হ'য়ে উঠে ব'ললেন, তোমরা বিশ্বাস ক'রবে কিনা জানি না, কিন্তু জীবনে বাদের আমি দেখেছি, গভীর ক'রে মিশেছি, নেশায় বিভোর হ'লে, তাদেরই সুখদুঃখের, হাসি-কারার চিত্র চোখের পর্দায় আমার স্পষ্টতর হ'য়ে ওঠে। আমি আত্মভোলা হ'য়ে দেখি সেই চিত্র—আর ব'সে বসে আঁকি সেই চিত্রেরই প্রতিচ্ছবি ! দুর্ভাগ্যে স্বপ্নেন, এটা আমার বিলাস নয়—করি আমি সাধনা।

[শরৎ-পরিচয়—স্ব. না. গ., পৃ: ১৭৫-৭৬]

মহাত্মা গান্ধীর নন-কো-অপারেশন আন্দোলন আরম্ভ হ'ল। দেশবন্ধুর ডাকে শরৎচন্দ্র সে আন্দোলন সমর্থন ক'রে কংগ্রেসে যোগদান ক'রলেন। হাওড়া জিলা কংগ্রেস পরিচালনার ভার প'ড়লো তাঁর উপর। নির্বাচিত হ'লেন বঙ্গীয় প্রাদেশিক ও নিখিল ভারত কংগ্রেস কমিটির সভ্য। দেশবন্ধুর বাড়ী, নির্মলচন্দ্র ম'শায়ের বাড়ী ও প্রাদেশিক কংগ্রেস কমিটির কার্যালয় হ'ল তাঁর কর্মক্ষেত্র।

কংগ্রেসে তিনি যোগ দিলেন বটে, কিন্তু সমস্ত প্রোগ্রাম তিনি মনে-প্রাণে মেনে নিতে পারলেন না। খন্দর প'ড়লেন ডিসিগ্নি হিসাবে। আস্থা ছিল বিলাতী দ্রব্য বয়কটের ওপরে। খেতাব বয়কটের প্রোগ্রামটিও ছিল তাঁর মনঃপূত। কিন্তু চরুকা কেটে দেশ উদ্ধারের স্বপ্নে তিনি মোটেই আস্থানীল ছিলেন না।

১৯১৫ সালে ভারত সম্রাটের জন্মদিনে রবীন্দ্রনাথ “নাইট” উপাধি লাভ ক'রেছিলেন। ১৯১৯-এর ৩০শে মে, তিনি পাঞ্জাবের হাকামা ও জালিয়ানওয়ালাবাগের অত্যাচারে, সেই উপাধি বর্জন ক'রলেন। শরৎচন্দ্র খুশী হ'লেন সকলের চেয়ে বেশী। ব'ললেন— ‘কবি মুখ রেখেছেন সমস্ত বাঙ্গালাদেশের। নন-কো-অপারেশন আন্দোলনে তাঁর আস্থা নেই সত্য, কিন্তু দেশের ব্যাথা ও অবমাননার বিচলিত হ'য়ে নিতান্ত তুচ্ছবস্তুর মত সমস্ত উপাধি ত্যাগ ক'রে শুধু নিজেকে নব্র, আমাদের সবাইকে মহিমাষিত ক'রেছেন।’

প্রফুল্লচন্দ্রের মত নিরলস কর্মী ও আদর্শ দেশপ্রেমিক যখন খেতাবের মোহ ত্যাগ ক'রতে পারলেন না—তখন তাঁর হৃৎকের সীমা রইলো না। ব'ললেন, “চাঁদেও কলঙ্ক র'য়ে গেল। গুরু উচিত ছিল ‘স্মার’ টাইটেলটা ত্যাগ করা। গুরু মত অত বড় পেট্রীফট যে টাইটেলটা ছাড়লেন না, এর ব্যাথা আমার মন থেকে কিছুতেই যায় না।...”

* * * *

মেয়েরাও স্বরাজ আন্দোলনের পুরোভাগে এসে দাঁড়াতে চাইলেন। সমস্তায় প'ড়লেন দেশবন্ধু। ব'ললেন—“শরৎবাবু, এই তার আপনাকে দিলুম, মেয়েদের কাজ ক'রবার স্বতন্ত্র প্রতিষ্ঠান ক'রতে হবে, তার পরিকল্পনা ও ব্যবস্থা করুন।” শরৎচন্দ্র পশ্চাৎপদ হলেন না, বরং তাঁরই নির্দিষ্ট ব্যবস্থা ও পরিকল্পনা অনুযায়ী ভবানীপুরে ‘নারী কর্ম-মন্দির’

হাপন করা হ'ল। ব'ললেন, “বুগ বুগ হ'য়ে বারা একলা বাড়ীর উঠানের বাইরে বায়নি, রাস্তায় আর আতুড়বর ছাড়া—বাদের জন্ত সমাজ আর কোন কৰ্মক্ষেত্র রাখেনি, তাদের ভেতর থেকে আজ হাজারে হাজারে স্বাধীনতার সৈনিক কোথা থেকে আসবে? কিন্তু পাকৈট পদ্মকুল জন্মায়। তাই দেশের অন্তঃপুর থেকে এরাও গজিয়ে উঠেছে।...”

সন্দেহ দানা বাঁধলো : ছেলেদের সঙ্গে মেয়েরা একযোগে দেশের কাজে নামলে কিছু দুর্নীতি আমদানী হওয়ার আশঙ্কা আছে কি না? শরৎচন্দ্র জবাব দিলেন—“পান থেকে যদি একটু চুণ খসেই যায়—সেটা বড় কথা নয়! মশাল জ্বলছে—তার দীপ্তিতে অন্ধকার প্রান্তর উদ্ভাসিত হ'য়ে উঠেছে, সেটাই বড় কথা—তার পোড়া ভ্রাকুড়া থেকে দুর্গন্ধ বেরুচ্ছে কিনা—সে প্রশ্নটা একান্তই অবাস্তব! বস্তার পলিমাটি পেয়ে মাঠ উর্বর হ'ল,—সেটাই লাভের বস্তু—কোথায় ময়লা ভেসে এলো, কোথায় বা দুটো ইঁদুর ম'রে প'চে রইলো—তার জন্তে আমার কোন ক্লোভ নেই।...”

১৯২০ সালেব সেপ্টেম্বরে লাল লাক্ষপত রায়ের সভাপতিত্বে ওয়েলিংটন স্কোয়ারে স্পেশাল কংগ্রেসের অধিবেশন ব'সলো। Govt. & Govt.-aided স্কুল-কলেজ বর্জনের প্রস্তাব গৃহীত হ'ল।

ডিসেম্বরে পুনরায় নাগপুরে কংগ্রেসের অধিবেশন হ'ল। সভাপতি হ'লেন বিজয় রাধাচারীয়ার। ছেলেমেয়েদের স্কুল-কলেজ ত্যাগের ডাক দেওয়া হ'ল—সাদাও পাওয়া গেল সেই সঙ্গে। জাহ্নবীরী মাসের মাঝামাঝি (১৯২১) দেশবন্ধু বাংলার ছেলেমেয়েদের স্কুল বর্জনের ডাক দিলেন। ফরবীজ ম্যানসনে “গৌড়ীয় সর্ববিজ্ঞায়ন” নামে জাতীয় কলেজ স্থাপন করা হ'ল। প্রিন্সিপ্যাল হ'লেন স্ত্রীভাষ্যচন্দ্র, শরৎচন্দ্রও নিলেন অধ্যাপনার ভার। কিন্তু বিরোধ বাঁধলো—

আন্তবাবু (সুখোপাধ্যায়) ও রবীন্দ্রনাথের সঙ্গে। শেষ পর্যন্ত আন্তবাবু দেশবন্ধুর কাছে হার স্বীকার ক'রলেন—সে স্রোতকে ঠেকাতে পারলেন না!—শরৎচন্দ্রও রবীন্দ্রনাথের প্রতিবাদ জানালেন। [শরৎচন্দ্রের সঙ্গে রবীন্দ্রনাথের তিনবার সংঘর্ষ বাধে। প্রথম—‘শিক্ষা বিরোধ,’ দ্বিতীয়, মৌন সংঘর্ষ ১৯২৬-২৭-এ ‘পথের দাবী’ নিয়ে। যখন সরকার ‘পথের দাবী’ বাজেয়াপ্ত করেন, তখন তিনি রবীন্দ্রনাথকে প্রতিবাদ ক'রতে অহরোধ জানালেন। উত্তরে রবীন্দ্রনাথ যা' লিখেছিলেন—তা' শরৎচন্দ্রের মনঃপুত হয়নি। তৃতীয়, বিচিত্রায় তরুণ সাহিত্যিকদের নিয়ে।]

সুফ হ'ল পিকেটিং। বড়বাজারে বাসন্তীদেবী গ্রেপ্তার হ'লেন। দাবানলের মত সে সংবাদ শহরের সর্বত্রই ছড়িয়ে প'ড়লো। দলে দলে লোক কংগ্রেস অফিসে গ্রেপ্তার বরণের জন্ত ভক্তিময় তালিকার নাম লেখাতে শুরু ক'রলো। শরৎচন্দ্র সে দৃশ্য দেখে কিন্তু মোটেই খুশী হ'তে পারলেন না। কথায় কথায় একদিন দেশবন্ধুকে ব'ললেন—এই সব জেল যাওয়াকে আমি বীরত্বের আখ্যা দিতে পারি না!

দেশবন্ধু বিস্মিত হ'লেন! জিজ্ঞাসা ক'রলেন—কি ব'ললেন শরৎবাবু? নিঃশব্দ নিরীহ লোকদের এই নৃশংসভাবে ঠেঙিয়ে জেলে নিয়ে যাওয়াটাই কি তবে বীরত্ব?

উত্তরে শরৎচন্দ্র ধীরকণ্ঠে জবাব দিলেন—আমার স্থির বিশ্বাস—আপনাদের এই নন-কো-অপারেশনে দেশের স্বাধীনতা কোনদিনই আনা সম্ভব হবে না! তার কারণ কি জানেন?

দেশবন্ধু তাঁর মুখের দিকে জিজ্ঞাসু নেত্রে তাকাতেই ব'ললেন, ভারতবর্ষ আজ বিশ্বের দুয়ারে কিম্বরী-অঙ্গরী! তাকে মোহন করার উদ্দেশ্যেই একদিন পাঠান ও মোগল-দস্যুদল হানা দিয়েছিল। আর আজ পাশ্চাত্য সভ্য সমাজ, সেই দস্যুর স্থান নতুন ক'রে অধিকার ক'রে, মোহনের বড়বন্দ এঁটে চ'লেছে।

একটু খেমে ব'ললেন, আপনারা বিশ্বাস ক'রবেন কিনা জানি না, তবে আমার এই ক্ষুদ্র বুদ্ধি বলে—এই অঙ্গরীকে দোহনের উদ্দেশ্যেই ইউরোপে প্রথম মহাযুদ্ধের দাবানল জলে উঠেছিল। যতদিন না এই কিয়দূরী স্বাধীন ওরকে স্বাবলম্বী হ'য়ে উঠতে পারে—ততদিন পর পর একটা না একটা মহাযুদ্ধের সূচনা হ'বেই হ'বে। এটাই হ'ল ইউরোপের ভাগ্যলিপি—আর আমাদের ভাঙা হাটের 'কুঁড়েঘর লুটে'র হবে বিচিত্র ইতিহাস।

দেশবন্ধু সে কথাটা হেসে উড়িয়ে দিতে পারলেন না। শূন্য আকাশের দিকে তাকিয়ে একটা দীর্ঘশ্বাস ত্যাগ ক'রে ব'ললেন—যারা নিরস্ত্র—এছাড়াও ত মুক্তির দ্বিতীয় পথ তাদের জন্তে খোলা নেই, শরৎবাবু!

শরৎচন্দ্র ব'ললেন—নেই তা' নয় দেশবন্ধু—মার্মপথে সহসা খেমে প'ড়ে ব'ললেন—জারাই হোক—আর অজারাই হোক, যে পথ আমরা একবার বেছে নিয়েছি—তার সমালোচনা ক'রে লাভ নেই। বরং চেষ্টা ক'রেই দেখতে হবে, রক্ত দ্বারের আগল খোলা যায় কিনা!

* * * *

১৯২১সালে প্রিন্স অব ওয়েল্সকে পাঠানো হ'ল ভারত ভ্রমণ ক'রতে। উদ্দেশ্য : উজ্জল নানা আশা ও মনোমত তুষ্টবাণী বর্ষণ ক'রে জাতীয় আন্দোলনের মূলে কুঠারাবাত করা। কিন্তু কংগ্রেস বটুতি এক প্রত্যাব গ্রহণ ক'রে প্রিন্স অব ওয়েল্সের অত্যর্থনা আয়োজন বন্ধ ক'রার নির্দেশ দিলেন।

১৭ই নভেম্বর তিনি বোম্বাইয়ে এসে পৌঁছলেন। জনসাধারণ অত্যর্থনা উৎসব বন্ধ ক'রলেন। যারা অত্যর্থনার যোগ দিল, তাদের জনসাধারণ আক্রমণ শুরু ক'রলেন।

২৪শে ডিসেম্বর, প্রিন্স ক'লকাতায় এলেন। ক'লকাতায় দেশবন্ধুর

তাকে পূর্ণ হয়তাল পালন করা হ'ল। কলে, গবর্নমেন্ট কঠোর দমননীতি আরম্ভ ক'রলেন। মতিলাল, লাল লাজপত রায়, দেশবন্ধু, আবুল কালাম আজাদ প্রভৃতি নেতারা কারাবদ্ধ হ'লেন।

‘গ্রেপ্তারে হিড়িক্। ভক্তের দল শরৎচন্দ্রকে ব'ললেন—এবার আপনার পালা !

শরৎচন্দ্র জিজ্ঞাসা ক'রলেন—আকিম খেতে দেয় ?

আজ্ঞে না।

তামাক ?

তাও না—

তবে বাপু জেলে যাওয়া আমার হবে না !

সে কি কথা ?

আরে দূর দূর। দেখছি ওটা মোটেই ভদ্রলোকের জায়গা নয় ! ও আমার গোবাবে না ! গুলি যদি চ'লে, তার মুখে দাঁড়াতে পারি, কিন্তু ঐ ভেড়ার গোয়ারলে ব'সে কড়িকাঠ গুণে মাসের পর মাস কাটানো আমার দ্বারা সম্ভবপর নয়। তবে, ই্যা—কাজ ক'রতে ক'রতে যদি এমনি ধ'রে নিয়ে যায়—যাবো—কিন্তু জেলে যাবার জন্য জেলে যাবো না !’

* * * *

ডিসেম্বরের শেষে আমেরিকাবাসে কংগ্রেসের অধিবেশন ব'সলো। সভাপতি নির্বাচিত হ'লেন দেশবন্ধু। তখন তিনি জেলে। সভাপতিত্ব ক'রলেন হাকিম আজমল খাঁ। অসহযোগ প্রস্তাবের পুনরাবৃত্তি করা হ'ল। গান্ধীজীকে আইন অমান্ত আন্দোলন পরিচালনায় পূর্ণ ক্ষমতা দেওয়া হ'ল। স্থির হ'ল : গুজরাটের বারদোলী তালুকে প্রথম খাজনা বন্ধ করা হবে। পরে সারা ভারতে এই আন্দোলন ব্যাপ্ত করা হ'বে।

১৯২২ সালের ফেব্রুয়ারী মাসে গোবিন্দপুর জেলায় চৌরীচৌরী

গ্রামে খানার পাশে জনসাধারণের সঙ্গে কনষ্টেবলের প্রথমে বচসা শুরু হ'ল। পরে চ'ললো গুলি—মিছিলকারীরা পাণ্টা আক্রমণ ক'রলো। খানার আগুন দেওয়া হ'ল। সিপাহীদের কেটে টুকরো টুকরো ক'রে সেই আগুন নিষ্পেষ ক'রলো।

এ সংবাদ পেয়ে গান্ধীজী স্তম্ভাহত হ'লেন। বুঝলেন, সম্পূর্ণভাবে অহিংস আন্দোলন চালানোর মত শক্তি ভারত এখনও সঞ্চয় করেনি। প্রায়শ্চিত্ত স্বরূপ প্রায়োপবেশন ক'রলেন পাঁচদিন। ১১ই ফেব্রুয়ারী বারদোলীতে কংগ্রেস ওয়ার্কিং কমিটির মিটিং ডেকে, সেই আন্দোলন বন্ধের প্রস্তাব পাশ করিয়ে নিলেন। এ প্রস্তাবটি 'বারদোলী হন্ট' নামে খ্যাত। সহসা আন্দোলন বন্ধের কলে লোকের মন একেবারে ভেঙে পড়লো—প্রতিক্রিয়ার সৃষ্টি হ'ল। মহাত্মাজীও সর্বপ্রথম বন্দী হ'লেন (১০ই মার্চ, ১৯২২)

শরৎচন্দ্র মনে মনে ক্ষুব্ধ হ'লেন। ব'ললেন—“মহাত্মাজী ভয়ানক ভুল ক'রলেন। এ অবস্থায় আন্দোলনকে স্থগিত রাখা মানে, টু'টি টি'পে আন্দোলনের অপমৃত্যু ঘটানো। 'মাস রেভোলিউশান' একেবারেই নষ্ট হ'য়ে গেল। এ মুভ্‌মেন্ট আর রিভাইভ্‌ ক'রবে না।”

শরৎচন্দ্র তখন প্রায় নিঃসঙ্গ। মানসিক ব্যর্থতার অধীর হ'য়ে ছটকট ক'রছেন। দেশবন্ধু জেলে, সুভাষচন্দ্র বন্দী। সহকর্মী এমন কেউ বাইরে নেই, যাদের সঙ্গে দু'দণ্ড কথা ব'লে মনের জ্বালা বিদূরণ ক'রতে পারেন। মাঝে মাঝে ধাঁরা দেখা ক'রতে যেতেন, তাঁদের কাছেই তিনি মনের জ্বালা প্রকাশ ক'রতেন। একদিন কথায় কথায় ব'ললেন, “ভেবে দেখেছো কি, কত বড় অন্তায় ক'রলেন মহাত্মাজী! গোটাকতক কনষ্টেবল 'ইন্সপেক্টরিয়েটেড্‌ মব'-এর হাতে পুড়ে মরেছে—তাতে হ'য়েছে কি? তার কত সারা ভারতের আন্দোলন বন্ধ ক'রতে হবে? বিরাট এই দেশের মুক্তি-বন্ধে রক্তপাত হ'বে না? এরা বলে কি? রক্তের গদা ব'য়ে যাবে

চারিদিকে—তবেই ত সেই শোণিত-প্রবাহের মাঝে হুটবে স্বাধীনতার
রক্তকল! এতে হুঃখ কিসের? কোভ কিসের? অহুতাপেরই বা
আছে কি? এটা ঠরা বুঝলেন না—‘নন ভায়ওলেজ খুব নোবল্
স্বাইডিয়া’ কিন্তু ‘এ্যাচিভমেন্ট অব্ ফ্রিডম ইজ্ নোবল্‌স্—হানড্রেড
টাইমস্ নোবল্‌স্...’

২৪শে ফেব্রুয়ারী, ১৯২২, দিল্লীতে নিখিল ভারত কংগ্রেস কমিটির
সভা আহ্বান ক’রে ১১ই ফেব্রুয়ারী তারিখের রেজলিউশন্ অহুমোদনের
ব্যবস্থা করা হ’ল। কিন্তু মতভেদ দেখা দিল। ভোটের জোরে ‘বারদেলী
প্রস্তাব’ অহুমোদিত হ’ল বটে, কন্সীদের মনের বিকোভ ও অসন্তোষ
ধুমায়িত হ’তে লাগলো। তাই ৭ই জুন তারিখে, পুনরায় যখন লন্ডোতে
নিখিল ভারত কংগ্রেস কমিটির অধিবেশন হ’ল, বহু সদস্য ‘আইন অমাত্র
আন্দোলন’ পুনঃপ্রবর্তন করার জন্ত জিদ্ ক’রতে লাগলেন। তখন
‘আইন অমাত্র অহুমসন্ধান কমিটি’ নামে একটি সাব্ কমিটি গঠন ক’রে
ঈদের ওপরে প্রতিটি প্রদেশ ভ্রমণ ও অহুমসন্ধান ক’রে রিপোর্ট
প্রদানের ভার অর্পণ করা হ’ল।

কমিটি যখন অহুমসন্ধান-কাজে ব্যাপৃত, দেশবন্ধু কারাগার থেকে
মুক্তিলাভ ক’রলেন। তিনি ফিরে এসেই কংগ্রেসের আন্দোলনকে নোভুন
রূপ দেবার জন্তে কাউন্সিল প্রবেশের পরিকল্পনা উপস্থিত ক’রলেন। গয়া
কংগ্রেসে তিনি পুনরায় সভাপতি নির্বাচিত হ’লেন। কিন্তু যখন
তিনি কাউন্সিল প্রবেশের প্রোগ্রাম উপস্থাপিত ক’রলেন, অপ্রত্যাশিত
এক ভয়ানক অবস্থার সৃষ্টি হ’ল। দেশবন্ধু অনেক বোঝালেন, কিন্তু
অনেকেই তাঁকে ব্রান্ত মনে ক’রলো।

শরৎচন্দ্র দেশবন্ধুর পাশে এসে দাঁড়ালেন। উৎসাহ দিলেন—“কিছু

ভাববেন না আপনি! এই ত আপনার পথ। যে সত্য আপনি একান্তমনে উপলব্ধি ক'রেছেন, নিঃসঙ্কোচে তা'কে প্রচার করুন!”

দেশবন্ধু ব'ললেন—“সবাই যে বিপক্ষে শরৎবাবু?”

উদ্বীগুত-কণ্ঠে শরৎচন্দ্র ব'ললেন—“হোক বিপক্ষে! সকলের মত তো আপনার জন্ত নয়। বরং আপনার মত সকলের! বুঝেছেন, সত্যের বাণী প্রথমে কেউ কানে তুলে না! তাই সতীদাহ বন্ধ ক'রতে গিয়ে রামমোহনকে ছুঁঁয়ায় কিন্তে হ'য়েছিল, বিধবা বিবাহ প্রচলনের জন্তে বিভাসাগরকে অপদস্থ হ'তে হ'য়েছিল। আপনাকেও ভুল বুঝে কিছু শুনবে—কাল না হয় পরশু—পার্বক্য বা এখানেই!”

পর্য্য কংগ্রেসের সভাপতির অভিভাষণে দেশবন্ধু ‘কাউন্সিল প্রবেশ’ প্রোগ্রাম উপস্থাপিত ক'রলেন। ঝড় উঠলো। নো-চেঞ্জারদের মুখপাত্র ও নেতা হ'য়ে রাজাপোপালাচারী দেশবন্ধুকে পরাজিত ক'রলেন।

দেশবন্ধু পরাজিত হ'লেন কিন্তু জিদ তাঁর বেড়ে গেল। ব'ললেন, “আমি জিতবোই! দেশ আমার প্রোগ্রাম নেবেই!”

শরৎচন্দ্র তাঁর সঙ্গে একমত। ব'ললেন, “নিশ্চয় জিতবেন? ভাল ক'রে প্রচার করুন, লোকে প্রোগ্রাম আপনার নিশ্চয় নেবে—নিশ্চয় বুঝবে!”

বরিশালে বি. পি. সি. সি.'র অধিবেশন হ'ল, সেখানেও প্রবল বাধা পেলেন দেশবন্ধু। ভ্রমণ স্ক্রু ক'রলেন প্রতিটি প্রদেশে।

ন'মাস পরে দিল্লী স্পেশাল কংগ্রেসের, বিশেষ অধিবেশনে, দেশবন্ধুর নীতি অনুমোদিত হ'ল। গঠন ক'রলেন ‘স্বরাজ্য-দল’। মতিলাল নেহরু, লাল লাজপত রায়, বিঠলভাই প্যাটেল, এম. আর. জয়াকর, তরুণরাম ফুকন, ত্রিনিবাস অয়েয়ার ইত্যাদি প্রতিপত্তিশালী নেতারা তাঁর দলে যোগ দিলেন। কাউন্সিল নির্বাচনে প্রতিদ্বন্দ্বিতার জন্তে প্রস্তুত হ'লেন। কিন্তু প্রচণ্ড বাধা পেলেন বাংলাদেশ থেকেই।

প্রবল স্বপ্ন ও উদ্ভেজনার মধ্যে ইলেক্সন শেষ হ'ল। সুরেন্দ্রনাথ ব্যানার্জীর দল পরাজিত হ'লেন। সেই সময়ে দেশবন্ধুকে ছই ব্যক্তি প্রাণপণে সাহায্য ক'রেছিলেন। এক—শরৎচন্দ্র, দ্বিতীয়—সুভাষচন্দ্র। অথচ ছ'জনেই প্রতিদ্বন্দ্বিতা থেকে সরে দাঁড়ালেন। শরৎচন্দ্র ব'ললেন, “দূর দূর, সে কি কখনও হয়? আমি সামান্য গ্রন্থকার, কাউজিল ইলেক্সনে দাঁড়াবার যোগ্য? লোকে ব'লবে কি? জেলে যাইনি, ওকালতী-ব্যারিষ্টারী ত্যাগ করিনি, দেশের জন্তে কোন নির্ঘাতন বরণ করিনি—এরপরও কি লোকে ভোট দেবে? তাছাড়া নিজের সাহিত্য-সাধনাকে আমি রাজনীতির মূলধন ক'রতে চাই না।”

আর সুভাষচন্দ্র একবারে নীরব। নীরবে কর্মসাধনাই তিনি ক'রতে চান! বাইরের যত কাজ দেখেন সুভাষচন্দ্র, আর ভেতরের যত কাজ, মায় প্রেস রিপোর্ট থেকে বিবৃতিটি পর্যন্ত রচনা ক'রে দিতে লাগলেন শরৎচন্দ্র!

এই সময়ে “পথের দাবী” বঙ্গবাণীতে ধারাবাহিকভাবে প্রকাশিত হ'তে আরম্ভ ক'রলো। বৃন্দ দল আকৃষ্ট হ'ল।

অনেকে আবার সব্যসাচীর অবলম্বিত পথকেই দেশমাতৃকার একমাত্র মুক্তির পথ ব'লেও মেনে নিয়েছিল। কলে, এনাকিটপাটির যোগাযোগটা অধিকতর ঘনিষ্ঠ হ'য়ে উঠলো। তাদেরই মার্কফং তিনি গোপনে অর্থ সাহায্য ক'রতে আরম্ভ ক'রলেন। এই সময় অক্সফোর্ড ইউনিভার্সিটি প্রেস থেকে শ্রীকান্তের প্রথম পর্বের ইংরাজী অনুবাদ প্রকাশ করা হ'লো। কিন্তু টেগার্ডসাহেবের স্ত্রীদৃষ্টি প'ড়লো তাঁর ওপর। নীলরতন মুখোপাধ্যায় সন্দেহভাজন হ'য়ে নজরবন্দী হ'লেন। ডাঃ কানাই গাঙ্গুলী ও বিপিন গাঙ্গুলীর পিছনে ছুটলো গোয়েন্দা বিভাগ,— পুলিশ গোপন দৃষ্টি রাখতে আরম্ভ ক'রলো শরৎচন্দ্রের ওপর।

যদিও সে-সময় তিনি অহিংস স্মৃত্যাকাটা কংগ্রেসী, জেলা কমিটির সভাপতি। তবুও সংগ্রহ ক'রলেন একটি “কোলট রিভলবার।” তাও চোরাইমাল! সকল সময়ে তিনি সেটি সযত্নে পকেটে লুকিয়ে চলা-ফেরা সুরু ক'রলেন। পোষাকের পরিবর্তন দেখা দিল। পাজাবী ছেড়ে ধ'রলেন—গলাবন্ধ চীনা কোট। পরিচিত ব্যক্তিদের সঙ্গে দেখা হ'লেই বা-হাতটি বুক পকেটে ঠেকিয়ে ইঙ্গিত ক'রলেন—সঙ্গে সঙ্গে অস্ত্রচর্যা বুকে নিলেন, দাদার সাথী আছে পকেটেই!

একদিন একজন অতি উৎসাহী ভক্ত জিজ্ঞাসা ক'রলেন—আচ্ছা দাদা, ও-বস্তুটি সকল সময়ে সঙ্গে রাখেন কেন?

শরৎচন্দ্র আশ্চর্যগোপন ক'রলেন। তিনি যে বিপ্লবীদেরই একজন সেকথা ঘূর্ণাকরে প্রকাশ ক'রলেন না। ব'ললেন, ভেলু নেই (শরৎচন্দ্রের প্রিয় সেই কুকুর “ভেলি”)—চোর-ডাকাতির হাতে কখন কি হয় বলা তো যায় না!

এর কিছুদিন পরেই তিনি (১৪ জুলাই, ১৯২২) জিলা কংগ্রেস কমিটির সভাপতিত্ব ত্যাগ ক'রলেন। তখন যে অভিভাষণ দিয়েছিলেন তা’ “আমার কথা” নামে “স্বদেশ ও সাহিত্যে” শোভা বর্ধন ক'রে চ'লেছে।

আবার কিছুদিন পরে তিনি পুনরায় কংগ্রেসে যোগ দিলেন। এপাশে বাংলা দেশের কোন বিখ্যাত কংগ্রেসীর তরফ থেকে একখানা গোপনে চিঠি পাঠানো হ'লো গান্ধীজির কাছে। তিনি ছদ্মবেশে অভিযোগ পরীক্ষার আশায় ক'লকাতা চ'লে এলেন। উঠ'লেন দেশবন্ধুর বাড়িতে। শ্রামহুন্দের চক্রবর্তী ম'শায় তখন বি. পি. সি. সি.-র প্রেসিডেন্ট। মহাত্মাজী সান্নিভেন্ট কার্যালয়ে চম্কা কাট'তে চাইলেন।

চম্কা আনা হ'ল। কাটাও আরম্ভ হ'ল। মহাত্মাজী নিজেও কিছুক্ষণ চম্কা কাট'লেন। তারপর কে কি রকম কাট'ছে লক্ষ্য ক'রে পরিহাস

ক'ল্লেন—“Look look, President of the B.P.C.C. is spinning ropes.”

কথাটা শুনে সবাই হাসিতে শুরু ক'ল্লেন। শরৎচন্দ্র উত্তর দিলেন,
“Nearer the Church remoter from God.”

সঙ্গে সঙ্গে মহাস্বামী ব'ল্লেন—“But Saratbabu, you have no faith in Charka.”

শরৎচন্দ্র ব'ল্লেন—“No, not a jot.”

“But you spin better than many lovers of Charka.”

“I have learnt spinning, because I have love for you, though not for the Charka.”

মহাস্বামী হেসে উঠ'লেন—“But why don't you believe that the attainment of Swaraj will be helped by spinning ?”

উত্তরে শরৎচন্দ্রও হাস'লেন। ব'ল্লেন—“No, I don't believe. I think, attainment of Swaraj can only be helped by Soldiers, and not by Spiders.”

শরৎচন্দ্রের নিভিক উত্তরে মহাস্বামী ক্ষুব্ধ হ'লেন না বরং উচ্চ হাসিতে ফেটে প'ড়'লেন।

* * * *

বাসায় ফিরে এসে আলাপ-আলোচনা পুনরায় শুরু হ'ল। কথা উঠ'লো: মহাস্বামীর সঙ্গে কবে কোন্ বাঙালীর প্রথম আলাপ হ'য়েছিল। কিরণবাবু (কিরণশঙ্কর রায়) ব'ল্লেন—ও গৌরবটি কিন্তু আমারই প্রাপ্য। আমি যখন বিলেতে ব্যারিষ্টারী পড়ি, তখন মহাস্বামী ব্যুরর বুদ্ধে এ্যাম্বুলেন্স কোরের কাজে বিলেতে এসেছিলেন। তখন তাঁর দেখা হ'য়েছিল বাংলা শেখার। আমি সেদিন তাঁর মাষ্টারী ক'রেছিলাম।

দেশবন্ধু সহাস্তে জিজ্ঞাসা ক'রলেন—“তাই নাকি ? ছাত্রটিকে কতখানি বাংলা শিখিয়েছিলে কিরণ ?”

কিরণবাবু কতকটা অপ্রতিভ হ'য়ে প'ড়লেন। ব'ললেন—“ছাত্রের যেখাটা তেমন ধারালো ছিল না !”

শরৎচন্দ্র মহাত্মাজীকে জিজ্ঞাসা ক'রলেন—“Was Kiron your Guru in England ?”

মহাত্মাজী মৃহাস্যে উত্তর দিলেন—“Yes, he taught me Bengali.”

শরৎচন্দ্র গম্ভীরভাবে জবাব দিলেন—“That is why you could not learn it !”

সে রসিকতার সকলেই হাসিতে কেটে প'ড়লেন। এমন কি মহাত্মাজীও !...

চ'লেছে বরোয়া আলোচনা। কখনও serious বস্তু, কখনও বা লম্বু পরিহাস। কথায় কথায় মহাত্মাজী ব'ললেন—এদেশের অনেককেই দেখি সজ্ঞাবাদে বিশ্বাসী, কিন্তু আমার মতে—এ মত ও পথটা অর্থহীন। এতে দেশ-মুক্তির কাজটা আরও শত বছর পিছিয়ে যাবে !

প্রতিবাদ ক'রলেন শরৎচন্দ্র, সেকথাই বা জোর দিয়ে বলেন কেমন ক'রে ?

মহাত্মাজী ব'ললেন—“তু'টো সাহেব মেরে দেশ উদ্ধার করা যায় না। তাতে কতিই হয় বেশী। একজনকে মারলে দশজন আসবে, সেই সঙ্গে দেশবাসীর উপর জুলুমও বাড়বে দশগুণ। ফলে, মজলের চেয়ে অমজলই দেখা দেবে—মুক্তি আসবে না কোনদিন।

সহাস্যে শরৎচন্দ্র জিজ্ঞাসা ক'রলেন—আপনার মতে তাহ'লে অহিংসাই একমাত্র অস্ত্র ?

গভীর স্বরে একটু জোর দিয়েই, মহাত্মাজী উত্তর দিলেন—সে-বিষয়ে
দ্বিমত আমার নেই ! তা'ছাড়া আমি জোর দিয়ে ব'লতে পারি, সমস্ত
বিপ্লবে যারা বিশ্বাসী, তারা ভ্রান্ত—আর যারা সম্ভ্রাসবাদী তারা
দেশের শত্রু ।

সহসা উত্তেজিত হ'য়ে উঠলেন শরৎচন্দ্র । দেশবন্ধু পাশে ব'সেছিলেন,
তাঁর মুখের দিকে তাকিয়ে হাতখানা নিজের হাতের মধ্যে টেনে নিলেন ।
ইন্দ্রিত—চুপ করুন, তর্ক এখানে নিম্প্রয়োজন । ওটা নিছক মতবাদ,
তার বেশী কোন মূল্য নেই !

শরৎচন্দ্র কিন্তু নিরন্তর হওয়ার লোক নন । অত্মায়কে কোনদিন
সহ্য ক'রতে শেখেননি । সুতরাং এতবড় অপবাদ নীরবে হজম ক'রতে
কোনমতেই রাজী হ'লেন না । কারণ তিনি নিজেও যে মনে-প্রাণে
বিপ্লববাদী—বিপ্লবে বিশ্বাসী । জানেন, জীবনে বাঁধন ছি'ড়তে হ'লে,
বিপ্লবের প্রয়োজন—নইলে মুক্তি সহজে আসে না ! ব'ললেন, আপনার
বক্তব্যের পিছনে হয়ত বৃত্তি আছে, কিন্তু তাদের শত্রু ব'লে অপবাদ
দেবেন না—সে অধিকার আপনারও নেই !

গান্ধীজী জোর দিয়ে ব'ললেন, সত্যকে সত্য ছাড়া অন্য কিছু ভাবতে
আমি শিখিনি ! সুতরাং যা' গর্হিত তার নিন্দা ক'রতে এতটুকুও
আমি কুণ্ঠা বোধ করিনে । যারা দেশের অগ্রগতি রোধ করে, তাদের
শত্রু ছাড়া অন্য কিছু কি ভাবা সম্ভব কোনদিন ?

বরে ধম্ধমে ভাব । সকলেই নীরব শুধু নয়—এই অবাস্থিত
আলোচনায় লজ্জিত ও দুঃখিত । কেবলমাত্র কুতূহলভরা দৃষ্টি নিয়ে দাঁড়িয়ে
আছেন শ্রুভাষচন্দ্র ! দৃষ্টি তাঁর উজ্জ্বল, চোখ-মুখ লাল—একদৃষ্টে
শরৎচন্দ্রের মুখের দিকে আছেন তিনি তাকিয়ে ।

শরৎচন্দ্র বুঝলেন—একমাত্র সমধর্মী ও সহযাত্রী হ'লেন এই যুবকটি !
সুতরাং আত্মবিশ্বাস নিয়ে প্রতিবাদ ক'রলেন—আপনার কথার মর্ম

ঠিক উপলব্ধি ক'রতে পারলাম না ! অগ্রগতি রোধ ব'লতে আপনি কি বুঝেন ? শত্রু শব্দেরই বা অর্থ কি ?

প্রকাশে দেশবন্ধু বাধা দিলেন—খামুন্, শরৎবাবু খামুন্—

শরৎচন্দ্র উত্তরে মুহূ হাসলেন । ব'ললেন, খামুতে আমার হ'বেই ! কিন্তু তার পূর্বে, ও-দুটো কথাই অর্থও আমার ভাল ক'রে বুঝে নিতে হ'বে ! বিধা নিয়ে পথ চ'লে লাভ নেই দেশবন্ধু, তাতে সকলতার চেয়ে ব্যর্থতাই দেখা দেয় সকলের চেয়ে বেশী !

বলেন কি ? মহাত্মাজী সর্বিস্বয়ে প্রণ ক'রলেন ।

ঠিকই ব'লছি ! আপনার সঙ্গে মতবিরোধ আমার থাকতে পারে, কিন্তু তা' ব'লে, আপনাকে ত আমি শত্রু ব'লে আখ্যা দিতে পারিনে ! আর মতবিরোধই যদি শত্রুতা বোঝায়, তাহ'লে যদি কেউ আপনাকেও শত্রু ব'লে আখ্যা দেয়, আপনারও ব্যক্তিগত আপত্তি থাকা উচিত নয় কি !

এতবড় কথা কি কেউ গান্ধীজীর সামনে ব'লতে পেরেছে কোন-দিন ? সকলে হতবাক হ'য়ে প'ড়লেন । এমন কি গান্ধীজীও ।

শরৎচন্দ্র একটু জোর দিয়ে হেসে উঠলেন । কলে, সেই গম্ভীর পরিবেশ লঘু হ'য়ে এলো । ব'ললেন—আমার কথায় কোন অপরাধ নিবেন না মহাত্মাজী । দেশকে আপনি মনেপ্রাণে ভালবাসেন, আমি আর পাঁচজনের মতই জানি এবং শ্রদ্ধাও করি । আর বিপ্লবী অর্থে এই সম্মানস্বামী (এনার্কিষ্ট) দলকেও আমি ঠিক তেমনি শ্রদ্ধা করি—কারণ, তারাও দেশকে মনেপ্রাণে ভালবাসে । ভালবাসে বলেই ত জীবনের সবচেয়ে যা কিছু প্রিয়, সবই উৎসর্গ ক'রে দেয় বুলেটের সামনে ! তারা হাসিমুখে ফাঁসিকাঠে ঝুলে,—প্রাণ নিয়ে ছিনিমিনি খেলে—যা আমি বা আপনি পারিনে সহজে । বলুন—আপনিই বলুন—এই যে এদের ত্যাগ, এই যে এদের আদর্শ,—এটা হয়ত

আপনার মতে ভ্রান্ত হ'তে পারে।—কিন্তু দেশের শত্রু এরা হ'ল কেমন ক'রে? যদি তারা ভালই না বাসলো—তবে হাসিমুখে প্রাণ দিল কেন? মৃত্যুর অল্পশোচনা—বা গ্লানি ত তাদের মুখের হাসিকে স্তান ক'রে দিতে পারেনি! আপনিই বলুন—এটা কি তবে আত্মহত্যা?

গান্ধীজী উত্তর খুঁজে পেলেন না। মাথা নত ক'রে কি যেন আপন মনে ভাবতে লাগলেন। শরৎচন্দ্র ব'ললেন—এরপরও কি তাদের দেশপ্রীতি সম্বন্ধে আপনার সন্দেহের অবকাশ আছে, মহাত্মাজী?

গান্ধীজী কয়েক সেকেন্ড নীরবে ব'সে থেকে ব'ললেন, একটু উত্তেজিত হ'য়ে প'ড়েছিলাম—আমার কথা আমি উইথড্র ক'রে নিচ্ছি।

গভীর উত্তেজনার এই সহজ সমাধানে সকলেই খুলী হ'লেন—বিশেষ ক'রে দেশবন্ধু নিজেকে আর সংযত রাখতে পারলেন না। শরৎচন্দ্রের হাতখানা নিজের হাতে চেপে ধ'রে ফিসফিস ক'রে ব'ললেন, সত্যি আজ কাজের মত একটা কাজ ক'রলেন বটে শরৎবাবু! বাংলা দেশের ইজ্জাত বাঁচিয়ে দিলেন আপনি!

মহাত্মা গান্ধী সন্তুষ্টচিত্তে ফিরে গেলেন। কিন্তু পুলিশের দৃষ্টি অধিকতর প্রখর হ'য়ে উঠলো। গোয়েন্দার দল নানা বেশে তাঁর বাড়ীতে আনাগোনা শুরু ক'রলো। শরৎচন্দ্র এতটুকুও ভীত হ'লেন না। কারণ তিনি যেমনি চতুর তেমনি ধূর্ত। সে সময়ে আরম্ভ হ'ল তারকেশ্বর সত্যাগ্রহ। পরিচালনার ভার গ্রহণ ক'রলেন দেশবন্ধু। সঙ্গে সঙ্গে যোগ দিলেন শরৎচন্দ্র। নানা লোকের আনাগোনা—পুলিশ একটু বিভ্রান্ত হ'ল। ইতিমধ্যে স্বামী সচ্চিদানন্দ ও স্বামী বিখানন্দের সঙ্গে বিরোধ বেঁধে গেল। অভিযোগ শুনতে শুনতে দেশবন্ধুর কান বালাপালা। প্রাণ অতিষ্ঠ। শরৎচন্দ্র ত্রাণকর্তা হিসাবে উপস্থিত হ'লেন সেখানে। দেশবন্ধু ব'ললেন, প্রাণ যে আমার যায় শরৎবাবু!

শরৎচন্দ্র গম্ভীরভাবে উত্তর দিলেন, ‘যাবেই ত !’

দেশবন্ধু একটু বিস্মিত হ’লেন। তাঁর মুখের দিকে তাকাতাই শরৎচন্দ্র ব’ললেন—‘ম’শাই দুই স্ত্রী নিয়ে সংসার পাতলে প্রাণ অতিষ্ঠ হ’য়ে ওঠে, আর আপনি দুই স্বামী নিয়ে ঘরকন্না আরম্ভ ক’রেছেন ! আপনার প্রাণ যাবে না—!’ উপস্থিত সকলেই উচ্চৈঃস্বরে হেসে উঠলেন । বিবাদও হ’ল সাক্ষ ।

তার কিছুদিন পরে কংগ্রেস অফিসে অনিলবরণ রায়ের সঙ্গে শরৎবন্ধু ম’শায়ের একটু মন কষাকষি দেখা দিল। এর মূলে ছিল খদ্দর। অনিলবাবু পরেন মোটা খদ্দর আর শরৎবাবু পরেন মিহি। অনিলবাবু জিজ্ঞাসা ক’রলেন—আপনার এ খদ্দর কোথাকার তৈরী ম’শাই ?

অহেতুক অবাস্তব প্রশ্নে শরৎবাবু (বন্ধু) গম্ভীর স্বরে উত্তর দিলেন, ভাগলপুরে ।

এই তুচ্ছ বিষয় নিয়ে কিন্তু পরে একটা অপ্রতিরূপ অবস্থার সৃষ্টি হ’য়ে গেল। শরৎচন্দ্র হাজির হ’লেন সেই সময়ে। আবহাওয়ার উত্তাপ লক্ষ্য ক’রেই ব’ললেন, ‘ওহে, আমাদের এখানে সব রকমই আছে। বুঝলে না, তা একটু বৈচিত্র্য থাকাই ভাল ! অনিলবরণ, বুঝলে হে, তুমি হ’লে খদ্দরের মাদার টিনচার।—আর শরৎবাবু, আপনি হচ্ছেন টু হান্ড্রেড ডাইলিউশন !’

হাসিতে ফেটে প’ড়লো সারা ঘরখানা ।

চাঁদা তোলার কাজ শরৎচন্দ্র মোটেই পছন্দ ক’রতেন না। কিন্তু যখন দেশবন্ধু ব’ললেন—পল্লী সংগঠনের কাজে যে তিন লক্ষ টাকা চাই শরৎবাবু !

শরৎচন্দ্র সেই মুহূর্তেই চাঁদা তোলার কাজে আত্মনিয়োগ ক’রলেন ।

স্বরাজ দল গঠনকালে বাংলা দেশের সমস্ত পত্রিকাই দেশবন্ধুর বিপক্ষে গেল। শুধু তাই নয়; বসুমতী, আনন্দবাজার পত্রিকা, অমৃতবাজার পত্রিকা, সার্ভেণ্ট প্রভৃতি প্রভাবশালী কাগজও দিনের পর দিন তাঁর বিরুদ্ধে আক্রমণ হান্তে শুরু ক'রলো। তখন নিজেদের একথানা কাগজ বার না ক'রলেই নয়। 'Forward' নামে একথানা দৈনিক বার করা চ'ল সজে সজে। কিন্তু শেয়ার বিক্রয়ের প্রয়োজন। শরৎচন্দ্র নিজেই সেই শেয়ার বিক্রীর কাজে অগ্রসর হ'লেন।

পুলিশ একটু বিভ্রান্ত হ'লেও তাদের অমুচরবুদ্ধ তাঁর আবাস পরিত্যাগ ক'রলো না। আসেপাশে ঘোরাফেরা ক'রতে লাগলো নিয়মিত। সেই সময় বেরুলো : 'দেনাপাওনা', 'নারীর মূল্য' (১৯২৩) ও 'নববিধান' (১৯২৪)।

তিনি চাইছিলেন এমনি একটা সুযোগ। দর্শকের সংখ্যা বেড়ে গেল। উৎসাহী পাঠকের ছদ্মবেশে দলের লোকও পুনরায় আনাগোনা শুরু ক'রলো। তাদের হাতে অল্ল্যাসেই তিনি পাচার ক'রতে লাগলেন তাঁর সাহায্য। পুলিশ পুনরায় বেয়াকুব সাজলো। শরৎচন্দ্র নিরপেক্ষের ভান ক'রলেন। কাজও এগিয়ে চ'ললো পুরো দমে।

* * * *

স্বাশ্রম কলেজের লাইব্রেরী ক্রমে নীরবে ব'সে আছেন শরৎচন্দ্র ও সুভাষচন্দ্র।

সুভাষচন্দ্র সহসা প্রশ্ন ক'রলেন—আচ্ছা দাদা, আপনার মতে কি নন-ভায়লেন্স দ্বারা এদেশের স্বাধীনতা পাওয়া কোনদিন সম্ভব হবে না ?

শরৎচন্দ্র সজে সজে মুখের হ'য়ে উঠলেন—বুঝ্লে সুভাষ, আমি কোনদিন অহিংস-পন্থী নই ! প'ড়ে মার খাওয়া আমার স্বভাববিরুদ্ধ।

আমি তোমাদের মত ঝামু রাজনীতিক নই, সাদা-সিধে মানুষ, বুকি রক্তের পরিবর্তে রক্ত। কেউ যদি মত জানতে চাও, বলি, ভিক্ষায় চেয়ে দু'বেলার পেটের খোরাক বোঁগাড়া হয় না—আর তোমরা ভিক্ষা চাইছো স্বাধীনতা! তাইত এ তাজ্যব ব্যাপারে মাথা ঘামাতে চাইনে। দেশবন্ধু বা তোমরা যে যা বলো, শুধু মাথা দু'লিয়ে যাই, মুখ ফুটে “হ্যাঁ” কিংবা “না” ব'লতে কোনদিন সাহস করিনি!

সুভাষচন্দ্র অমুযোগ ক'ল্লেন,—এটা কিন্তু আপনার অন্তায়, দাদা!

শরৎচন্দ্র ব'ল্লেন,—যখন মতে মেলে না, তখন চুপ্‌চাপ্‌ থাকা ছাড়া অন্য উপায়ই বা কি বল? কাজে যখন নেমেছি, তখন কার্যোদ্ধারই লক্ষ্য হওয়া উচিত।

সুভাষচন্দ্র মূহু হেসে ব'ল্লেন,—তা না হয় হ'ল, দলগত আত্মগত্য—সত্যকার অভিমত আপনার কি?

অভিমত! শরৎচন্দ্র হেসে উঠ্লেন। ব'ল্লেন,—শুনলে তোমরা লাফিয়ে উঠবে, কিন্তু “পথের দাবী”র সব্যসাচীর আশা-আকাঙ্ক্ষার কথা ত তোমরা শুনেছো সুভাষ!

সুভাষচন্দ্র একটু গম্ভীর হ'য়ে উঠ্লেন। ব'ল্লেন, এই কি আপনার একমাত্র মত ও পথ?

শরৎচন্দ্র উত্তরে মূহু হাসলেন। ব'ল্লেন,—সত্য নাও হ'তে পারে, তবে আমার বিশ্বাস, বাইরে থেকে যতক্ষণ পর্যন্ত না আঘাত হানতে সমর্থ হ'বে, ততদিন এ দাসত্বের শৃঙ্খল ছিন্ন হ'বে না,—হওয়া সম্ভবও নয়!

বাইরে ষট্টা বেজে উঠলো। ক্রাশের সময় হ'লো। কর্তব্যের ডাকে উভয়েই চেয়ার ছেড়ে উঠে দাঁড়ালেন।

দেশবন্ধু কন্সপোরেশনের মেম্বর হ'লেন। সুভাষচন্দ্র হ'লেন চীফ এক্সিকিউটিভ অফিসার।

শরৎচন্দ্রের খুশীর অন্ত নেই! মেম্বরের ঘরে ব'সে দেশবন্ধু ও সুভাষচন্দ্র। শরৎচন্দ্র ভেতরে গিয়ে ঢুকলেন। সুভাষচন্দ্র চেয়ার ছেড়ে উঠে দাঁড়ালেন। শরৎচন্দ্র তাঁকে চেয়ারে ব'সিয়ে দিয়ে ব'ললেন, বসো, সুভাষ! আজ তোমায় একটা কথা জানাতে ছুটে এসেছি। একদিন তুমি আমার মতামত জানতে চেয়েছিলে, সব্যসাচীর মতের সঙ্গে আমার নিজের মতের কোন মিল আছে কিনা? উত্তর দিয়েছিলাম, কিন্তু সবটুকু সেদিন শেষ করার অবসর পাইনি। তার কারণ কি জানো?

সুভাষচন্দ্র ও দেশবন্ধু তাঁর মুখের দিকে তাকালেন। শরৎচন্দ্র ব'ললেন, যেদিন গল্পটি সূচনা ক'রেছিলাম তখন গল্পের নায়ক ছিল তিনজন। এক—বিপিন মামা (গাঙুলী), আর তাঁর গাঁজার থলি, দুই—মানবেন্দ্রনাথ রায় ও তাঁর অস্ত্র-সংগ্রহের প্রচেষ্টা, তৃতীয়—রাসবিহারী বসু ও তাঁর ভবিষ্যৎ আশা!

দেশবন্ধু মাঝপথে জিজ্ঞাসা ক'রে উঠলেন, গাঁজার থলিটি কি?

সে ইতিহাস জানেন না? শরৎচন্দ্র হেসে উঠলেন। ব'ললেন, এনাকিষ্ট পার্টির উনি যে একজন বড় পাণ্ডা, তা তো আপনি ভাল করেই জানেন! একবার টেগার্ড সাহেবের পাল্লায় প'ড়েছিলেন—তখন সত্যই ঠুর কাছে ছ'টো রিভলভার ছিল। টেগার্ডসাহেব ছদ্মবেশে ঠুর পিছু নিয়েছেন—কিন্তু তিনিও ঠুর দৃষ্টি কোনমতেই এড়াতে পারেননি। বিপদ বুঝে, উনি আমার মেজ-ভাই প্রভাসের কাছে গুপিবস্তু দু'টি সরিয়ে দিয়ে ব'ললেন, শীগ'গির পালা!—সঙ্গে সঙ্গে যথাস্থানে গাঁজার দু'টি থলি বুলিয়ে রাখলেন। অবশেষে উভয়েই মুখোমুখী হ'লেন। বিপিন-মামাকে টেগার্ডসাহেব জিজ্ঞাসা ক'রলেন, বস্তু দু'টি কোথায় সরালেন?

উত্তরে—বিপিনমামা, গাঁজার থলি দু'টি দেখিয়ে ব'ললেন,—একটু বেনী আমরা নেশা করি সাহেব ! একেই তুমি, যন্ত্র ভেবে এতখানি পথ ধাওয়া ক'রেছো ? ইংরেজ জাতটা যে এত বোকা হ'তে পারে, এ ধারণা আমার ছিল না !

সকলেই হেসে উঠলেন ।—

হাসির জেহুটা একটু ক'ম্লে দেশবন্ধু জিজ্ঞাসা ক'রলেন, তারপর ?


শরৎচন্দ্রও উত্তরে—মুহু হাসলেন ! ব'ললেন, তার পরের ব্যাপারটি খুবই সংক্ষিপ্ত । রচনা শেষ হ'লে দেখলাম, যে চরিত্র অঙ্কন ক'রেছি, সে-চরিত্র আমাদের মধ্যেরই একজনেনর । একটু টেনে ব'ললেন, যার উপর আমরা সবাই আশা, ভরসা ও নির্ভর ক'রে ব'সে আছি ।

ইজিতটা স্পষ্টতর হ'য়ে উঠলো । সুভাষচন্দ্র কয়েক মুহূর্তের জন্ত লজ্জিত হ'য়ে প'ড়লেন ।

শরৎচন্দ্র অকারণে হাসিতে কেটে প'ড়লেন । ব'ললেন, ভয় নেই, সবাসাচী ! উপভাস আর জীবন—দু'টো কোনদিন এক হ'তে পারে না । এটা হ'ল রুঢ়-বস্তব—আর ওটা কল্পনা, সুতরাং একটু-আধটু পার্থক্য র'য়ে যাবেই যাবে ।

শরৎচন্দ্রের বাসাতেই কংগ্রেসের (বি. পি. সি. সি. 'র) বৈঠক ব'স্তে শুরু হ'ল । কারণ দেশবন্ধু নানা কাজে ব্যস্ত, আর অতিথি আপ্যায়ণের ব্যবস্থা অতি উত্তম ছিল এখানে । সদস্যদের কাছে এ-বস্তুটি অত্যন্ত লোভনীয় ।

কিন্তু সভার কাজ সম্পূর্ণ হওয়ার পূর্বেই মূলত্বী রাখার ব্যবস্থা করা হ'ত । উদ্দেশ্য : ভুরিভোজন চ'লবে আরও একটা দিন । তা' ছাড়া শরৎচন্দ্রও মনেপ্রাণে এরূপ হৈ-চৈ অনুমোদন ক'রতেন । তাঁর মেজাজ



অনুসারেই সভার কাজ পরিচালনা করা হ'ত। কয়েক ঘণ্টা আলোচনার পর ব'লতেন, আজ থাক্, অমুক দিন ভেবে-চিন্তে আলোচনা করা যাবে !

সদস্যরা তখনি তাঁর অনুকূলে রায় প্রকাশ ক'রতেন। তারপর জলযোগ ও বিদায়ের পালা।

যারা কাজের মানুষ, তাঁরা চ'লে যেতেন, আর যারা শরৎচন্দ্রের সাহচর্য্য চাইতেন, তাঁরা ব'সে থাকতেন ঘণ্টার পর ঘণ্টা। কিরণশঙ্কর বাবু এলে, আসরটা আরও ভাল ক'রে জমে উঠতো। স্নর হ'ত ঘরোয়া আলোচনা।

একদিন কথায় কথায় শরৎচন্দ্র ব'ললেন—প্রতিশোধ যদি নিতে চাও, আমার মত নিও !

সকলে উৎসুক হ'য়ে উঠলেন। জিজ্ঞাসা ক'রলেন, ব্যাপার কি ? কি রকমের প্রতিশোধ ? কেমন ক'রে নিয়েছিলেন ? কার উপর ?

শরৎচন্দ্র গম্ভীর হ'য়ে উঠলেন। ব'ললেন—আমার গুরুদেবের উপরে !

গুরুদেব ? সে আবার কে ?

আমার গুরুদেব—তোমাদের বিশ্বকবি ! সহস্রান্তে উত্তর দিলেন শরৎচন্দ্র।

কুতূহল আরও বেড়ে গেল। সকলেই অধীরভাবে প্রতীক্ষা ক'রতে লাগলেন।

শরৎচন্দ্র একটা ঢেলা আকিৎ মুখে ফেলে, কাপে চুমুক দিলেন। গলধঃকরণ ক'রে ব'ললেন—ঘটনাটা কিন্তু খুব বেশীদিনের নয়। হবে বইর দুই তিন আগের। আর পাঁচজনের মতই একটি চকিৎশ-পঁচিশ বছরের ছেলে আমার কাছে প্রায়ই আসা-যাওয়া ক'রতো। প্রত্যেকের কিছু না কিছু চাহিদা থাকতো ; আলাপ-আলোচনাও চ'লতো, তারপর

তার উঠে যেতো কিন্তু এ-ছোকরা চায় না কিছুই ! কথাও বলে না বড় একটা ! একদিন সবাই উঠে গেলে জিজ্ঞাসা ক'রলাম—দিন আসো, দিন যাও, কিছু বলে না—ব্যাপার কি ? আমার কাছে তুমি কি চাও ব'লতো ?

সাহস পেয়ে অন্তর খুললো—আজ্ঞে একটু সাহিত্য শেখার বাসনা নিয়ে আপনার কাছে এসেছিলাম ! যদি দয়া ক'রে একটু—

বাধা দিয়ে ব'ললাম, সাহিত্য কি শেখানো যায় ? নিজেকে সাধনা ক'রতে হয় !

তবুও ছোকরা নাছোড়বান্দা ! একদিন দু'দিন তিনদিন—অংশেহে মাথায় এক বুদ্ধি খেলে গেল। জিজ্ঞাসা ক'রলাম—তোমার নাম কি ?

নিরঞ্জন।

করো কি ?

এম্. এ. পাশ ক'রেছি।

কোন্ ক্লাস ?

ফার্স্ট ক্লাস—

চলে কেমন ক'রে ?

বর্তমানে বাড়ীতে ঋণ-পরার ভাবনা নেই !

বাবার তা' হ'লে দু'পয়সা আছে ব'লতে হবে !

আজ্ঞে তা আছে ! ছোকরা সলজ্জ হাসি হেসে মুহূ কণ্ঠে জবাব দিল।

তা' হ'লে একটা কাজ ক'রলে না কেন ?

বলুন—

জোড়াসাঁকোতে একবার চেষ্টা ক'রে দেখলে না কেন ?

আজ্ঞে গিয়েছিলাম। কিন্তু সে আবেষ্টনী দুর্ভেদ্য !

বহুদিনের পুরানো একটা কথা স্মরণ হ'য়ে গেল। সঙ্গে সঙ্গে চোখ

‘দুটো আমার জলে উঠলো। মাথার মধ্যে একটা ছুঁছুঁ আনাগোনা
সুরু ক’রে দিল। ব’ললাম, রবিবাবুর কাছে যাবে ?

তা’ কি ক’রে সম্ভব ? দ্বিধা-মিশ্রিত কণ্ঠে উত্তর দিল নিরঞ্জন।

আরে যাবে কিনা বলো ?

সে ত’ আমার পরম সোভাগ্য ! ব’লেই পা দুটো আমার জড়িয়ে
ধ’সলো।

বহুকষ্টে ছাড়িয়ে নিয়ে, জিজ্ঞাসা ক’ললাম—কবিতা দু-একছত্র
লিখতে পারো ?

আনন্দে গদ্ গদ্ স্বরে ব’ললো—কালই আমি আমার কবিতার
খাতাখানা সঙ্গে নিয়ে আসবো।

সর্বনাশ ! ভয়ে আঁতকে উঠলাম। ব’ললাম, তার প্রয়োজন
হ’বে না। আমি একখানা চিঠি লিখে দেবো, সেখানা নিয়ে রবিবাবুর
সঙ্গে দেখা করো। সমস্ত ব্যবস্থা তিনিই ক’রে দেবেন।

নিরঞ্জন খুশীমনে উঠে গেল। আমিও হাঁপ ছেড়ে বাচ্লাম।
বহুদিন পরে পুনরায় নিজের কাজে মন দিতে পারলাম। মুখের সামনে
ব’সে থাকলে কখনও কি কাজ করা যায়, না সম্ভব ?

পরদিন ভোরে নিরঞ্জন এসে হাজির। সকল কাজ ফেলে চিঠি
লিখতে ব’সে গেলাম : গুরুদেব, বহুদিন আপনার খোঁজ-খবর নিতে
পারিনি। আশা করি শারীরিক ও মানসিক কুশলেই আছেন ! আমি
শ্রীমান নিরঞ্জনকে আপনার কাছে পাঠালাম—ফার্স্ট ক্লাস এম, এ :
বাড়ীতেও খাওয়া পরার অভাব নেই, তার উপর কাব্যপ্রিয়। ওর
খুব ইচ্ছা—আপনার সেবা করে। যদি বেচারীকে পায়ে একটু ঠাই দেন—
ও কৃতার্থ বোধ করে ; আমিও সামান্য একটু গুরুদক্ষিণা দিতে পারি।

একটু থেমে ব’ললেন—চিঠিখানা পেয়ে গুরুদেবের আমার খুশী

অন্ত নেই। কাষ্ট ক্লাস এম্. এ.—তার উপর পেট-ভাতার শ্রীমান্ নিরঞ্জন কাজ ক'রতে রাজি হয়েছে, অতএব খুশীমনে তিনি আমার আশীর্বাদ ক'রে, শ্রীমানকে বোলপুরে চালান ক'রে দিলেন।

অতি উৎসাহ নিয়ে শ্রীমান্ বোলপুরে রওনা হ'ল। যে কবির সহসা সাক্ষাৎ পাওয়া যায় না, আজ তাঁরই সহকর্মী। ঠাই হ'ল একান্ত সন্নিধানে। খুশী হওয়ারই কথা!

কিন্তু মনের উৎসাহ তার দু'দিনেই নিভে গেল। কোথায় সকল সময়ে কবির সঙ্গে থাকবে, তাঁর সঙ্গে আলাপ-আলোচনা ক'রবে—না দু'বেলা শুধু ছেলে পড়ানো—একি কখনও ভাল লাগে?

নিরুৎসাহ হ'লেও হাল একেবারে ছাড়লো না। সে অবস্থা বিশেষে ব্যবস্থাটি খাপ খাইয়ে নেওয়ার চেষ্টা ক'রলো। সেই সঙ্গে অবসর সময়টুকু কবির সান্নিধ্যে কাটানোর আশ্রয় চেষ্টা শুরু ক'রে দিল।

মাস দুইয়ের মধ্যে কবির প্রাণ অতিষ্ঠ হ'য়ে উঠলো। অবশেষে খবর পাঠালেন : শরৎ, তুমি যে ছেলেটিকে পাঠিয়েছিলে, সেটি যে সর্ব-শুণে সমন্বিত সে বিষয়ে কোন সন্দেহ নেই! লেখা-পড়ায় ভাল, সদালিপি, এও সত্য—এর উপর ছেলে-মেয়েদের পড়ায়-শোনাও ভাল, কিন্তু আমার প্রাণপাখী অতিষ্ঠ হ'য়ে উঠেছে।

অতিষ্ঠ হ'য়ে উঠেছে ব'ল্লে, কথাটাকে একটু লঘু ক'রে দেওয়া হ'বে,—সে আমার জীবনকে ছুঁকিসহ ক'রে তুলেছে। বোলপুর আসার পথে একটি সোনার কলম নিয়ে এসেছে, লিখতে আমার দ্বন্দ্ব না—কোন কলমই তার পছন্দ নয়, কেবল সেটি এগিয়ে দিয়ে বলে—না গুরুদেব—এটা—এটা অর্থাৎ তার ধারণা সোনার কলমে না লিখলে, আমার বিশ্বকবিত্ব একেবারে লোপাট্ট হ'য়ে যাবে! শুধু কি তাই, কোন কিছু করার স্বাধীনতাটুকু পর্যন্ত আমার নেই! এমন কি পাশ্চাত্য

বাওয়াও বন্ধ! সে গাড়ুটাও নিজে ব'য়ে নিয়ে যাবে—লেখা ত মাথায় উঠেছে, আমার বেঁচে থাকা আর মরে যাওয়া প্রায় একই স্তরে নেমে এসেছে। এখন দয়া ক'রে তুমি তোমার দেওয়া এই রস্টটিকে কিরিয়ে নিয়ে যাও। আমার মুক্তি দাও!

সংবাদটি পেয়ে ভারী খুশী হ'লাম! অপমানের প্রতিশোধ নিতে পেরেছি এতদিনে! স্মৃতরাং কাল বিলম্ব না ক'রে উত্তর দিলাম—গুরুদেব, আপনার চিঠিখানা পেয়ে সত্যিই মর্মান্বিত হ'লাম। বিশেষ ক'রে একজন সাহিত্যিক যদি বেঁচে থেকে কলম ধ'রতে না পারে—তার বেঁচে থাকা আর মারা যাওয়া—একই কথায় পর্য্যবসিত হ'য়ে থাকে।

কিন্তু গুরুদেব, এই হতভাগ্য শিশুর কোন অপরাধ গ্রহণ ক'রবেন না! আমি খেচ্ছায় এবং জেনে-গুনেই এই রস্টটিকে আপনার কাছে পাঠিয়েছি!

আপনি যখন বাংলাদেশ তথা সারা ভারতের উদীয়মান সূর্য্য, তখন ভবঘুরে, আশ্রয়হীন এই ভাগ্যহত শিশু, আপনার ওই জোড়াসাঁকোর আশে-পাশে, সাহিত্য-সাধনার আশায় ২৪বার ধরা দিয়েছিল। কিন্তু ভাগ্যে তার গুরুর সাক্ষাৎ লাভ ঘটেনি! অতি উৎসাহী ভক্তদের কাছ থেকে অর্ধচন্দ্র খেয়ে ফিরে আসতে হ'য়েছিল! অপরাধ নেবেন না গুরুদেব, সেদিন বয়সটা ছিল কাঁচা—রক্তও ছিল তাজা, সহসা প্রতিজ্ঞা ক'রে ব'সলাম, এ অপমানের প্রতিশোধ গ্রহণ আমার ক'রতেই হবে।

সেদিন জানতাম না কি ক'রে তা সম্ভব। ক্রোধের মাথায় শুধু প্রতিজ্ঞা ক'রেছিলাম মাত্র! ব্রাহ্মণের ছেলের প্রতিজ্ঞা বোধ করি মাঠেই মারা যায়। কারণ নিয়তির আদালতে, আমাদের মধ্যে সম্পর্ক দাঁড়ালো গুরু আর শিশু! এটা শুধু যুথের কথা নয়—রক্তের সঙ্গে মিশে থাকা, লাল ও শ্বেত কণিকার মত! অপরিহার্য ও অনবিচ্ছেদ!

হয়ত নীলবর্ণগামীই হ'তে হ'তো—হঠাৎ একটা স্মৃতিযোগ মিলে গেল।
নিরঞ্জন সামনে এসে গেল। যে ক'দিন সে আমার কাছে ছিল, আমি
হাড়ে-মাংসে অল্পভব ক'রেছিলাম, সে কি প্রকারের জীব! মনে হ'ল,
এ বুঝি ভগবানের প্রেরিত দূত। ব্রাহ্মণের ছেলের প্রতিজ্ঞা রক্ষার
একটি দুর্ভেদ্য কবচ। পাঠিয়েছিলাম আপনার কাছে। গুরুদেব, আপনি
সাগর, আমি নদী, ও এখন সাগরের সন্ধান পেয়েছে, ফিরিয়ে দিলেও
ফিরে আর আসবে না!

(শরৎচন্দ্রের বৈঠকী গল্প)

*

*

*

সেদিন মিটিং মোটেই জমলো না। কেউ এলো—কেউ এলো না,
অন্তরাং যারা এসেছিলেন তাঁদের কেউ কেউ র'য়ে গেলেন—কিরণশঙ্কর-
বাবুর সঙ্গে দেখা করার আশায়। কোন একটা কাজে তিনি আটক
পড়ে গিয়েছিলেন। কোন ক'রে জানালেন—আপনি কাজ চালিয়ে
নিশ্চয় শরৎদা, আমি কাজটা সেরেই আপনার বাসায় ফিরছি!

যারা উপস্থিত ছিলেন, তাঁদের একথা জানাতেই—কেউ কাজের
অছিলায় সেখানে ত্যাগ ক'রলেন—অন্তরাং অপেক্ষা ক'রতে লাগলেন।
ধীরে ধীরে সন্ধ্যা ঘনিয়ে এলো, একে একে সাহিত্য-বিলাসীদের জমায়েৎ
স্বরূপ হ'ল।

শরৎচন্দ্রের নির্দেশমত সিঁজাড়া ও রসগোল্লা এলো প্রথমে। তারপর
এলো চা। জলযোগ শেষ হ'লে, সন্ধ্যা-বৈঠক স্বরূপ হ'য়ে গেল। ছুপুপে
ব'সেছিল রাজনীতির সভা, এখন ব'সলো সাহিত্যিকের আসর। যারা
জমায়েৎ হ'য়েছেন, তাঁরা সকলেই কিছু সাহিত্যিক নন! কেউ প্রোতা,
কেউ দর্শক, মাত্র দু'একজন আছেন সাহিত্যিক।

রাজনীতির বৈঠকে শরৎচন্দ্র ধীর ও স্থির। কথা বলেন কম,—

ব'ল্লেও থেমে থেমে বলেন—সাধারণ প্রোভার কাছে, তিনি উত্তম বক্তা নন,—কিন্তু সাহিত্যের আসরে তিনি সহজ মাহুয। মজ্জলিসে তিনি মজ্জলিসী মাহুয। কাজেই সভার রূপ পরিবর্তন ক'রলো।

ছেলে-মেয়ের পার্থক্য এখানে নেই। অসকোচে সকলেই নিজ নিজ অভিজ্ঞতা ব্যক্ত ক'রে চ'লেছেন।

শরৎচন্দ্রও মুখ খুললেন। কোন দ্বিধা নেই। ব'ল্লেন—মেয়েদের আমি খুব কম ক'রেই জানি। তবে ছোটবেলায় দাদাম'শাইকে (কেদারনাথ) ব'লতে শুন্তাম—মেয়েদের ফিক্সড মাইণ্ড, যা একবার তেবে চুকেছে, তা থেকে এতটুকুও নড়চড় হবে না—এমন কি একচুলও না! আমার অভিমতও ঠিক তাই।

পাশে একটি মহিলা সাহিত্যিক ব'সেছিলেন। তিনি প্রতিবাদ ক'রলেন—আমার ধারণা কিন্তু ঠিক বিপরীত! ভালবাসতে মেয়েরাই জানে—পুরুষরা হ'ল ঘোর স্বার্থঘেবী।

অনেকেই প্রতিবাদ ক'রতে উদ্ভত হ'লেন, কিন্তু শরৎচন্দ্র বাধা দিলেন। একটু মুহূ হেসে ব'ল্লেন—আমার কিন্তু একটা ছোট অভিজ্ঞতার কথা তোমাদের ব'লছি!

দেশ (দেবানন্দপুর) থেকে ফিরে ভাগলপুরে গিয়েছি, সামনে পরীক্ষা।

দাদাম'শাইয়ের পূজোর ঘরটি অধিকার ক'রে বাসা বেঁধেছি। রাজুর দেওয়া দেবদারু কাঠের শেল্ফ, একটি ছোট টেবিল আর অল্প-পরিসর ভে-ঠেঁকা একটি চেয়ার। সজাগ ছাড়া যুসোনোর বিন্দুস্নান উপায় নেই। ছেঁড়া দড়ির খাট, বিছানার দৈন্ত ঢাকার জন্ত উড়ুনি চাদর ঢাকা। তার नीচে একটি গুড়ুগুড়ি, সময়মত হাজির বন্ধুবর আমার শ্রীমান নীলা। মামাদের অবস্থা প'ড়তে স্নক হ'য়েছে, সারারাত জেগে পড়ার মত তেল ঘোগাড় ক'রতে পারেননি মা (ভুবনমোহিনী)।

বন্ধুরাই মোমবাতি সংগ্রহ ক'রে দিয়ে যায়—এমন কি বই পর্যন্তও : রাত ভাগার জন্ত রাখা হ'ল : একটি ঠোঁট আর একটা কেবলি। ইজিত, প্রয়োজনমত তৈরী ক'রে নিয়ে। এক কথায় পৈত্রিক সম্পত্তি আমার ছেঁড়া একটি জামা আর ময়লা একখানি গায়ের কাপড়।

ভেবে দেখ, কি দৈন্যতার মধ্যে দিন আমার কাটছে! তবুও সে-সময় একটি ছেলে আমার মনে-প্রাণে ভালবেসেছিল,—তার নাম পূর্বেই ক'রেছি, পরম বন্ধু আমার শ্রীমান নীলা!

এই শ্রীমান কথাটির ব্যবহার থেকেই তোমরা বুঝতে পারো আমাদের মধ্যে কতখানি আন্তরিকতা ছিল। রাজু ছিল আমার সহচর,—কৈশোর জীবনের গুরু। আন্তরিকতা ও হৃদয়তা ছিল উভয়েরই সঙ্গে। তবুও আমি সেদিন বেশী ভালবাসতাম নীলাকে।

কারণ একটা ছিল। নীলা ছিল অবস্থাপন্ন ঘরের ছেলে, তার সঙ্গীরও অভাব ছিল না, তবুও আমার মত হা'ভাতে ঘরের ছেলেকে সে ভালবেসেছিল একান্ত নিবিড়তর ক'রে।

একদিন কথা-প্রসঙ্গে জিজ্ঞাসা ক'রলাম—ই্যারে নীলা, তুই আমার এত ভালোবাসুলি কেমন ক'রে?

ব'ললো—তোর ঠোঁট দুটো দেখে!

মানে?

তুই তামাক খাস্—দেখেই বুঝতে পেরেছিলাম।

সত্য কথা ব'লতে কি, সে এই নেশার মোহেই আমাকে ভালবেসেছিল! এমন কি আমার জন্যে নিজের বাড়ী থেকে, সকলের অজান্তে বাড়ি চুরি ক'রে এনে দিয়েছিল,—যেহেতু পড়াশুনার ব্যাঘাত ঘটছে। সময়মত এসে তামাক সেজে, নিজে খেয়ে ও খাইয়ে মেজাজটাকে আমার সতেজ রেখেছিল সেই! নিঃসন্দেহে আজ ব'লতে পারি, পরীক্ষা পাশের সমস্ত উপকরণের মধ্যে সেও ছিল একটি উপকরণ। তার একটি

প্রিয় এসরাজ ছিল। সেটিও সে দিবে দিবেছিল—এর কারণ কি তোমরা ব'লতে পারো ?

সকলেই নীরব।

শরৎচন্দ্র ব'ললেন—হয়ত তোমরা ব'লবে বালাপ্রীতি ! কিন্তু এখন সেই সব অতীতের কাহিনীগুলো হাতড়ে, স্থির সিদ্ধান্তে পৌঁচেছি, পুরুষের ভালবাসা মানে—নেশা ! সে এই নেশার মোহেই ভালবাসে। সে বাস্তব জগতের নেশাই হোক, আর মনোজগতের নেশাই হোক ! এ নেশা টুটে গেলে, দিক্‌বিদিক্‌ জ্ঞানশূন্য হ'য়ে পড়ে সে বেরিয়ে। এটাই তার চরিত্রগত বৈশিষ্ট্য তাই সে নিশ্চয় ! আর নারী—তার সকল কিছুর মূল হ'ল কামনা। সে গভীকে সে অতিক্রম ক'রতে পারেনি,— তাই তার স্বার্থ ত্যাগের নিশানা ওই ক্ষুদ্র গভীর মধ্যেই সীমাবদ্ধ। এরজন্য কাউকেই দোষাযোগ্য করা চলে না !

(শরৎচন্দ্রের বৈঠকী আসরের সত্যকার রূপ)

* * * *

ভুবনমোহিনী দেবীর গুণ ছিল, রূপ ছিল না—হিরণ্ময়ীদেবীও ঠিক তেমনি ! যে রূপ বেঁটে ও কালো, সেইরূপ স্থূলপ্রকৃতির। প্রথম দৃষ্টে শরৎচন্দ্রের রূচিকে তরিক করা চলে না। কিন্তু যদি এই মহিলাটির সংস্পর্শে কেউ আসে—সে মুগ্ধ না হ'য়ে থাকতে পারবে না। প্রকায় মাথা নত হ'য়ে যায় আপনা থেকেই। এমন সেবাপরায়ণা নারীমূর্তি সহসা চোখে পড়ে কিনা সন্দেহ ! এ'র কাছে, পান থেকে চূণ থ'সে পড়ার সম্ভাবনাটি পর্যন্তও নেই। কখন কে কি ধাবে, কখন কার কি প্রয়োজন, তা স্মরণ করার পূর্বেই মুখের কাছে উপস্থিত হ'য়ে গেছে আপনা থেকেই।

এই যে গুণ, এর কাছে রূপের কোন মূল্যই নেই ! দু'দিন পরে,

রূপের আশুন ছাই ঢাকা প'ড়ে মলিন হ'য়ে যায়, কিন্তু চোখে ভেসে থাকে এই গুণ—যার কাছে, অন্তর পায় তৃপ্তি, দেহ-মন শীতল হ'য়ে যায়।

এই মহিলাটিকে শরৎচন্দ্র মনপ্রাণ দিয়ে ভালবাসতেন। যখন এঁর পেটে একটা টিউমার হওয়ায় অপারেশনের কথা উঠলো—তখন শরৎচন্দ্রের মুখের দিকে তাকানো যায় না। মুখখানা কেকাসে সাদা রক্তহীন,—চোখ দুটো ছল-ছল ক'রছে। ডাক্তারকে জিজ্ঞাসা ক'রলেন, অপারেশন ক'রলে বাঁচবে তো?

ডাক্তার আশ্বাস দিলেন। কিন্তু শরৎচন্দ্র রাজি হ'লেন না। ব'ললেন—যতদিন বাঁচে এমনি ক'রেই বাঁচুক, ওর অপারেশন হ'তে দেবো না।

হিরণ্ময়ীদেবীকে জিজ্ঞাসা ক'রলেন—তোমার কি কোন কষ্ট হ'চ্ছে বড়-বো?

হিরণ্ময়ীদেবী ('বড়-মা'—এই নামেই তিনি আত্মীয়-স্বজনের কাছে পরিচিত। আর যারা শরৎচন্দ্রের বিশেষ স্নেহের পাত্র ছিলেন—তাঁরা "বৌদি" ব'লেই ডাকতেন) ব'ললেন—কষ্টের চেয়ে লজ্জাই হয় বেশী! লোকে কি ভাবে বলতো?

যার যা খুশী—সে তা ভাবুক, আমি কিন্তু তোমার এই অপারেশনে মত দিতে পারি না!

কেন?

ছলছল চোখে শরৎচন্দ্র উত্তর দিলেন—সে-কথা তুমি বুঝবে না বড়-বো! তুমি যে আমার কি—সে-কথা কেউ বুঝবে না কোনদিন!

এর পর আর যুক্তি বা অপ্ররোধ নিরর্থক! আজও সেই টিউমারের বোঝা ব'য়ে চ'লেছেন হিরণ্ময়ী দেবী।

*

*

*

*

বেকুলো “রূপ ও রক্ত” সচিত্র সাপ্তাহিক পত্রিকা। নির্মলচন্দ্র চন্দ্র
 ম’শায়ের সহযোগে সম্পাদনার ভার গ্রহণ ক’রলেন। এপাশে দেশবন্ধু সমস্ত
 কিছুই দান ক’রলেন, তবুও গৃহত্যাগ ক’রে চলে যেতে পারছিলেন না।
 তাঁর চোখে যুখে কুটে উঠেছে একটা গভীর উষ্মির ছায়া। সারা রাত
 তাঁর কথা মনে হ’য়েছে,—তাঁর কাছে লোক পাঠানোর অবকাশও তিনি
 তিনি পাননি! সহসা একটা ট্যাক্সি তাঁর বাড়ীর সামনে এসে
 দাঁড়ালো। দেশবন্ধু চোখ তুলে চাইতেই উভয়ের চোখাচোখি হ’য়ে
 গেল। সহাস্তে সাদর সম্ভাষণ জানালেন—আরে, আছেন, আছেন!
 আপনার কথাই ভাবছিলাম এতক্ষণ!

শরৎচন্দ্র সহাস্তে ভিতরে এসে দাঁড়ালেন। ব’ললেন, সমস্ত খবর
 আমি কাল পেয়েছিলাম,—শুনেই মনটা এখানে ছুটে আসার জন্তে
 হটকটু ক’রছিল।

দেশবন্ধু ব’ললেন, আমারও তাই! কি আশ্চর্য মনের মিলন দেখুন!

শরৎচন্দ্র ব’ললেন, অন্তরঙ্গতা যেখানে দৃঢ়, ভালবাসা যেথা গভীর,
 সেখানে একজনের ডাকে অপরের মন উদ্বেলিত হ’বেই—এটাই প্রকৃতির
 গতি। কিন্তু সে কথা এখন থাক—সর্বস্ব ত ত্যাগ ক’রলেন, এখন
 ঠা’বেন কোথায় স্থির ক’রলেন?

দেশবন্ধু সংক্ষিপ্ত উত্তর দিলেন,—এখনও ঠিক ক’রে উঠতে
 পারিনি!

শরৎচন্দ্র ব’ললেন,—তা’হলে এ দীনের কুটিরেই পদার্পণ ক’রবেন
 লুন!

দেশবন্ধু স্থির হ’য়ে কি যেন একটু ভেবে নিলেন। ব’ললেন, যদি
 ক্ষাখাও উঠতেই হয়, আপনার কাছে গিয়েই প্রথম উঠবো, কথা
 দিলাম, শরৎবাবু। কিন্তু তার আগে যে আমার আর একটি জিনিষের
 গর নিতে হ’বে।

শরৎচন্দ্র সবিস্ময়ে তাঁর মুখের দিকে তাকালেন।

দেশবন্ধু ব'ললেন—সারা রাত আমি ভেবে দেখেছি, কিন্তু সে পরীক্ষার সাহস কারও দেখিনি। একমাত্র আপনিই আছেন, যা সাধারণ গ্রহণ ক'রতে পারেন!

শরৎচন্দ্রের বিস্ময় বাড়লো বই ক'লো না। জিজ্ঞাসা ক'রলেন, যে বস্তুটি কি দেশবন্ধু?

দেশবন্ধু ব'ললেন,—আমার গোবিন্দজীকে গ্রহণ ক'রবেন, শরৎবাবু আমি ঠিকই জ্ঞান এখনিও বাড়ী আগলে ব'সে আছি।

শরৎচন্দ্র ব'ললেন,—জানেন ত' আমার দেব-দ্বিজের ভক্তি নেই, আমি নাস্তিক!

দেশবন্ধু হেসে উঠলেন। ব'ললেন—তাই ত' পরীক্ষার সাহস রাখে আপনি! শুধুন, আমার এক সন্ন্যাসীর সঙ্গে দেখা হয়। তিনি ব'ললেন, তোকে একটা জিনিষ দিয়ে যেতে পারি, কিন্তু সে ভার সত্যি কি বহন ক'রতে পারবি? সবিস্ময়ে জিজ্ঞাসা ক'রলাম—এমন কি অমূল্য সম্পদ আপনি আমায় দেবেন?

সন্ন্যাসী ব'ললেন—সত্যি, সেটি এক অমূল্য রতন! ব'লেই একটি শালগ্রাম শিলা ঝুলি থেকে বাস ক'রলেন। ব'ললেন—এ শিলার এমনই গুণ যে, কেউ গৃহী হ'তে পারেনি, সকলকেই তিনি সর্বত্যাগী ক'রেছেন।—নিবি তুই?

মনটা আমার বিদ্রোহী হ'য়ে উঠলো! অন্ধ-সংস্কারকে কোনদিনই প্রাশ্রয় দিতাম না, পরীক্ষার ছলে সেটি গ্রহণ ক'রেছিলাম। এখন সে অগ্নি-পরীক্ষা, একমাত্র একা আপনিই ক'রতে পারেন!

শরৎচন্দ্র সঙ্গে সঙ্গে রাজি হ'য়ে প'ড়লেন! ব'ললেন,—কোন চিন্তা নেই দেশবন্ধু, ও দেবতাটির ভার আমিই গ্রহণ ক'রলাম!

দেশবন্ধু আনন্দে মুখর হ'য়ে উঠলেন, সত্যি নেবেন শরৎবাবু?

শরৎচন্দ্র ব'ললেন,—আপনার সঙ্গে কি কোনদিন রহস্য ক'রতে পারি? আপনি নিশ্চিন্ত থাকুন। শুঁকে আমি ফিরিয়ে নিয়ে যাওয়ার সময় নিয়ে যাবো।

[শরৎ-পরিচয়, স্মৃ. না. গ., পৃ: ১২৪]

*

*

*

শরীরটা ভাঙন ধরায়, তিনি হাওড়ার গোবিন্দপুরে, তাঁর দিদি অনিলা দেবীর বাড়িতে বেড়াতে গেলেন। বছবার তিনি এখানে এসেছেন। বেশ ভাল লাগে তাঁর রূপনারায়ণের এই নির্জন তীরটি। মনে মনে এইখানে একটি আস্তানা গ'ড়ে তোলার ইচ্ছা তাঁর হ'ল।

তখন গ্রামে লেগেছে ছুঁভিক্ষা। বৃভুক্ষু গ্রামবাসীর মুখের দিকে তাকিয়ে প্রাণটা তাঁর কেঁদে উঠলো। তিনি কোলাঘাট-গামী ধানের নোকাগুলোকে থামালেন এবং চড়া দামে তাদের সমস্ত ধান কিনে নিলেন। ঠিক ক'রলেন,—এই ধান তিনি এদের মধ্যেই বিলিয়ে দেবেন—কিন্তু তারও ত' একটা সংপথ আবিষ্কার করা চাই!

বহুকণ পদচারণার পর সহসা তাঁর মনে হ'ল—যে স্বপ্ন তিনি এখানে ব'সে ব'সে দেখেছিলেন, সেটার বাস্তব রূপ দেওয়া কি সম্ভব নয়? সঙ্গে সঙ্গে লোক লাগিয়ে তিনি জমি ঠিক ক'রে ফেললেন এবং রাষ্ট্র ক'রে দিলেন, যারা এখানে পরিশ্রম ক'রবে, তাদের তিনি অন্ন যোগাবার ব্যবস্থা ক'রবেন!

অনিলাদেবী সবিস্ময়ে প্রশ্ন ক'রলেন—ব্যাপার কি শরৎ?

শরৎচন্দ্র উত্তরে মুহূ হাসলেন। ব'ললেন—ওদের ত কিছু সাহায্য করার প্রয়োজন ছিল—কিন্তু শুধু হাতে সে বস্তুটা তুলে দিতে সাহস হ'ল না!

সবিস্ময়ে অনিলাদেবী মুখের দিকে তাকাতেই, তিনি সহাস্তে

ব'ল্লেন—তুধু দান ক'সতেই নেই দিদি, তাতে কতি হয় উভয় পক্ষের।
 বাড়ে নিজের দস্ত—আর যে নেয়, সে হ'য়ে যায় ছেয়। তাঁর চেয়ে—
 “নেই কাজ ত খই ভাজ্”—একটা বিনিময় চলুক। ওরা ব'ল্বে,
 আমরা খেটেছি, আমিও ভাব্‌বো, বাড়ীটা আমার ফুকুট্‌সে তৈরী
 হ'য়ে গেল!

উপস্থিত সকলেই হেসে উঠলেন। শরৎচন্দ্রও নিজের রসিকতায়
 নিজেকে সংযত রাখতে পারলেন না। সে হাসির শ্রোতে নিজেও গা
 ভাসিয়ে দিতে এতটুকুও কুণ্ঠা বোধ ক'রলেন না।

অরাজ পার্টির ফরিদপুরে কনফারেন্স ব'সলো। সভাপতি দেশবন্ধু
 অয়ং। ডেলিগেটদের অধিকাংশই তাঁর নিজের দলের লোক—শিষ্য ও
 অমুগামী। অভিভাষণে, তিনি সেক্রেটারী অব্‌ স্টেট ফর ইণ্ডিয়া, লর্ড
 বার্কেন হেডের সহযোগীতার আস্থানে একটা মীমাংসার মনোভাব
 প্রকাশ ক'রলেন। তাঁর শিষ্যের দল সেই মুহূর্ত্তেই প্রতিবাদ জানালেন।
 দেশবন্ধু কনফারেন্স শেষ ক'রে ফুকু হৃদয়ে ক'ল্‌কাতা ফিরে এলেন।
 কানাপুষা চ'ল্‌তে লাগলো—দেশবন্ধু মডারেট হ'য়ে গেছেন—সে
 ডায়নামিজম্ আর তাঁর নেই! কেউ কেউ বিজ্ঞপ্তি ক'রলেন, প্রিন্সিপ্যাল্
 অটোনমি গ্রহণ ক'রে, সি. আর. দাস গভর্নর হ'তে চাইছেন!

অভিমানে ও হতাশায় দেশবন্ধুর হৃদয় একেবারে ভেঙে গেল। শরীর
 পূর্বেই ভেঙেছিল,—তার উপর মানসিক এই আঘাতে দেহমন একবারে
 জরাজীর্ণ হ'য়ে প'ড়লো। জলভরা চোখে তিনি ব'ল্লেন—শরৎবাবু আমি
 মডারেট হ'য়ে গেছি! গভর্নর হ'তে চাই! এই কি বাংলাদেশের ধারণা?

আশ্বাস দিলেন শরৎচন্দ্র—হুঃখ ক'রবেন না দেশবন্ধু! এ হুঃখ
 সঞ্চিত থাকুক—সমস্ত দেশের জন্তে—সমস্ত জাতির জন্তে!

তবুও কি দেশবন্ধু শাস্ত হ'তে পা'য়লেন ? অভিমানে তাঁর হৃদয় চূর্ণ-বিচূর্ণ হ'তে লাগ'লো । অবশেষে শরৎচন্দ্র ব'ললেন—আপনি সর্বভাগী, আপনি অভ্রান্ত, আপনি অগ্নিশুদ্ধ, আপনিই নেতা ! দেশ আপনারই ! কিছুদিন দার্জিলিং থেকে ঘুরে আসুন, স্বাস্থ্যটা পুরুদ্ধার হোক, সব ঠিক হ'য়ে যাবে ।

দেশবন্ধু তাঁর পরামর্শ গ্রহণ ক'রলেন । দার্জিলিং যাত্রা ক'রলেন । কিন্তু অভিমানের বালুর বাঁধকে তিনি রোধ ক'রতে পারলেন না । একপাশে বাজছে ট্রেন-ছাড়ার বিদায় বাঁশী, অন্য পাশে জনতার জয়ধ্বনি “জয় দেশবন্ধুর জয়”—তারই আবর্তে অন্তরাত্মা তাঁর বার বার অভিমানে কেটে প'ড়তে চাইলো । অবশেষে একবার ক্ষীণ-কণ্ঠে ব'ললেন—তোমরা আমার “সাজেশন্”টা সিরিয়ান্স্‌লি একটিবার চিন্তা পর্যন্ত ক'রে দেখলে না ?

নির্মম লোহার যন্ত্রটা হস্-হস্ শব্দে এগিয়ে চ'ললো । জনতা জয়ধ্বনি দিল—“দেশবন্ধু কি জয়”—কিন্তু উত্তর দিল না শিষ্য, সহকর্মী ও ভক্তের দল । বিদায় দিলেন শুধু নীরবে—

১৬ই জুন সন্ধ্যার পরে সারা ভারতের বুকে নির্দাকুণ বজ্র আঘাত হানলো—“দেশবন্ধু নেই !”

কান্নার রোল উঠ'লো ঘরে ঘরে—রাস্তায়-রাস্তায়—পার্ক-পার্ক—দেশবন্ধু আর নেই ।

শত্রু-মিত্র সবাই কাঁদছেন—দেশবন্ধু আর নেই—নেই—নেই—আর নেই—

শরৎচন্দ্র শোকের আবেগে কেঁপে কেঁপে উঠ'তে লাগ'লেন । মাঝে মাঝে চীৎকার ক'রে উঠ'লেন—হ্যাঁ, সব শেষ ! হ্যাঁ—হ্যাঁ—শেষ আমারই তাঁকে ক'রলুম ! এত মার কি সহ হয় ?

মাধার চুল ছিঁড়'তে ছিঁড়'তে ব'ললেন—বেশ ক'রেছেন ! কাঁদতে

কাঁদতে যেদিন তিনি বিদায় নিয়েছিলেন—সেদিন তো কেউ আমরা কাঁদিনি—হাত ধ’রে বলিনি—ওগো—আমাদের অপরাধ ক্ষমা করো তুমি—বিশ্বাস করো—তোমাকেই আমার চাই—

একটু থেমে পাগলের মত নিজের মনে ব’লে উঠলেন—শোধ নিয়েছেন তিনি! আমরা তাঁকে কাঁদিয়েছি,—তিনিও আমাদের কাঁদালেন—সুদে-আসলে শোধ নিলেন! বেশ ক’রেছেন! উই ডিডিক্ট ডিজার্ড হিম—

দেশবন্ধুর মৃত্যুর পর যতীন্দ্রমোহন সেনগুপ্ত সেই শূন্যস্থান গ্রহণ ক’রলেন। সুভাষচন্দ্র তখন মান্দালয়ে কারাগারে অন্তরীণ। যে বাংলা ছিল সকলের পুরোভাগে, সেই বাংলা রইলো সকলের সঙ্গে। শরৎচন্দ্রও ভগ্নহৃদয়ে পানিত্রাস-আমৃতাবেড়েতে বসবাস শুরু ক’রলেন। পুস্তাকাকারে প্রকাশিত হ’ল “হরিলক্ষ্মী” (১৯২৬)। ডাক এলো—ঢাকা-মুন্সীগঞ্জে অল্পজ্ঞিত বঙ্গীয় সাহিত্য সম্মেলনে সাহিত্য শাখার সভাপতিত্ব করার জন্ত। সে আহ্বান তিনি পরিত্যাগ ক’রলেন না। এরই পর বেরুলো “পথের দাবী” (১৯২৬)। টেগার্ডসাহেবের বাসনা সফল হ’ল এতদিনে। তিনি সরকারের দৃষ্টি আকর্ষণ করালেন।—কিন্তু শরৎ-সাহিত্য-অমুরাগী কোন এক উচ্চপদস্থ সরকারী কর্মচারী ব’ললেন, যুবকসমাজের উপর শরৎচন্দ্রের বিশেষ প্রভাব, সুতরাং শুঁকে নিয়ে বিশেষ টানাটানি করা উচিত হবে না, তার চেয়ে চিরন্তন প্রথা অনুসারে কাজ করা হোক। নইলে, যে কোন মুহূর্তে একটা বিপ্লব দানা বেঁধে উঠতে পারে!

* * * *

সরকার সে পরামর্শ গ্রহণ ক’রলেন সুবোধ বালকের মত। কারণ, কথাটা সত্যই উড়িয়ে দেওয়ার মত ছিল না। বইখানা বাজেয়াপ্ত

করা হ'ল। আর লেখককে প্রতিশ্রুতি দেওয়ার আদেশ হ'ল,—সাধারণ উপভাস ছাড়া রাজনীতিকে কেন্দ্র ক'রে কোন উপভাস ভবিষ্যতে তিনি রচনা ক'রতে পারবেন না!

শরৎচন্দ্র মনে মনে ক্ষুব্ধ হ'লেন,—কিন্তু প্রকাশে তাঁকে দৃষ্টান্তে রজী হ'তে হ'ল। কারণ, বর্ষাঘটনকে তিনি আকিঞ্চন ধরেছিলেন। জেলখানায় ওবস্ত্রটির প্রবেশ নিষিদ্ধ। স্তব্ররাং মনের ক্রোধ মনেই চাপা রাখা যুক্তিযুক্ত বোধ ক'রলেন।

বেরুলো শ্রীকান্ত ওয় পর্ব ও ঘোড়শী (দেনা পাওনার নাট্যরূপ, ১৯২৭) মান্দালয় জেল থেকে মুক্তিলাভ ক'রলেন স্তব্রচন্দ্র (১৯২৭)। বিপিন গাঙ্গুলী, সুরেন্দ্রমোহন ঘোষ, জ্যোতিষচন্দ্র ঘোষ (অধ্যাপক)-প্রমুখ বিপ্লবী নেতারাও মুক্তিলাভ ক'রলেন। ১৯২৪ সালে, ৩নং রেগুলেশন আইন ও বেঙ্গল অর্ডিন্যান্স আইনে ধারা ধৃত হ'য়েছিলেন, তাঁরাও মুক্তিলাভ ক'রলেন। কর্মক্ষেত্রে এই মুক্ত রাজবন্দীর দল ফিরে এলেন কিন্তু তাঁদের একঘরে করার ব্যবস্থা হ'ল। ঘরে ঠাই নেই, আত্মীয় স্বজনদের কাছে ঠাই নেই, মেস-বোডিং পর্যন্ত বন্ধ। তার উপর কংগ্রেসও এঁদের এড়িয়ে চ'লতে লাগলো। স্বরাজ্যীরাও আমল দিতে চাইলো না। চারিদিকে শুধু টিকটিকি পুলিশের ছড়াছড়ি, এরা সব বিপ্লবী, চোখে চোখে এদের রাখতেই হ'বে—নইলে সাম্রাজ্য যায় রসাতলে! সাধারণ লোকত ভয় পাবেই, বন্ধু-বান্ধবের অবস্থাও তাই—

তাহ'লে এঁরা যায় কোথায়? শরৎচন্দ্র এগিয়ে এলেন। হাওড়া জেলা কংগ্রেসের সভাপতি তিনি। সাক্ষোপাক্ষোদের ডাক দিয়ে ব'ললেন, তোমরা মুক্ত রাজবন্দীদের নাগরীক সধর্জন্য ব্যবস্থা করো। শুধু তাই নয়, এমন জমকালো ক'রতে হ'বে, যাতে দেশের moral impression-টা, রীতিমত একটা দানা বেঁধে ওঠে। ওরা দেশের জন্তে রক্ত দিয়েছে, জেল খেটেছে, তাদের বি. পি. সি. সি. বরণ

না ক'রতে পারে, কিন্তু বরণ আমাদের ক'রতেই হ'বে—তোমরা তৈরী হও। সমস্ত ব্যবস্থার আয়োজন কর।

অভ্যর্থনা সমিতি গঠিত হ'ল। শরৎচন্দ্র হ'লেন চেয়ারম্যান। তাঁর সমস্ত সঙ্কোচ, লজ্জা, কুণ্ঠা ধুয়ে-মুছে গেল। সেই স্বল্পবাক্ শরৎচন্দ্র মুখর হ'য়ে উঠলেন। নিরীহ অলস শরৎচন্দ্র হ'লেন, কর্ণঠ ও বেগবান্। নিজের তাঁদের সম্বন্ধনাপত্র পাঠ ক'রলেন। গদগদ ভাবে ব'ললেন, 'দেশের জন্তে এরা জীবন উৎসর্গ ক'রেছে, যৌবন উৎসর্গ ক'রেছে, সর্বস্ব উৎসর্গ ক'রেছে, এরাই দেশের অগ্রদূত। সরকার এ'দের ভয় ক'রে, কারণ তাঁরা জানে, এ'দের তপশ্চায় রচিত হ'বে তাদের ধ্বংসের মন্ত্র। কিন্তু তাঁদের সহস্র চেষ্টা পারেনি এদের মনের অপরাধের বল ও অন্তরের অনির্বাক্য স্বাধীনতার স্বপ্নকে বিচূর্ণ ক'রতে! এরা চিরজীবী, চিরতরুণ, চিরচঞ্চল। দেশের তরুণদের আশি বলি, তোমাদের এত বড় আপন জন, এত বড় জীবন্ত আদর্শ আর কেউ নেই!...'

শরৎচন্দ্র যা চেয়েছিলেন ঠিক তাই হ'ল। হাওড়া টাউন হলে এই সম্বন্ধনা সভার পর বাঙলার যুবচিন্তা সভাগ হ'য়ে উঠলো। এদের মন থেকে বিগ ফাইড্ ভেসে গেল। জেলায় জেলায় আরম্ভ হ'ল রাজবন্দী সম্বন্ধনা। বিপিন গাঙ্গুলী, উপেন বন্দ্যোপাধ্যায়, অমর চট্টোপাধ্যায়, জ্যোতিষ ঘোষ (অধ্যাপক), সুরেন্দ্রমোহন ঘোষ, প্রতুল গাঙ্গুলী, পূর্ণ দাস প্রভৃতি নেতাদের সভাপতিত্ব ক'রার হিড়িক পড়ে গেল।

*

*

*

*

সুভাষচন্দ্র ফিরে আসার পর শরৎচন্দ্র পুনরায় মুখর হ'য়ে উঠলেন। তাঁর বৈঠকখানা রাজনীতির স্র ও লয়ের তালে সরগম হ'য়ে উঠলো। স্বামী বিবেকানন্দের কনিষ্ঠ সহোদর বিপ্লব-যুগের নেতা, ভাঃ ভূপেন্দ্রনাথ

দত্ত, জার্মানী-কোরৎ ডাঃ কানাই গাঙ্গুলী, সন্তোষ মিত্র, হেমন্ত সরকার, জ্যোতিষ ঘোষ, বিপিন গাঙ্গুলী, উপেন বন্দ্যোপাধ্যায় প্রমুখ নেতারা ঘনঘন বাতায়নত ক'রতে লাগলেন। স্যোসালিজন্ম প্রচার সবে শুরু হ'চ্ছে। “ইকনমিক স্বরাজ” কথাটার প্রচলন এই প্রথম আরম্ভ হ'ল।

শরৎচন্দ্রকে কেন্দ্র ক'রে শিবপুরে পরপর কয়েকটি বৈঠক ব'সলো। বাংলাদেশে একটি সোস্যালিষ্ট পার্টি গঠনের পরিকল্পনা খাড়া ক'রলেন শরৎচন্দ্র। কাজও আরম্ভ হ'য়ে গেল। পার্টির অফিস স্থাপিত হ'ল কলকাতায় অকুরদত্ত লেনে।

এই সময়ে গার্ডেনরীচে এ. জে. মেইন নামে এক বিলাতী ইঞ্জিনিয়ারিং কোম্পানির কারখানায় শ্রমিকরা ধর্মঘট শুরু ক'রলো। সংবাদ পেয়ে সোস্যালিষ্ট পার্টি সাহায্য ক'রতে এগিয়ে গেল। কিছুদিন ধর্মঘট পরিচালিত হওয়ার পর শ্রমিকদের জয়লাভ হ'ল। এর পরেই হাওড়ায় মেথর ও বাতুনদার ইউনিয়নের কাজ শুরু ক'রলেন সোস্যালিষ্ট পার্টির শশীন্দ্র চট্টোপাধ্যায়, অগম দত্ত ও জীবন মাইতি। প্রেসিডেন্ট হ'লেন ডাঃ প্রভাবতী দাসগুপ্তা। ইউনিয়ন গঠনের কয়েক মাসের মধ্যেই মেথরদের ধর্মঘট শুরু হ'ল। তখন মিউনিসিপ্যালিটির চেয়ারম্যান বরদা পাইন। বিজয় ভট্টাচার্য্য ভাইস চেয়ারম্যান। কংগ্রেস প্রেসিডেন্ট স্বয়ং শরৎচন্দ্র।

সোস্যালিষ্ট পার্টির নেতারা আশীর্বাদ চাইতে এলেন। শরৎচন্দ্র আশীর্বাদ ক'রে সহাস্ত্রে ব'ললেন, “এবার কি গুরুমারা বিজা আরম্ভ ক'রলে?”

নেতা ব'ললেন, “কি ক'রবো বলুন ইউনিয়ন গ'ড়ে তুলে, এখনত আর পিছিয়ে আসা যায় না?”

প্রশান্ত কর্তে উত্তর দিলেন শরৎচন্দ্র, “না, পিছিয়ে আসা চলবে না। কর্তব্য পালন ক'রে যেতেই হ'বে। সংঘর্ষটা কি জন্মে হ'চ্ছে,

সেটা বড় কথা। কার সঙ্গে হ'চ্ছে, সেটা বড় কথা নয়! সমাজে মেথর আর বেশা, এদের চাইতে worst persecuted আর কেউ নেই। সেই মেথরদের cause নিয়েছো, বিধা সংকোচ নেই—এগিয়ে যাও।”

একসপ্তাহ ধর্মঘট চ'ললো। সহরের অবস্থা ভয়াবহ রূপধারণ ক'রলো। অনেকে শরৎচন্দ্রকে ব'ললেন, ‘যাঁরা ধর্মঘট করিয়েছে, ওরা ত আপনারাই শিষ্য, ওদের ধমক দিয়ে ধর্মঘট উইথ্‌ড্র করিয়ে নিন।’

শরৎচন্দ্র তাঁদের ধমক দিয়ে উঠলেন—‘No by no means. যারা ধর্মঘট ক'রেছে, তাদের grievance যদি সত্য হয়, তা হ'লে সে সম্বন্ধে সঙ্গত ব্যবস্থা ক'রো তোমরা!’

নির্মল মিত্রম'শায় ধর্মঘট বানচাল করার চেষ্টা ক'রলেন। তিনিও ব্যর্থ হ'লেন। দশম দিনে কতকগুলো মিউনিসিপ্যালিটির জমাদার শচীনন্দন বাবুকে ধ'রে উত্তম মধ্যম দিল (তিনিই ছিলেন ধর্মঘট দলের নেতা)। কথাটা শরৎচন্দ্রের কানে গিয়ে উঠলো। তিনি ক্রোধে অগ্নিশর্মা হ'য়ে উঠলেন। ব'ললেন, “এসব কি? This is sheer cowardice. একটা ছোট ছেলেকে ধ'রে মেরে তোমরা ধর্মঘট ভাঙাতে চাও?”

শরৎচন্দ্র কংগ্রেসের সভাপতি পদ ত্যাগের হুমকী দেখালেন। সঙ্গে সঙ্গে প্রতিক্রিয়া দেখা দিল। সেইদিনই কমিশনারদের এক জরুরী বৈঠক বসলো। রেভারেণ্ড সি. এফ. এণ্ডরুজ সাহেবকে মধ্যস্থ মানা হ'ল। তাঁরই মধ্যস্থতায় ধর্মঘটের মীমাংসা হ'য়ে গেল।...

*

*

*

সুভাষচন্দ্র তখন কল্লপোরেশনের মেয়র। শরৎচন্দ্র হাওড়া কংগ্রেসের সভাপতি। বাংলার রাজনীতি ক্ষেত্রে তখন দু'টি তারকা জ্বলজ্বল ক'রছেন। একপাশে জে. এম. সেনগুপ্ত—অন্যপাশে সুভাষচন্দ্র! এই দুই তারকাকে কেন্দ্র ক'রে দু'টি দল নিজেদের প্রাধান্য বিস্তারের

চেঁচা স্ক্রু ক'রুলো। স্মৃতিচক্র চান বাংলার সংগঠন। জে. এম. সেনগুপ্তের দল তখন ক্ষমতার অধিকারী। স্মৃতিচক্রের পক্ষে তরুণ যুব-সমাজ, ছাত্র-সমাজ, বিগ ফাইভ, বিপিন গাঙ্গুলীর দল, সুরেন্দ্রমোহন ঘোষের দল, সরস্বতী প্রেসের দল ও চট্টগ্রামের বিপ্লবী (অজ্ঞাগার লুণ্ঠন) দলের নেতারা, আর সেনগুপ্তের পিছনে অমূল্য সন্মিতি, খাদি দল, সন্তোষ মিত্রের দল, গৌরাঙ্গ প্রেসের দল, আর সোস্যালিস্ট দলের সকলে। স্মৃতিচক্র মুখোমুখী না হ'লেও ভেতরে চ'লেছে, ক্ষমতাকে আয়ত্ত করার জোর একটা প্রতিযোগিতা। স্মৃতিচক্রের মুখে হাসি নেই, অথচ দল ছাড়াও রাজনীতির আসরে নামা বায় না।

শরৎচন্দ্র চিরদিন ছিলেন স্মৃতিচক্র-ভক্ত। এলেন, তাঁর মুক্তিপত্রের কাগজী হ'য়ে। তিনি সদৃশে ঘোষণা ক'রলেন, তোমরা যদি আমাদের পথ না ছাড়ো, আমরা তরুণ যুব ও ছাত্রসমাজ নিয়ে পৃথক দল গঠন ক'রবো! দেখি, আমাদের পথ রোধ করে কে?

মীমাংসার পথ খোলা হ'য়ে গেল। কারণ দেশের যা কিছু সম্বল—সে ত' যুবসম্প্রদায় ও ছাত্রসমাজ! উভয়েরই আধিপত্য তাদের ওপর। স্মৃতিচক্র আপোষ মীমাংসা ক'রে নেওয়াই যুক্তিসঙ্গত!

স্মৃতিচক্রের মুখে হাসি ফুটলো। কারণ আত্মকলহ তিনি কোনদিন পছন্দ ক'রতেন না। ক্ষমতার একচেটে অধিপত্য নইলে কাজ করা যায় না, অথচ সে বস্তুটাও যে কারও মৌরসী পাট্টাভুক্ত নয়—সে চেতনা তাঁর সকল সময়ে ছিল ব'লেই তিনি তাঁর সহকর্মীদের বার বার ব'লতেন, যে ক'রবে কাজ, ক্ষমতার অধিকারী তাকে হ'তেই হ'বে—নইলে কোন কিছুই সম্পাদন সম্ভবপর নয়! তাই ব'লে, কাজও ক'রবো না—পথও ছাড়বো না, সে কথা দেশবাসী শুনবে কেন? ব'ললেন—আমায় আপনি বাঁচালেন, দাদা!

শরৎচন্দ্র ব'ল্লেন—যেমন তুমি ভালমাহুষ! মাঝে মাঝে হকার ছাড়তে হয়, নইলে কাজ হাসিল হয় কি কখনও!

* * * *

সেই বছরেই বিশিষ্ট পাঠক ও বন্ধু সম্প্রদায় তাঁর প্রথম জয়ন্তী উৎসবের ব্যবস্থা ক'রলেন। সুবোধ রায়, অক্ষরূপ নারায়ণ প্রমুখ স্থানীয় বিশিষ্ট অধিবাসীদের সাহায্যে, সমারোহে জয়ন্তী-উৎসব পালন করা হ'ল। সে উৎসবে দেশের বহু গণ্যমান্ত ব্যক্তিরও যোগ দিয়ে অস্থগ্ঠানটিকে শ্রীমণ্ডিত ক'রে তুললেন।

* * * *

কম্পোরেশনের মেয়রের ঘরে ব'সে ছিলেন, সুভাষচন্দ্র ও বীরেন্দ্রনাথ (শাসন)। শরৎচন্দ্র ভেতরে ঢুকলেন। উভয়েই চেয়ার ছেড়ে উঠে দাঁড়ালেন। সুভাষচন্দ্র নিজের আসনটি শরৎচন্দ্রের জন্তে ছেড়ে দিলেন।

শরৎচন্দ্র বাধা দিয়ে ব'ল্লেন—না—না, তা হয় না, সুভাষ! বার যা আসন, তাকে তা' গ্রহণ ক'রতেই হয়, নইলে কাজ করা কি সম্ভব কোনদিন?

সুভাষচন্দ্র বীরেন্দ্রনাথের সঙ্গে পরিচয় করিয়ে দিতে ব্যস্ত হ'লেন। শরৎচন্দ্র সহাস্ত্রে উত্তর দিলেন—উনি আমার পূর্ক-পরিচিত। দেশবন্ধুর আমলের পুরাতন বন্ধু। তারপর চেয়ারটায় চেপে বসে ব'ল্লেন—আজ তোমাদের সঙ্গে আমি ঝগড়া ক'রতে এসেছি!

সুভাষচন্দ্র সবিম্বয়ে ব'ল্লেন, দোহাই দাদা, ও কাজটি ক'রবেন না!

শরৎচন্দ্র সঙ্কান্তে টেবিল চাপড়ে ব'লে উঠলেন—আলবৎ ক'রবো। দেশের লোকগুলো প্রতি বছর না খেয়ে ম'রছে, প্রতি বর্ষায় বস্ত্রায় ভেসে যাচ্ছে, যদি তাদের দিকে না তাকাবার অবসর পেলাম ত' নেতা

হ'লাম কিসের ? বীরেন্দ্রনাথকে সাক্ষী রেখে ব'ললেন—বলুন বীরেনবাবু, এই যে অভিযোগ আপনার কাছে ক'রলাম—তা কি এতটুকু বাড়িয়ে ব'লেছি ?

বীরেন্দ্রনাথ উত্তরে হাস্তে লাগলেন। ব'ললেন, আপনার অভিযোগটাকে অস্বীকার ক'রবার উপায় এতটুকুও আমার নেই !

শরৎচন্দ্র ব'ললেন—আজ আমার অভিযোগের পালা—তোমাদের অস্বীকার যদি কিছু থাকে, স্বচ্ছন্দে ক'রতে পারো। মনে রেখো সুভাষ, আজ তুমিও আমার কাছ থেকে বাদ প'ড়বে না !

সুভাষচন্দ্র বেয়ারাকে চা আনতে পাঠালেন।

শরৎচন্দ্র ব'ললেন, একটু জলদি আসিস বাবা, গলাটা তুকে একেবারে কাঠ হ'য়ে গেছে। আজ পেয়েছি দু'টি রত্নকে—একেবারে একসঙ্গে—এমন সুযোগ হারালে জীবনের অনেকখানি অংশ আপ'শোষ ক'রে ম'রতে হ'বে।

বীরেন্দ্রনাথ মোনতা ভেঙ্গে ব'ললেন—আজ দাদার মেজাজটা—

বাধা দিয়ে সঙ্গে সঙ্গে শরৎচন্দ্র ব'লে উঠলেন, থাসা আছে। নইলে প্রাণথুলে কথা বলার অবসর পাবো কেমন ক'রে, বলুন !

বেয়ারা চা দিয়ে গেল। কাপে চুমুক দিয়ে শরৎচন্দ্র মুখর হ'য়ে উঠলেন—আঃ, প্রাণটা এতক্ষণে জুড়োলো—কিন্তু বীরেনবাবু, আপনাকে আজ আমি সহজে ছাড়ছি না। বহুদিনের বহু বিক্ষোভ, অন্তরে আমার জমা হ'য়ে আছে।

সুভাষচন্দ্র তাঁর মুখের দিকে তাকাতেই শরৎচন্দ্র মূহু হেসে উঠলেন। ব'ললেন, ভয় পেয়েছো ত' ? কিন্তু তোমাদের মত বীরপুরুষদের ভয় দেখানোর মত শক্তি আমার নেই ! হ্যাঁ, শুধু বীরেনবাবু, নদীর তীরে বাস করি, সুতরাং পারের খবর নিতাই চোখে ভাসে। রূপনারায়ণের উচ্ছ্বাস আর গ্রামবাসীর হাহাকার—সত্য ব'লছি, আমার এত পীড়া

ধেয়—তা আপনাকে বুঝিয়ে বলি কেমন ক'রে?—এ ঘটনাটা তো একদিনের নয়—প্রতিটি বছরের। এর কি কোন বিহিত আপনারা ক'স্বতে পারেন না? দেখুন, নিজের চোখে ত' দেখতে পাই—যারা গ্রামবাসী, তারা শুধু মুক ও বধির নয়, রোগ-শোকেও জরাজীর্ণ। তার উপর আছে রাজনীতির চেউ। সত্যই ও লোকগুলোর সহন-শীলতাকে আমি প্রশংসা করি, বীরেনবাবু! আপনারা ও-জেলার নেতা—যদি তাদের মুখের দিকে না তাকান তো, তাদের হ'য়ে কে প্রতিবাদ ক'স্ববে বলুন?

বীরেনবাবু লজ্জায় কিছুক্ষণ মাথা নত ক'রে রইলেন। ব'ললেন, জানেন ত' আমি কাঁথির লোক, ওখানের ব্যাপার আমি ঠিক ভাল ক'রে জানি না—তবে আপনাকে কথা দিচ্ছি—এবিষয়ে আমি সমস্ত খোঁজ-খবর নিয়ে, যা হয় একটা ব্যবস্থার চেষ্টা ক'স্ববো।

আবেগে শরৎচন্দ্র তাঁর হাতটা চেপে ধ'রে ব'ললেন, শুধু চেষ্টা নয় বীরেনবাবু, একটা বিহিত আপনাকে ক'স্বতেই হ'বে! তারাও ত মানুষ! সম্ভব বাঁধটা যদি একবার ধ্বসে যায়—তাদের দ্বারা কি কোনদিন আর কাজ পাওয়া সম্ভব হ'বে?

বীরেননাথ ব'ললেন, বার বার ও-কথা স্মরণ করিয়ে লজ্জা দেবেন না দাদা, আমার চেষ্টার ফ্রটি হ'বে না—আপনাকে আমি আশ্বাস দিতে পারি।

শরৎচন্দ্র তখনও তাঁর হাতটা ধ'রে ছিলেন আপন মুষ্টির মধ্যে। একটু জোরে চাপ দিয়ে ব'ললেন, জানি, আমি অরণ্যে রোদন ক'স্বছি না, লোহার মানুষকে একটু তাতিয়েই দিচ্ছি—কাজটা বরং হ'বে একটু ভাল ক'রেই!

বেয়ারা পুনরায় চা দিয়ে গেল। স্মৃতিচক্রের মুখের দিকে তাকিয়ে প্রশ্ন ক'স্বলেন, ব্যাপার কি স্মৃতিচক্র?

সুভাষচন্দ্র সহাস্ত্রে উত্তর দিলেন—এ ত' বাঁধাধরা কথা, দাদা ! এক কাপে আপনার মন বসে না !

শরৎচন্দ্র হেসে উঠলেন । ব'ললেন, এর সঙ্গে যদি একটু আকিংএর ব্যবস্থা ক'রে রাখতে সুভাষ,—সত্যি ব'লছি, তোমার এ ঘর ছেড়ে আমি একটি পা-ও আর ন'ড়তাম না !

সবাই হেসে উঠলেন । শরৎচন্দ্র গম্ভীর হ'য়ে কাপটিতে শেষ চুমুক দিয়ে নামিয়ে রাখলেন । ব'ললেন, জানতো হাসির পরেই কান্না—এবার তোমার পালা ।

সুভাষচন্দ্র সহাস্ত্রে ব'ললেন, বলুন !

শরৎচন্দ্র একটু থেমে কি যেন ভেবে নিলেন । তারপর ব'ললেন, আমি তোমাদের কংগ্রেসের সঙ্গে কোন সম্পর্কই আর রাখবো না ।

সুভাষচন্দ্র ও বীরেন্দ্রনাথ একসঙ্গে ব'লে উঠলেন, কেন ?

শরৎচন্দ্র ব'ললেন, তোমাদের অহিংসার এই কচ্‌কচানি আমার আর ভাল লাগে না সুভাষ ! এরা শুধু মুখেই রাজ্য জয় করে, আর এই মূর্খ দেশবাসীকে ঠকিয়ে দল পাকিয়ে নিজেদের স্বার্থসিদ্ধির চেষ্টা করে । বলত' বীরেন্দ্রনাথ—চোখ বুজিয়ে আর কতদিন এসব সহ্য করা যায় ?

বীরেন্দ্রনাথ ব'ললেন—আপনারা যদি স'রে দাঁড়ান, এই মুক ও বখির দেশবাসীর হ'য়ে কে ল'ড়বে দাদা ?

শরৎচন্দ্র সহসা উত্তর দিতে পারলেন না । কিছুক্ষণ নীরব থেকে ব'ললেন, তাই ত তোমাদের এ অহিংসায় আমার বিশ্বাস নেই বীরেন্দ্রনাথ । এটা আমার দৃঢ় বিশ্বাস—যতক্ষণ পর্যন্ত না কেউ বাইরে গিয়ে আঘাত হানবে, ততক্ষণ এদের মুক্তি আসতে পারে না ! এত অত্যাচার এ দেশবাসীর উপর দিয়ে ব'য়ে যাচ্ছে যে, তোমাদের ডাকে তাদের চেতনা ঠিকমত সজাগ হ'য়ে উঠতে পারছে না । তার কারণ কি

জানো? তারা এত ক্লান্ত ও প্রান্ত যে, নিজের শক্তিকে উপলব্ধি করব কাল তারা পাচ্ছে না। কিন্তু তোমরা কেউ যদি সেই শক্তির পরিচয় দিতে পারো—তোমাদের নিজস্বের শক্তির প্রতি বিশ্বাস পুনঃ প্রতিষ্ঠিত হবে। তোমাদের শক্তিকে তারা আশ্রয়চেনার উদ্ভূত করে সহস্র গুণ শক্তিশালী হয়ে উঠবে। তখন দেখবে—পরাদীনতার এই আবেষ্টনী চুমুসে হয়ে যাবে আপনা থেকেই। সেদিন ব্রিটিশ সিংহের দাঁতগুলো যাবে ভেঙে, পালাবে লেজ খাড়া করে! পারবে না স্তম্ভা?।

স্তম্ভাচন্দ্র মাথা নত করে কি যেন তন্ময় হয়ে ভাবছিলেন। বীরেন্দ্রনাথের চোখ দু'টো জল জল করে জলছে।

শরৎচন্দ্র ব'ললেন, হয়ত তোমরা আমার আজ কেউ বিশ্বাস করতে পারবে না, কিন্তু আমার মন বার বার ব'লছে—তোমাদের এই দু'টির মধ্যেই সেই শক্তি ঘুমিয়ে রয়েছে। আমি জানি সরস্বতীর মানসপুত্র তোমরা,—তোমরা অজ্ঞের। বিপ্লবীরা রেখে গেছেন তাঁদের পায়ের ছাপ—পারবে না স্তম্ভা, সে স্বপ্নকে সফল করে তুলতে?

কক্ষটি নিস্তর। শরৎচন্দ্র উত্তেজনার অধীরভাবে পদচারণা করতে লাগলেন। বীরেন্দ্রনাথ শুরু হয়ে ব'সে রইলেন। স্তম্ভাচন্দ্র মাথা নীচু করে ব'সে তেমনি তন্ময় হয়ে কি যেন ভাবতে লাগলেন। কোন চেনা যে তাঁর আছে, সহসা বোঝবার কোন উপায়ই রইলো না।

শরৎচন্দ্র স্থান-কাল-পাত্র সমস্তই ভুলে গেলেন। স্তম্ভাচন্দ্রের পিঠে হাতখানি রেখে ব'ললেন—আমার “পথের দাবীর” সব্যসাচীর স্বপ্ন, কোন-দিন মিথ্যা হ'তে পারে না, স্তম্ভা! চলো, আমার তোমরা একটু এগিয়ে দিয়ে আসবে!

~ *

*

*

*

শিবপুরে হাওড়া জেলা কংগ্রেস কর্মী সম্মেলন হ'ল। শরৎচন্দ্রের

প্রিয়তম শিশু ও সহকর্মীরা তাঁকে ঐ সম্মেলনে আমন্ত্রণ জানানতে এলেন। দলাদলির ব্যাপারে সুভাষচন্দ্রকে নিমন্ত্রণ করা হয়নি। শরৎচন্দ্র মনে-প্রাণে ক্ষিপ্ত হ'য়ে উঠলেন। ব'ললেন, 'আমি যাবো না।'

কেন যাবেন না? হাওড়া জেলা কংগ্রেস কর্মী সম্মেলনী, আপনি যাবেন না কি রকম?

ওখানে সুভাষের নিমন্ত্রণ হয়নি। শিবহীন যজ্ঞে আমি যেতে পারিনি!

একজন সহসা মনের ক্রোধ প্রকাশ ক'রে ফেললেন—আপনার সুভাষ শিব নয়, ভূত!

শরৎচন্দ্র উত্তরে ক্ষিপ্ত হ'য়ে উঠলেন না। বরং স্থিতহাস্তে জবাব দিলেন—ভূত নয়—বলো ভূতনাথ!

কর্মীর দল ক্ষোভ প্রকাশ ক'রলেন—আমরা কি আপনার কেউ নই? সজল-নয়নে শরৎচন্দ্র উত্তর দিলেন—তোমরাও আমার অনেকখানি! কতখানি যে তা মাপাও যায় না।

তবুও যাবেন না? সমস্বরে প্রশ্ন উঠলো।

শরৎচন্দ্র দৃঢ় অথচ নির্লিপ্ত কণ্ঠে জবাব দিলেন—সবাইকে ছাড়তে পারি—সুভাষকে পারিনি!

*

*

*

ওপারের বাঁধ, ভাঙার শব্দ মাঝে মাঝে আসছে ভেসে। বর্ষার সন্ধ্যা। রূপনারায়ণ মেঘের সঙ্গে পাল্লা দিয়ে সমানে গর্জছে চ'লেছে। শরৎচন্দ্র তাঁর আরাম কেদারাটায় চূপ্‌চাপ্‌ গুয়ে তাকিয়ে দেখছেন—সেই দুর্জয় প্রকৃতির খেলা।

মাল বোঝাই নৌকোগুলো পাল উড়িয়ে চ'লেছে ধীরে ধীরে। পিছনের, পাখা-ঝোরা শীমারটা ভেঁা দিয়ে চ'লেছে এগিয়ে—নিজ্জীব

মেঘ-শাবকের মত। তার আর সেই দুর্জয় প্রতাপ নেই—কোন রকমে গন্তব্য স্থলে পৌছতে পারলেই যেন বেঁচে যায় সে এযাত্রা।

বহুকণ তামাক খাওয়া হয়নি। মনটা আনন্দান্ ক'রে উঠলো। ডাকলেন, কে আছিঁস্বে ?

কোন সাড়া পাওয়া গেল না। কিছুকণ অপেক্ষার পর আবার ডাক দিলেন—গোপাল, ও গোপাল—গেলি কোথায় রে ?

উত্তর আসার পূর্বেই দেখতে পেলেন একটা ভাঙা ছাতা মাথায় দিয়ে আসছে গোপাল। জিজ্ঞাসা ক'রলেন, কোথায় গিয়েছিলি রে ?

বাবুর মুখোমুখি হ'তে হ'বে, এতখানা গোপাল আশা করেনি। ব'ললো—আমার এক দূর-সম্পর্কের আত্মীয় মারা গেল, দেখতে গিয়েছিলাম।

শরৎচন্দ্র ব'ললেন, হাত-পা ভাল ক'রে ধুয়ে একটু তামাক দিয়ে বা' !

গোপাল তামাক সেজে নিয়ে সামনে এসে দাঁড়ালো। শরৎচন্দ্র জিজ্ঞাসা ক'রলেন, মারা গেল—কি হ'য়েছিল রে ?

গোপাল ব'ললো—অত নাম কি আমরা জানি বাবু ! একটু থেমে পুনরায় ব'ললো—এই বর্ষা বাদলে—পোড়ানোই কষ্টকর হ'বে।

শরৎচন্দ্র অন্তমনা হ'য়ে পড়েছিলেন। ব'ললেন, তা'ত হ'বেই ! তুই চলে এলি যে ? এ দুর্দিনে হু'একজন লোক বেশী থাকা ত উচিত ! কাউকে দিয়ে খবর পাঠিয়ে দিলেই ত পারতিস্ !

গোপাল ব'ললো, পেরেচিন্তি না ক'রলে কি মড়া ছোঁয়া যায় ?

শরৎচন্দ্রের চমক ভেঙে গেল। খাড়া হ'য়ে ব'ললেন। ব'ললেন, মড়ার আবার প্রায়শ্চিত্ত কিরে ? তাই বুদ্ধি পালিয়ে এসেছিচ্ ? যা—যা—কোন ভয় নেই—আমি ব'লছি !

খুব খারাপ রোগ হ'য়েছিল বাবু !

কি হ'য়েছিল ?

গিরিশী না কি বলে ! পেরেন্টিভি না ক'ন্সলে ছুঁতে নেই—
পড়'শীরা ব'ল্লে ।

শরৎচন্দ্র ব্যাপারটা চকিতে বুঝেনিলেন । ব'ল্লে, তাদের বাড়ীতে
আর আছে কে রে ?

একটা দশ-বারো বছরের ছোট ছেলে ।

তাহ'লে তারাও ছুঁবে না, বল ?

ওনে এলাম ত তাই !

শরৎচন্দ্র উঠে দাঁড়ালেন । ব'ল্লে—গামছাটা নিয়ে আমার সঙ্গে
বাবি চল !

গোপালের মুখখানা শুকিয়ে এতটুকু হ'য়ে গেল । এখানেও সেই
আজন্মের সংস্কার ! শরৎচন্দ্র আর জিদ ক'ন্সলে না । বেরিয়ে
প'ড়'লে জলবৃষ্টির মধ্যেই ।

অশানে যখন গিয়ে পৌছলেন, তখন অন্ধকার হ'য়ে এসেছে । দূরে
দেখ'লেন, একটি ছোট ছেলে মৃতদেহটা কখনও কাঁধে, কখনও বা
টান্তে টান্তে নিয়ে আসছে । শরৎচন্দ্র তার সামনে গিয়ে দাঁড়ালেন ।
ব'ল্লে, তোমার ভয় নেই, তুমি বরং কোদালটা নিয়ে এগিয়ে চল,
আমি নিয়ে যাচ্ছি এঁকে ।

শরৎচন্দ্র পরমুহুর্তেই মৃতদেহটা কাঁধে তুলে হাঁপাতে হাঁপাতে
জলকাদার মধ্যে চ'ল্লে এগিয়ে ।

পড়'শীরা মৃতদেহ বইতে রাজী না হ'লেও, পোড়াবার ব্যবস্থাটা ক'রে
রেখেছিল, তাও ছোট ছেলেটির মুখের দিকে তাকিয়ে ।

যারা উপস্থিত ছিল তারা সবিস্ময়ে প্রশ্ন ক'ন্সলো—আপনি ?

শরৎচন্দ্র মুদু হাসলেন । ব'ল্লে, না এলে ত' ছেলেটাকেও আর
বরে কিরে যেতে হ'ত না !

তাদের মধ্য থেকে কে একজন ব'লে উঠলো,—আপনি বামুন, আমরা যে ছলে! পাপ কি সইবে?

শরৎচন্দ্র ব'ললেন, মড়ার কি জাত আছে রে ভাই!

তার উত্তর দিল না। দূরে ব'সে ফিস্ ফিস্ ক'রে কি যেন বলাবলি ক'রতে লাগলো। শরৎচন্দ্র ছেলেটিকে কাছে টেনে নিয়ে চিতার পাশে গিয়ে ব'সলেন!

দম্কা হাওয়ার মধ্যেও তাদের একটা কথা পট্টতর হ'য়ে উঠলো—
সমাজ...?

শরৎচন্দ্র মুখ ফিরিয়ে হাসলেন! ব'ললেন, ভয় নেই ভাই! যে একঘরে আছে, তাকে নতুন ক'রে ত' আর শান্তি দেওয়া বাবে না—সে সব কিছুর যে বাইরে!

তার কি যেন উত্তর দিতে গেল। ঠিক সেই সময়ে মড়ার মাথার খুলিটা 'ফট্' ক'রে ফেটে গেল। আগুনটা একটু জোরে জলে উঠলো। ছেলেটা সভয়ে তাঁর হাতটা চেপে ধ'লো।

শরৎচন্দ্র মাথায় তার ধীরে ধীরে হাত বুলিয়ে দিতে লাগলেন। ব'ললেন, ভয় কি থোকা? আমি ত তোমার সঙ্গে র'য়েছি!

*

*

*

শরৎচন্দ্রের শরীর খারাপ হ'তে আরু ক'লো। তিনি সাহিত্য-সেবায় মন দিলেন। বেরুলো 'রমা'। ডাক্ প'ড়লো সুরেন্দ্রনাথের। তাঁর সেবা নইলে, তিনি সুস্থ হ'তে পারতেন না—এই হ'ল তাঁর শেব অভিমত। সুতরাং চিঠি গেল, আমার শরীর খারাপ, তুমি চলে এসো সুরেন!

সুরেনবাবু, ভাগলপুর থেকে ছুটে এলেন। কিন্তু বড়-মা মোটেই খুশী হ'তে পারলেন না। তিনি শরৎচন্দ্রকে ভালবাসেন অন্তরের চেরেও

বেশী। এ পৃথিবীতে দেব-দেবী আছেন, তিনি বিশ্বাস করেন কিন্তু শরৎচন্দ্র তাঁর কাছে, সাক্ষাৎ সেই প্রতিমূর্তি। তাঁর সেবার অধিকার—তাঁর একার। অন্য কেউ সেখানে অংশ গ্রহণ ক'রে, তা' সহ ক'রতে তিনি রাজি নন। সুতরাং অন্তর-বন্দ্য হ'য়ে গেল। সকল কাজেই তিনি এগিয়ে যান—কোন কিছুই ক'রতে দেন না সুরেন্দ্রনাথকে।

বিরক্তি-বোধ করেন শরৎচন্দ্র। মামার সেবা মন তাঁর চায়—কিন্তু বড়-বৌ তা হ'তে দেবে না! তিনি বোঝেন, দুর্বলতা তাঁর কোথায়!

ডাক্তারের নির্দেশ : ভেজিটেব্ল্ জুস্ তাঁকে খেতে হ'বে।

সুরেন্দ্রনাথ তৈরী ক'রতে গেলেন—বড়-মা তা' ক'রতে দিলেন না। স্বামীকে নিজের হাতে না খাওয়ালে, তৃপ্তি কি তিনি পেতে পারেন একটি মুহূর্ত! সুতরাং সেইমত ব্যবস্থাও তিনি ক'রলেন।

শরৎচন্দ্রের আহারে রুচি চলে গেল। ভাল লাগছে না মোটেই! এসব অথাত্ত কি খাওয়া যায় কোনদিন?

সুরেন্দ্রনাথ আশ্বাস দিলেন—আচ্ছা, কাল আমি নিজের হাতে তৈরী ক'রে দেবো, কেমন না ভাল লাগে তোমার!

বড়-মা কিছুতেই রাজী হ'লেন না। শরৎচন্দ্র রাগ ক'রে গুন্ হ'য়ে ইজি-চেয়ারে শুয়ে রইলেন। অগত্যা রাজী হ'তে হ'ল বড়-মাকে!

সুরেন্দ্রনাথ, রোগীর পথ্য তৈরী ক'রে নিয়ে এলেন। বড়-মা পাশে ব'সে পাখার বাতাস ক'রছিলেন। মুখে তাঁর চাপা ব্যঙ্গ-হাসি। দেখাই যাক্—মামার রান্না কেমনতর লাগে? মনে অবশ্য একটা গৰ্ব্ব লুকানো ছিল, তাঁর মত রান্না রাঁধতে পারবে না কেউ সহজে!

কিন্তু নিরাশ হ'তে হ'ল হিরণ্ময়ীদেবীকে। শরৎচন্দ্র পরম তৃপ্তি সহকারে সবটুকু শেষ ক'রে ব'ললেন—চমৎকার রে'খেছো মামা! বার বার বড়-বৌকে বলি—মামাকে দাও—এসব কাজ তুমি পারবে না—কিন্তু কথা কি আমার ও কাণে তুলবে কোন সময়ে?

বড়-মা গভীর হ'য়ে তেমনি পাথর বাতাস ক'ম্বতে লাগলেন।

শরৎচন্দ্র সে মুখের দিকে তাকিয়ে একটু কৌতুক বোধ ক'ম্বলেন।
ব'ললেন, বেলা হ'য়েছে, এবার আমার খাওয়ার ব্যবস্থা ক'ম্ববে না
বড়-বো?

অনিচ্ছা সত্ত্বেও উঠে দাঁড়ালেন হিরণ্ময়ীদেবী।

শরৎচন্দ্র মৃদু অহুযোগ ক'ম্বলেন—আমার অহুখের পর থেকে তুমি
যেন কেমনতর হ'য়ে গেছ বড়-বো! এমন ত ছিলে না কোনদিন?

হিরণ্ময়ীদেবী উত্তর দিলেন না। শুধু আড়-চোখে শরৎচন্দ্রের মুখের
দিকে তাকিয়ে এক ঝলক অগ্নিবর্ষণ ক'রে উঠে গেলেন ভেতরে।

শরৎচন্দ্র এবার প্রাণথুলে হাসলেন। ব'ললেন—বুঝলে মামা—
ও আমাকে ভালবাসে ঠিক পশু-পাখীর মত। একেবারে একান্তে!
কোথাও এতটুকু ফাঁক পর্য্যন্ত নেই। দেখছো না—তোমার সঙ্গে ব্যবহার
ক'ম্বছে ঠিক যেন সতীনের মত!

* * * *

ঘোষালবাড়ীর সঙ্গে মুখুজে বাড়ীর একটা খণ্ডবুদ্ধ বেঁধে গেল
জলকর নিয়ে। জায়গাটা ঘোষালদের, কিন্তু মোক্‌রারী মোরোসী
স্বত্ব ভোগ-দখল ক'ম্বছিলেন মুখুজেরা। মোহিনী ঘোষালম'শাই চাইলেন
বাঁধ কাটিয়ে নদীর সঙ্গে যোগ ক'রে দিতে, কিন্তু বাধা দিলেন
মুখুজেরা।

প্রথমে কথা কাটাকাটি, পরে লাঠালাঠি। শেষ পর্য্যন্ত কোর্টে গিয়ে
মামলা রুজু ক'ম্বলেন ঘোষালম'শায়। ১০৭ ধারা করা হ'ল মুখুজে-
ম'শায়দের বিরুদ্ধে, ৩৭৯ ধারা জেলেদের বিরুদ্ধে মাছ চুরি করার
অপরাধে। আর যেহেতু, শরৎচন্দ্র মুখুজেম'শায়ের আত্মীয়, জেলেদের
পৃষ্ঠপোষক, সুতরাং তাঁর বিরুদ্ধে জারি করা হ'ল ৫০৪ ধারা।

১০৭ ধারা ও ৩৭৯ ধারার নিষ্পত্তি হ'লে উলুবেড়ি কোর্টে, আর ৫০৪ ধারার কেশটি পানিজাস স্কুলের হেড-মাষ্টারম'শাই শরৎ মিত্র ম'শায়ের উপর সালিশী ক'রে মিটিয়ে দেওয়ার ভার প'ড়লো। তিনিই অবশেষে আপোষে একটা মিটমাট ক'রে দিলেন।

ক্ষয়-ক্ষতি হ'ল উভয় পক্ষের—তবে এই মামলাকে কেন্দ্র ক'রে গ্রামে যে আলোড়নের সৃষ্টি হ'য়েছিল—সেটা পল্লী-সমাজে রমা-রমেশের মামলার চেয়ে কোন অংশেই হীন নয়।

হাওড়া মিউনিসিপ্যালিটির পরিচালন শক্তি ১৯২৭ সালের পর কংগ্রেসী দলের হস্তগত হ'য়েছিল। প্রথমবারে, বরদা পাইনম'শায় হ'লেন চেয়ারম্যান, খগেন গাঙ্গুলী ম'শাই হ'লেন ভাইস্-চেয়ারম্যান। দ্বিতীয়বারে, পাইনম'শায় চেয়ারম্যান ও বিজয় ভট্টাচার্য্য ম'শায় হ'লেন ভাইস্-চেয়ারম্যান। কিন্তু তৃতীয়বারের ইলেক্‌সানে মতভেদ দেখা দিল। কংগ্রেসী দলেও ভাঙন সুরু হ'ল। শিবপুর দল আধিপত্য প্রতিষ্ঠার জন্তে উঠে-প'ড়ে লেগে গেল।

ইলেক্‌সানে জয়ী হ'লেন পাইনম'শায়, ভোলা রায়, বেণী দত্ত, বক্রিম দত্ত, বিজয় মুখুজে, বিজয় ভট্টাচার্য্য, শৈলেন মুখুজে। শরৎচন্দ্র, বরদা পাইন ম'শায়ের উপর ভার দিলেন, একটা মিটমাট ক'রে নেওয়ার আশায়। কারণ আত্মকলহে দলগত স্বার্থ-ক্ষুণ্ণ হ'বে, কংগ্রেস প্রতিষ্ঠান হিসাবে লোক-চোখে ছেয় হ'য়ে পড়বে! সুতরাং যে-কোন উপায়েই হোক মিটমাট একটা ক'রে নেওয়াই বাঞ্ছনীয়।

বরদা পাইন ম'শাই জরুরী সভার আহ্বান জানানলেন—ব্যবস্থা হ'ল, পাইনম'শায় হবেন চেয়ারম্যান—বিজয় ভট্টাচার্য্য ম'শায় হবেন ভাইস্-চেয়ারম্যান, কিন্তু পাইন ম'শায় সভাতে উপস্থিত না থাকায়, শিবপুর দল চেয়ারম্যান ক'রুলেন বক্রিম দত্ত ম'শায়কে, আর ভাইস্-চেয়ারম্যান হ'লেন বিজয় মুখার্জী। দলের শক্তি ক্ষুণ্ণ হ'ল। সংবাদ পাওয়া মাত্র,

শরৎচন্দ্র কোনে বরদা পাইনম'শায়কে মনের কোভ জানালেন, হায় বরদা—ক'ম্লে কি ?

কোনটা বোধ হয় অস্ত্র কোন লাইনের সঙ্গে যুক্ত হ'য়ে গিয়েছিল। কথাটা বিপক্ষ দলের কানে গিয়ে উঠলো। টিটকারি শুরু হ'ল—‘হায় বরদা ক'ম্লে কি !...হায় বরদা ক'ম্লে কি !’

শরৎচন্দ্র এই ‘হায় বরদা ক'ম্লে কি’র, জন্ত ব্যতিব্যস্ত হ'য়ে উঠলেন। চ'লতে ফিঙ্গতে শুধু একটি কথা—‘হায় বরদা ক'ম্লে কি ?’

ঘোষালদের সঙ্গে মামলা মিটে গেলেও, মনের কোভ তখনও স্নান হয়নি। কথাটা রাষ্ট্র হ'য়ে সুদূর সামতাবেড়ে গিয়েও পৌছালো। ফলে, শরৎচন্দ্রের রাস্তা চলা বন্ধ হ'ল। তখন রূপনারায়ণের জলপথই রহিল উন্মুক্ত। এই ঘটনার পর কিছুদিন তিনি নৌকাযোগে কোলাঘাট হ'য়ে রেলপথে বাতায়াত শুরু ক'মলেন।

* * * *

১৩০৫ সালের ৩১শে ভাদ্র, ইউনিভার্সিটি ইনষ্টিটিউটে, শরৎচন্দ্রের ত্রি-পঞ্চাশৎ জন্মতিথি উপলক্ষে দেশবাসীর পক্ষ থেকে এক অভিনন্দন দেওয়ার ব্যবস্থা করা হ'ল। তার উত্তরে তিনি ব'ললেন :—

‘এই যে আমার জন্মতিথি উপলক্ষ্য ক'রে আনন্দ প্রকাশের আয়োজন—আমি জানি, এ আমার ব্যক্তিকে নয়। দরিদ্র গৃহে আমার জন্ম ; এইতো সেদিনও দূর প্রবাসে তুচ্ছ কাজে জীবিকা অর্জনেই ব্যাপৃত ছিলাম, সেদিন পরিচয় দেবার আমার কোন সঞ্চয়ই ছিল না। তাইতো বুঝতে আজ বাকী নেই—এ প্রজ্ঞা নিবেদন কোন বিত্তকে নয়, বিজ্ঞাকে নয়, এ শুধু আমাকে অবলম্বন ক'রে সাহিত্য-লক্ষ্মীর পদতলে ভক্ত-বাহুবীর প্রজ্ঞা নিবেদন।

জানি এ সবই, তবুও যে-সংশয় মনকে আজ আমার বারংবার নাড়া দিয়ে গেছে সে এই যে, সাহিত্যের দিক দিয়েই এ মর্যাদার যোগ্যতা কি আমি সত্যই অর্জন ক'রেছি! কিছু করিনি একথা আমি ব'লবো না। কারণ এত বড় অতিবিনয়ের অভ্যাস দিয়ে উপহাস ক'রতে আমি নিজেকেও চাইনে, আপনাদেরও না। কিছু আমি ক'রেছি। বন্ধুরা বলেন যে, শুধু কিছুই নয়, অনেক কিছু, তুমি অনেক ক'রছো। কিন্তু তাঁদের দলভুক্ত যারা নয়, তাঁরা একটু হেসে ব'লবেন, 'অনেক নয়, তবে সামান্য কিছু ক'রেছেন, এইটাই সত্য এবং আমরাও তাই মানি। কিন্তু তাও বলি যে, সে সামান্যের উজ্জ্বল বুদ্ধ আর অধঃস্থ আবর্জনা বাদ দিয়ে অবশিষ্ট যা থাকে কালের বিচারালয়ে তার মূল্য লোভের বস্ত্র নয়।' এ য'ারা বলেন, আমি তাঁদের প্রতিবাদ করিনে, কারণ তাঁদের কথা যে সত্য নয় তা কোনমতেই জোর ক'রে বলা চলে না। কিন্তু এরজন্তে আমার দুশ্চিন্তাও নেই। যে কাল আজও আসেনি, সেই অনাগত ভবিষ্যতে আমার লেখার মূল্য থাকবে কি থাকবে না, সে আমার চিন্তার অতীত। আমার বর্তমানের সত্যোপলব্ধি, যদি ভবিষ্যতের সত্যোপলব্ধির সঙ্গে এক হ'য়ে মিলতে না পারে, পথ ত তাকে ছাড়তেই হ'বে। তার আবুক্ষাল যদি শেষ হ'য়েই যায়, সে শুধু এই জন্তেই যাবে যে আরও বৃহৎ, আরও সুন্দর, আরও পরিপূর্ণ সাহিত্যের সৃষ্টিকার্যে তার কঙ্কালের প্রয়োজন হ'য়েছে। ক্ষোভ না ক'রে বরঞ্চ এই প্রার্থনাই জানাবো যে, আমার দেশে আমার ভাষার এত বড় সাহিত্যই জন্মলাভ করুক, যার তুলনায় আমার হাতের লেখা যেন একদিন অকিঞ্চিৎকর হ'য়েই যেতে পারে।

নানা অবস্থা বিপর্যয়ে একদিন নানা ব্যক্তির সংগ্রহে আসতে হ'য়েছিল। তাতে ক্ষতি যে পৌছয়নি তা নয়, কিন্তু সেদিন দেখা যাদের পেয়েছিলাম, তারা সকল ক্ষতি আমার পরিপূর্ণ ক'রে দিয়েছে। তারা:

মনের মধ্যে এই উপলক্ষটুকু রেখে গেছে—ক্রটি, বিচ্যুতি, অপরাধ, অধর্মই মানুষের সবটুকু নয়। মাঝখানে তার যে বস্তুটি আসল মানুষ, তাকে আত্মা বলাও যেতে পারে, সে তার সকল অপরাধের চেয়ে বড়। আমার সাহিত্য রচনায় তাকে যেন অপমান না করি। হেতু যত বড়ই হোক, মানুষের প্রতি মানুষের স্মৃণা জন্মে যায় আমার হাতের লেখা কোনদিন যেন না এত বড় প্রশ্রয় পায়। কিন্তু অনেকেই তা আমার অপরাধ ব'লে গণ্য ক'রেছেন এবং যে অপরাধে আমি সবচেয়ে বড় লাজনা পেয়েছি সে আমার এই অপরাধ। পাণীর চিত্র নাকি আমার তুলিতে মনোহর হ'য়ে উঠেছে, আমার বিরুদ্ধে তাঁদের সবচেয়ে বড় এই অভিযোগ।

এ ভাল কি মন্দ আমি জানিনে, এতে মানবের কল্যাণ অপেক্ষা অকল্যাণ অধিক হয় কিনা এ বিচার ক'রেও দেখিনি, শুধু সেদিন থাকে সত্য ব'লে অহুভব ক'রেছিলাম, তাকেই অকপটে প্রকাশ ক'রেছি। এ সত্য চিরন্তন ও শাস্ত কিনা এ চিন্তা আমার নয়। কাল যদি সে মিথ্যা হ'য়ে যায়, তা নিয়ে কারো সঙ্গে আমি বিবাদ ক'রতে বাবো না। এই প্রসঙ্গে আরও একটা কথা আমার সর্বদাই মনে হয়, হঠাৎ শুনলে মনে লাগে, তথাপি এ কথা সত্য ব'লেই বিশ্বাস করি যে, কোন দেশের কোন সাহিত্যই কখনো নিত্য কালের হ'য়ে থাকে না। বিশ্বের সমস্ত সৃষ্ট বস্তুর মত তারও জন্ম আছে, পরিণতি আছে, বিনাশের ক্ষণ আছে। মানুষের মন ছাড়া তো সাহিত্যের দাঁড়াবার স্থান নেই, মানবচিত্তেই তো তার আশ্রয়! তার সকল ঐশ্বর্য বিকশিত হ'য়ে ওঠে যেখানে, সেই মানব-চিত্তেই যে একস্থানে নিশ্চল হ'য়ে থাকতে পারে না। তার রসবোধ ও সৌন্দর্য্য বিচারের সঙ্গে সঙ্গে সাহিত্যের পরিবর্তন অবশ্যসঙ্গী। তাই একযুগে, যে মূল্য মানুষ খুলী হ'য়ে দেয়, আর এক যুগে তার অর্ধেক দিতেও তার কুণ্ঠার অবধি থাকে না।

মনে আছে দাগুরায়ের অহুপ্রাসের ছন্দে গাঁথা দুর্গার স্তব পিতামহের

কর্তৃত্বের সেকালে কত বড় রত্নই না ছিল! আজ গৌতমের হাতে বাসি মালার মত তারা অবজ্ঞাত, আজ এতখানি অনাদরের কথা সেদিন কে ভেবেছিল? কিন্তু কেন এমন হয়? কার দোষে এমন ঘটলো? সেই অনুপ্রাসের অলংকার তো আজও তেমনি গাঁথা আছে! আছে সবই, নেই শুধু তাকে গ্রহণ করার মত মাহুষের মন। তার আনন্দবোধের চিন্তা আজ দূরে সরে গেছে। দোষ দাণ্ডারায়ের নয়, তাঁর কাব্যেরও নয়, দোষ যদি কোথাও থাকে তো সে যুগধর্মের। তর্ক উঠতে পারে, শুধু দাণ্ডারায়ের দৃষ্টান্ত দিলেই তো চলবে না। চণ্ডীদাসের বৈষ্ণব পদাবলী তো আজও আছে, কালিদাসের কাব্য তো আজও তেমনি জীবন্ত! তাতে শুধু এইটুকুই প্রমাণিত হয় যে, তার আয়ুষ্কাল দীর্ঘ, কিন্তু এর থেকে তার অবিদ্যমানতাও সপ্রমাণ হয় না। তার দোষ-গুণের শেষ নিষ্পত্তি করা যায় না।

সমগ্র মানবজীবনে কেন, ব্যক্তিবিশেষের জীবনেও দেখি এই নিয়মই বিদ্যমান। ছেলেবেলায় আমার “ভবানী পাঠক” ও “হরিদাসের গুপ্ত-কথা”ই ছিল একমাত্র সখল! তখন কতরকম কত আনন্দই যে ছ’খানি বই থেকে উপভোগ ক’রেছি, তার সীমা নেই। অথচ আজ সেগুলো আমার কাছে নীরস। কিন্তু, এ গ্রন্থের অপরাধ, না আমার বুদ্ধত্বের অপরাধ, বলা কঠিন। অথচ এমনিই পারিহাস, এমনিই জগতের বহুমূল সংস্কার যে, কাব্য-উপন্যাসের ভালমন্দ বিচারের শেষ তার গিয়ে পড়ে বুদ্ধের উপরেই। কিন্তু একি বিজ্ঞান, না ইতিহাস, একি শুধু কর্তব্য, শুধু শিল্পকার্য যে, বয়সের দীর্ঘতাই হ’বে বিচার করবার সবচেয়ে বড় দাবী?

বার্জাকো নিজের জীবন যখন ‘বিশ্বাদ’, কামনা যখন শুষ্কপ্রায়, ক্রান্তি-অবসাদে জীর্ণ দেহ যখন তারাক্রান্ত, নিজের জীবন যখন রসহীন, রসের বিচারে যৌবন কি বার বার দারুণ হ’বে গিয়ে তারই?

ছেলেরা গল্প লিখে নিয়ে গিয়ে যখন আমার কাছে উপস্থিত হয়, তারা ভাবে এই বুড়ো লোকটার রায় দেবার অধিকারই বুঝি সবচেয়ে বেশী। তারা জানে না যে আমার নিজের যৌবনকালের রচনারও আজ আমি আর বড় বিচারক নই। তাদের বলি, তোমাদের সমবয়সী ছেলেদের গিয়ে দেখাও। তারা যদি আনন্দ পায়, তাদের যদি ভাল লাগে, সেইটাই জেনো সত্য বিচার। তারা বিশ্বাস করে না। ভাবে, দায় এড়াবার জন্তই বুঝে একথা ব'লছি। তখন নিঃশ্বাস ফেলে ভাবি, বহুযুগের সংস্কার কাটিয়ে উঠাই কি সোজা? সোজা না জানি, তবুও ব'লবো রসের বিচারে এইটাই সত্য বিচার!

বিচারের দিক্ থেকে যেমন, সৃষ্টির দিক্ থেকেও ঠিক এই একই বিধান। সৃষ্টির কালটাই হ'ল যৌবনকাল—কি প্রজা-সৃষ্টির দিক্ দিয়ে, কি সাহিত্য-সৃষ্টির দিক্ দিয়ে। এই বয়স অতিক্রম ক'রে মাহুঘের দূরের দৃষ্টি হয়ত ভীষণতর হয়, কিন্তু কাছের দৃষ্টি তেমনি ঝাপসা হ'য়ে আসে। প্রবীণতার পাকা বুদ্ধি দিয়ে তখন নীতিপূর্ণ কল্যাণকর বই লেখা চলে, কিন্তু আত্মভোলা যৌবনের প্রস্রবণ বেয়ে যে রসের বস্তু ঝরে প'ড়ে, তার উৎসমুখ রুদ্ধ হ'য়ে যায়। আজ তিপান্ন বছরে পা দিয়ে আমার এই কথাটাই আপনাদের কাছে সবিনয়ে নিবেদন ক'রতে চাই—অতঃপর রসের পরিবেশনে ক্রটি যদি আপনাদের চোখে পড়ে, নিশ্চয় জানবেন তার সকল অপরাধ আমার, এই তিপান্ন বছরের।'

প্রেসিডেন্সী কলেজে ত্রি-পঞ্চাশৎ জন্মতিথি উৎসবে প্রেসিডেন্সী কলেজে 'বঙ্কিম-শরৎ সমিতি' কর্তৃক যে উৎসব অনুষ্ঠিত হ'য়েছিল তার উত্তরে তিনি ছাত্রদের সম্ভাষণ ক'রে ব'ললেন :

‘আপনারা অভিযোগ করিয়াছেন আমি আসি না, তাহার কারণ, বক্তৃতা দিতে হইবে মনে হইলেই আমার হৃৎকম্প হয়। আমি কিছু

বলিতে পারি না, কিন্তু লিখিতে পারি, কিছু কিছু লিখিয়াছিও, তাহাতে যদি খুশী হইয়া থাকেন সুখী হইব। মুখে কিছু বলিয়া উপদেশ দিব, কোন বইয়ের সমালোচনা করিব, কি নতুন কোন মানে প্রকাশ করিব, সে শক্তি আমার নাই। যা আছে বইয়ের মধ্যেই আছে, সেখানে থুঁজুন, আমার বইয়ের সম্বন্ধে ইহার বেশী বলিবার কিছু নাই।

অস্ত্রের বই সম্বন্ধে আমার বিশেষ জ্ঞানা নাই। নিজে লিখিয়াছি বলিয়া নিজের বই সম্বন্ধেও আমি বড় অধরিটি নই। অস্ত্রাস্ত্র গ্রন্থাকারের বা নিয়ে বিপদ ঘটে—প্রট পায় না—সেই প্রট সম্বন্ধে আমাকে কোনদিন চিন্তা করিতে হয় নাই। কতকগুলি চরিত্র ঠিক করিয়া লই, তাহাদিগকে কোটাইবার জন্ত বাহা দরকার, আপনি আসিয়া পড়ে। মনের পরশ বলিয়া একটি জিনিষ আছে। তাহাতে প্রট কিছু নাই। আসল জিনিষ কতকগুলি চরিত্র। তাহাদিগকে ফুটাইবার জন্ত মনের দরকার। তখন পারিপার্শ্বিক অবস্থা আনিয়া যোগ করিতে হয়। সে সব আপনি আসিয়া পড়ে। আমার শক্তি কম, তবু, নিজের দেশটিকে আমি বাস্তবিক ভালবাসিয়াছি। এ-কথার মধ্যে কোন প্রবঞ্চনা নাই, যথার্থ ভালবাসিয়াছি। ইহার ম্যালেরিয়া, দুর্ভিক্ষ, ইহার জলবায়ু, ইহার দোষ, গুণ, ক্রটি, দলাদলি—বা কিছু বলো সব নিয়েই বাস্তবিক আমি ভালবাসিয়াছি।

নানা অবস্থার মধ্যে পড়িয়া নানা লোকের সঙ্গে ঘনিষ্ঠভাবে মিশিয়াছি। মানুষকে তন্ন তন্ন করিয়া দেখিবার চেষ্টা করিলে তার ভিতর হইতে অনেক জিনিষ বাহির হয়, তখন তাহার দোষ-ত্রুটিতেও সহানুভূতি না করিয়া থাকা যায় না। অনেকে বলেন, বাহারী সমাজের নিম্ন স্তরে পড়িয়া আছে, তাহাদের উপর আমার সহানুভূতি বেশী! সত্যই তাই!

দেখব্যাপী আন্দোলন শুরু হ'ল। স্থির হ'য়ে তিনি ব'সে থাকতে পারলেন না। ছুটলেন স্তভাষচন্দ্রের কাছে। তখন তাঁর শরীর প'ড়েছে ভেঙে। চেয়ারটায় কিছুক্ষণ নীরবে ব'সে থেকে শরৎচন্দ্র ব'লে উঠলেন— তোমার শরীর ক্রমশঃই ভেঙে যাচ্ছে, যত্ন নাও স্তভাষ !

স্তভাষচন্দ্র মূহু হাস্তে উত্তর দিলেন, অনিয়ম হ'লেও অযত্ন হ'চ্ছে বলাতো চলে না, দাদা !

শরৎচন্দ্র মাথা হুলিয়ে ব'ললেন—নিশ্চয় হ'চ্ছে। তুমি খেয়াল ক'রছো না স্তভাষ ! কিন্তু মনে রেখো, এ বুড়োর কথা এতটুকুও মিথ্যে নয়।

স্তভাষচন্দ্র প্রতিবাদ ক'রলেন না, নীরবে শুধু হাসতে লাগলেন।

শরৎচন্দ্র ব'ললেন—তোমার সুস্থ থাকার প্রয়োজন যে কত, সে কথা তোমায় বোঝানো নিরর্থক। তবুও বলি, সেই সুদিন ওই আগতপ্রায় !

* * *

ডাক এলো মালিকান্দা অভয় আশ্রমে, বিক্রমপুর যুবক ও ছাত্র সম্মেলনীর সভাপতিত্ব করার। সেখান থেকে ফেরার পরই তাঁকে ছুটতে হ'ল রংপুরে বঙ্গীয় যুবসম্মেলনীর সভাপতিত্ব করার উদ্দেশ্যে।

বেকুলো “তরুণের বিদ্রোহ”। স্তভাষচন্দ্র ও জে. এম. সেনগুপ্ত তিন নম্বর রেগুলেশনে হ'লেন বন্দী।

প্রেসিডেন্সী জেলে খবরের কাগজ সরবরাহ নিয়ে কর্তৃপক্ষের সঙ্গে বাধ'লো লড়াই।

স্তভাষচন্দ্র প্রতিবাদে অনশন শুরু ক'রলেন। শরীর তাঁর ক্রমশঃই ভেঙে প'ড়তে লাগ'লো। গান্ধীজীকে টেলিগ্রাম করা হ'ল। তাঁর উত্তরে হতাশ হ'য়ে শরৎবাবু (বসু) অগত্যা শরৎচন্দ্রকে গিয়ে ধ'রলেন— এখন আপনি ছাড়া আর উপায় ত' দেখছি না !

শরৎচন্দ্র ছুটলেন প্রেসিডেন্সী জেলে। ডাক্তাররাও তাঁর শরীর দৃষ্টিতে উদ্ভিগ্ন হ'য়ে উঠেছেন।

সুভাষচন্দ্র খাটের উপর কাত হ'য়ে শুয়ে আছেন। দেহটা তাঁর প্রায় শয্যার সঙ্গেই মিলিয়ে আছে। শরৎচন্দ্র তাঁর পাশের শূন্য চেয়ারটায় চেপে ব'সলেন। ব'ললেন—শেষে জীবন নিয়ে একি ছিনিমিনি খেলা শুরু ক'রলে সুভাষ?

সুভাষচন্দ্র প্রতিবাদ ক'রতে গেলেন। বাধা দিয়ে শরৎচন্দ্র ব'ললেন—বীজনাথের “তাসের-দেশের” নায়ক, শরৎচন্দ্রের “পথের-দাবীর” দৃশ্যসীমা, এই কি তার সাধনা? কোথায় সে শোনাবে ঘুম ভাঙানি গান, ভাঙাবে মোহাচ্ছন্ন দেশবাসীর মোহনিদ্রা, কোথায় ক'রবে রক্তের সাধনা—তার পরিবর্তে একি তুমি ক'রছো সুভাষ? ওঠো, তাজা রক্ত নিয়ে তোমায় ক'রতে হ'বে খেলা! তুললে আজ চ'লবে না—তুমি বীর। বীরের মৃত্যু তোমায় গ্রহণ ক'রতেই হ'বে। কিন্তু তোমায় সিংহের সঙ্গে—আর লড়াই শুরু ক'রলে কি না মুষিকের সঙ্গে? ছিঃ ছিঃ, সুভাষ, এ সব কি তোমার শোভা পায়—না মানায়?

সুভাষচন্দ্র নির্বাক! শরৎচন্দ্র তাঁর হাতটি নিজের হাতের মধ্যে টেনে নিয়ে ব'ললেন, অনশন ত সারা ভারতবাসী দিনের পর দিন ক'রেই চ'লেছে, তার আবার নতুন কি? একান্তই যদি ম'রতে হয়, বীরের মত ম'রো। তা'তে আমাদের দুঃখ ক'রার থাকবে না কিছুই! এই যে শুকিয়ে মরা, এর চেয়ে দৈন্ত ত এ ছুনিয়্যার আর কিছু নেই। বিশ্বাস করো, এটা আমার নিজস্ব স্ততিবাক্য নয়—আমার অন্তরের অন্তরতমের বাণী। তুমি বাংলা তথা সারা ভারতের বরপুত্র, তোমার বেঁচে থাকার একান্ত প্রয়োজন। ওঠো, আমি নিজের হাতে তোমায় খাওয়াবো আশা নিয়ে এসেছি—নিরাশ ক'রো না ভাই—

সাদরে শরৎচন্দ্র লেবুর রসটি তাঁর মুখের কাছে ধ'রলেন।

স্বভাষচন্দ্র তাঁকে এতখানি শ্রদ্ধা ক'রতেন যে, সহসা প্রতিবাদ ক'রতে পারতেন না। নীরবে গ্লাসে চুমুক দিলেন।

শরৎচন্দ্র সেই সঙ্গে অনশন ভঙ্গ-সর্বের একখানা টাইপ করা কাগজ বা'র ক'রে ব'ললেন, শুধু তোমার কাছে দাবী আদায় ক'রতে আসিনে ভাই, ভায়ের প্রতিজ্ঞা রাখার ব্যবস্থাও ক'রছি সেই সঙ্গে।

স্বভাষচন্দ্র কাগজখানা তুলে নিয়ে চোখ বোলাতে লাগলেন।

আনন্দ-মুখর শরৎচন্দ্র ব'লে উঠলেন—বাংলার ছেলে, শুকিয়ে ম'রতে যাবে কোন্‌ ছাথে? তারা ত কাপুরুষ নয়!

* * *

ভাগলপুরের মায়া তিনি মৃত্যুর শেষ দিন পর্যন্ত কাটাতে পারেননি। তাই একটু অবকাশ পেলেই ছুটতেন সেখানে। সেবার জগদ্ধাত্রী পূজার পর ক'লকাতায় ষ্টীমারে ক'রে সুন্দরবন ঘুরে, তবে ফিরবেন স্থির হ'ল।

সে পাটির ম্যানেজার হ'লেন সুরেনবাবু (গঙ্গোপাধ্যায়)। ষ্টীমার চ'লেছে। কাহাল-গাঙের কাছে এসেই শরৎচন্দ্র সহসা চীৎকার ক'রে উঠলেন, আরে—থামো, থামো।

সুরেনবাবু ছুটে এলেন—ব্যাপার কি শরৎ?

শরৎচন্দ্র ব'ললেন—সারেঙকে ষ্টীমার কয়েক ঘণ্টার জন্তে বাধতে বল।

সুরেনবাবুও নাছোড়বান্দা। জিজ্ঞাসা ক'রলেন, তোমার হ'ল কি?

শরৎচন্দ্র ব'ললেন—বেচারি কুকুরগুলো হাঁ ক'রে দল বেঁধে দাঁড়িয়ে আছে। বোধ হয় ওদের আহার জোটেনি। সামনেই ত বাজার—একটু বাধতে বলো। দই-চিঁড়ে-মুড়কি কিনে ওদের খাওয়াতে আর কতক্ষণই বা যাবে?

সুরেনবাবু জানতেন শরৎচন্দ্রের কুকুর-প্রীতির দুর্বলতা। থামানো হ'ল শীমার। তিনি ছুটলেন বাজারে।

বস্তা বস্তা এলো চিঁড়ে-মুড়কি। চাকর গোপাল, নিয়ে এলো করেক হাঁড়ি দই। তিনি পরমানন্দে নিজের হাতে মেখে তাদের ভোজন করালেন।

কুকুরগুলো সত্যিই অভুক্ত ছিল। তারা একবার শরৎচন্দ্রের মুখের দিকে তাকায়—আর লেজ নাড়তে নাড়তে তৃপ্তিতে আহ্বার ক'রে চলে।

খাওয়া যতক্ষণ পর্যন্ত না শেষ হ'ল—ততক্ষণ তিনি তাদের মধ্যেই দাঁড়িয়ে রইলেন। খাওয়া শেষ হ'ল—তিনি শীমারে উঠে এসে ব'ললেন। ব'ললেন—সুরেন, এবার তোমরা শীমার ছাড়তে পারো।

শীমার ছাড়লো। সুরেনবাবু তখনও তাঁর পাশে দাঁড়িয়ে। যতক্ষণ দেখা যায় ততক্ষণ হিরদৃষ্টে তাদের দিকে তাকিয়ে রইলেন। শীমারটা মোড় ঘুরতেই তাদের আর দেখা গেল না। শরৎচন্দ্র একটা দীর্ঘশ্বাস ত্যাগ ক'রে ব'লে উঠলেন, আজও আমি ভেলির কথা ভুলতে পারিনি, সুরেন! মাঝে মাঝে ইচ্ছে হয় তার নামে একটি কুকুরের আশ্রম করি!

সুরেনবাবু লাফিয়ে উঠলেন—সেই ভাল! বলতো আমি এখানেই একটা জায়গা দেখি!

শরৎচন্দ্র বুঝলেন সুরেনবাবু তাঁকে উপহাস ক'রছেন। ব'ললেন—ঠাট্টা নয় সুরেন, কথাটা একবার সত্যি ভেবে দেখো!

*

*

*

হাওড়ার এইচ.এস.পি.সি.-এর অফিসে সান্দোপান্দো নিয়ে ব'সে আছেন শরৎচন্দ্র। তিনি সেখানকার সভাপতি। স্ত্রীশরৎ সেখানে

গিয়ে হাজির হ'লেন। কথায় কথায় সুভাষচন্দ্র তাঁর মনের কথা ব্যক্ত ক'রে ব'ললেন,—যদি ভারত জাতীয় কংগ্রেসের সভাপতি কোনদিন হ'তে পারি, তা হ'লে কংগ্রেসকে নোতুন ক'রে ঢেলে সাজাবো !

শরৎচন্দ্র একথা শুনে দীর্ঘশ্বাস ছেড়ে ব'ললেন—মিথ্যা হুরাশা !

সবিস্ময়ে সুভাষচন্দ্র জিজ্ঞাসা ক'রলেন—কেন ?

শরৎচন্দ্র ব'ললেন—দেশবন্ধুর অবস্থা ত নিজের চোখে দেখেছি, তার পর আর ভরসা কুলোয় না !

সুভাষচন্দ্র ব'ললেন—দেশ তখনের চেয়ে অনেকখানি এগিয়ে গেছে, এ-কথা ত বিশ্বাস করেন !

ছোট একটি দীর্ঘশ্বাস ত্যাগ ক'রে ব'ললেন—সবই বুঝি—সবই দেখছি, কিন্তু মাকাল ফলের রূপ পাল্টায়নি, তাই !

তার মানে ? সুভাষচন্দ্র সর্কোতুকে প্রশ্ন ক'রলেন ।

শরৎচন্দ্র ব'ললেন—যে খোল-নল্চের উপর তোমার কংগ্রেস দাঁড়িয়ে রয়েছে, সেখানে হালে পানি পাওয়া, সত্যি শুধু কষ্টকর নয়—হুরাশাও বটে অনেকখানি ! যদি কোন রকমে জিতে যাও, এমন বেড়াজালের সৃষ্টি হ'বে—যেখানে পদত্যাগ ছাড়া দ্বিতীয় পথ আরখোলা থাকবে না কোনদিন ।

সুভাষচন্দ্র অবিশ্বাসের হাসি হেসে উঠলেন ।

শরৎচন্দ্র ব'ললেন—এই ত' ব'লে রাখলাম, ভবিষ্যৎ এর সাক্ষ্য দেবে। তার চেয়ে যা বলি তাই ক'রো—হ্যাঁ, কাজের মত একটা কাজ হ'বে নিঃসন্দেহ !

সবিস্ময়ে সুভাষচন্দ্র ও নীলরতনবাবু তাঁর মুখের দিকে ফিরে তাকালেন ।

শরৎচন্দ্র ব'ললেন—যদি পারো এদেশ ছেড়ে চ'লে যাও । অবশ্য

নীলরতনের সে অবস্থা নেই—পারো একা তুমিই। কারণ তোমার শক্তি ও স্বেচ্ছা আছে যথেষ্ট এবং পারবে এ বিশ্বাসও আমি রাখি।

এর উত্তর সত্যচন্দ্র দিলেন না, নীরবে তাঁর পায়ের ধূলো মাথায় তুলে নিয়ে ব'ললেন, আপনায় আশীর্বাদ যেন সত্যই সফল হয়, দাদা!

রবীন্দ্রনাথের উপর তাঁর যত শ্রদ্ধা, অভিমানও ছিল ঠিক ততখানি। তাই পাশাপাশি দাঁড়াতে বিশেষ সময়ও লাগেনি, আবার সামান্য কারণে পরস্পরের কাছ থেকে দূরে সরে যেতে তাঁদের বাধ্যতোও না এতটুকু!

সেবার রবীন্দ্রনাথ ক'লকাতায় এসেছেন। পাড়ার ছেলেরা ধ'মলো, আমরা রবিবাসরের আয়োজন ক'রেছি—বিশ্বকবি কে নিয়ে আসার ভার আপনার।

শরৎচন্দ্র রাজি হ'লেন এক-কথায়। তিনি কোন ক'মলেন ঠাকুর-বাড়ীতে। কিন্তু সময়ের অভাবে কবিগুরু (রবীন্দ্রনাথ) উপস্থিত হ'তে পারবেন না জানিয়ে দিলেন।

এপাশে, এ সংবাদটা পাড়াময় রাষ্ট্র হয়ে গিয়েছিল। অগত্যা ঠিক হ'ল, রবিবাসরের আয়োজন যেকোন চলেছে, সেইরূপই চলুক, কাজ চালিয়ে নেবেন শরৎচন্দ্র।

কবিতা পাঠ ও রবীন্দ্র-সঙ্গীতের আয়োজন হ'য়েছিল। সেই মতই কাজ চ'ললো।

রবীন্দ্রনাথের একটি কণ্ঠে যথারীতি পুষ্প ও চন্দনে সাজিয়ে, সভার কাজ আরম্ভ করা হ'ল : কবিতা পাঠ শেষ হ'ল। গান আরম্ভ হ'ল। তাকিয়া হেলান দিয়ে ব'সে আছেন শরৎচন্দ্র। কিন্তু ভাল তবলচী না থাকায় গান ঠিক মত জমলো না। তখন শরৎচন্দ্র নিজেই আর হির হ'য়ে ব'সে থাকতে পারলেন না। হাই তুলে ডাক দিলেন—নীল!

নীলরতনবাবু ছুটে এলেন। শরৎচন্দ্র ব'ললেন, একটু আঁকিং নিয়ে এসো। আর মাঝে মাঝে চা বরং একটু বোগিয়ো!

গান শুরু হ'লো। আসর জমে উঠলো।

সভা ভাঙলো, বেলা তখন গড়িয়ে এসেছে।

বয়োবৃদ্ধ একজন মুক্ত উৎসাহী জিজ্ঞাসা ক'রলেন—এমন সুন্দর বাজাতে শিখলেন আপনি কোথায়?

শরৎচন্দ্র সহাস্তে উত্তর দিলেন, বা' কিছু সঞ্চয়, সবই আমার বর্শা-মূলুকে।

সঙ্গে সঙ্গে প্রশ্ন উঠলো—কার কাছে?

উত্তর না দিয়ে প্রশ্নটাকে এড়িয়ে যেতে চাইলেন শরৎচন্দ্র। কিন্তু ধরে ব'সলেন নীলরতনবাবু, হেসে এড়িয়ে গেলে চ'লবে না! ব'লতে আপনাকে হবেই।

মুহূর্তসময়ে উত্তর দিলেন শরৎচন্দ্র, শিখেছিলাম লক্ষ্মীর এক তবলচীর কাছে। তিনি ব'লতেন, এটা হ'লো, হয় আমীর, না হয় ফকিরের কাজ, আমি ত সেখানে ফকিরই ছিলাম নীলু!

উপস্থিত সকলেই তাঁর স্মিতহাস্যোজ্জ্বল সেই মুখের দিকে তাকিয়ে বিস্ময়ে বিমোহিত হ'য়ে প'ড়লেন।...[অবশ্য রবীন্দ্রনাথ এ-সভাতে যোগদান ক'রতে না পারলেও,—তাঁর বালিগঞ্জের বাড়ীতে একদিন পদার্পণ ক'রেছিলেন।]

*

*

*

শরৎচন্দ্র যে অপরাজের কথা-শিল্পী, প্রেষ্ঠ উপস্থাসিক, একথা বেরূপ দেশবাসীর কাছে পরিচিত ছিল, তাঁহার অগ্রান্ত গুণাবলীর সঙ্গে সেরূপ ঘনিষ্ঠ পরিচয় খুব কম লোকেরই ছিল। স্বাভাবিক তাঁর সান্নিধ্যে এসেছিলেন তাঁরাই জানতেন, তিনি শুধু উপন্যাসিক নন, ভাল শিকারীও। পাকা রাজনীতিকও। ভাল দাবা ও বিলিয়ার্ড খেলোয়াড়ও।

এককালে তাঁর গানই ছিল একমাত্র জীবিকা, ভবিষ্যতে লেখনীই হ'য়েছিল, চলার পথের সাথী। তবুও গান তাঁর একান্ত প্রিয়-বস্তু ছিল।

তঁাকে একালে গাইতে প্রায় শোনা যেতো না সত্য, কিন্তু শুনতেন প্রচুর। তাই সামতাবেড়ের বাড়ীতে, সেকালেও রেডিও শোনা যেতো।

একদিন তাঁর প্রিয় অম্বুচরবৃন্দরা ধ'রে ব'সলেন, আজ আমাদের সেতার শোনাতে হবে।

শরৎচন্দ্র সহজ হাতে উত্তর দিলেন, বছদিনের অনভ্যাস, তুলে গেছি সব। সাজপাকোরদল কিন্তু নাছোড়বান্দা। বল্লো—ওসব কথা আমরা শুনছি। শোনাতে আমাদের হবেই।

শরৎচন্দ্র সহজে রাজি হ'লেন না। আর রাজি না হওয়াটাই তাঁর চিরাচরিত অভ্যাস। অম্বুচরবৃন্দও তা ভাল ক'রেই জানতেন। স্তবরাং সাধ্যসাধনাও চ'ল্লো সেইরূপ।

সাধনায় শিবের মন গলে। দেবতাকে ভুট করা যায়। শরৎচন্দ্রও শেষ পর্যন্ত রাজী হ'লেন : শোনাবেন মাত্র কয়েক মিনিট ! কিন্তু—'কিন্তু'র অর্থ বুঝলেন অম্বুচরবাবু। সামনে আকিমের কৌটোটা এগিয়ে ধরলেন—নীলরতনবাবু চায়ের কাপটি এগিয়ে দিলেন।

সেটুকু গলধঃকরণ ক'রে সেতারখানা তুলে নিলেন কোলে। ঘরটা মুছ'নায় ভরে উঠলো।

বহুকণ পরে শরৎচন্দ্র সেতারখানা নামিয়ে রাখলেন। কয়েক মিনিটের পরিবর্তে প্রায় একটি ঘণ্টা উত্তীর্ণ হ'য়ে গেল। বিমোহিত শ্রোতৃবৃন্দ সচেতন হ'য়ে উঠে ব'ল্লো—এতগুণের অধিকারী আপনি ! সরস্বতীর বরণজই বটে !

শরৎচন্দ্র উত্তর দিলেন না,—শুধু মুহু হাসলেন মাত্র।

* * * *

অসহযোগ আন্দোলন প্রারম্ভে চ'লছে। স্বেচ্ছাচরিত তখনও কারারুদ্ধ। তাঁর দলবল তাঁকে কুমিল্লায় পাঠালেন, একটি বিশেষ অধিবেশনের সভাপতিত্ব ক'রতে। আন্দোলন চ'ললেও বরোয়ার রাজনৈতিক মনোমালিন্য তখনও চলেছে অবাধ গতিতে। শরৎচন্দ্র চলেছেন ট্রেনে। পথে একদল লোক "শেম্" "শেম্" ক'রতে লাগলো। আবার কেউ ধৈর্যের বাঁধ হারিয়ে কয়লার গুঁড়ো ছুঁড়ে মারলো।

শরৎচন্দ্র নিরাশ হ'য়ে পড়লেন। দলবল সঙ্গে বা আছে, তাদের তুলনায় নিতান্তই নগ্ন। তাছাড়া রাজনীতির চর্চা ক'রলেও প্রকৃত

কোন আন্দোলন চালানোর ভরসা তিনি রাখতেন না ; সামনে কাউকে নেতা খাড়া ক'রে যুক্তি বাৎলাতে তিনি ছিলেন অধীতীয় । মনে মনে তাঁর স্নাত্যচন্দ্রের উপর রাগ হ'তে লাগলো । শেষে কিনা তাঁর ইচ্ছা ও আশা পূর্ণ ক'রতে এসে শুধু কয়লার ধুলো খেয়ে ফিরে যেতে হবে ?

কুমিল্লা ষ্টেশনে গাড়ী থামলো । বিরাট আয়োজন দেখে তিনি প্রথমেত হতবাক হ'য়ে পড়লেন ! বারো ঘোড়ার গাড়ী তৈরী । দেড় মাইল লম্বা শোভাযাত্রা । এসব কি তাঁর খাতে সম্ভব হয় । তিনি সাহিত্যিক মানুষ, নির্জনে বসে মানুষের মনের সুখ-দুঃখের গাথা রচনা ক'রতে পারেন । বিজ্ঞ রাজনীতিকদের সঙ্গে গোপন-বৈঠকে যোগ দিয়ে জায়-অস্ত্রায়ের প্রতিবাদ ক'রতে পারেন । দেশের ভালমন্দের কথা প্রাণ খুলে বলতে পারেন, কিন্তু প্রকাশ্য সভায় ভেতর থেকে কে যেন তাঁকে আড়ষ্ট করে বেঁধে রাখে । বিধা-মিশ্রিত চিন্তে তিনি গাড়ীতে উঠে বসলেন । লজ্জায় মাথাটা তাঁর আপনা থেকে নত হ'য়ে এলো ।

গাড়ী চলতে শুরু হ'ল । তিনি মনে মনে চিন্তা ক'রতে লাগলেন, এসব কি তাঁর পোষায় ? না এতখানি সৌভাগ্যের বোঝা বইবার শক্তি তাঁর আছে ? এর চেয়ে বোধ হয় কয়লার গুঁড়োই ছিল ভাল !

কোনরকমে সভাপতির ভাষণ শেষ করে, সেযাত্রা মুক্তি পেয়ে ফিরে এলেন ক'লকাতায় । “শেষ প্রস্ন” বাজারে আত্ম-প্রকাশ করেছে । ইতি-মধ্যে বাজারে একটা হৈ চৈ পড়ে গেছে । “শেষ-প্রস্নের” সত্যকাত্ত প্রস্নটাই বা কি ? কেউ বলছে, “শেষের কবিতার” অম্বুবরণ, কেউ বলছে, রবীন্দ্রনাথের “শেষের কবিতা”র ব্যঙ্গোক্তি । আবার কেউ বলছে—এসব বই যদি বাজারে চলে, হিন্দু-সমাজ ব'লে কিছুই আর থাকবে না কোনদিন !

শরৎচন্দ্র নীরবে বসে বসে সমস্ত আলোচনা শোনে আর হাসেন । মানুষের জীবনে যে প্রস্নটা চিরদিন অজানাই র'য়ে গেল, তার রূপ দেখে এরা এত আঁৎকে ওঠে কেন ? আর বা' সত্য, বা প্রতি-মুহূর্ত্তেই মানুষ করে অম্বুব, তাকে অস্বীকারের জন্ত তারা এত ব্যাকুলই বা হয় কেন ?

* * * *

ডাক পড়লো রবীন্দ্র-জয়ন্তী উপলক্ষ্যে সাহিত্য-সম্মেলনে সভাপতিত্ব

করার। রবীন্দ্রনাথের সপ্ততিতম জন্মোৎসব “রবীন্দ্র-জয়ন্তী” উপলক্ষে যে মানপত্র রচিত হ’য়েছিল তার ভার শরৎচন্দ্রের উপর দেওয়া হ’ল। তিনি ৮ই অগ্রহায়ণ, ১৩৩৮ (নভেম্বর ১৯০১) তারিখে, অমল হোম ম’শায়ের কাছে পাঠিয়ে দিলেন। তখন তাঁর শরীর ছিল অসুস্থ।

এই জয়ন্ত-উৎসবে অভ্যর্থনা সমিতির সভাপতি নির্বাচিত হ’য়ে ছিলেন প্রমথ চৌধুরীম’শায়। পরে যে কোন কারণেই হোক শরৎচন্দ্রকে সাহিত্য সম্মেলনের সভাপতি নির্বাচন করা হ’ল। তিনি তাঁর ভাষণে ব’ললেন :

“কবির জীবনের সপ্ততি বৎসর বয়স পূর্ণ হোলো, বিধাতার এই আশীর্বাদ কেবল আমাদেরিগকে নয়, সমস্ত মানবজাতিকে ধৃত ক’রেছে। সৌভাগ্যের এই স্মৃতিকে আনন্দোৎসবে মধুর ও উজ্জ্বল ক’রে আমরা উত্তরকালের জন্ত রেখে যেতে চাই, এবং সেইসঙ্গে নিজেরদেরও এই পরিচয়টুকু তাদের দিয়ে যাবো যে, শুধু কবির কাব্যই নয়, তাঁকে আমরা চোখে দেখেছি, তাঁর কথা শুনেছি, তাঁর আসনের চারিদ্বারে ঘিরে বসবার ভাগ্য আমাদের ঘটেছে। মনে হয়, সেদিন আমাদের উদ্দেশ্যেও তারা নমস্কার জানাবে।

সেই অস্থানটির একটি অঙ্গ, আজকের এই সাহিত্য-সভা। সাহিত্যের সম্মেলন আরও অনেক ব’সবে, আয়োজনে প্রয়োজনে তাদের গৌরবও কম হবে না, কিন্তু আজকের দিনের অসামান্যতা তারা পাবে না। এতো সচরাচরের নয়, এ বিশেষ একদিনের—তাই এর শ্রেণী স্বতন্ত্র।

সাহিত্যের আসরে সভা-নায়কের কাজ ক’ম্বার ডাক ইতিপূর্বে আমার আরও এসেছে, আহ্বান উপেক্ষা ক’ম্বতে পারিনি, নিজের অযোগ্যতা স্বরণ ক’রেও সসঙ্কোচে কর্তব্য সমাপন ক’ম্বতে এসেছি। কিন্তু এই সভায় শুধু সঙ্কোচ নয়, আজ লজ্জা বোধ ক’ম্বছি। আমি নিঃসংশয় যে, এ গৌরব আমার প্রাপ্য নয়, এ ভার বহনে আমি অক্ষম।

এ আমার প্রচলিত বিনয়বাক্য নয়, এ আমার অকপট সত্য কথা। তথাপি আমন্ত্রণ অস্বীকার করিনি। কেন যে করিনি, আমি সেইটুকুই শুধু ব্যক্ত ক'রবো।

আমি জানি, বিতর্কের স্থান এ নয়, সাহিত্যের ভালমন্দ বিচার, এর জাতিকুল নির্ণয়ের সমস্ত নিয়ে এ পরিষদ আহূত হয়নি—তার প্রয়োজন যথাস্থানে। আমরা সমবেত হ'য়েছি বুদ্ধ কবিকে শ্রদ্ধার অর্থ্য নিবেদন ক'রে দিতে, তাঁকে সহজভাবে ব'লতে, কবি, তুমি অনেক দিয়েছো, এই দীর্ঘকালে তোমার কাছে আমরা অনেক পেয়েছি। সন্দর, সবল, সর্বসিদ্ধিদায়িনী ভাষা দিয়েছো তুমি, দিয়েছো বিচিত্র ছন্দোবদ্ধ কাব্য, দিয়েছো অপূর্ণ সাহিত্য, দিয়েছো জগতের কাছে বাঙলার ভাষা ও ভাব সম্পদের শ্রেষ্ঠ পরিচয়, আর দিয়েছো যা' সকলের বড়—আমাদের মনকে দিয়েছো তুমি বড় ক'রে। তোমার সৃষ্টির পুঙ্খানুপুঙ্খ বিচার আমার সাধ্যাতীত—এ আমার ধর্ম-বিরুদ্ধ; প্রাজ্ঞমান যারা, যথাকালে তাঁরা এর আলোচনা ক'রবেন; কিন্তু তোমার কাছে আমি নিজে কি পেয়েছি সেই কথাটাই ছোট ক'রে জানাবো ব'লেই এ নিমন্ত্রণ গ্রহণ ক'রলাম।

ভাষার কারুকার্য আমার নেই। ওতে যে পরিমাণ বিজ্ঞা এবং শিক্ষার প্রয়োজন, সে আমি পাইনি; তাই মনের ভাব প্রচলিত সহজ কথায় বলাই আমার অভ্যাস; এবং এমন ক'রেই ব'লতে চেয়েছিলাম। কিন্তু দু'গ্রহ এসে বিদ্র বটালো। একে আমি বিখ্যাত কুড়ে, তাতে বায়ু-পিত্ত-কফ-আদি আয়ুর্বেদোক্ত চরের দল একযোগে কুপিত হ'য়ে, আমাকে শয্যাশায়ী ক'রে দিলে। এমন ভরসা ছিল না যে, ন'ড়তে পারবো। কিন্তু একটা বিপদ এই যে, চিরকাল দেখে এসেছি, আমার অন্তরের কথা কেউ বিশ্বাস করে না; যেন ও আমার হ'তে নেই। কল্পনার স্পষ্ট দেখতে পেলাম, সবাই ঘাড় নেড়ে স্মিতহাস্তে

ব'লছেন, উনি আসেননি ত ? এ আমরা জানতাম। সেই বাক্য-
বাণের ভয়েই আমি কোনমতে এসে উপস্থিত হ'য়েছি। এখন দেখছি
ভালই ক'রেছি। এই না-আসতে-পারার দুঃখ আমার অমারণ ঘুচতো-
না। কিন্তু যা লিখে আনবার ইচ্ছে ছিল, সে হ'য়ে ওঠেনি। একটা
কারণ পূর্বেই উল্লেখ ক'রেছি, তার চেয়েও বড় কৈফিয়ৎ আছে।
মাস্তবের অল্পসল্প পাওয়ার কথাই মনে থাকে, তাই লিপিতে গিয়ে
দেখলাম, কবির কাছ থেকে পাওয়ার হিসাব দিতে যাওয়া বুধা ;
দফা-ওয়ারি কর্দ মেনে না।

ছেলেবেলার কথা মনে আছে, পাড়াগাঁয়ে মাছ ধ'রে, ডোঙা ঠেলে,
নৌকা বেয়ে দিন কাটে, বৈচিত্র্যের লোভে মাঝে মাঝে যাত্রার দলে
সাগরেদি করি, তার আনন্দ ও আরাম যখন পরিপূর্ণ হ'য়ে ওঠে, তখন
গাম্ভীরা কাঁধে নিরুদ্দেশ যাত্রায় বা'র হই। ঠিক বিশ্বকবির কাব্যের
নিরুদ্দেশ যাত্রা নয়, একটু আলাদা। সেটা শেষ হ'লে আবার একদিন
কৃতবিক্ষত পায়ে নিজজীব দেহে ধরে ফিরে আসি। আদর-অভ্যর্থনার
পালা শেষ হ'লে অভিভাবকেরা পুনরায় বিজ্ঞালয়ে চালান ক'রে দেন।
সেখানে আর-এক দফা সম্বর্দ্ধনা লাভের পর আবার বোধোদয়, পদ্মপাঠে
মনোনিবেশ করি। আবার একদিন প্রতিজ্ঞা ভুলি, আবার দুইসরস্বতী
কাঁধে চাপে, আবার সাগরেদি স্রু করি, আবার নিরুদ্দেশ যাত্রা, আবার
ফিরে আসা, আবার তেমনি তাঁদের আপ্যায়ন-সম্বর্দ্ধনার ঘটনা—এমনি
ক'রে বোধোদয়, পদ্মপাঠ ও বালা-জীবনের এক অধ্যায় সমাপ্ত হ'ল।

এলাম সহরে। একমাত্র বোধোদয়ের নজিরে গুরুজনেরা ভর্তি ক'রে
দিলেন ছাত্রবৃত্তি ক্লাশে, তার পাঠ্য—সীতার বনবাস, চারুপাঠ, সত্তাব-
শতক ও মস্ত মোটা ব্যাকরণ। এ শুধু প'ড়ে যাওয়া নয়, মাসিকে,
সাপ্তাহিকে সমালোচনা লেখা নয়, এ পণ্ডিতের কাছে যুথোযুথী দাঁড়িয়ে
প্রতিদিন পরীক্ষা দেওয়া। স্তত্রাং অসঙ্কোচে বলা চলে যে, সাহিত্যের

সঙ্গে আমার পরিচয় ঘ'টলো চোখের জলে। তারপর বহুদুঃখে আর-
এক দিন সে-মিষ্ণাদু কাটলো। তখন ধারণাও ছিল না যে, মানুষকে
দুঃখ দেওয়া ছাড়া সাহিত্যের আর কোন উদ্দেশ্য আছে।

যে-পরিবারে আমি মানুষ, সেখানে কাব্য-উপভাস দুর্নীতির নামাস্তর,
সঙ্গীত অম্প্রত, সেখানে সবাই চায় পাশ ক'রতে এবং উকীল হ'তে ;
এরই মাঝখানে আমার দিন কেটে চলে। কিন্তু হঠাৎ একদিন এর
মাঝেও বিপর্যয় ঘ'টলো। আমার এক আত্মীয় তখন বিদেশে থেকে
কলেজে প'ড়তেন, তিনি এলেন বাড়ী। তাঁর ছিল সঙ্গীতে অমুরাগ ;
কাব্যে আসক্তি ; বাড়ীর মেয়েদের জড় ক'রে তিনি একদিন প'ড়ে
শোনালেন রবীন্দ্রনাথের “প্রকৃতির প্রতিশোধ”। কে কতটা বুঝলে
জানিনে, কিন্তু যিনি প'ড়েছিলেন তাঁর সঙ্গে আমার চোখেও জল
এলো। কিন্তু পাছে দুর্বলতা প্রকাশ পায়, এই লজ্জায় তাড়াতাড়ি
বাইরে চ'লে এলাম। কিন্তু কাব্যের সঙ্গে দ্বিতীয়বার পরিচয় ঘ'টলো,
এবং বেশ মনে পড়ে এইবার পেলাম তার প্রথম সত্য পরিচয়। এর
পরে এ-বাড়ীর উকীল হ'বার কঠোর নিয়ম-সংবম আর ধাঁতে সহিলো
না ; আবার কিয়তে হ'ল আমাদের সেই পুরোনো পল্লী-ভবনে। কিন্তু
এবার বোধোদয় নয়—বাবার ভাঙা দেয়াজ থেকে খুঁজে বের ক'রলাম,
“হরিদাসের গুপ্তকথা” আর বেরোলো “ভবানী পাঠক”। গুরুজনদের
দোষ দিতে পারিনে, স্থলপাঠ্য তো নয়, ওগুলো বদলেলের অপাঠ্য-
পুস্তক। তাই প'ড়বার ঠাই ক'রে নিতে হ'লো আমাকে বাড়ীর গেয়াল-
ঘরে। সেখানে আমি পড়ি, তারা শোনে। এখন আর পড়িনে, লিখি।
সেগুলো কারা পড়ে জানিনে।

একই স্থলে বেশীদিন প'ড়লে বিজ্ঞা হয় না ; মাষ্টারম'শাই স্নেহবশে
একদিন এই ইজিতটুকু দিলেন। অতএব আবার কিয়তে হ'লো সহরে।
বলা ভাল, এর পরে আর স্থল বদলাবার প্রয়োজন হয়নি। এইবার থবর

পেলাম বঙ্কিমচন্দ্রের গ্রন্থাবলীর। উপভাস-সাহিত্যে এর পরেও যে কিছু আছে, তখন ভাবতেও পায়তাম না, প'ড়ে প'ড়ে বইগুলো যেন মুখস্থ হ'য়ে গেল। বোধ হয়, এ আমার একটা দোষ। অল্প অল্পকরণের চেষ্টা না ক'রেছি যে নয়, লেখার দিক দিয়ে সেগুলো একেবারে ব্যর্থ হ'য়েছে; কিন্তু চেষ্টার দিক দিয়ে তার সঞ্চয় মনের মধ্যে আজও অল্পভব করি।

তারপরে এলো বঙ্গদর্শনের নব পর্যায়ে যুগ, রবীন্দ্রনাথের “চোখের বাগি” তখন ধারাবাহিক প্রকাশিত হ'চ্ছে। ভাষা ও প্রকাশভঙ্গীর একটা নতুন আলো এসে যেন চোখে প'ড়লো। সেদিনের সেই গভীর ও স্তম্ভিত আনন্দের স্মৃতি আমি কোনদিন ভুলবো না। কোন কিছু যে এমন ক'রে বলা যায়, অপরের কল্পনার ছবিতে নিজের মনটাকে যে পাঠক এমন চোখ দিয়ে দেখতে পায় এর পূর্বে কখন স্বপ্নেও ভাবিনি। এতদিনে শুধু কেবল সাহিত্যের নয়, নিজেরও যেন একটা পরিচয় পেলাম। অনেক প'ড়লেই যে তবে অনেক পাওয়া যায়, একথা সত্য নয়। ওইতো খানকয়েক পাতা, তার মধ্য দিয়ে যিনি এতবড় সম্পদ সেদিন আমাদের হাতে পৌঁছে দিলেন—তাকে কৃতজ্ঞতা জানাবার ভাষা পাওয়া যাবে কোথায়?

এর পরেই সাহিত্যের সঙ্গে হ'লো আমার ছাড়াছাড়ি। তুলেই গেলাম যে, জীবনে একটা ছত্রও কোনদিন লিখেছি। দীর্ঘকাল কাটলো প্রবাসে,—ইতিমধ্যে কবিকে কেন্দ্র ক'রে, কি ক'রে যে নবীন বাঙলা-সাহিত্য ক্ষতবেগে সমৃদ্ধিতে ভ'রে উঠলো, আমি তার কোন খবরই জানিনে। কবির সঙ্গে কোনদিন ঘনিষ্ঠ হ'বারও সৌভাগ্য ঘটেনি, তাঁর কাছে ব'সে সাহিত্যের শিক্ষা গ্রহণেরও সুযোগ পাইনি, আমি ছিলাম একেবারেই বিচ্ছিন্ন; এইটা হলো বাইরের সত্য, কিন্তু অন্তরের সত্য সম্পূর্ণ বিপরীত। সেই বিদেশে আমার সঙ্গে ছিল কবির খানকয়েক

বই—কাব্য ও সাহিত্য ; এবং মনের মধ্যে ছিল পরম শ্রদ্ধা ও বিশ্বাস । তখন ঘুরে ঘুরে ওই ক'থানা বই-ই বারবার ক'রে প'ড়েছি—কি তার ছন্দ, ক'টা তার অক্ষর, কাকে বলে আর্ট, কি তার সংজ্ঞা, ওজন মিলিয়ে কোথাও কোন জুটি ষটেছে কিনা, এসব বড় কথা কখনো চিন্তাও করিনি—ওসব ছিল আমার কাছে বাহ্যিক । শুধু সুদৃঢ় প্রত্যয়ের আকারে মনের মধ্যে এইটুকু ছিল যে, এর চেয়ে পূর্ণতর সৃষ্টি আর কিছু হ'তেই পারে না । কি কাব্যে, কি কথা-সাহিত্যে, আমার ছিল এই পূর্জি ।

একদিন অপ্রত্যাশিতভাবে হাঠাৎ যখন সাহিত্য-সেবার ডাক এলো, তখন যৌবনের দাবী শেষ ক'রে প্রৌঢ়ত্বের এলাকায় পা দিয়েছি । দেহ প্রাপ্ত, উত্তম সীমাবদ্ধ—শেখবার বয়স পার হ'য়ে গেছে । থাকি প্রবাসে, সব থেকে বিচ্ছিন্ন, সকলের কাছে অপরিচিত, কিন্তু আহবানে সাড়া দিলাম, ভয়ের কথা মনেই হ'ল না । আর কোথাও না হোক, সাহিত্যে গুরুবান আমি মানি ।

রবীন্দ্র-সাহিত্যের ব্যাখ্যা ক'রতে আমি পারিনি, কিন্তু ঐকান্তিক শ্রদ্ধা ওর অন্তরের সন্ধান আমাকে দিয়েছে । পণ্ডিতের তত্ত্ববিচারে তাতে ভুল যদি থাকে তো থাক, কিন্তু আমার কাছে সেই-ই সত্য হ'য়ে আছে ।

জানি, রবীন্দ্র-সাহিত্যের আলোচনায় এসকল অবাস্তব, হয়ত বা অর্থহীন ; কিন্তু গোড়াতেই আমি ব'লেছি যে, আলোচনার জন্ত আমি আসিনি, এর সহস্র ধারায় প্রবাহিত সৌন্দর্য-মাধুর্যের বিবরণ দেওয়াও আমার সাধ্যাতীত । আমি এসেছিলাম শুধু আমার ব্যক্তিগত গোটাকয়েক কথা এই জয়ন্তী-উৎসব সভায় নিবেদন ক'রে যেতে ।

কাব্য, সাহিত্য, ও কবি রবীন্দ্রনাথকে আমি যেভাবে লাভ ক'রেছি, তা জানালাম । মানুষ রবীন্দ্রনাথের সংস্পর্শে আমি সামান্তই এসেছি ।

কবির কাছে একদিন গিয়েছিলাম বাঙালা সাহিত্য সমালোচনার ধারা প্রাধিক্ত করার প্রস্তাব নিয়ে। নানা কারণে কবি স্বীকার ক'রতে পারেননি, তার একটা হেতু এই দিয়েছিলেন যে, যার প্রাশংসা ক'রতে তিনি অপারগ, তার নিন্দে ক'রতে ও তিনি তেমনি অক্ষম। আরও ব'লেছিলেন যে, তোমরা যদি একাজ কর, কখনো ভুলো না যে অক্ষমতা ও অপরাধ এক বস্তু নয়। ভাবি, সাহিত্য-বিচারে এই সত্যটা যদি সবাই মনে রাখতো !

কিন্তু, এই সভার অনেকখানি সময় নষ্ট ক'রেছি, আর না। অযোগ্য ব্যক্তিকে সভাপতি নির্বাচন করারই এটা দণ্ড। এ আপনাদের সহিতেই হ'বে। সে যাই হোক, রক্ত-জয়ন্তী উৎসব উপলক্ষ্যে এ সমাদর ও সম্মান আমার আশার অতীত। তাই সক্রতজ্ঞচিত্তে আপনাদিগকে নমস্কার জানাই !

* * * *

১৩৩৯ সাল, ৩১শে ভাদ্র। দেশবাসীর পক্ষ থেকে শরৎচন্দ্রের ৫৭তম জন্মতিথি উপলক্ষ্যে টাউন হলে এক অভিনন্দন দেওয়ার ব্যবস্থা করা হ'ল।

মেয়েরা অভিনন্দনপত্র দিলেন :

বাংলার বরেণ্য কথা-শিল্পী শরৎচন্দ্রের করকমলে—

বাংলার সাহিত্যাকাশ বেদিন ধরণীর সর্বোজ্জ্বল রবিকরে স্প্রদীপ্ত, সেই অদ্বিতীয় আদিত্যের অপূর্ণ কিরণচ্ছটায় সকল গ্রন্থনক্ষেত্রের আলোকরেখা বেদিন পরিপ্লান, সেদিনের সেই রবিকরোদ্ভাসিত জ্যোতির্ষ্ময় যুগে বঙ্গবাণীর দিকচক্রবালে য়াহার অপূর্ণ প্রতিভার অপরাঙ্গম দীপ্তি আপনার দিব্য মহিমায় সকলজনের দৃষ্টি আকর্ষণ করিয়াছে, হে শুভ্রহৃন্দর শরৎচন্দ্র ! তুমিই সেই জ্যোতির্মান, আমরা তোমায় বন্দনা করি ॥

শরতের পূর্ণচন্দ্রের অমুরস্ত জ্যোৎস্নাপ্রাবনেরই মত তোমার কথা—
সাহিত্যের কনক-কৌমুদী এদেশের নরনারীর মর্মে স্নগভীর আনন্দ-
বেদনার বিচিত্র তরঙ্গ তুলিয়াছে, তোমার প্রাণবন্ত সৃষ্টি তাহাদের
দীর্ঘ তন্ত্রাহত অন্তরকে স্পর্শ করিয়াছে, স্পন্দিত করিয়াছে, সঞ্জীবিত
করিয়াছে। হে বাংলার কথা-সাহিত্যের অসামান্য শিল্পী ! আমরা
তোমার বন্দনা করি ॥

পর্যায়ীন বাংলার অধঃপতিত সমাজের অসহায়। অন্তঃপুরচারিণীদের
অন্তরের মুক আনন্দবেদনাকে তুমি ভাষায় মূর্ত করিয়া ধরিয়াছ।
তাহাদের দুর্গত জীবনের সকল দুঃখ-সুখের অম্লভূতিগুলিকে নিবিড়
সহানুভূতির পরম রসরাগে সাহিত্যে বাস্তবরূপে সত্য করিয়া তুলিয়াছ।
তোমার অনাবিষ্ট দৃষ্টি হৃদয় পর্য্যবেক্ষণ ক্ষমতা, স্নগভীর উপলব্ধি শক্তি,
বিচিত্র মানব-চরিত্রের অতুল অভিজ্ঞতা, নিখিল নারীচিত্রের নিগূঢ়
প্রকৃতির গোপনতম সন্ধান লাভ করিয়াছে। হে নারীচরিত্রের নিবিড়
রহস্ত-জ্ঞাতা ! আমরা তোমায় বন্দনা করি ॥

সর্ববিধ আত্মাবমাননা, সর্ববিধ হীনতার অবস্থার মধ্যেও নারীর
সহজ প্রকৃতি-জ্ঞাত যে বৈশিষ্ট্যগুলি সকল দেশের, সকল কালের, সকল
সমাজে বর্তমান, তুমি তাহার অকৃত্রিম রূপ প্রত্যক্ষ করিয়াছ, তাহার
সত্য-প্রকৃতি অধ্যয়ন করিয়াছ, তাহার মৌনভাষা বুঝিতে পারিয়াছ।
হে সকল নারীর অন্তর্য্যামি ! আমরা তোমায় বন্দনা করি ॥

আজ তোমার এই সপ্তপঞ্চাশৎ জন্মোৎসবের অভিনন্দন বাসরে আমরা
আমাদের অন্তরের গভীর কৃতজ্ঞতা নিবেদন করিতে আসিয়াছি।
আমাদের মনের ভাব সুস্পষ্ট ও সুন্দররূপে প্রকাশ করিয়া বলিতে
শিখি নাই; তবুও আজিকার এই বিশেষদিনে তোমাকে আমরা
কেবল এই কথাই জানাইতে আসিয়াছি, তোমার প্রতিভাকে আমরা
বরণ করি। তোমাকে আমরা প্রজ্ঞা করি। তোমাকে আমরা

ভালবাসি। তোমাকে আমরা আমাদের একান্ত আপনজন বলিয়াই জানি। হে নারীর পরম প্রভু! আমরা তোমার বন্দনা করি ॥

তুমি আমাদের সৰ্ব্বভ্রাতৃ প্রণিপাত গ্রহণ কর। তুমি আমাদের আন্তরিক আশীর্বাদ গ্রহণ কর। আমাদের পরম প্রিয় তুমি, পরম আত্মীয় তুমি! তোমার এই শুভ জন্মোৎসব অমূল্য বাংলার গৃহে-গৃহে বর্ষে-বর্ষে যোগ্য সমারোহে প্রতিপালিত হউক।

তোমার যশঃ ও আশু উত্তরোত্তর বর্দ্ধিত হউক। তোমার সুখ ও স্বাস্থ্য চির অব্যাহত থাকুক। তোমার জীবন আনন্দ ও ঐশ্বর্য্যে হেম-বিমণ্ডিত হউক—অন্তরের এই ঐকান্তিক কামনা লইয়া হে নারীহৃদয়ের মরমী ঋষি! আমরা তোমার বন্দনা করি।

তোমার—স্বদেশবাসিনিগণ

* * * *

স্বদেশবাসীগণ দিলেন :

হে বঙ্গবাণীর বরপুত্র !

তোমার সপ্তপঞ্চাশৎ জন্মদিবসে সমবেত স্বদেশবাসীর বন্দনা গ্রহণ কর। আমরা আজ আমাদের হৃদয়ের পাশে যে প্রগাঢ় প্রীতির অর্থ বহন করিয়া আনিয়াছি, তোমার নিরাভিমান স্নেহসিক্ত প্রসন্ন দৃষ্টিপাতে তাহা সার্থক কর।

বঙ্গ-সাহিত্যে তোমার আবির্ভাব শরতের পূর্ণচন্দ্রের মতই পরিপূর্ণ ও প্রভা-সুদীপ্ত। তোমার প্রথম উদয়-কণ্ঠে বাঙ্গালী-হৃদয় চম্ব্বাকর্ষিত সমুদ্রের মতই উদ্বেল হইয়া উঠিয়াছিল। বিশ্বয়-বিশুদ্ধ-নেত্রে আমরা সেদিন দেখিয়াছিলাম তুমি তোমার জ্যোতির্ময় প্রতিভার হ্রাসিত অস্তরের স্নানিবিড় অলুভুতিকে জাগ্রত করিয়া দুঃখের মিলন মূর্ত্তিকে ভাঙ্গন করিয়া তুলিলে। ইহা তোমারই পক্ষে সম্ভব, যেহেতু তুমি

সত্যের সাধনায় বহু অঙ্ককার রাত্রি অতন্ত্র থাকিয়া ছুঃখের সমগ্র রূপকে ধ্যাননেত্রে প্রত্যক্ষ করিয়াছ।

হে ছুঃখ-বেদনার রহস্তবিৎ ! বঞ্চিত-স্নেহ এবং উপেক্ষিত-প্রেমের নির্দয় আঘাতে বিপর্যস্তা বঙ্গনারীর সংঘত ধৈর্য্যের মহিমাকে তুমি বিনম্র শ্রদ্ধার অজিনাসনে বসাইয়া মহীয়সী করিয়াছ। পৌরুষহীন সমাজের অচেতন মনকে তুমি তার বিগত গৌরবের মূঢ় মোহ হইতে জাগ্রত করিয়াছ। আমাদের জীবনের যত কিছু সঞ্চিত লজ্জা, অপমান ও উৎপীড়নের ব্যথাকে তুমি কেবল ভাষা দাও নাই, আশা দিয়াছ। তোমার প্রতিভার আলোকে বাঙালী নিজের পরিচয় পাইয়াছে।

হে ঐন্দ্রজালিক শিল্পী ! অতি সাধারণ বাঙালী জীবনের বিকৃষ্ট ও অকিঞ্চিৎকর উপকরণ লইয়াই তুমি স্বকীয় মৌলিকতায় স্বতন্ত্র, অনাস্বাদিত-পূর্ব ভাবরস-সমৃদ্ধ যে কথা-সাহিত্য সৃষ্টি করিয়াছ, কেবলমাত্র বাঙালীরই নহে, তাহা সর্ব দেশের, সর্বকালের অক্ষয় সম্পদরূপে অভিনন্দিত হইবে ! মানব-মহত্বের তুমি মহীয়ান্ উল্লাতা, তোমার দুলভ দান কেবল প্রসাদ-লব্ধ লঘু চিত্তের শূন্য অহঙ্কারের জন্ত উৎসর্গিত নয় ; ইহাকে শুধু অবসরের বিলাস-বস্তু রূপে ব্যবহার করিলে আত্ম-বঞ্চনাই হইবে। অতএব তোমার সৃষ্টির যথার্থ মাহাত্ম্য উপলব্ধির দ্বারা আমরা যেন বল লাভ করি, ফল লাভ করি—এই আশীর্বাদ করিয়া, হে শক্তিমান স্রষ্টা ! তুমি তোমার স্বদেশবাসীর প্রীতি-উৎসারিত বন্দনা গ্রহণ কর।

শরৎ-বন্দনা সমিতি

৩১ ভাদ্র, ১৩৩২

তোমার গুণমুগ্ধ

স্বদেশবাসীগণ

রবীন্দ্রনাথ উপস্থিত হ'তে পারলেন না। অনীকানী পাঠালেন :—

ও

উত্তরায়ণ

শান্তিনিকেতন

কল্যাণীয়েষু,

শরৎচন্দ্র, বিশেষ উদ্বিগ্নজনক সাংসারিক ঘটনায় তোমার জন্মদিনের উৎসবে সম্মাননা সভায় উপস্থিত থাকা আমার পক্ষে অসম্ভব হোলো না। অগত্যা আমার আন্তরিক শুভ-কামনা এই উপলক্ষ্যে পত্রযোগে তোমার কাছে পাঠিয়ে দিই।

তোমার বয়স অধিক নয়, তোমার সৃষ্টির ক্ষেত্র এখনো সম্মুখে দীর্ঘ প্রসারিত, তোমার জয়যাত্রার বিরাম হয়নি। সেই অসমাপ্ত যাত্রা-পথের মাঝখানে অকস্মাৎ তোমাকে দাঁড় করিয়ে অর্ধা দেওয়া আমার কাছে মনে হয় অসাময়িক। এখনো শুরু হবার অবকাশ নেই তোমার, কলশস্তবহুল দূর ভবিষ্যৎ এখনো তোমাকে সম্মুখে আহ্বান ক'রছে।

সত্তর বছর উত্তীর্ণ ক'রে কর্ম-সাধনার অস্তিম পরের আমি পৌঁচেছি। কর্তব্যের চক্রপথ প্রদক্ষিণ সম্পূর্ণ করার পরেও এখনো যদি আমাকে চ'লতে হয় সেটা পুনরাবর্তনমাত্র। এই কারণেই অল্পদিন হোলো আমার দেশ—আমার জীবনের শেষ প্রাপ্য সমারোহ ক'রে চুকিয়ে দিয়েছে! সাধারণের কাছে আমার পরিচয় সমাপ্ত হ'য়ে গেছে ব'লেই এই শেষকৃত্য সম্ভবপর হ'য়েছে। আকাশ থেকে আবণের মেঘ তার দান যখন নিঃশেষ ক'রে দেয় তখনি ধরাতলে প্রস্তুত হয় শরতের পুষ্পাঞ্জলি। তার পরেও মেঘ যদি সম্পূর্ণ বিশ্রাম না করে সেটা হয় বর্ষার পুনরুজ্জ্বলিত, সেটা বাহুলা।

সেই দাঁড়ি-টানা সময় তোমার নয়,—এখনো তুমি দেশকে প্রতিদিন নব নব রচনা-বিস্ময়ে নব নব আনন্দ দান ক'রবে এবং সেই উল্লাসে দেশ সঙ্গে সঙ্গে প্রত্যহ তোমার জয়ধ্বনি ক'রতে থাকবে। পথে পথে

পদে পদে তুমি পাবে প্রীতি, তুমি পাবে সমাদর। পথের ছইপাশে
 যে-সব নবীন ফুল ঋতুতে ঋতুতে ফুটে উঠবে তারা তোমার; অবশেষে
 দিনের পশ্চিমকালে সর্বজন হস্তে রচিত হবে তোমার মুকুটের জ্ঞপ্ত
 শেষ বরমাণ্য। সেদিন বহুদূরে থাক। আজ দেশের লোক তোমার
 পথের সঙ্গী, দিনে দিনে তারা তোমার কাছ থেকে পাথের দাবী ক'রবে;
 তাদের সেই নিরন্তর প্রত্যাশা পূর্ণ ক'রতে থাকো, পথের চরম প্রান্তবর্ত্তী
 আমি সেই কামনা করি। জনসাধারণ সম্মানের যে যজ্ঞ অনুষ্ঠান করে
 তার মধ্যে সমাপ্তির শান্তি-বাচন থাকে, তোমার পক্ষে সেটা সঙ্গত নয়
 একথা নিশ্চিত মনে রেখো।

তোমার জন্মদিন উপলক্ষ্যে “কালের যাত্রা” নামক একটি নাটিকা
 তোমার নামে উৎসর্গ ক'রেছি। আশা করি আমার এ দান তোমার
 অযোগ্য হয়নি। বিষয়টি এই—রথ-যাত্রার উৎসবে নর-নারী সবাই হঠাৎ
 দেখতে পেল মহাকালের রথ অচল। মানব সমাজের সকলের চেয়ে
 বড়ো দুর্গতি কালের এই গতিহীনতা। মাহুবে মাহুবে যে সম্বন্ধ-বন্ধন
 দেশে দেশে যুগে যুগে প্রসারিত, সেই বন্ধনই এই রথ টানবার রশি।
 সেই বন্ধনে অনেক গ্রন্থি প'ড়ে গিয়ে মানবসম্বন্ধ অসত্য ও অসমান
 হ'য়ে গেছে, তাই চ'লছে না রথ। এই সম্বন্ধের অসত্য এতকাল যাদের
 বিশেষভাবে পীড়িত ক'রেছে, অবমানিত ক'রেছে, মনুষ্যত্বের শ্রেষ্ঠ
 অধিকার থেকে বঞ্চিত ক'রেছে, আজ মহাকাল তাদেরই আহ্বান
 ক'রেছেন তাঁর রথের বাহনরূপে, তাদের অসম্মান ঘুচ'লে তবেই সম্বন্ধের
 অসাম্য দূর হ'য়ে রথ সম্মুখের দিকে চ'লবে।

কালের রথ-যাত্রার বাধা দূর ক'রবার মহামন্ত্র তোমার প্রবল
 লেখনীর মুখে সার্থক হোক, এই আশীর্ব্বাদসহ তোমার দীর্ঘ জীবন
 কামনা করি। ইতি—

ভভাহুধ্যায়ী
 রবীন্দ্রনাথ ঠাকুর

দেশবরেণ্য সাহিত্যসেবীগণ একটি শরৎ-বন্দনা সমিতি গঠন ক'রে তাঁকে অভিনন্দন জানাবার যে আয়োজন ক'রেছিলেন, রাজনৈতিক দলের গোপন ষড়যন্ত্রে তা' পণ্ড হ'য়ে গেল। (বাংলায় তখন রাজনীতিকক্ষেত্রে দুটি দল—সুভাষ-পন্থীরা হ'লেন “কংগ্রেস,” আর অপরটি ছিল সেনগুপ্তের দল “স্বাভাঙ্গ”। শরৎচন্দ্র দলাদলির উর্দ্ধে থাকলেও তাঁর প্রিয় ছিল সুভাষচন্দ্র। কমিটিতে প্রাধান্য পেয়েছিল কংগ্রেস দল। সুতরাং হিজলী বন্দীত্বের মৃত্যুবার্ষিকী উপলক্ষ্যে এ সভা পণ্ডের আয়োজন করা হ'য়েছিল অত্যন্ত গোপনে। পরে সেই ভাঙা হাট জোড়া দিয়ে একদিন আবার মূলত্ববি “শরৎ-বন্দনা” সম্পন্ন করা হ'য়েছিল।

* * * *

“স্বদেশ ও সাহিত্য” (১৯৩২) ও “শ্রীকান্ত, চতুর্থ পর্ব” (১৯৩৩) কয়েক মাসের ব্যবধানে পাঠক-সমাজে আত্মপ্রকাশ ক'রুলো। শরৎ-প্রতিভার দীপ্তিই প্রকাশিত হ'ল।

ঠিক সেই সময়েই সুভাষচন্দ্র স্বাস্থ্যের দোহাই-এ ইউরোপে নির্বাসিত হ'লেন। স্বাস্থ্য তাঁর ভেঙে গেছে। গুজ্রাব শোনা গেল, যক্ষা রোগে নাকি তিনি আক্রান্ত হ'য়েছেন।

শরৎচন্দ্রের মাথায় বজ্রাঘাত হ'ল। তবে কি তাঁর সব্যসাচীর স্বপ্ন সফল হ'বে না? তাঁর আশা ও আকাঙ্ক্ষা কি তবে ব্যর্থ হ'য়ে যাবে?

দেবতাকে তিনি কোনদিন অস্বীকার করেননি, কিন্তু মানুষের প্রতি তাঁর এই নিঃস্বপ্ন হৃদয়হীনতার পরিচয়, প্রতিটি মুহূর্তে তাঁর অবস্থিতি সম্বন্ধে তাঁকে সন্দিহান ক'রে তুলেছিল। তাই তিনি সকল সময়ে তাঁকে অস্বেষণই ক'রে এসেছিলেন। যে গোবিন্দজীকে তিনি পরীক্ষার ছলে দেশবন্ধুর কাছ থেকে একদিন নিজের গৃহে আশ্রয় দিয়েছিলেন, আজ তিনি তাঁর কাছে সম্পূর্ণ আত্মসমর্পণ ক'রুলেন। সাক্ষরনয়নে জিজ্ঞাসা

ক'ল্লেন, এত বড় সাধকের এমনি অসহায় মৃত্যু—সত্যই কি তোমার প্রকৃতির নিয়ম, গোবিন্দজী? তাই যদি হয়—দেশবন্ধুকে কেন তুমি পথের ভিখারী ক'ল্লে? রাজার ছালাকে বিবাগী কেন ক'ল্লে? তার পিছনে কি তোমার কোন উদ্দেশ্য নেই?

* * * *

স্বভাবচন্দ্র দেশ ত্যাগ ক'ল্লেন। শরৎচন্দ্র রাজনীতির সম্পর্ক ত্যাগ ক'ল্লেন। ক্ষুদ্রচিত্তে তিনি পুনরায় তাঁর সাহিত্যিক জীবনে ফিরে এলেন। কারণ তাঁর মনের মত সাথী ত আর এদেশে কেউ নেই। ধীরা আছেন, তাঁরা কেউ স্বার্থত্যাগী নন, নিজের স্বার্থের বেড়জালটা দেশসেবার মুখোশ দিয়ে ঢাকা রেখে, এগিয়ে চ'লেছেন ধীরে ধীরে। তাঁদের সঙ্গে কি তাঁর খাপ খায় কখনও?

কাজী নজরুল এলেন দেখা ক'রতে। ব'ল্লেন, একি ক'ল্লেন দাদা? আমাদের এমনি ক'রে ত্যাগ ক'ল্লেন?

শরৎচন্দ্র মুহু হাসলেন। ব'ল্লেন, তোমরা ত্যাগ না ক'ল্লে আমার সাধ্য কি তোমাদের ত্যাগ করি!—কিন্তু সত্যই আমি নিরাশ হ'য়েছি, কাজী। দেশের লোক অমন একটা স্বার্থত্যাগীকে চিন্তা না? রামকৃষ্ণকে আমি শ্রদ্ধা করি, বিবেকানন্দকে ভারতের আত্মা ব'লে সম্মান দিই—সেই রামকৃষ্ণ-বিবেকানন্দের দেশ, যে এত স্বার্থপর ও নীচ হ'তে পারে, নিজের চোখে দেখেও তা বিশ্বাস ক'রতে পারিনি! কিন্তু ওসব আলোচনা বন্ধ করো কাজী, চিন্তা ক'ল্লে মাথা কুটে ম'রতে ইচ্ছা করে। তার চেয়ে রবীন্দ্রনাথের সেই গানটা একটু শোনাও ভাই—

“পথের পথিক—ক'রেছ আমার

সেই ভালো যে সেই ভালো

আলোয় আলো প্রান্তর ভালো

সেই আলো ঘোর সেই আলো।...”

কাজী নজরুল গাইলেন। শরৎচন্দ্র পদচারণা ক'রতে ক'রতে সেই
সুরে সুর মিলিয়ে চ'ললেন,—সেই আলো মোর সেই আলো……

* * * *

শরৎচন্দ্রের শরীরে ভাঙন ধ'রলো। একযোগে বেরুলো তাঁর
“অমুরাধা,” “সতী ও পরেশ,” “বিরাজ বো” (নাটক), “বিজয়া”
(নাটক)।—কয়েকটা বই সিনেমাতেও উঠ'লো।—আর্থিক স্বচ্ছলতা
তাঁর বাড়'লো। অম্বিনী দত্ত রোডে জমি কিনলেন—বাড়ী ক'রবেন
ব'লে। কারণ রূপনারায়ণের শাস্ত তীরেও মনটা তাঁর অতিষ্ঠ হ'য়ে
উঠেছিল।

* * * *

একবার শরৎচন্দ্র ও সুরেন্দ্রনাথ দেবানন্দপুরে রওনা হ'লেন। প্রথমে
উঠ'লেন লাইব্রেরী বাড়ীতে। কিছুক্ষণ পরে তাঁর প্রিয় ছোড়মার
(অতুলচন্দ্র দত্ত ম'শায়ের) বাড়ীতে গিয়ে উঠ'লেন। সেখানে গ্রামের
ছেলেরা এসে ধ'রলো তাদের লাইব্রেরীতে কিছু বই দিতে হবে।

দেবো—বেশী কথার কি ? শরৎচন্দ্র ন্নান একটু হাসলেন।

ছেলের দল একটু উৎসাহভ'রে ব'ল'লো—আমরা গ্রাম সংস্কার
ক'রছি, রবিবারে সকলে মিলে গাছ কাটি—রাস্তাঘাট উদ্ধার করি—

বেশ, বেশ—এই তো চাই ! শরৎচন্দ্র উৎসাহ দিলেন।

ছেলের দল চ'লে গেল। শরৎচন্দ্র রীতিমত গম্ভীর হ'য়ে উঠ'লেন।
সারা পথ নীরবেই কাটালেন—বড় একটা কথা কইলেন না—শুধু
সুরেন্দ্রনাথের কথার জবাবে—হ্যাঁ কিংবা না দিয়েই নিজের চিন্তা
রাজ্যে ডুবে রইলেন।

বাড়ী কিরে চেয়ারখানায় চিৎ হ'য়ে শুয়ে নিজের মনে গুড়গুড়ি
টানছেন।

অরেন্দ্রনাথ এসে পাশের চেয়ারে ব'সলেন। জিজ্ঞাসা ক'রলেন, তোমার কি হ'ল শরৎ ? সেই যে দেবানন্দপুরে গিয়ে গভীর হ'লে, তার-পর তোমার আর সেই মনের সহজ স্মরণ নেই—কেমন যেন আনন্দনা !

শরৎচন্দ্র সংক্ষিপ্ত উত্তর দিলেন, ভাব'ছি।

এত কিসের ভাবনা ? আর সে বিষয়টাই বা কি শুনি ?

দেবানন্দপুরের কথাই ভাব'ছিলাম !

জন্মভূমির প্রতি টান থাকাই স্বাভাবিক !

শরৎচন্দ্র একটু জোরে একটি দীর্ঘশ্বাস ত্যাগ ক'রলেন। ব'ললেন—স্বাভাবিক কি অস্বাভাবিক ঠিক জানি না—তবে ও গ্রামটা আমার প্রিয় ! একটু থেমে ব'ললেন—কখনও কখনও মনে হয় যত টাকাই লাগুক, আমাদের বাড়ীখানা কিনে ফেলি !

কেনো না কেন ?

পরমুহূর্তেই কিন্তু মনে হয়—কিই-বা হবে ! বিশ্বস্তির আড়ালে যে কথা চাপা প'ড়ে গেছে, তাকে জাগিয়ে তুলে লাভ কি ?

তোমার জন্মস্থান—তার ওপর তোমার কর্তব্যও একটা আছে !

সে ঋণ আমি বহুদিন আগে শোধ ক'রেছি !

কবে ক'রলে ? আমায় ত বলনি কিছু ? অরেন্দ্রনাথ বিশ্বস্ত্রে অভিভূত হ'য়ে প'ড়লেন। বলনি অথচ সব ঋণ শোধ ক'রে ব'লে আছো—সব যেন হেঁয়ালি ব'লে মনে হ'চ্ছে !

সেকথা কাউকে বলা যায় না—কিন্তু তুমি জান, আমি হলপ্ ক'রে ব'লতে পারি ! যুহু হান্তে উত্তর দিলেন, শরৎচন্দ্র !

উভয়েই হেসে উঠলেন। পরক্ষণে অরেন্দ্রনাথ ব'ললেন—কৈ মনে ত প'ড়ছে না !

“চরিত্রহীন” রিভাইজ্ করার সময় এ বিষয়ে তোমার সঙ্গে অনেক কথা হ'য়েছিল !

বলো কি ? বিশ্বয়ের অভিনয় ক'মলেন হুয়েজনাথ।

শরৎচন্দ্র ব'ললেন, ব'লেছিলাম—দেবানন্দপুরে জীবনের সবচেয়ে বড় কথা, ধীর কাছে শিখেছিলাম,—ধীর জন্তে ওদেশকে এত ভালবাসি, তাঁর ঋণশোধ আমার করা হ'য়ে গেছে! একটু খেমে ব'ললেন দেখো, জন্মভূমি ব'লে হৈ-হৈ করা স্বভাব আমার নয়—নিজেকে বড় ক'রে ভেবে জন্মভূমিকে বড় করার ইচ্ছাও আমার নেই,—তাই এত বয়সেও আত্মচরিত লেখার সাহস আমার হয়নি! ও খুঁটাতা আমি কোনদিনই ক'মবো না!

কিন্তু তুমি কিরণশরীকে কিরণময়ী ক'মলে কেন ?

সে কথা ত তোমার ব'লেছি।...আবার যদি নোতুন ক'রে শুনতে চাও তো ব'লতে হয় : অল্পবয়সে ছেলেদের প্রবৃত্তির দিকটা জাগিয়ে দেওয়ার গুরু হ'ল তাদের চেয়ে ঢের বেশী বয়সের মেয়েরা। অন্ততঃ সুরবালাই ছিলেন সেদিন আমার গুরুপদবাচ্য! তাই ও চরিত্রটার বাইরের দিক আঁকতে আমার প্রায় কিছুই পরিশ্রম ক'মতে হয়নি! সতী, সাবিত্রী, স্বামীর উপর যেমন ভক্তি, তেমনি ভালবাসা, তেমনি আকর্ষণ। আর শেষও হ'ল তেমনি! চারিদিকে ধন্তি ধন্তি প'ড়ে গেল। এমন আর হয় না। স্বামীর পায়ে মাথা রেখে সুরবালাও চ'লে গেল। কিন্তু কিরণময়ীকে আমি তারই—মানে সুরবালার, শিক্ষার যে জানলাভ ক'রেছিলাম, সেই উপকরণ দিয়েই গ'ড়ে তুলেছি। ওতে যদি কোন ভুল থেকে থাকে তো, সে নিছক আমারই—। সুরবালার আগাগোড়া কনট্রাষ্ট ক'মতে গিয়ে ঐরকম ক'মতে বাধ্য হ'য়েছি...মোট কথা জ্বালোক সৎকে আমার যে সজাগতা দেখতে পাও,—সে ওই সুরবালারই জন্তে! তাঁকে আমি চিরদিন প্রজ্ঞা ক'রে এসেছি...গুরুদক্ষিণা আমার ঐ চরিত্র-চিত্রণ...

বড়মা এসে পাশে দাঁড়ালেন। ব'ল্লেন রাত দশটা বাজে—
খাবে কখন? গল্প কি পরে ক'রুলে চলে না?

দশটা? বলে কি বড়-বৌ? চলো সুরেন, তোমার রাত হ'য়ে
গেল নিশ্চয়!

উত্তরে সুরেনবাবু হাসলেন। ব'ল্লেন, রাত আমার নয় শরৎ—
ভয় ধীর কাছে, মহা অপরাধ ক'রেছো তুমি তাঁরই কাছে—চলো
বড়মা—আমরা যাচ্ছি!..

[শরৎ-পরিচয়, সূ. না. গ., পৃ: ১০০-১০৩]

নীলরতনবাবু, অহরূপবাবু ও অত্যাশ্র ভক্তের দল ঘিরে থ'ল্লেন,
আপনার জীবনী রচনা ক'রতে হ'বে।

শরৎচন্দ্র বিশ্বয়ে কেটে প'ড়লেন। ব'ল্লেন, সে কিরে? জীবন ত
হ'ল রাজার! তার কত বিচিত্র রকমের সখ, কত রকমের ভোগ-
উপভোগের নেশা, কত রকমের স্বপ্ন-বিলাস ও সাজসজ্জা—লোকের দৃষ্টি
আকর্ষণ ত হ'বে সেইদিকে। একটু হেসে ব'ল্লেন—যার জীবনে
পাওয়ার সম্ভাবনা অনেক—যার কামনা চকিতে হয় নিবৃত্ত—তার প্রতিই
মানুষের দৃষ্টি হয় আকৃষ্ট—তাদের দেখতে সবাই ছোটো, কিন্তু যারা
আস্তাকুঁড়ের মধ্যে মানুষ, তাদের জীবনের ইতিহাস কি একটা
ইতিহাস? না লোকে প'ড়বে শ্রদ্ধার সঙ্গে? তার চেয়ে যা আছে সেই
ভাল রে বাপু, সেই ভাল!

শিষ্যের দল নাছোড়বান্দা! ওসব কথা তাঁরা তুলছেন না কানে।
ব'ল্লেন, লোকে পড়ুক না পড়ুক—আমাদের ত একটা কর্তব্য আছে!
বলুন—

শরৎচন্দ্র হাসলেন। ব'ল্লেন, তোমাদের লেখার মত কোন বস্তু ত নেই
আমার জীবনে। ছেলেবেলায় মোড়লপনা ক'রেছি।—একটু বড় হ'য়ে

মাছ চুরি ক'রেছি, মড়া পুড়িয়েছি, দুঃস্থদের সেবা ক'রেছি—কখনও সখনও, আর খেয়েছি, মদ, গাঁজা, চরস, কোনটিই বাদ পড়েনি ! তার আবার কি ইতিহাস বলতো ?

তার চেয়ে শোন—আমার “চরিত্রহীনের” কিরণময়ীর কথা ! ওর সৃষ্টি হ'ল কবে জানো ? তখন আমার বয়স তের কি চৌদ্দ—সকলের অবজ্ঞার বস্তু—বিশেষতঃ যুবমহলে। এক দাদা গেলেন জেলে, আর অগ্নি ভাইয়ের দল চাইলো সেই দাদার জীকে নষ্ট ক'রতে। কি রূপই না ছিল তাঁর ! চোখ যেন ঝলসে যায়। মেয়েটি আমার ভীষণ ভাল-বাসতেন, আদর-যত্ন ক'রতেন নিজের ছেলের মত। শেষে নিরুপায় হ'য়ে বাপের বাড়ীতে গিয়ে আশ্রয় নিলেন আত্মরক্ষার উদ্দেশ্যে—অথচ এই দেবরদের তিনি কতই না স্নেহ-যত্ন ক'রতেন ! সে আজ বহুদিনের কথা, তিনি আজ আর জীবিত নেই, কিন্তু তাঁর স্নেহ-প্রীতির আন্তরিকতা আজও ভুলতে পারিনি। তাই তাঁর চরিত্রকে রূপ দিয়েছি,—কিরণময়ীর চরিত্রে ! কি দৃঢ়চেতাই না ছিলেন তিনি !

শিশুর দল তাঁর গল্প শুনে মুগ্ধ হ'য়ে গেলেন। খাতার পাতা খোলাই রইলো—জীবনী রচনা আর হ'ল না কোনদিন।

একদিন নীলরতনবাবু জিজ্ঞাসা ক'রলেন, কেন নিজেকে এত গোপন ক'রতে চান বলুন ত ?

শরৎচন্দ্র বললেন—জীবনে যার কোন গুণ নেই, তার আবার দেবার কি আছে বলতো ? তার চেয়ে বরং শোন—সাম্ভ্রতাবেড়ের বাড়ীতে আমার পোষা আছে তিনটে চোড়া সাপ। যদি কোনদিন ওপাশে দাঁও, দেখে আসবে তাদের নিজের চোখে। ভারী ভাল লাগে ওদের। জানি না কেন, ছেলেবেলা থেকেই ওদের প্রতি আমার একটা অতিরিক্ত আসক্তি র'য়ে গেছে। সবার উপর কি ভাল লাগে আমার জানো ? ওদের ওই স্বাধীন বিচরণ। তাইত তাদের খেলা দেখি বারে বারে।

শরৎচন্দ্র উঠে প'ড়লেন। এমনি একটা না একটা অজুহাতে তিনি এড়িয়ে চ'লতে লাগলেন—এ বিষয়টি। একদিন সবাই চেপে ধ'ললেন, ওসব আমরা শুনু'ছিনে। আপনাকে ব'লতেই হবে!

উত্তরে তেমনি মধুর হাসি হাসলেন। ব'ললেন—সময় এলেই সব হ'বে—মিছে কেন সব ব্যস্ত হও বলতো?

* * * *

শরীর খারাপ—নিজেই উপলব্ধি ক'রছেন। সুরেনবাবুকে ক'লকাতার আসার জন্ত চিঠি লিখলেন। কিন্তু সাম্তাবেড়ে এসে বিভ্রাটে প'ড়লেন। লক্ষণ ব'লে একটি গরীব জেলে তাঁর বাড়ীর পাশে বাস ক'রতো। তিনি পূজার আগে যেমন দেশে যান, তেমনি গিয়েছিলেন—পাঁচশো টাকা আধুলি, সিকি, দুয়ানি, আনি ও পরস। ভাঙিয়ে নিয়ে। কাউকেও তিনি হয় চোখে দেখবেন না এই ছিল তাঁর পণ। সবাই প্রথমত এলো টাকা নিতে, এলো না লক্ষণ। ছুটলেন, তার বাড়ী। দেখলেন, তার মেয়ের ভারী অসুখ। চিকিৎসার অভাবে মেয়েটি মারা যেতে পারে। তিনি চিকিৎসার ভার নিলেন নিজের হাতে। এ-বিষয়ে তিনি শুধু দক্ষ নন, ডাক্তার হিসাবেও এ-সব মহলে তাঁর খ্যাতি ছিল যথেষ্ট।

শরীর ক্রমশঃই খারাপ হ'চ্ছে। তবুও রোগী ছেড়ে কোথাও একটি পা নড়তে পা'রলেন না। নিজের উপর বিশ্বাস ক'মে এসেছিল। ডাকলেন, পাশের গ্রামের একজন এম. বি. পাস ডাক্তারকে।—তিনি রোগ স্থির ক'রলেন, টায়'কয়েড'।

ঠিক সেই সময়ে ক'লকাতার বাসায় এলেন সুরেনবাবু। সেখানে তাঁর দেখা না পেয়ে, ছুটলেন সাম্তাবেড়ের বাড়ীতে।

শীর্ণকায় শরৎচন্দ্র উঠানটায় পাখচারী ক'রছেন। চোখে-মুখে হুটে

উঠেছে একটা গভীর চিন্তার ছায়া। মেয়েটাকে কি তবে সত্যই বাঁচানো যাবে না !

স্বরেনবাবু সামনে এসে দাঁড়ালেন। মুখের দিকে তাকিয়ে জিজ্ঞাসা ক'রলেন, এখন কেমন আছ, শরৎ ?

শরৎচন্দ্র ব'ললেন, ভালই—তবে বিব্রত হ'য়ে প'ড়েছি লক্ষ্মণের মেয়েটিকে নিয়ে।

স্বরেনবাবু নিজেও চিকিৎসক। জিজ্ঞাসা ক'রলেন, কি রোগ ?

শরৎবাবু ব'ললেন, ডাক্তার ত ব'লে গেলেন টায়্‌ফয়েড্‌।

স্বরেনবাবু ব'ললেন, জানো ত' কলেরা আর টায়্‌ফয়েড্‌ চিকিৎসায় আমি ধ্বস্তরি। কোন ভয় নেই—কিন্তু তোমার শরীর ত খুব ভাল দেখাচ্ছে না !

শরৎচন্দ্র হুহু হাসলেন। ব'ললেন—ভাল যে নেই, তা ত' বুঝছি, স্বরেন, কিন্তু মেয়েটাকে ফেলেও ত ক'ল্‌কাতায় ফিরে যেতে পারিনে !

* * * *

খাওয়া দাওয়া শেষ ক'রে উভয়ে চ'ললেন রোগী দেখতে। স্বরেনবাবু রোগী দেখেই ব'ললেন, ভয় নেই, ওর টায়্‌ফয়েড্‌ হয়নি। আমি কথা দিচ্ছি—তিন দিনে ওকে সারিয়ে দেবো।

শরৎচন্দ্র ব'ললেন, কি যে বলো মামা ! এম. বি. ডাক্তার ব'লে গেলেন, টায়্‌ফয়েড্‌ আর তুমি ব'লছো, না ! তাকি কখনও সম্ভব ?

স্বরেনবাবু বাজি রাখলেন—বেশ, যদি তিন দিনে সারাতে না পারি, তোমার কাছে আজীবন দাসত্ব ক'রবো—আর যদি পারি, তুমি কি ক'রবে ?

শরৎচন্দ্র ব'ললেন, তা হ'লে আমার সমস্ত বই (ডাক্তারী) তোমায় আমি দিয়ে দেবো !

কথামত তিন দিন সুরেনবাবুর চিকিৎসাধীনে রইলো লক্ষণের মেয়ে ।
 জ্বর ছেড়ে গেল । শরৎচন্দ্র খুশী হ'য়ে উঠলেন । ব'ললেন—আমার কথা
 ঠিক আমি রাখ'বো, সুরেন !

সুরেনবাবু ব'ললেন—সে সব পরে হ'বে । এখানে আর তোমার
 একটি মুহূর্তও থাকা চ'লবে না । শরীর তোমার দিনের পর দিন কি হ'য়ে
 যাচ্ছে—সে খবর কি রাখো ?

শরৎচন্দ্র উত্তরে মুহূ হাসলেন । ব'ললেন, জীবনের সব কিছু ত
 ভোগ ক'রে নিয়েছি—শেষ হ'লেও তো ছঃখের কিছু থাকবে না ।

সুরেনবাবু বাধা দিয়ে উঠলেন—কি যে বলো ! দেশ তোমার কাছে
 আরও অনেক কিছু আশা রাখে ।

* * * *

ভাগলপুর থেকে কিছুদিনের মধ্যে সূস্থ হ'য়ে ফিরে এলেন । ডাক
 পড়'লো ফরিদপুর সাহিত্য সম্মেলনে মূল সভাপতি হওয়ার জন্তে । বেকলো
 “বিপ্রদাস” । হ'লেন বঙ্গীয় সাহিত্য-পরিষদের বিশিষ্ট সদস্য । অস্বিনী-
 দত্ত রোডে নতুন বাড়ীতে গৃহপ্রবেশ ক'রলেন । তাঁর অমূল্য ভক্তবৃন্দ
 তাঁকে সেই সময়ে নোবেল প্রাইজ প্রতিযোগিতায় কয়েকটি গল্প পাঠাতে
 অনুরোধ ক'রলেন । কথাটা তাঁরও মনে লেগে গেল এবং সে বিষয়ে
 উত্তোষী হ'লেন বুদ্ধদেববাবু (ভট্টাচার্য্য) । দিলীপবাবু (রায়) ছিলেন
 তাঁর একজন বিশেষ অমূল্য শিষ্য (সাহিত্যে) । তাঁর উপর দিলেন
 ইংরাজীতে অনুবাদের ভার । তাঁরা “নিষ্কৃতি” ও আরও একটি গল্প
 অনুবাদ করাই যুক্তিযুক্ত মনে ক'রলেন । কিন্তু তাঁর একান্ত ইচ্ছা ছিল
 “শ্রীকান্ত”ই অনূদিত হোক । অনুবাদ শেষ হ'ল বটে, কিন্তু সেগুলি আর
 পাঠানো সম্ভব হ'য়ে উঠ'লো না । শরীর তাঁর একেবারে ভেঙে
 প'ড়েছে ।

* * * *

শিশু-সাহিত্য রচনায় মন দিলেন। সাম্প্রদায়িক বাটোয়ারার প্রতিবাদকল্পে টাউন হলে উদ্বোধনী বক্তৃতা ও আলবার্ট হলে ক'রলেন সভাপতিত্ব। টাউন হলে রবীন্দ্রনাথের সভাপতিত্বে এই জুলাই যে উদ্বোধনী বক্তৃতা দিয়েছিলেন তার কিয়দংশ :-

“রাষ্ট্র ব্যবস্থায় ধর্মাবলম্বনই কি হ'য়ে দাঁড়ালো সবচেয়ে বড়? আর মানুষ হ'ল ছোট? যে ব্যবস্থা জগতের কোথাও নেই, কোথাও কল্যাণ হয়নি, এই দুর্ভাগ্যদেশে তাই কি হ'ল special and peculiar circumstances? আর সেটা কেউ বোঝে না এক নাবালকের ট্রাষ্টেরা ছাড়া? নোতুন শাসনতন্ত্রের ব্যবস্থা আগাগোড়াই মন্দ। সেই অপরিণীত মন্দের মধ্যেও বাংলার হিন্দুরা ক্ষতিগ্রস্ত হ'ল সবচেয়ে বেশী। আইনের পেরেক ঠুকে তাদের ছোট করা হ'ল চিরদিনের মতো। এই অত্যাচার জনক যারা, তাদের বলতে চাই—অত্যাচার-অবিচার এক-জনের প্রতি হ'লেও সে অকল্যাণময়। তাতে শেষ পর্যন্ত না মুসলমানের, না হিন্দুর, না জম্মভূমির, কারো মঙ্গল হয় না।”

সেই সময় ঢাকা বিশ্ববিদ্যালয় তাঁকে ডক্টরেট্ ডিগ্রীতে (ডি. লিট্.) ভূষিত ক'রলেন। ঢাকা মুসলিম সাহিত্য সমাজে ক'রলেন সভাপতিত্ব।

রবীন্দ্রনাথ ৬১তম জন্মদিনে তাঁকে অভিনন্দন জানালেন—“কল্যানীর শরৎচন্দ্র, তুমি জীবনের নির্দিষ্ট পথের প্রায় দুই-তৃতীয়াংশ উত্তীর্ণ হ'য়েছো। এই উপলক্ষ্যে তোমাকে অভিনন্দিত ক'রবার জন্তে তোমার বন্ধুবর্গের এই আমন্ত্রণ সভা।

“বয়স বাড়়ে, আয়ুর সঞ্চয় ক্ষয় হয়, তা নিয়ে আনন্দ ক'রবার কারণ নেই। আনন্দ করি, যখন দেখি জীবনের পরিণতির সঙ্গে জীবনের দানের পরিমাণ ক্ষয় হয়নি। তোমার সাহিত্য-রসসজ্জের নিমন্ত্রণ আজও

র'য়েছে উন্মুক্ত ; অকুপণ দাক্ষিণ্যে ভ'রে উঠবে তোমার পরিবেষণপাত্র,
তাই জয়ধ্বনি ক'ম্বতে এসেছে, তোমার দেশের লোক তোমার দ্বারে ।...

আজ শরৎচন্দ্রের অভিনন্দনের মূল্য এই যে, দেশের লোক কেবল যে
তঁার দানের মনোহারিতা ভোগ ক'রেছে, তা নয়, তার অক্ষয়তাও মেনে
নিয়েছে। ইতস্ততঃ যদি কিছু প্রতিবাদ থাকে তো ভালই, না থাকলেই
ভাব্বার কারণ, এই সহজ কথাটা লেখকরা অনেক সময়ে মনের
খেদে ভুলে যায় ।...যে লেখায় প্রাণ আছে, প্রতিপক্ষ তার দ্বারা তার
বশের মূল্য বাড়িয়ে তোলে, তার বাস্তবতার মূল্য। এই বিরোধের
কাজটা যাদের তারা বিপরীত-পন্থার ভক্ত। রামের ভয়ঙ্কর ভক্ত যেমন
রাবণ।

জ্যোতিষী অসীম আকাশে ডুব মেরে সন্ধান ক'রে বে'র করেন
নানা জগৎ, নানা রশ্মি-সমবায়ে গড়া, নানা কক্ষপথে নানা বেগে
আবর্তিত। শরৎচন্দ্রের দৃষ্টি ডুব দিয়েছে বাঙালীর হৃদয়-রহস্তে। সুখে-
দুঃখে মিলনে-বিচ্ছেদে সংঘটিত বিচিত্র সৃষ্টির তিনি এমন ক'রে পরিচয়
দিয়েছেন, বাঙালী যাতে আপনাকে প্রত্যক্ষ জানতে পেরেছে। তার
প্রমাণ পাই তার অকুরাণ আনন্দে। যেমন অন্তরের সঙ্গে তারা খুলী
হ'য়েছে, এমন আর কারো লেখায় তারা হয়নি। অল্প লেখকরা অনেক
প্রশংসা পেয়েছে কিন্তু সর্বজনীন হৃদয়ের এমন আতিথ্য পায়নি।
এ বিশ্বয়ের চমক নয়, এ প্রীতি। অনায়াসে যে প্রচুর সফলতা তিনি
পেয়েছেন—তাতে তিনি আমাদের ঈর্ষাভাজন।

আজ শরৎচন্দ্রের অভিনন্দনে বিশেষ গর্ব অহুভব ক'ম্বতে পারতুম যদি
তাকে ব'লতে পারতুম, তিনি একান্ত আমারই আবিষ্কার। কিন্তু
তিনি কারও স্বাক্ষরিত অভিজ্ঞান-পত্রের জন্তে অপেক্ষা করেননি। আজ
তঁার অভিনন্দন বাংলাদেশের ঘরে ঘরে শত উচ্ছুকিত। শুধু কথা-
সাহিত্যের পথে নয়, নাট্যাভিনয়ে, চিত্রাভিনয়ে, তঁার প্রতিভার সংস্রবে

আসবার জন্তে বাঙালীর ঔৎসুক্য বেড়ে চ'লেছে। তিনি বাঙালীর বেদনার কেন্দ্রে আগন বাণীর স্পর্শ দিয়েছেন।

সাহিত্যে উপদেষ্টার চেয়ে অষ্টার আসন অনেক উচ্চে; চিন্তাশক্তির বিতর্ক নয়, কল্পনাশক্তির পূর্ণ দৃষ্টিই সাহিত্যে শাস্ত্র মর্যাদা পেয়ে থাকে। কবিগর আসন থেকে আমি বিশেষভাবে সেই অষ্টা, সেই অষ্টা শরৎচন্দ্রকে মাল্যদান করি। তিনি শতাব্দী হ'য়ে বাংলা সাহিত্যকে সমৃদ্ধিশালী করুন, তাঁর পাঠকের দৃষ্টিকে শিক্ষা দিন, মানুষকে সত্য ক'রে দেখতে, স্পষ্ট ক'রে মানুষকে প্রকাশ করুন তার দোষ-গুণে ভালোয়-মন্দয়—চমৎকারজনক শিক্ষাজনক কোন দৃষ্টান্তকে নয়; মানুষের চিরন্তন অভিজ্ঞতাকে প্রতিষ্ঠিত করুন—তাঁর স্বচ্ছ প্রাজ্ঞল ভাষায়।' (বিচিত্রা, অগ্রহায়ণ '৪০)

অর্থ ও সম্মান তাঁকে দৃঢ়ভাবে আকর্ষণ ক'রুলেও তিনি নিজে প্রলুব্ধ হ'লেন না। কারণ তিনি বুঝতে পেরেছিলেন, সময় তাঁর শেষ হ'য়ে এসেছে। একদিন সাম্তাবেড় ত্যাগ ক'রতে ব্যস্ত হ'য়েছিলেন, এখন আবার তাঁর মন সেই নির্জন রূপনারায়ণ নদের তীরে ফিরে যেতে ব্যস্ত হ'য়ে উঠলো। মনটা সব সময়ে সেইখানেই প'ড়ে থাকে কিসের আকর্ষণে কে জানে?

“ভদ্রদাকে” সাজানো শেষ হ'ল—ধ'রলেন “শেষের পরিচয়”। কিন্তু শরীরটা তাঁর সঙ্গে অসহযোগ আরম্ভ ক'রলো। ফিরে এলেন সাম্তাবেড়ের বাড়ীতে।

ডাক প'ড়লো প্রিয় সাথী, বন্ধু, সহচর ও শিষ্য সুরেন্দ্রনাথের। তাঁকেই আজ তাঁর সবচেয়ে বেশী প্রয়োজন।

সুরেন্দ্রনাথ ডাক পেয়ে ভাগলপুর থেকে চ'লে এলেন ক'লকাতায়। কিন্তু তাঁকে ক'লকাতায় না পেয়ে রওনা হ'লেন সাম্তাবেড়ের বাড়ীর দিকে। উঠানে পা দিয়ে দেখলেন শরৎচন্দ্র বাগানেয় কাজে ব্যস্ত।

সুরেনবাবু জিজ্ঞাসা ক'ল্লেন—শরীর খারাপ ত' ক'লকাতায় চ'লে গেলে না কেন ?

শরৎচন্দ্র ব'ল্লেন, ও-জায়গাটা আর ভাল লাগে না সুরেন, তার চেয়ে এই বাড়ীটাই আমার বেশী ভাল লাগে। যদি মারা যাই—প্রভাসের বেদীর পাশে তোমরা আমার শেষ শয্যা রচনা ক'রে দিও।

সুরেনবাবু বাধা দিয়ে উঠলেন, কি যা তা ব'লছো, শরৎ ?

শরৎচন্দ্র মুহূ হাসলেন। ব'ল্লেন—সব কিছুরই মধ্যে একটা বৈরাগ্য দেখা দিয়েছে—বেশ স্পষ্ট বুঝতে পারছি শেষের দিন আর বেশী দূরে নেই। তোমরা আমার ভালোবাস—তাই এ কথাটা সহ্য ক'রতে পেরো না, কিন্তু এটাই হ'বে সবচেয়ে বড় সত্য !

* * * *

সুরেনবাবু তাঁকে একরূপ জোর ক'রেই ক'লকাতার বাসায় টেনে নিয়ে এলেন। চ'লতে লাগলো চিকিৎসার ব্যবস্থা।

শরৎচন্দ্র ক্লান্তি বোধ ক'ল্লেনও মাঝে মাঝে ছোটবেলার গল্প লেখার জন্ত কালি-কলম নিয়ে ব'সতে লাগলেন। সুরেনবাবু বাধা দিলেন, নেই বা হ'ল এখন শরৎ ?

শরৎচন্দ্র ছোট ছেলের মত হেসে উঠলেন। ব'ল্লেন, এত দিনের অভ্যাস সহসা কি ছাড়া যায় ? তা ছাড়া, বহুদিনের তুলও একটা ভেঙে গেছে। কথাটা তোমাদের কাছে বিশ্বাসের বস্তু হ'লেও সেটাই হ'ল বর্ণে বর্ণে সত্য ! বহুদিন বহুব্যব ব'লেছি, মদ না খেলে ভাল লেখা যায় না অথচ এখন বুঝছি, যদি না খেতাম তা' হ'লে বোধ করি দেশবাসীকে আমি আরও অনেক ভাল জিনিষ দিয়ে যেতে পারতাম। দীর্ঘকাল ধরে ব'ল্লেন, মরণকালে হরিনামের মত এ বিলাপ আজ বুঝা। সময় আমার ফুরিয়ে এসেছে, এখন ভাল-মন্দের তুলনায় শুধু ব্যথা ছাড়া কোন সোয়াস্তি নেই। তবুও বলি, যদি আরও কিছুদিন আমার তোমরা

বাঁচিয়ে রাখতে পারো—“শেষের পরিচয়টা” অন্ততঃ শেষ ক’রে বেতে পারি! বুঝলে—একটু টেনে ন্নান হেসে ব’ললেন—এটাই আমার শেষ কামনা!

স্বরেনবাবু আশ্বাস দিলেন, তোমার এমন কি অসুখ হ’য়েছে যে, আর সাম্বে না? অপারেশন্ ক’ম্লেই ভাল হ’য়ে যাবে ডাক্তাররা আমার ব’লেছেন।

শরৎচন্দ্র উত্তরে পুনরায় একটু ন্নান হাসি হাসলেন। ব’ললেন—তোমরা শেষ চেষ্টা ক’রে দেখো, কিন্তু আমার মন কি ব’লছে জানো? দিন আমার শেষ হ’য়ে এসেছে!

স্বরেনবাবু ধমক দিয়ে উঠলেন—কেন বার বার এক কথা আমাদের তুমি শোনাও, শরৎ? মনে হয়, শরীরটা দুর্বল হ’য়ে পড়ার জন্তে মনটাও তোমার দুর্বল হ’য়ে প’ড়েছে। কত কঠিন কঠিন রোগ মাহুকের সেরে যায়, আর এ তো কি? নিশ্চয় সেরে উঠবে!

শরৎচন্দ্র উত্তর দিলেন না। উত্তরে শুধু মুহু হাসলেন।

* * * *

সমস্ত জীবনের পুঁজি তাঁর শেষ হ’য়ে এসেছে। প্রকাশকদের কাছ থেকেও টাকা আসছে না। হাস্পাতালে ভর্তি হওয়া ক্রমশঃই দেরী হ’তে লাগলো। অনেক ছোট্টাছুটির পর হরিদাসবাবুর কাছ থেকে ছ’হাজার টাকা পাওয়া গেল। বিধানবাবু এলেন পরীক্ষা ক’রতে। ব’ললেন—কিং কিং (Kink)!

এক্সরে করা হ’ল। রোগ ধরা প’ড়লো—যকুতে ক্যান্সার। কিন্তু ডাক্তাররা অপারেশন ক’রতে ভয় পেলেন। স্বরেনবাবু জোর দিয়ে ব’ললেন, লোকটা এমনি কষ্ট পাবে—এ কি কখনও চোখের সামনে দেখা যায়? তার চেয়ে শেষ চেষ্টা ক’রেই দেখা যাক।

ডাঃ ম্যাকে ও ডাঃ ডেনহাম হোয়াইটকে দেখানো হ’ল। দু’জনেই

রোগী সম্বন্ধে হতাশা প্রকাশ ক'রুলেন। তবে ডাঃ ব্যাকে ভরসা দিলেন, যদি কোন নার্সিং হোমে ভর্তি করানো যায়—অপারেশনের ব্যবস্থা একটা করা যেতে পারে! সেইদিনই ইউরোপীয় নার্সিং হোমে ভর্তি করা হ'ল। কিন্তু সেখানে আফিং ও তামাক খেতে না দেওয়ায় আত্মীয় ডাঃ চ্যাটার্জীর পার্ক নার্সিং হোমে চ'লে এলেন।

ডাক্তাররা এবার অপারেশন ক'রতে রাজি হ'লেন। শরৎচন্দ্রও মত দিলেন। সুরেনবাবু তাঁর হ'য়ে দস্তখত ক'রুলেন।

অপারেশন হ'ল। দেখা গেল লিভারটা পচে গেছে। আপাততঃ পাকস্থলীতে একটা টিউব পরিয়ে দেওয়া হ'ল। আর কিছু না হোক ছ'মাস অন্ততঃ বেঁচে থাকতে পারবেন—তাঁর শেষ ইচ্ছাটাও সফল হ'তে পারবে!

ডাক্তাররা আশ্বাস দিলেন, একটু সুস্থ হ'লে বরং সুইজারল্যান্ড পাঠিয়ে লিভারটার একটা সার্জিটিউটের ব্যবস্থা করা যাবে—তা হ'লে আরও বেশ কিছুদিন শুধু বেঁচে থাকবেন না—কাজও ক'রতে পারবেন স্বচ্ছন্দে!

মামুষের আশা ও আকাঙ্ক্ষা হ'ল এক—নিয়তির গতিপথ হ'ল অন্য। একটু সুস্থ বোধ ক'রুলেন। বাসায় ফিরে আসার সব ঠিকঠাক—সহসা “উকি” শুরু হ'ল। বমিও হ'ল কতকটা। ভিতরের সেলাই গেল কেটে। বেলা দশটার, ২রা মাঘ, রবিবার, ১৩৪৪ সালে (১৯৩৮ সালের ১৮ই জানুয়ারী) ইহলোকের মায়া ত্যাগ ক'রে আত্মীয়স্বজন ও গুণমুগ্ধ দেশবাসীকে শোক-সাগরে নিমজ্জিত ক'রে অমরধামে যাত্রা ক'রুলেন। সেই সঙ্গে হারালো বঙ্গজননী তাঁর একটি অমূল্য সন্তান—বীর কৃতি সহজে আর পূরণ হবে কিনা কে জানে!.....

সমাপ্ত

পরিশিষ্ট

রবীন্দ্র জয়ন্তী উপলক্ষে লিখিত মানপত্র *

কবিগুরু,

তোমার প্রতি চাহিয়া আমাদের বিশ্বয়ের সীমা নাই।

তোমার সপ্ততিতম বর্ষ শেষে একান্ত মনে প্রার্থনা করি জীবনবিধাতা
তোমাকে শতাব্দুঃ দান করুন ; আজিকার এই জয়ন্তী উৎসবের স্মৃতি
জাতির জীবনে অক্ষয় হোক।

বাণীর দেউল আজি গগন স্পর্শ করিয়াছে। বজ্রের কঁত কবি,
কত শিল্পী, কত সেবক না ইহার নির্মাণ-কল্প দ্রব্যসম্ভার বহন করিয়া
আনিয়াছেন। তাঁহাদের স্বপ্ন ও সাধনার ধন, তাঁহাদের তপস্বী তোমার
মধ্যে আজি সিদ্ধিলাভ করিয়াছে। তোমার পূর্ববর্তী সেই সকল
সাহিত্যাচাৰ্য্যগণকে তোমার অভিনন্দনের মাথে অভিনন্দিত করি।

আত্মার নিগূঢ় রস ও শোভা, কল্যাণ ও ঐশ্বর্য্য, তোমার
সাহিত্যে পূর্ণ বিকাশিত হইয়া বিশ্বকে মুগ্ধ করিয়াছে। তোমার সৃষ্টির
সেই বিচিত্র ও অপূর্ণ আলোকে স্বকীয়-চিত্তের গভীর ও সত্য পরিচয়ে
কৃতার্থ হইয়াছি।

হাত পাতিয়া জগতের কাছে আমরা নিয়েছি অনেক, কিন্তু তোমার
হাত দিয়া দিয়াছিও অনেক।

হে সার্বভৌম কবি, এই শুভদিনে তোমাকে শাস্তমনে নমস্কার করি।
তোমার মধ্যে স্নানরের পরম প্রকাশকে আজি নভশিরে বারবার নমস্কার
করি। ইতি—

শ্রীশরৎচন্দ্র চট্টোপাধ্যায় }
৮ই অগ্রহায়ণ ১৩৮

শ্রীজগদীশচন্দ্র বসু

* এই মানপত্রখানি শরৎচন্দ্র রচনা করেন। ইহাতে শ্রীশরৎচন্দ্র
চট্টোপাধ্যায় রূপে স্বাক্ষর করেন।—(ভারতবর্ষ)

রাজেন্দ্র কলেজে ছাত্র-সভায় বক্তৃতা

“তোমাদের এই বিজ্ঞানন্দিরে এসে আমার নিজের অধ্যয়ন-জীবনের কথাই আজ বার বার ক’রে মনে প’ড়ছে। আমারও একদিন তোমাদের মতই উচ্চশিক্ষার আশা নিয়ে এমন ক’রে ছাত্র-জীবন শুরু হ’য়েছিল, সেদিন মনে মনে ভাবীকালকে স্বরণ ক’রে কত আশার মুকুলই না রচনা, ক’রেছিলাম! কিন্তু অল্প যত বড় ছিল, পারিপার্শ্বিক অবস্থার আত্মক্ল্যা থেকেও ঠিক ততখানিই বঞ্চিত হ’লাম। বিধাতা যে এমন বঞ্চনা আমার জন্ত রেখেছিলেন, ভাবতে পারিনি। বিজ্ঞানন্দিরের উদ্দেশ্যে দূর থেকে নমস্কার জানিয়েই একদিন ভবঘুরে হ’লাম। এমন ক’রেই আজ জীবনের অপরাহ্ন বেলায় এসে পৌছেছি। এ-জীবনে একটা সত্য উপলব্ধি ক’রেছি, সত্য থেকে দ্রষ্ট হ’য়ে ফাঁকি দিয়ে মানুষের চোখ কলসাতে গেলে, সে-ফাঁকি একসময় নিজেকে এসেই বেঁধে। তোমাদের তাই ধ’ল্‌বো—অনন্ত ভবিষ্যৎ তোমাদের সাম্নে, তোমাদের দিয়ে দেশ একদিন বড় হবে। তোমরা তাই খাঁটি হও, সত্যপ্রিয় হও। চোখে দেখে বা’ পরখ ক’রবে না, জীবনে তাকে কখনও সত্য ব’লে প্রচার ক’রবে না, তাতে ঠকতে হয়। তোমরা আমার ভালবাসা নাও।”

[বঙ্গপ্রী, মার্চ ১৩৬০]

ভারতবর্ষের অবিসম্বাদী রাষ্ট্রনায়ক শ্রীযুক্ত সুভাষচন্দ্র বসু, শরৎচন্দ্রের মৃত্যু সংবাদে বলেন—

“করাচীতে অবতরণ করিবামাত্রই আমি ভারতবর্ষের উপভ্রাস সম্রাট শরৎচন্দ্রের স্বর্গারোহণের শোক সংবাদ পাইলাম। জানিতাম, কিছুদিন হইতেই তিনি অসুস্থ। কিন্তু এমন কথা ভাবি নাই, তিনি এত শীঘ্র আমাদের পরিত্যাগ করিবেন। শেষবার যখন তাঁহার সহিত দেখা করিতে যাই, তখন তাঁতাকে অতিশয় প্রমুগ্ন ও প্রাণময় দেখিয়াছিলাম। কিন্তু তাঁহার অস্তিমকাল এত নিকটে ইহা স্বপ্নেও কল্পনা করি নাই। শরৎচন্দ্র বাঙ্গালা সাহিত্যের যে আসনে প্রতিষ্ঠিত ছিলেন, দীর্ঘকাল তাহা শূন্য থাকিবে। বাঙ্গালার এমন কোন পরিবার নাই যেখানকার আবালবৃদ্ধ নর-নারীর নিকট তিনি পরিচিত ও সমাদৃত নহেন।

কিন্তু কেবলমাত্র অজ্ঞতম প্রেষ্ঠ সাহিত্যিককে চাহাইয়াই যে আমরা শোকাভিভূত হইয়াছি তাহা নহে, শোক প্রকাশেরে অপর কারণ—তিনি

ছিলেন কংগ্রেসের একটি শক্তিশালী। অসহযোগ আন্দোলনের প্রথম হইতেই তিনি বাংলার কংগ্রেসে যোগদান করেন। তাঁহার শ্রেষ্ঠ দান তিনি হাওড়া জিলায় বিতরণ করিয়াছেন, সেখানে তাঁহার অভাব বিশেষ ভাবেই অনুভূত হইবে।

তাঁহার সহিত আমার অতি ঘনিষ্ঠ বন্ধুত্ব ছিল। আমার বেদনা আজ অতি গভীর। তাঁহার মৃত্যুতে আমার ব্যক্তিগত ক্ষতি যে পরিমাণ হইল, তাহা কোনদিনই পূর্ণ হইল না।

শরৎচন্দ্র শুধু সাহিত্যিকই ছিলেন না, রাজনীতি ক্ষেত্রেও তাঁহার দান ছিল এবং সেই সুবাদেই ১৯২১ খৃষ্টাব্দে শরৎচন্দ্রের সহিত আমার প্রথম পরিচয় ঘটিয়াছিল।

মহাত্মা গান্ধীর নেতৃত্বে ভারতবাসী অসহযোগ আন্দোলন প্রবর্তিত হইলে শরৎচন্দ্র এই আন্দোলনে যোগদান করেন। কলিকাতায় এই সময়ে যে জাতীয় বিদ্যালয় প্রতিষ্ঠিত হয়, শরৎচন্দ্র তাহার অন্যতম উদ্যোক্তা ছিলেন। এই সময়ের একদিনের কথা আমার মনে আছে ; একজন প্রসিদ্ধ সাহিত্যিক শরৎচন্দ্রকে বলিলেন—“কলম ছাড়িয়া রাজনীতিকের দলে ভিড়িয়া পড়া সাহিত্যিকের কর্তব্য নহে।” শরৎচন্দ্র তাহাতে হাসিয়া বলেন—“আমি কিন্তু কিছুদিনের জন্য কলম ছাড়িয়া চরকাই ধরিয়াছি।”

শরৎচন্দ্রের এই উক্তির অর্থ ছিল এই যে, দেশমাতা যখন বিপন্ন তখন ব্যক্তিগত সমুদয় চিন্তা ও অধ্যাস পরিত্যাগ করিয়া তাঁহার রক্ষায় অবতীর্ণ হওয়াই সম্ভাব্যের কর্তব্য। দেশমাতৃকার প্রতি আন্তরিক প্রীতি তাঁহাতে আমরণ বিদ্যমান ছিল। বহুবৎসর যাবত তিনি নিখিল-ভারত রাষ্ট্রীয় সমিতির ও বঙ্গীয় প্রাদেশিক রাষ্ট্রীয় সমিতির সদস্য এবং হাওড়া জেলা কংগ্রেস কমিটির সভাপতি ছিলেন। ভারতের স্বাধীনতা সংগ্রামের সহিত তাঁহার ঘনিষ্ঠ যোগাযোগ ছিল। লাজুক ছিলেন বলিয়া তিনি সভা-সমিতিতে বড় একটা যোগ দেন নাই বটে, কিন্তু সংশ্লিষ্ট বুকেরা তাঁহার নিকট হইতে অনেক প্রেরণা লাভ করিয়াছে। স্বদেশ-প্রেমিক শরৎচন্দ্রের এইদিকটার পরিচয় আজকার তরুণেরা তেমন জানে না। তাঁহার মন ছিল চির সবুজ—তরুণ বাঙ্গালার আশা-আকাঙ্ক্ষার প্রতি তাঁহার পূর্ণ সহানুভূতি ছিল। বতদিন তিনি জীবিত ছিলেন,

সরকার ও পুলিশ তাঁহার প্রতি তীব্র দৃষ্টি রাখিত। তাঁহার “পথের দাবী” নামক বিখ্যাত গ্রন্থ বাজেয়াপ্ত হইয়াছিল—তিনি যে কারারুদ্ধ হন নাই, ইহাই বিশ্বাসের বিষয়। কারাবাস-জনিত অভিজ্ঞতা লাভ করিলে সেই অভিজ্ঞতা দ্বারা তাঁহার সাহিত্য আরও সমৃদ্ধ হইতে পারিত। সমাজে যাহারা বর্জিত ও উপেক্ষিত, তাঁহাদের প্রতি সমবেদনাই শরৎ-সাহিত্যের সর্বাপেক্ষা বড় প্রেরণা। নিজের জীবন তিনি দুঃখ-দৈন্ত ও পরীক্ষার মধ্য দিয়া অতিবাহিত করিয়াছেন বলিয়াই এই প্রেরণা লাভ করিয়াছেন। জীবনের এই কঠোর পরীক্ষায় যাহারা মূহমান হইয়া পড়েন, শরৎচন্দ্র তাঁহাদের দলে ছিলেন না। তিনি ছিলেন একজন বিদ্রোহী, তাঁহার সাহিত্যের মধ্য দিয়া জাতির যুব-সমাজের নিকটে এই বিদ্রোহের বাণীই তিনি ছড়াইয়াছেন। সত্যের প্রতি অটুট নিষ্ঠা তাঁহার সাহিত্যে সত্য-প্রচারের প্রেরণাই জোগাইয়াছে।

আমাদের দেশে—বিশেষভাবে বাঙালার হাস্যরসের বড় অভাব। শরৎ-সাহিত্যে এই হাস্যরসের প্রাধান্য দেখা যায়। দুঃখ-দৈন্ত তাঁহাকে বিচলিত করিতে পারিত না বলিয়াই ঘোরতর দুর্দশা বর্ণনাকালেও তিনি হাস্যরসের নির্ঝর বহাইয়াছেন। এতগুলি গুণ একজন মানুষের সচরাচর সম্ভব হয় না—একাধারে তিনি ছিলেন একজন আদর্শ লেখক, আদর্শ দেশপ্রেমিক ও সর্বোপরি আদর্শ মানব।”

কংগ্রেসের ৫১ তম অধিবেশনে, গুজরাটের হরিপুরায়, নির্বাচিত সভাপতির শোক প্রকাশ :

“সাহিত্যাচার্য শরৎচন্দ্র চট্টোপাধ্যায়ের অকাল মৃত্যুতে ভারতের সাহিত্যগগন হইতে একটি অত্যাশ্চর্য জ্যোতিষ্ক খসিয়া পড়িল। যদিও বহুবর্ষ তাঁহার নাম বাঙলার ঘরে ঘরেই শুধু পরিচিত ছিল, তথাপি তিনি ভারতের সাহিত্য-জগতেও কম পারচিত ছিলেন না। সাহিত্যিক হিসাবে শরৎচন্দ্র বড় ছিলেন বটে, কিন্তু দেশ-প্রেমিক হিসাবে তিনি ছিলেন আরও বড়। তাঁহার মৃত্যুতে বাঙলার কংগ্রেসের সমুদয় ক্ষতি হইয়াছে। তাঁহার শোকসন্তপ্ত পরিজনবর্গের প্রতি আমাদের আন্তরিক মর্শবেদনা জানাইতেছি।” [১৯শে ফেব্রুয়ারী, সন্ধ্যায় কংগ্রেসের প্রথম দিনের প্রকাশ্য অধিবেশনে অন্তান্ত কয়েকজন রাষ্ট্র-নেতার মৃত্যুতে শোক প্রকাশের সঙ্গে শরৎচন্দ্রের মৃত্যুতেও শোক প্রকাশ করিয়া প্রস্তাব গৃহীত হয়। সকলে দণ্ডায়মান হইয়া ঐ প্রস্তাব গ্রহণ করেন।] (—ভারতবর্ষ) ৯

রচনাবলী

বাল্য-স্মৃতি—সাহিত্য, মাঘ ১৩১৯ ; কাশীনাথ—সাহিত্য, ফাল্গুন-চৈত্র ১৩১৯ ; (পুস্তকাকারে, ১লা সেপ্টেম্বর, ১৯১৭, ভাদ্র ১৩২১) বোঝা—যমুনা, কার্তিক-পৌষ ১৩১৯ ; রামের স্মৃতি—যমুনা, ফাল্গুন-চৈত্র ১৩১৯ ; পথনির্দেশ—যমুনা, বৈশাখ ১৩২০ ; বিদ্যুর ছেলে—যমুনা, শ্রাবণ ১৩২০ (পুস্তকাকারে, ৯ জুলাই, ১৯১৪), [ইং অল্পবাদ Bindu's Son—অশোক চট্টোপাধ্যায়, মডার্ন রিভিউ, ফেব্রুয়ারী-জুন ১৯২৭] ; নারীর মূল্য—যমুনা, বৈশাখ-আষাঢ়, ভাদ্র-আশ্বিন (অনিলাদেবীর ছদ্মনামে), ১৩২০, (পুস্তকাকারে ১২ এপ্রিল ১৯২৩) ; চক্ৰনাথ—যমুনা, বৈশাখ-আশ্বিন ১৩২০ (পুস্তকাকারে, ১২ মার্চ, ১৯১৬) ; আলো ও ছায়া—যমুনা, আষাঢ়-ভাদ্র ১৩২০ ; বিরাজ বো—ভারতবর্ষ, পৌষ-মাঘ ১৩২০ (পুস্তকাকারে, ২ মে, ১৯১৪) ; অল্পপমার প্রেম—সাহিত্য, চৈত্র ১৩২০ ; চরিত্রহীন—যমুনা, কার্তিক-চৈত্র ১৩২০ ও ১৩২১ সালে আংশিকভাবে প্রকাশিত হয় (পুস্তকাকারে, ১১ই নভেম্বর, ১৯১৭) ; পরিণীতা—যমুনা, ফাল্গুন ১৩২০ (পুস্তকাকারে, ১০ই আগষ্ট, ১৯১৪) ; গুরু-শিষ্য সম্বাদ—যমুনা, ফাল্গুন, ১৩২০ ; পণ্ডিতমশাই—ভারতবর্ষ, বৈশাখ ও শ্রাবণ ১৩২১ (পুস্তকাকারে, ১৫ই সেপ্টেম্বর, ১৯১৪, বাং ১৩২১) ; মেজদিদি, দর্পচূর্ণ ও আধারে আলো—ভারতবর্ষ, কার্তিক, মাঘ ও ভাদ্র ১৩২১ (পুস্তকাকারে, ১২ই ডিসেম্বর, ১৯১৫, বাং ১৩২২) ; নিকৃতি—যমুনা, “ধর-ভাঙ্গা” নামে বৈশাখ ১৩২১, ভারতবর্ষ—ভাদ্র, কার্তিক ও পৌষ ১৩২৩ (পুস্তকাকারে, ১লা জুলাই, ১৯১৭) ; হরিচরণ—সাহিত্য, আষাঢ় ১৩২১ ; পল্লী-সমাজ—ভারতবর্ষ, আশ্বিন ও অগ্রহায়ণ-পৌষ ১৩২২ (পুস্তকাকারে, ১৫ই

জাহ্নসারী, ১৯১৬, বাং ১৩২২) ; শ্রীকান্ত, ১ম পর্ব—ভারতবর্ষ, মাঘ-
চৈত্র ১৩২২ ও বৈশাখ-মাঘ ১৩২৩ (পুস্তকাকারে, ১২ই ফেব্রুয়ারী,
১৯১৭, মাঘ ১৩২৩) ; ইংরাজী অনুবাদ—K. C. Sen ও Theodosia
Thompson ১৯২২ ।

রেজুন ভ্যাগ—১১ই এপ্রিল ১৯১৬ ।

বৈকুণ্ঠের উইল—ভারতবর্ষ, জ্যৈষ্ঠ-শ্রাবণ ১৩২৩ (পুস্তকাকারে, ৫ই
জুন, ১৯১৬, বাং ১৩২৩) ; গৃহদাহ—ভারতবর্ষ, মাঘ-চৈত্র ১৩২৩ ; বৈশাখ-
আশ্বিন, অগ্রহায়ণ-ফাল্গুন ১৩২৪ ; পৌষ-চৈত্র ১৩২৫ ; আষাঢ়-অগ্রহায়ণ,
পৌষ-মাঘ ১৩২৬ (পুস্তকাকারে, ২০শে মার্চ ১৯২০) ; অরক্ষণীয়া—ভারত-
বর্ষ, আশ্বিন, ১৩২৩ (পুস্তকাকারে, ২০শে নভেম্বর, ১৯১৬, বাং ১৩২৩) ;
দেবদাস—ভারতবর্ষ, চৈত্র ১৩২৩ ও বৈশাখ-আষাঢ় ১৩২৪, (পুস্তকাকারে
৩০শে জুন, ১৯১৭, বাং ১৩২৪) ; স্বামী—নারায়ণ, শ্রাবণ-ভাদ্র ১৩২৪ ;
একাদশী বৈরাগী—ভারতবর্ষ, কার্তিক ১৩২৪ (পুস্তকাকারে, ১৮ই ফেব্রুয়ারী,
১৯১৮, বাং ১৩২৪) ; দত্তা—ভারতবর্ষ, পৌষ-চৈত্র ১৩২৪, বৈশাখ-ভাদ্র
১৩২৫ (পুস্তকাকারে, ২রা সেপ্টেম্বর, ১৯১৮, বাং ১৩২৫) ; শ্রীকান্ত, ২য়
পর্ব—ভারতবর্ষ, আষাঢ়-ভাদ্র, অগ্রহায়ণ-চৈত্র ১৩২৪, বৈশাখ-আষাঢ়,
ভাদ্র-আশ্বিন ১৩২৫ (পুস্তকাকারে, ২৪শে সেপ্টেম্বর, ১৯১৮, বাং ১৩২৫) ;
বিলাসী—ভারতী, বৈশাখ ১৩২৫ ; মামলার ফল—পার্বনী, আশ্বিন, ১৩২৫ ;
ছবি—আগমনী, পূজাবার্ষিকী ১৩২৬ (পুস্তকাকারে, ১৬ই জাহ্নসারী, ১৯২০
বাং ১৩২৬) ; বামুনের মেয়ে—উপন্যাস সিরিজ, ২য় বর্ষ, আশ্বিন ১৩২৭
(পুস্তকাকারে) ; শ্রীকান্ত, ৩য় পর্ব—ভারতবর্ষ, পৌষ-ফাল্গুন ১৩২৭,
বৈশাখ, আষাঢ়, ভাদ্র, আশ্বিন ও পৌষ ১৩২৮, (পুস্তকাকারে ১৮ই
এপ্রিল, ১৯২৭, চৈত্র ১৩৩০) ; দেনা-পাওনা—ভারতবর্ষ, আষাঢ়-আশ্বিন,
পৌষ ও চৈত্র ১৩২৭ ; জ্যৈষ্ঠ, শ্রাবণ-কার্তিক ও চৈত্র ১৩২৮ ; বৈশাখ-
শ্রাবণ, আশ্বিন-কার্তিক, মাঘ-চৈত্র ১৩২৯ ; বৈশাখ, আষাঢ় ও শ্রাবণ

୧୩୦ (ପୁସ୍ତକାକାରେ, ୧୫ই আগଷ্ট, ୧୯୨୩, ବାং ୧୩୦୦) ; মহେଶ—ବଜ୍ରବାଣୀ, ଆଶ୍ୱିନ ୧୩୨୨ ; অভାଗୀର ସ୍ୱର୍ଗ—ବଜ୍ରବାଣୀ, ମାଘ ୧୩୨୨ ; ନବବିଧାନ—ଭାରତବର୍ଷ, ମାଘ-ଫାଲ୍ଗୁନ ୧୩୩୦, ବୈଶାଖ, ଆଷାଢ଼ ଓ ଆଶ୍ୱିନ-କାର୍ତ୍ତିକ ୧୩୩୧ (ପୁସ୍ତକାକାରେ, ଅକ୍ଟୋବର, ୧୯୨୫, ବାং ୧୩୩୧) ; ପଥେର ନାବୀ—ବଜ୍ରବାଣୀ, ଫାଲ୍ଗୁନ-ଚୈତ୍ର ୧୩୨୨, ବୈଶାଖ, ଆଷାଢ଼-ଭାଦ୍ର, ଅଗ୍ରହାୟଣ-ଫାଲ୍ଗୁନ ୧୩୩୦, ଜ୍ୟୈଷ୍ଠ, ଆଶ୍ୱିନ-କାର୍ତ୍ତିକ, ପୌଷ-ମାଘ, ୧୩୩୧, ବୈଶାଖ-ଜ୍ୟୈଷ୍ଠ, ଭାଦ୍ର, କାର୍ତ୍ତିକ-ଫାଲ୍ଗୁନ ୧୩୩୨, ବୈଶାଖ ୧୩୩୩ (ପୁସ୍ତକାକାରେ, ୩୧শେ ଆଗଷ্ট, ୧୯୨୬, ବାং ୧୩୩୩) ; ହରିଲକ୍ଷ୍ମୀ—ଶାରଦୀୟା ବହୁମତୀ, ୧୩୩୨ (ପୁସ୍ତକାକାରେ, ୧୩ই ମାର୍ଚ୍ଚ, ୧୯୨୬) ; ଷୋଢ଼ଣୀ—(ନାଟ୍ୟରୂପ—ଦେନା-ପାଠନା), ୧୩ই ଆଗଷ্ট, ୧୯୨୭ ; ରମା—(ନାଟ୍ୟରୂପ, ପଲ୍ଲୀ-ସମାଜ)—୫୪୮ ଆଗଷ্ট, ୧୯୨୮ ; ତରୁଣେର ବିଦ୍ରୋହ—ବଜ୍ରୀୟ ଯୁବ ସମ୍ମିଳନୀର ସଭାପତିହିସାବେ ବଜ୍ରତା (ପୁସ୍ତକାକାରେ, ୧୮ই ଏପ୍ରିଲ, ୧୯୨୯) ; ଶେଷ ଶ୍ରମ—ଭାରତବର୍ଷ, ଶ୍ରାବଣ-କାର୍ତ୍ତିକ, ମାଘ-ଚୈତ୍ର ୧୩୩୫, ଜ୍ୟୈଷ୍ଠ-ଶ୍ରାବଣ, କାର୍ତ୍ତିକ, ପୌଷ ଓ ଫାଲ୍ଗୁନ ୧୩୩୬ ; ବୈଶାଖ, ଶ୍ରାବଣ, କାର୍ତ୍ତିକ, ପୌଷ, ଫାଲ୍ଗୁନ ଓ ଚୈତ୍ର ୧୩୩୭ ; ଚୈତ୍ର ୧୩୩୭ ଓ ବୈଶାଖ ୧୩୩୮ (ପୁସ୍ତକାକାରେ ୨୨୧ ମେ, ୧୯୩୧, ବାং ବୈଶାଖ ୧୩୩୮) ; ଶ୍ରୀକାନ୍ତ, ୫୪୮ ପର୍ବ—ବିଚିତ୍ରା, ଫାଲ୍ଗୁନ-ଚୈତ୍ର ୧୩୩୮ ; ବୈଶାଖ-ମାଘ, ୧୩୩୯) ; (ପୁସ୍ତକାକାରେ, ୧୩ই ମାର୍ଚ୍ଚ, ୧୩୩୯) ।

ସ୍ୱଦେଶ ଓ ସାହିତ୍ୟ—ସ୍ୱଦେଶ : ଆମାରକଥା—ପ୍ରବର୍ତ୍ତକ, ଶ୍ରାବଣ ୧୩୨୨ ; (ଜିଲା କଂଗ୍ରେସ କମିଟିର ସଭାପତିଙ୍କ ତ୍ୟାଗକାଳେ ପଠିତ ଅଭିଭାଷଣ) । ସ୍ୱରାଜ୍ୟ ସାଧନାୟ ନାରୀ, ନବାଭାରତ, ପୌଷ, ୧୩୨୮ । (ଶିବପୁର ଇନ୍‌ଷ୍ଟିଟ୍ୟୁଟେ ପଠିତ ଅଭିଭାଷଣ) । ଶିକ୍ଷାର ବିରୋଧ—ନାରାୟଣ, ଅଗ୍ରହାୟଣ-ପୌଷ ୧୩୨୮, (ଗୌଡ଼ୀୟ ସର୍କାବିଜ୍ଞା ଆୟତନେ ପଠିତ) । ସ୍ୱତିକଥା—ବହୁମତୀ, ଆଷାଢ଼, ୧୩୩୨ ଦେଶବନ୍ଧୁ ସ୍ୱତିସଂଖ୍ୟା । ଅଭିନନ୍ଦନ—ଦେଶବନ୍ଧୁର କାରାୟୁକ୍ତିର ପର ଶ୍ରଦ୍ଧାନନ୍ଦ ପାର୍କେ ଦେଶବାଣୀର ପକ୍ଷ ଥେକେ ପଠିତ ଅଭିନନ୍ଦନ ।

ସାହିତ୍ୟ—ତବିଷ୍ଟ ବଜ୍ର-ସାହିତ୍ୟ, ଜ୍ୟୈଷ୍ଠ ୧୩୩୦ ; ବରିଶାଳ ବଜ୍ରୀୟ

সাহিত্য-পরিষদ শাখার অভিনন্দনের উত্তরে বক্তৃতার সারাংশ।
 গুরুশিষ্য সন্ধান—যমুনা, ফাল্গুন ১৩২০। সাহিত্য ও নীতি—বঙ্গবাণী,
 পৌষ, ১৩৩১, (আশ্বিন মাসে বঙ্গীয় সাহিত্য-পরিষৎ নদীয়া
 শাখার বার্ষিক অধিবেশনে সভাপতির অভিভাষণ)। সাহিত্যে
 আর্ট ও ছন্দোবিত্তি—মাসিক বহুমতী, চৈত্র ১৩৩১ (চৈত্র মাসে
 মুন্সীগঞ্জে বঙ্গীয়-সাহিত্য সম্মিলনের সাহিত্য শাখার সভাপতির
 অভিভাষণ)। ভারতীয় উচ্চ সঙ্গীত—ভারতবর্ষ, ফাল্গুন ১৩৩১। আধুনিক
 সাহিত্যের কৈফিয়ৎ—বঙ্গবাণী, শ্রাবণ ১৩৩০ (আষাঢ় মাসে শিবপুর
 ইনষ্টিটিউটে সাহিত্য সভায় সভাপতির অভিভাষণ)। সাহিত্যের রীতি ও
 নীতি—বঙ্গবাণী, আশ্বিন ১৩৩৪; অভিভাষণ—কালিকলম, আশ্বিন ১৩৩৮
 (৫৩তম জন্মদিন উপলক্ষ্যে ইউনিভার্সিটি ইনষ্টিটিউটে দেশবাসীর
 অভিনন্দন পত্রের উত্তর); অভিভাষণ—বাতায়ন, ২৯শে আশ্বিন, ১৩৩৮
 (৫৫তম বাৎসরিক জন্মতিথিতে প্রেসিডেন্সী কলেজে বঙ্কিম-শরণ সমিতি
 প্রদত্ত অভিনন্দন পত্রের উত্তর)। যতীন্দ্র সম্বন্ধনা। শেষ প্রশ্ন—বিজলী,
 ৬ষ্ঠ বর্ষ, ১৩শ সংখ্যা; রবীন্দ্রনাথ—জয়ন্তী-উৎসর্গ, পৌষ ১৩৩৮
 (রবীন্দ্র-জয়ন্তী উপলক্ষ্যে পঠিত)।

বিপ্রদাস—বিচিত্রা, ফাল্গুন-চৈত্র ১৩৩২; বৈশাখ-আষাঢ়, আশ্বিন-
 কার্তিক ১৩৪০, বৈশাখ, শ্রাবণ-ভাদ্র, কার্তিক-মাঘ ১৩৪১ (বেণু,
 ১৩৩৬-৩৮ এ ১০ম পরিচ্ছেদ পর্য্যন্ত প্রকাশিত হয়); বিচিত্রায়
 পুনঃমুদ্রণ। অম্বরাদি—সতী ও পরেশ—ভারতবর্ষ, চৈত্র ১৩৪০;
 বঙ্গবাণী, আষাঢ় ১৩৩৪; নলিনীরঞ্জন পণ্ডিত সম্পাদিত “শরতের
 ফুল”, ভাদ্র ১৩৩২ (পুস্তকাকারে, ফাল্গুন ১৩৪০, ইং ১৮ই মার্চ,
 ১৩৩৪)। বিরাজ-বৌ (নাট্যরূপ)—পুস্তকাকারে, ১৮ই আগষ্ট, ১৩৩৪;
 বিজয়া (নাট্যরূপ, দত্তা), পুস্তকাকারে, ২৪শে ডিসেম্বর, ১৯৩৪।

মৃত্যুর পর প্রকাশিত : শরণচন্দ্র ও ছাত্রসমাজ—পুস্তকাকারে,

চৈত্র ১৩৪৪ ; (১) শিবপুর ইন্সটিটিউটে শিবপুর ইঞ্জিনিয়ারিং কলেজে ১৩২৮-এর পৌষে পঠিত অংশ। (২) ৫৩তম জন্মদিনে (১৩০৫) প্রেসিডেন্সী কলেজে বঙ্কিম-শরৎ সমিতির অভিনন্দনের উত্তরে বক্তৃতাংশ। (৩) ৫৪তম জন্মদিনে (১৩০৬) বঙ্কিম-শরৎ সমিতির অভিনন্দনের উত্তরে প্রেসিডেন্সী কলেজে পঠিত বক্তৃতাংশ। (৪) ৫৫তম জন্মদিনে বঙ্কিম-শরৎ সমিতির অভিনন্দনের উত্তরে পঠিতাংশ। (৫) আশুতোষ কলেজে, বাংলা সাহিত্য সম্মেলনের ২য় বার্ষিক উৎসবে মৌখিক বক্তৃতাংশ (ফাল্গুন ১৩৪২)। (৬) ৬২তম জন্মদিনে স্কটিশ চার্চ কলেজে, বাংলা সাহিত্য সমিতির অভিনন্দন পত্রের উত্তরে মৌখিক বক্তৃতাংশ (ভাদ্র ১৩৪৪)। (৭) ৬২তম জন্মদিনে বিজ্ঞানাগর কলেজে, অভিনন্দন সভায় মৌখিক বক্তৃতাংশ (ভাদ্র ১৩৪৪) ছোটবেলার গল্প—বৈশাখ, ১৩৪৫ এপ্রিল ১৩৩৮ ; লালু—মোচাক, চৈত্র ১৩৪৪ ; ছেলধরা—ছোটদের আহরিকা, সম্পাদনায় ব্রজমোহন দাস ১৩৪২, কোলকাতার নোভুনদা—গল্পের মণিমালা, সম্পাদনায় প্রমোদ মিত্র, ১৩৪৪ ; লালু—সোনার কাঠি, সম্পাদনায় নরেন্দ্র দেব ও রাধারানী দেবী ১৩৪৪ ; বছর পঞ্চাশ পূর্বের একটা দিনের কাহিনী—পাঠশালা, আশ্বিন-কার্তিক ১৩৪৪ ; লালু ও দেওঘরের স্মৃতি—ভারতবর্ষ, আষাঢ় ১৩৪৪ ; শুভদা—৫ই জুন, ১৩৩৮ ; শেষের পরিচয়—৭ই জুন, ১৩৩৯ ; ১৫ পরিচ্ছেদের “রাখাল এ প্রেমের উত্তর দিল না, নীরবে বাহির হইয়া গেল”—আষাঢ়-আশ্বিন, অগ্রহায়ন, ভারতবর্ষ ১৩৩৯ ; বৈশাখ, আশ্বিন, অগ্রহায়ণ ১৩৪০ ; আষাঢ়-শ্রাবণ, কার্তিক, ফাল্গুন ১৩৪১, বৈশাখ ১৩৪২ ; বাকী অংশটুকু রাধারানী দেবী কর্তৃক সমাপ্ত। বারোয়ারি উপন্যাস—মে ১৯২১ ; রচনা—২১শ-২২শ অধ্যায়। রসচক্র—বৈশাখ ১৩৪৩, ইং ১৯৩৬। রচনা ৩ পৃষ্ঠা থেকে ১৩ পৃষ্ঠার ১৪ পংক্তি পর্যন্ত। প্রকাশিত হয় উত্তরায়—অগ্রহায়ণ ১৩৩৭ ; (প্রবাস-

জ্যোতি, সম্পাদনায় কেদারনাথ বন্দ্যোপাধ্যায়, আশ্বিন ১৩২৭; “বাড়ীর
কর্তা” নামে মুদ্রিত); ভালোমন—বাতায়ন, ১৫ই আশ্বিন, ১৩৪৪।
এছাড়া—১ম খণ্ড, ২০শে অক্টোবর, ১৯১৯; দত্তা, পরিণীতা, শ্রীকান্ত
১ম পর্ব, অরুণগীয়া, একাদশী বৈরাগী, মেজদিদি, মামলার ফল।
২য় খণ্ড (২০-১-২০)—শ্রীকান্ত ২য় পর্ব, দেবদাস, দর্প-চূর্ণ, পল্লী-সমাজ,
নডদিদি। ৩য় খণ্ড (১৮-৬-২০)—স্বামী, বৈকুণ্ঠের উইল, পণ্ডিতমশাই,
আধারে আলো, চন্দ্রনাথ, নিষ্কৃতি। ৪র্থ খণ্ড (২৫-২-২০)—চরিত্রহীন,
ছবি, বিলাস। ৫ম খণ্ড (২১-২-২৩)—গৃহদাহ, বামুনের মেয়ে, মহেশ।
৬ষ্ঠ খণ্ড (১৫-৯-৩৪)—শ্রীকান্ত ৩য় পর্ব, নববিধান, বোড়ী, হরিগঙ্গা,
অভাগীর স্বর্ণ। ৭ম খণ্ড (১৭-৯-৩৫)—শ্রীকান্ত ৪র্থ পর্ব, দেনা-পাওনা,
রমা, নারীর মূল্য।

—গ্রন্থ-পঞ্জী—

“শরৎ-পরিচয়”	শ্রীযুত সুরেন্দ্রনাথ গঙ্গোপাধ্যায়
“শরৎ-পরিচয়”	শ্রীব্রজেন্দ্রনাথ বন্দ্যোপাধ্যায়
“সাহিত্যাচার্য শরৎচন্দ্র”...	শ্রীযুত নরেন দেব
“জয়ন্তী-উৎসর্গ”	রবীন্দ্র-পরিচয় সভা
“শরৎ-বন্দনা”	শরৎ-বন্দনা সমিতি
“বিপ্লবী শরৎচন্দ্রের জীবন-প্রব্ধ”	শ্রীশৈলেন বিশী
“শরৎচন্দ্রের রাজনৈতিক জীবন”	শ্রীযুত শচীনন্দন চট্টোপাধ্যায়।
“ব্রহ্মদেশে শরৎচন্দ্র”	৮গিরীন্দ্রনাথ সরকার
“রবীন্দ্র-জীবনী”	শ্রীপ্রভাতকুমার মুখোপাধ্যায়
“বাতায়ন”	সাপ্তাহিক পত্রিকা
“প্রবাসী” (আষাঢ়, ১৩২৩)	মাসিক পত্রিকা
“বিচিত্রা” (অগ্রহায়ণ ’৪৩)

অম সংশোধন—সৌরীন্দ্রনাথ—“সৌরীন্দ্রমোহন” রূপে প’ড়তে হবে।

গান

(রাগিনী—বেহাগ, তাল—কাওয়ালী)

(১)

এ-সুখ বসন্তে সই, কেনলো এমন আগন-হারা—বিবশা আহা মরি!—
কুস্তল আলু-খালু এলায়ে কপোলো-পরি!
হাসে চন্দ্র ঘুমন্ত জ্যোছনা-হাসি, ঢালে মল্লিকা সুরভি রাশিরে—
বোলে পাপিয়া পিউ পিউ, কুঞ্জে কোয়েলা—
কুহু কুহু রবে কুঞ্জে কুঞ্জে।
যদি হাসে চাঁদ মধুর হাসিরে,
মলিন হেরি ও মুখশলীলো—
যদি গায় পাখী তবে কেন সখি, নীরবে রহিবি হায়!
আয় কুঞ্জে ফুটন্ত মাগতী তুলি',
গাঁথি মল্লিকা ছ'জনে মিলিয়ে, গানে গানে পোহাইব রজনী সজনীরে!

(২)

ছ'দিন আসিনি ছ'দিন দেখিনি
অমনি মুদিলি আঁখি,
অদিন হ'ল না ব'লে কি লগনে—
মনে মনে বুঝি দিলি ফাঁকি!

[প্রথমটি—অশ্রমতী নাটকের গান, দ্বিতীয়টি অসম্পূর্ণ]

শুধু ব্যক্তিগত অভিমত নয়, বাংলার বি দৈনিকগুলির অভিমতে শ্রেষ্ঠ ও অরণীয় পুস্তক—

শাখা-প্রশাখা—(১ম ও ২য় খণ্ড) ভাবী ও বর্তমান ঐমিক ও মা
জীবনের প্রকৃত রূপ—মূল্য ২।০ ও ৩।০

কথা কও—জীবন—কি জী, কি পুরুষের ভেঙে তচ্চ, হ'য়ে
কেন? মূল্য—৩

খোলা চিঠি—সৈনিক জীবনের একটি সত্য রোমাঞ্চকর কাহিনী
কাশ্মীর রণাঙ্গণের সজীব চিত্র—মূল্য ১।০

পুরাণো দশ বছরের ডায়েরী—সন্তানই জীবনের রূপ। তার
দায়ী সন্তান নয়—মাতাপিতা। প্রতিটি মাতা
অবশ্য পাঠিতব্য পুস্তক—মূল্য ১।০

অভিজ্ঞান—দেশমুক্তির সজীব চিত্র—মূল্য ৩

অন্তরালে—সামাজিক জীবনকে স্মৃতি রূপ দেওয়া যায় কোন প
স্বহ ও সবল জীবন যাপনের পাথের
সামাজিক জীবনে মূল্য কার কত বেশী? না?
পুরুষের? মূল্য ২

